


*image
not
available*





del Reg. Anonimo Ven. Onore a
Cantagallo.

Imprestato a me Riv. di infella
il di 14 Giugno 1800.
m

7.2.170

DE SANCTO MATRIMONII
SACRAMENTO

PRÆCIPUA DIVINI, ATQUE ECCLESIASTICI
JURIS SERVANDA
EXPONUNTUR

A D. DOMINICO LANZERINI
P R E S B Y T E R O ,

Sacrae Theologiae in Bononiensi Universitate
Publico Professore.



BONONIAE MDCCLXXIII.

Ex TYPOGRAPHIA LONGHI.
SUPERIORUM PERMISSU.

535

7.2170

AUCTORIS INTENTIO.



Anta est nostro Avo editorum de Morali Theologia Voluminum copia ad manus omnium, circumducta, ut (quemadmodum pra humilitate sapientissimus quidam Jurisperitus de suo opere dixit) Ego ipse pro rei veritate de hoc ex meis scriptis exciso Opusculo fateri tenear; nempe, nihil opus esse lucubratione mea; cum satis intelligam, non tantum mihi esse, vel auctoritatis, vel doctrina, ut me tot celebrimorum Virorum diligentiam imitaturum, nedum aliquid rectius, & prestabilius traditurum confidam; Tamen instituti mei rationes, si quis expendere, ut opinor, constabit illi, quam in his posui operam, multam omnibus ponendam esse, qui conscientia casibus enodandis adiungunt animum. Accademia enim nostra Bononiensis Excelsis Praesidibus placuit Praelectiones, quas in

Archigymnasio essem habiturus, omnes huic uni titulo inscribere me debere. Quibus, ut potui, paruisse videar Libellum hunc de Sancto Matrimonii Sacramento: non ejus Dogmata hic (quod alibi fecerim) in Disputationem revocans: sed leges, normamque adiens rite, sancteque illud ineundi, concinnavi; qui, cum spectabilem, usuique perutilem Theologia Moralis portionem referat, praestitam quoque amplissimis iis Excelsis Praesidibus obedientiam meam testetur. Et, si quid ex ipso utilitatis, ac commodi in quosdam derivare posset Typis evulgatione, hoc quidem, ut pronte consequerentur, curavi. Cujus gesti fructus mihi sit divini Sponsi propitiatio in ea media Nuptiarum caelestium nocte, qua ad me ipse veniet; ut bonorum operum oleo redundans tunc ardeat Lampas mea: Et, si quid in me tenebrarum, vel culpa fuerit, quod beunimis vitio meo futurum vereor, ejus dilecta Sponsa Sancta Matris Ecclesia praesidio tectus, Sacramentorumque praeiosis ab ea acceptis monilibus fulgens, intrem cum eo in easdem Divinas perpetuo mansurus Nuptiales delicias.

INDEX

INDEX

PARS PRIMA CAPUT PRIMUM.

DE SPONSALIIUM GENERICI NOTIONE.

- §. I. *Derivatio nominis Sponsalium, eorumque Definitio, & ejus per partes explicatio, idest de voluntate, libertate, ac veritate promissionis sponsalitia.* pag. 1
- §. II. *Promissio sponsalitia, vel absoluta, vel modalis, ac modorum multiplicitas.* 18
- §. III. *Objectum Sponsalium, & signa, quibus manifestantur.* 27

CAPUT SECUNDUM.

DE PERSONIS CONTRAHENTIBUS SPONSALIA.

- §. I. *Qua persona sint habiles ad inenda sponsalia, quarumque circumstantia attendende, ac solemnitates servanda.* 31
- §. II. *Sponsalium qui sint effectus, praesertim a juris dispositione produnics.* 44

CAPUT TERTIUM.

DE SPONSALIIUM DISSOLUTIONE.

- §. I. *Qua ipso Jure dissolvunt Sponsalia.* 50
- §. II. *Causae actionem dantes rescindendi Sponsalia.* 53

PARS SECUNDA CAPUT PRIMUM.

DE JURIBUS NATURALI, CIVILI, DIVINO, ET CANONICO DISPONENTIBUS CIRCA MATRIMONIUM VEL CONTRACTUM, VEL SACRAMENTUM.

 63

- §. I. *Matrimonii nomen ejusque derivatio, & definitio.* 64
- §. II. *Diversae opiniones de materia, & forma, ac Ministro Sacramenti Matrimonii.* 66
- §. III. *Praecligitur opinio statuens materiam, & formam legitimi contractus Matrimonialis esse etiam materiam, & formam Sacramenti, propterea ejus Ministri esse Contrahentes.* 69

CAPUT

CAPUT SECUNDUM.

DE PERSONIS HABILIBUS AD CELEBRANDUM MATRIMONII
SACRAMENTUM.

§. I. <i>Qua sint Jure Naturæ, quæ Civili, quæ demum Canonico.</i>	pag. 73
§. II. <i>Causa efficiens Matrimonii est consensus.</i>	75
§. III. <i>Proprietates hujusmodi consensus recensentur, quarum prima est veritas, omnem tum externam, tum internam simulationem excludens.</i>	76
§. IV. <i>Secunda est perseverantia ejusdem consensus, & quod simplex, quidque opcretur.</i>	80
§. V. <i>Tertia est manifestatio veri consensus per verba, aut signa.</i>	88
§. VI. <i>Quarta est libertas.</i>	90
§. VII. <i>Quinta, & sexta sunt contrahentium mutua, & simultanea exhibitio, & acceptatio consensus.</i>	91

CAPUT TERTIUM.

DE CONDITIONIBUS APPONIBILIBUS CONSENSUI
MATRIMONIALI.

§. I. <i>Conditionis definitio, ejusque in multiplices species divisio.</i>	92
§. II. <i>Quid operentur conditiones ad eam consenti Matrimoniali.</i>	94
§. III. <i>Quid operentur modi, & unde eorum discrimen a conditionibus.</i>	97

CAPUT QUARTUM.

DE IMPEDIMENTIS MATRIMONII.

§. I. <i>Impedientia olim erant septem, nunc verò numero minora, nempe quatuor, quibus, & aliud addi debet; quæ singula exponuntur.</i>	105	<i>De singulis singillatim agemus, & primo: De cognatione carnali,</i>	123
Votum simplex castitatis.	106	Affinitas.	128
Sponsalia.	109	Cognatio spiritualis.	131
Tempus Feriatum.	114	Publica honestas.	137
Ecclesiæ Votum.	ibid.	Cognatio legalis.	139
§. II. <i>De Impedimentis dirimentibus quædam communia, eorumque enumeratio.</i>	115	§. VII. <i>Crimen.</i>	141
§. III. <i>Error.</i>	115	§. VIII. <i>Cultus disparitas.</i>	145
§. IV. <i>Conditio.</i>	118	§. IX. <i>Vir, & metus Matrimonium dirimens.</i>	146
§. V. <i>Votum.</i>	119	§. X. <i>Ordo.</i>	149
§. VI. <i>Cognatio, quæ & quod simplex, & 22</i>		§. XI. <i>Ligamen.</i>	151
		§. XII. <i>Impotentia.</i>	152
		§. XIII. <i>Raptus.</i>	154
		§. XIV. <i>Defectus præsentia Parochi, & Testium.</i>	156

CAPUT

CAPUT QUINTUM.

DE DISPENSATIONIBUS MATRIMONIALIBUS. pag. 169

- §. I. Dispensationum descriptio, & qualitas, quas habere debent. 170
- §. II. Ab impedimentis mere impedientibus, quæ sint Juris Ecclesiastici, summus Pontifex pro Universo Orbe, & Episcopi pro suis Diæcesibus, quæ autem sunt Juris, vel naturæ, vel Divini, solus Romanus Pontifex dispensare valet. ibid.
- §. III. Ab impedimentis vero dirimentibus solus Romanus Pontifex dispensare potest, vel delegatus ab ipso. 171
- §. IV. Duo Tribunalia constituta a summo Pontifice pro Dispensationibus elargiendis, scilicet Dataria, & Pœnitentiaria, quorum uni commisit dispensationes ab impedimentis publicis, & alteri ab occultis, præsertim si illorum manifestatio fieri nequeat sine Oratorum infamia. Hinc leges a Nulla Innocentiana statuta-Tribunali Pœnitentiaria expendantur, ac modus servandus impetrandi ab ipsa dispensationes. 174
- §. V. Dispensationes in radice, quæ sint, & quare a solo supremo Principe concedantur. 187
- §. VI. Formula exequendi dispensationes a Pœnitentiariis obtenta. 189

CAPUT SEXTUM.

DE VALIDI MATRIMONII EFFECTIBUS, JURIBUS,
ATQUE ONERIBUS.

- §. I. Recensentur effectus. 190
- §. II. Similiter Jura, ac onera. 191

CAPUT SEPTIMUM.

DE DIVORTIIS.

- §. I. Legitimi, ac Rati Matrimonii vinculum dissolvi nequit, nisi a potestate dominante natura, aut divinum Jus constituit. 192
- §. II. Matrimonium occultè nullum a privatis conjugibus sine Ecclesie auctoritate dissolvi non debet; & quid, si dubitaverint conjuges de eorum Matrimonii valore? 195
- §. III. De eo, qui contraxit Matrimonium cum prudenti dubio de præsentente impedimento dirimente, quo ad debiti redditionem, ac petitionem in cujus solutionem addita **DISSERTATIO.** 197
- §. IV. Divortium quoad Thorum, & habitationem duplex, scilicet liberum & coactivum: causa præcipua coactivi recensentur. 218

PREFATIO

P R Æ F A T I O .



Um Christus Dominus Ecclesiam suam monilibus Gratiae ornatam voluit, quoscumque hominis status Sacramentis sanctificavit; Quapropter nascitur Homo, Baptismate illuminatur. Crescit, Confirmatione roboratur. Languescit, Eucharistico cibo reficitur. Gratiae naufragium perferit, secunda Pœnitentiæ tabula subvenitur. Viam universæ Carnis in proximo est, ut ingrediat, Sacro linitur Oleo pro Gratiae Viribus reparandis, ac roborandis, peccatorumque oneribus seponendis. Colendus est Deus, Sacramento secernuntur quidam Homines, quo sanctiores fiant in Sacrificiis peragendis. Ecclesia tandem Fidelium numero augenda est, Sacramento connubia sanctificantur; atque ita fit, ut nihil in Hominum diversis statibus, quod spectabile sit, egenisque Divino Præsidio, pro quo non sit peculiare Sacramentum institutum, illique Divina Clementia destinatum, hoc ipsum postulante Christi Domini dilectione in suam dilectam Sponsam Ecclesiam, ut Gratiae suæ canales, qui sunt Sacramenta, institueret, per quos eandem disfluentem ad quemlibet Hominis statum traduceret; secus quos in quarto sententiarum pro ingenii nostri tenuitate pereximus, de iis Fidei Dogmata ibi recensentes; nunc autem, quia ex iis unum est, nempe Sacramentum Matrimonii plurima habens necessaria scitu, ut valide, ac licite celebretur; hæcque proinde praxim respicientia, qua inquam parte hanc respicit, Leges, ac modum illius valide, & licite inveniendi asseremus, accedentes primitus ad ea, quæ solent eidem præmitti antequam celebretur, nempe Sponsalia.

PARS PRIMA

CAPUT PRIMUM.

DE SPONSALIIUM GENERICÆ NOTIONE.

§. I.

Derivatio nominis Sponsalium, eorumque Definitio, & ejus per partes explicatio; idest de voluntate, libertate, ac veritate promissionis Sponsalitia.

1.



I Nomen Sponsalium exponatur, quia a spondendo procedit, non aliud significat, quam stipuiari, & spondere sibi uxores, futuras; proinde ex eo venit, Sponsi, ac Sponsæ appellatio. *L. 2. §. ff. h. t. Qui* foeminam viro spondebant, dicebantur Sponsiores. Qui sibi eam stipulabatur, Sponsus, sicut & Sponsa, Mulier promissa dicebatur, ac dicitur. Adus vero quo hæc cæremonia gerebatur Sponsalia est appellatus. Verum quia latam, ac strictam habent

significationem sponsalia: Latam, inquam, dum significant stipulationem præsentem, seu Matrimonium ratum, & strictam, seu specificam, dum solam promissionem futuri Matrimonii denotant; Hinc de hac specifica sponsalium usurpatione prius dicemus, deinde de Matrimonio rato.

2. Describuntur itaque sponsalia, promissiones mutue futurarum nuptiarum. signo exterro expressæ. *Cap. nostrates 3. Can. 30. Quæst. 5. & L. 1. D. ver.*
3. Præstat, definitionem exponere. Dicuntur promissiones, ut distinguantur a mero proposito, a quo gravis obligatio non oritur, quia nullus sibi ipsi obligari velle censetur; nam supra suam voluntatem in se ipso alium non recognoscit dominum, cui ligari possit; Suam ergo voluntatem potest sine cuiusque injuria ac læso jure mutare; ergo propositum non parit obligationem; bene vero oritur ex promissione; quæ cum sequatur, vel rei promissæ naturam, vel promittentis animum: si gravis fuerit res promissa, obligationem gravem pariet; sicuti si animus promittentis fuerit de sibi gravi imponenda obligatione per oblatam promissionem. Cujus ratio est, quia promissio est ad alterum, qui voluntatem a promittente datam recipit; proinde fit legitimus possessor voluntatis promittentis, quæ gravis est, vel pro materiæ gravitate, vel pro animo promittentis; quocirca si promittens vellet retrahere promissionem, tentaret perturbare a iusta possessione datæ suæ voluntatis eum, qui illam & iuste recepit, & iuste detinet; hinc patet, quare propositum nullam

A

pariat

invalida decernuntur sponsalia ob metum extrinsecum injustè incussum innita, ex eo, quod naturale jus, non ultra requirat in sponsalibus pro eorum validitate, quam consensum voluntarium, & liberum, adhuc tamen jus naturale non abstulit potestatem, vel genti ipsi, vel legis conditoribus alia addere ipsismet sponsalibus, vel ab iis quædam remove pro eorum validitate; idque ob peculiare loci, temporis, ac personarum circumstantias postulantes hujusmodi moderationem. Quod tunc aliud non est, quam jus ipsum naturale circumstantiis jam dictis applicare; proinde ibi non corrigitur jus naturale, sed interpretatur; præsertim cum non præcipiat, ut semper, & quocunque eventu sponsalia cum metu innita valida habeantur, sed solummodo innuat, se solo spectato, valida haberi posse, non excludendo tamen de iis ulteriorem sanctionem Legislatoris. *Leg. Jus. Civ. 6. D. de Just. & Jur. & L. 4. D. de Stat. Homin.*

8. Diximus, sponsalia ex solo metu extrinseco injustè incusso decerni invalida a jure positivo, non autem, quæ ex aliis metibus sint innita. Quia cum pertineat ad Legislatorem sancire, ne fraus patrocinetur delinquenti, & ne commodum ex culpa habeat, qui peccat, in penam injustè incutientis metum, invalida decernit sponsalia taliter contracta. Est etiam intrinseca ratio Legislatorem movens, ad ea decernenda invalida; nam qui metu injustè incusso extorquet ab alio promissionem sponsalium, similis est Prædoni excutienti præcuniam a Viatore; atqui equum, justumque est Legislatorem decernere, quod Prædo nunquam fiat Dominus, nec legitimus possessor depredatæ præcuniz, licet naturali jure permetteretur; ergo equum pariterque justum est, quod Legislator decernat invalidam promissionem metu injustè incusso extorram in sponsalibus, ne extorquens fiat Dominus ac legitimus possessor alienæ voluntatis: etsi naturali jure fieri posset, & Dominus, & possessor. Quin imò dici posset quod omnium hominum consensus accessit, sique factum sit juxta Gentium, ne essent valida dicta sponsalia, ut quilibet sibi libertatem assereret in sponsalibus inneundis. Nimium enim cuilibet interesse debet in re tanti momenti, ut sunt sponsalia ad ea celebranda metu injusto non adigi. Cæterum, hoc uno excepto metu, jus positivum pro validis habet omnia sponsalia ex metu quocunque innita, sequens jus ipsum naturæ. Etenim reliqui metus videntur ab ipsamet natura procedere; propterea si iis non obstantibus jus naturæ habet valida sponsalia cum dictis metibus celebrata, non posset Legislator, ea sponsalia decernere nulla, quin directè, & positivè contradiceret juri naturæ; Sicque illud, qua parte est præceptivum, apertè corrigeret, quod esset absurdum juxta §. *Sed naturalia Inst. h. t. Cap. ult. de Consuetud.* Et quamvis, metus ab extrinseco justè incussus non videatur a natura procedere, scilicet a causa naturali necessaria, sed procedat a causa libera, atque ob id dicatur metus ab extrinseco; tamen quia justè est incussus,

cussus, ob quam rationem, etsi non descendat a causa naturali, & necessaria, quia tamen descendit ab ipso iure naturali, quod iusta præcipit; hinc aliis metibus quoad hunc effectum equiparatur, nempe, quod sponsalia non vitiet, sicut & reliqui, dempto semper metu ab extrinseco iniuste incusso.

9. Ut pollicita adimpleamus. Jus positivum cum *Card. de Luca lib. 14. part. 2. summa Tit. De Matrimonio, Sponsalibus, & Divortio: §. 2. n. 11.* nunc afferimus. Verba citati Juris periti referentes; *Ad eorum*, inquit ipse, nempe sponsalium validitatem, ac perfectionem, ultra illa liberi, ac legitimi consensus requisita, qua in quibuscunque contrahibus ac humanis actibus desiderantur, illud quoque ex peculiari Jure exigunt, ut inter contrahentes, (atatis secluso impedimento), aliud canonicum non viget, quod Matrimonium contrahi posse prohibeat; quoniam sicuti ipsum Matrimonium invalidum esset, ita fortius invalida sunt sponsalia, & §. 3. n. 20. de requisitis necessariis ad validitatem sponsalium, inquit: Libertatem quoque idem consensus, scilicet sponsalitus, habere debet, ac sinceritatem, ne dolo, vel metu, seu vi, a nolente extortus dici valeat, eodem modo, quo in altero spirituali Matrimonio per solemnem regularum Professionem contrahi solito, omnibusque aliis contrahibus statutum est. Preter dicta præstantissimi citati Juris Consulti habetur expressum in *Can. si verum §1. quæst. 2. & cap. 15. & 16. De Sponsalibus & Matrim.*
10. Etsi nobis, quæ dicta sunt, non probabilia sed certa moraliter videantur, non desunt tamen plurimi recentiores præsertim Canonistæ, inter quos *Picler lib. 4. Tit. 1. De Sponsalibus, & Mascari lib. 4. Tit. De Sponsalibus, & Matrimoniis*, in eorum Canonico evoluto Jure, quasi infinitam Auctoritatum seriem sibi ipsis consociam asserentes, qui affirmant, sponsalia ex metu iniuste incusso innita valida esse, nedum jure naturæ, sed etiam positivo jure, non improbante sed relincente in primo gradu validitatis habitæ a jure naturæ. Horum momenta sunt. Primò, inquit, naturali jure valent actus tali metu extorti, quia absolute sunt voluntarii, & liberi; Ergo valent etiam sponsalia per hujusmodi metum extorta, nisi ostendatur Jus positivum ea irritans; quod adversarii, ipsis dicentibus, hætenus frustra conati sunt ostendere. Secundò. Sponsalia ista non efficiunt Matrimonio, quia non obligant; neque sunt via ad Matrimonium metu, sed purgato metu, sponte innectendum; neque nocent parti metum passæ, sed potius profunt, quia in arbitrio ejus est, vel si deinde comoda appareant efficere ut pars metum incutiens teneatur illis stare: vel secus, ab iis recedere; Ergo non efficiunt Matrimonio, neque nocent parti metum passæ.
11. Hæc sunt præcipua, quæ a relictis Auctoribus in patrocinium Assertionis eorum referuntur. Videamus nunc quanti sint roboris; & quoad Primum, Et nos concedimus Primam partem illius momenti, videlicet, quod

quod actus ex metu injustè incusso elicitus supersint voluntarii, ac liberi, neque de ipsorum validitate dubium esset, si ea tota penderet a præceptivo naturali jure, videlicet excludente quæcumque positivam dispositionem, quam de iis facere tentasset Legislator quicumque, vel Deus, vel homo. At quoniam jus naturæ, licet non postulet pro ipsorum validitate, nisi quod sint voluntarii ac liberi, non tamen ademit potestatem, quæ est in Principe, vel Deo, vel Homine apponendi aliqua, vel alia excludendi, ob quæ actus prædicti nulli reddantur, ut ex relatis Juribus, quodque & ipsi prædicti Auctores farentur; propterea confugiunt ad provocandos oppositores suos, ut hoc positivum jus depredicatum prodant, ac manifestent.

12. Quod statim præstant: primò recolentes superius dicta præstantissimi Juris Consulti Cardinalis De Luca De Matrimonio summa §. 11. quæ genericè jus ipsum positivum jam expetitum assignant; secundo præmittentes jus Canonicum, ita affectisse sponsalia, ut nunc non possint haberi quasi relicta in simplici Jure naturali. Nam quæcumque sponsalia celebrata inter habentes Canonicum impedimentum juris positivi, vel prohibens, vel irritans Matrimonium, decreta sunt nulla a Jure Canonico; quod tum in *Trid. sess. 24. de Refor. Matrim.* confirmante præcedentia Juris Canonici capita, est manifestum, tum in pluribus Sacræ Congregationis Concilii Tridentini interpretis resolutionibus, præsertim in una Januen. 12. Decembris 1733. *Dubium propositum ibi fuit hoc.*

Julius Talavicinus, & Angela Maria Zoalia quarto consanguinitatis gradu conjuncti innierunt sponsalia Jurejurando etiam firmata sub spe, & conditione impetrandi Apostolicam dispensationem super impedimento gradus.

Conceptum dubium sub his verbis.

An sponsalia inter Argelam Mariam Zoaliam, & Julium Talavicinum innite sustineantur in Casu?

Responsum fuit ab Eminentissimis Patribus:

NEGATIVE, ET AMPLIUS:

Huic resolutioni conformis erat Brugnat. Sponsalium 26. Januarii 1709.

Tom. 9. part. 3. Fol. 60. Thesaur. Res.

Dubium erat an Sponsalia sustineantur, & respondit eadem

NEGATIVE

ut in Libris 59. decretorum Pag. 17. Hæcque in superiori resolutione citatur §. *Similis.*

13. Constat ergo, sponsalia pro eorum validitate non esse relicta in primo Jure naturæ, sed subesse moderationi juris positivi: & en quomodo statim languescat depredicatum momentum, quod sponsalia computari possint, & debeant quoad eorum validitatem inter actus metu injustè incusso elicitos jure naturæ validos.

14. Sed procedamus. Jus Canonicum præbet certam notam validitatis Sponsaliorum, quæ est, ut ex Sponsalibus validis, & absolutis omnibus oriatur publica honestas; Quapropter omnia ea Sponsalia, quæ absoluta sunt, & ex quibus Jus Canonicum, non vult quod oriatur, publica honestas, jam illa implicite decernit invalida, sed ex sponsalibus metu injustè incusso innitis Jus Canonicum non vult, ut oriatur publica honestas; quemadmodum fatentur, & ipsi Picler, & Mascari. Ergo Jus Canonicum non vult, ut valida sint sponsalia metu injustè incusso celebrata. Citatis Canonici Juris capitibus res confecta videtur, eorumque Postulationi completum. Capita autem Canonici Juris citanda, etsi perantiqua non sint, sunt tamen æqualis auctoritatis, ac roboris, eaque sunt quædam Sacre Congregationis Concilii Tridentini Resolutiones decernentes, nulla esse sponsalia metu injustè incusso innita; Inter quas Bononiensis, seu Parmensis. Sponsalium die 25. Septembris 1700. relata in Tomo 9. Tesauri earundem resolutionum elucet. Causa erat: *Marchio, Petrus Georgius Lampognanus Parmensis exoptans Matrimonium contrahere cum Comitissa Anna Maria Rosa de Pepulis Bononiensi: Hæc a Comite Giara de Pepulis ejus Fratre addita fuit ad sponsalia inneunda cum prædicto Lampognano, quæ per scripturam fuerunt stipulata; at ad supremum Tribunal Sacre hujus Congregationis appellans prædicta Anna, ostendensque justum metum illi incussum a Fratre, conceptum fuit dubium. An Constet de Sponsalibus.*

Et die dicta 25. Septembris 1700. Sac. Congregatio Concilii respondit:

NEGATIVE,

Et in lib. 50. Decret.

Plurimæ aliæ id ipsum declarantes citari possent, sed quæ uni, etiam aliarum est Auctoritas, quæ tanta est, ut inquit celeberrimus Prosper Fagnanus Lib. 1. Decretalium de Constitutionibus Cap. *Quoniam*, ut in nullo discrepet ab ea, quæ est in Decretis summorum Pontificum; nam Gregorius XIV. per Litteras in forma Brevis eidem Congregationi impertitus est auctoritatem scribendi nomine Papæ; proinde infert idem Fagnanus, manifestum videri declarationes Sacre Congregationis Concilii vim legis obtinere, & in utroque Foro obligare, & quidem quoad omnes: quod cumulatissimè probat, alios Juris Textus allegando n. 8. & sequent. ejusdem Capituli citati Fol. 131. Fagnanum sequitur Meratus Tom. 1. Part. 3. Tit. 12. Fol. 331. Colum. 2. appellans Declarationes, ac Decisiones Sacre Congregationis Concilii Sanctiones, quæ obligant in utroque Foro §. *Præfata*.

15. Accedere posset Auctoritas Benedicti XIV. sæpius in præclarissimis suis operibus vel de Synodo Diocesana, vel Notificationibus affirmantis supradictam Auctoritatem laudatis declarationibus concessam.

16. Quæ

16. Quæ, cum ita sint, apparet quoque ex eodem Trid., non oriri publicam honestatem ex sponsalibus metu iusto, sed injustè incusso celebratis; cum apertè decreverit, quod ex sponsalibus quacunque ratione invalidis publica non oriatur honestas.
17. Hæc erant Jura in apertum producenda a nobis contra Auctores contententes valida esse sponsalia metu injustè incusso innita. Non sunt tamen omittendi Auctores, qui scripserunt ante enuntiatis Sacræ Congregationis Tridentini Declarationes sine ulla hæsitacione affirmantes, nulla esse sponsalia metu injustè incusso celebrata: Primus fuit Joannes Azorius *Lib. 1. Institutionum Moralium cap. 9. §. septimo Quærit*. Secundus Thomas Tamburinus *Lib. 8. de Matrimonio Tract. 1. de Spons. Cap. 2. §. 2. n. 2*. Tertius Patrius Sporer *Theolo. Sacramen. P. 4. Cap. 1. Sect. 2. §. 4. n. 170*.
18. Secundum superest momentum discutiendum pluribus Capitibus constans; quorum primum est: quod sponsalia ista non efficiunt Matrimonium; adduntque ipsi rationem, *quia non obligant, neque sunt via ad Matrimonium metu, sed purgatio metu sponte inveniendum*. Verum hæc ratio prorsus falsa apparet; etenim quæ disputatio de validitate sponsaliorum institui potest, si ea non obligent? Nonne ipsorum obligatio est unicus validitatis effectus, quo non habito, bene arguitur de nullitate causæ? Nonne hoc ipsum conspicitur in contractibus omnibus? Qui nisi pariant obligationem, nulli habentur? Sponsalia itaque vel contractus non erunt, vel si contractus, dum valida sint, obligationem parient? miror, quod hæc dicant; etenim ipsi definientes Sponsalia in genere, esse promissionem veram voluntariam, deliberatam, ac mutuam &c. Et exponentes verbum illud *Promissionis*, ita illud ipsum vertunt = *Promissio scilicet inducens obligationem: Hinc Propositum, vel simplex tractatus de inveniundo Matrimonio absque promissione non sufficit*.
19. Per ipsos itaque promissio inducit obligationem, & per ipsos in sponsalibus ex metu injustè incusso factis promissio non inducit obligationem. Nonne hoc absurdum est? Ergo & absurdum, dicere, quod sponsalia tali metu facta, sint valida, & obligationem non pariant.
20. Hanc tamen contradictionem cavere arbitrantur dum, inquirunt, sponsalia ex metu facta non obligare, nec esse viam ad Matrimonium, quouque metus durat, at eo cessante equidem reviviscere, & statim obligare; proinde cum non sit de eodem tempore utraque Propositio contradictoria, nempe sponsalia obligant, sponsalia non obligant, verificari posse, ut uno tempore obligent, alio tempore non obligent. Sed nullum quoque est hoc effugium; quinimo impingunt turpiter in Leges Logicas. Etenim dum inquirunt purgato metu sponsalia obligare, a sponsalibus metum abigunt. Ergo non sunt sponsalia de quibus quæstio est, an obligent? Si inquam velint, ut eadem obligent, quia per ipsos promissio

missionem involvunt, cui promissioni essentialiter, adnexa est obligatio; Dicant, necesse est, sponsalia metu injuste incusso innita obligationem parere. Hoc enim tradiderunt de sponsalibus in genere Pichler: inquit loco supracitato: *Promissio, scilicet inducens obligationem: hinc propositum &c. & Mascat. Consensus sponsalitus debet esse verus: Nam sine animo se obligandi non est verus consensus.* Quando postea de sponsalibus metu injuste incusso factis agunt, manifeste dicunt, non obligare, neque esse viam ad Matrimonium, ut supra notatum est. Ergo velint nolint, coguntur, fateri dum dicunt, sponsalia metu injuste incusso innita non obligare, quod affirmant etiam, eadem obligare; cum inter sponsaliorum species eadem ex metu injuste incusso innita recenseant, quarum genus importat semper obligationem, quia includit promissionem; quæ si tolleretur tota sponsaliorum ratio corrueret.

21. Verum, hoc etiam neglecto, illis obest Juris axioma: *quod ab initio non subsistit, tractu temporis non firmatur.* Si itaque sponsalia metu prædicto innita non pariant obligationem, ut docent ipsi, quomodo tractu temporis, idest sublato metu, incipient obligare? Si inquam id possent, oporteret, ut ab initio saltem quoad essentiam subsisterent, etsi non quoad effectum. At de essentia ipsorum est obligatio, quia de eorum essentia est promissio, & de essentia promissionis est obligatio, quemadmodum fatentur & ipsi; Ergo ne quidem quoad essentiam ab initio subsistunt. Si autem non subsistant, quomodo tractu temporis firmari poterunt, ut obligationem inducant?

22. Quod porro dicunt, sponsalia metu injuste incusso facta valida quidem esse, sed non esse viam ad Matrimonium. Cum hic nomine viæ non aliud intelligi debeat quam præparatio ad Matrimonium contrahendum; Sunt enim sponsalia futurarum Nuptiarum promissio; nullius est momenti; nam quod aliud objectum haberent sponsalia, si futuras nuptias non haberent? Nonne contractus quilibet promissionem involvens de re aliqua emenda, aut vendenda, vel de alio quolibet faciendo, vel omitendo, est via, & preparatio ad ipsam venditionis, ac emptionis consumationem, vel alterius obligationis executionem præstandam? Sola verò sponsalia prædicto metu innita frustrari debent suo fine?

23. Sed, nam hæc obest Matrimonio, propius intueamur. Ea autem obesse, nimium sit manifestum; nam ita obest, ut ipsis perseverantibus, si contrahatur Matrimonium, nullum erit; cum nullum sit ex Trident, quodcumque Matrimonium simili metu innitum.

24. Neque dicat, nolle eos metum durare quo tempore Matrimonium contrahitur. Nam & nos dicemus, neque ipsa sponsalia, metu cessato, durare, aut quidquam influere in Matrimonium celebrandum; proindeque non vi ipsorum procedi ad celebrationem Matrimonii. Quod ipsi quoque tenentur dicere, ut omnem abigant a Matrimonio metum. Mascat *ibid.* 4. lit. 1. n. 15. in fine de Sponsal. & Matrim. Fol. 301.

29. Aliam adducunt rationem, quæ contendunt valida prædicta sponsalia, & est obligatio standi, & exequendi datam promissionem ab eo, qui injustè metum incussit, favore metum passi, qui si exigat ab incutiente metum, ut deveniat ad celebrationem matrimonii, metum incutiens teneatur, devenire. Hæc, inquirunt, obligatio est effectus illorum sponsaliorum, quæ ratio nobis videtur inepta ad stabiliendam prædictorum sponsaliorum validitatem; non negamus, hanc obligationem equidem oriri ex libera oblatione facta ab incutiente metum, favore metum passi, sed eam dicimus, non esse repetendam a validitate sponsaliorum prædictorum, sed solum a pura simplici promissione facta ab incutiente metum. Quemadmodum evenit in aliis similibus promissionibus repromissionem non obtinentibus, in quibus tantummodo remanet obligatus sponsor, sive spondens, non verò ille cui promissio exhibetur. At hujusmodi promissiones non esse sponsalia, sæpius est in Sacra Congregatione Concilii definitum, præsertim in Senogallien. Sponsalium 27. Septemb. 1738. *Ad primum Dubium ita conceptum: An constet de sponsalibus? Sac. Congreg. Respondit ad primum.*

NEGATIVE,

cujus ratio habetur in §. *Hæc itaque præmissa Regula: citatæ Resolutionis: Tom. 8. Part. 2. Fol. 147. Tesauri.*

26. Quod autem hæc obligatio a sponsalibus jam dictis oriri nequeat, ostenditur: etenim si a sponsalibus obligatio hæc pendere deberet, nedum a promissione incutientis metum, sed etiam a promissione metum passi; At a promissione metum passi non oritur, ut patet, & conceditur ab adversariis; ergo a promissione sponsalium non oritur. Sed si ab ipsis non oriatur, jam nulla est ratio adducta pro ipsorum validitate. Ergo frustra &c.
27. Neque iis quidquam prodest actio metum passi contra incutientem metum ad rescindenda sponsalia, qua inquam actione putant ipsi, posse eum, qui patitur metum se ab obligatione sponsalium facillime solvere; hocque veluti remedium indicant contra absurda, & incomoda, quæ sequerentur si sponsalia prædicta valerent; videlicet quod metum passus teneretur, devenire ad celebrationem Matrimonii metu sponsaliorum durante, sed & hoc excogitatum remedium deterius foret malo, quod curare deberet.
28. Quod antequam ostendatur, advertimus, hypothesein esse impossibilem; quemadmodum supra ostendimus. Nam si sponsalia metu injuste incusso innita sint nulla, non est opus remedio actionis contra incutientem metum, quia non eris nullæ affectiones, nullaque contra ipsum remedia.
29. At data impossibili hypothesei, scilicet, quod sponsalia metu injuste incusso valida essent, sufficeret ne indicatum ab ipsis remedium pro ex-

clu-

cludendo metu, ne unquam Matrimonium, cuius essent sponsalia, afficeret? non equidem; etenim dari posset, quod metum passus coram Iudice probare nequirit, se fuisse metu ad actum ad sponsalia ineunda defectum v. g. Testium, vel nequitia Iudicis probationes reppellentis; tunc enim hic miser vi præcedentium sponsalium, urgente Iudice, teneretur Matrimonium contrahere. Esset ne hoc Matrimonium metu solutum? quæ libertas in hoc Matrimonio? ea ne, quæ a Concilio requiritur? Sed hæc dimittamus; & secundam causam, ob quam sponsalia non essent libera expendamus, quæ est error.

30. Nihil enim magis consensui opponitur quam error. Error autem in contractibus, nullum reddens contractum quemlibet triplex est. Primus est error circa substantiam contractus. Secundus est circa substantiam rei contractatæ. Tertius denique est circa qualitatem rei contractatæ assumptam per modum substantiæ.

31. De erroribus aliarum qualitatum non præstat dicere, quia non vitiant contractum, sed vitiantur ab ipso.

32. Ponamus exempla horum trium errorum in ipsismet sponsalibus. Putat Titius per promissionem futurarum nuptiarum, se de præsentì contrahere Matrimonium. Errat, ut omnibus patet, & hic error versatur circa substantiam contractus; Nam Matrimonium substantia diversum est a sponsalibus; & en exemplum erroris circa substantiam contractus. Sponsalia contrahit idem Titius cum Seja, quam putat esse Semproniam: en quod error cadit supra substantiam rei contractatæ, idest personæ. Tandem Titius ipse contrahit sponsalia cum eadem Seja putans, esse nobilem, vel divitem, vel ex tali Familia; quas qualitates ita est contemplatus, ut nullo modo si abessent, sponsalia inniret. Si his qualitatibus careat Seja, erravit Titius, & quidem in re, seu qualitate, quam per modum substantiæ assumpserat, dum ad sponsalia ineunda processit. Omnes tres isti errores invalida reddunt sponsalia, quia omnes prorsus contractus in quibus interveniunt, nullos reddunt.

33. De spontaneitate, ac libertate sponsaliorum divimus, superest, ut dicamus de veritate. Promissio inquam sponsaliorum debet esse vera, idest, quod animus promittentis verbis promissionis respondeat. Si verò non respondeat, promissio ficta dicitur.

34. Plures excitari solent de ficta promissione quæstiones, quarum aliquæ versantur circa naturam fictæ promissionis, & aliæ circa effectus ab ea promissione provenientes. Quatuor solent indicari promissiones, quæ fictæ vocantur.

Prima est promissio sine animo promittendi.

Secunda est promissio cum animo quidem promittendi, sed non se obligandi.

Tertia est promissio animo promittendi, & se obligandi, sed non adimplendi.

Quar-

Quarta est promissio præscindens ab animo promittendi, se obligandi, & adimplendi.

Ex his quattuor speciebus promissionum, quæ factæ dicuntur, quæritur quænam verè facta dici possit, & an omnes.

35. Quoad primam dicimus, eum, qui promittit sine animo promittendi, revera fingere; nam aliud ore profert, aliud tenet in corde, neque opus est, ut pluribus verbis declaratur.

36. Qui, inquam, ita promittit, revera factè promittit.

37. Quoad secundam, qui promittit cum animo promittendi, sed non se obligandi, vel advertit, ad essentiam promissionis pertinere obligationem vel non. Si primum & revera excludat animum se obligandi, æquiparatur promittenti sine animo promittendi; proinde & hæc promissio prorsus facta erit. Si non præviderit, ad essentiam promissionis pertinere obligationem, & tamen sincero animo voluerit promissionem, jam promissio non facta erit, sed vera, cum non amplius in ejus potestate sit excludere essentialia promissionis, quam verè voluit; propterea, quoad hanc secundam partem non est facta promissio.

38. Quoad tertiam, qui promittit cum animo promittendi, & se obligandi, sed non adimplendi, hic non factè promittit, sed vere; etenim vera promissio non aliud postulat, nisi animum in promittente imponendi sibi vinculum, & obligationem præstandi promissa; non verò exigit paratum animum exequendi promissa; hic enim posterior animus extraneus est obligationi promissionis; propterea vel sit, vel absit incorrupta manet promissionis essentia; Ergo cum hoc animo non viciatur, nec facta dici potest.

39. Quoad quartam, qui promittit præscindens ab animo promittendi, se obligandi, & adimplendi, hic vel psitacus est, vel homo; non primus ergo homo, sed si homo, atque humanum gerens morem non potest taliter promittere; etenim promittere præscindendo ab animo promittendi idem est, ac loqui præscindendo a verborum significatione, at qui ita loqueretur, non homo esset humano modo loquens, quia uteretur verbis non ob significationem, quam habent, a qua præscinderet, sed, ut vocibus garitui avium similibus: & revera, si quæratur, an sit possibile, quod quis promittens præscindat ab animo promittendi, respondere oportebit, omnino esse impossibile, quia illud præscindi nequit a re, si illud ipsum ad essentiam rei pertineat; sicut ab Homine præscindi nequit rationalitas, quoties Homo ipse considerari debeat; ergo idem dicendum de promittente præscindente ab animo promittendi. Alias res bene perpena resolvetur in primam speciem, videlicet illius, qui promittit sine animo promittendi. His præmissis dicimus, in sponsalibus intercedere posse factam promissionem, scilicet primæ speciei, & etiam secundæ quoad eam partem, qua facta est,

40. Pri-

40. Primam assertionem demonstramus exemplo: Sempronius promittit Bertæ, eam ducturum in Matrimonium, idque externè, sine animo promittendi, vel se obligandi. Hujus animum non animadvertit Berta, propterea repromittit Sempronio ipsi nupturam.
- Ficta est promissio Semproni; proinde nulla, hæcque cum repromissione Bertæ non coalescit in sponsalia: Quare ficta? quia aliud ore profert Sempronius, aliud habet in corde; nam in corde habet determinationem vel non promittendi, vel non se obligandi, & ore profert verba significantia, & promissionem, & obligationem. Ergo fingit, & mentitur; estque propterea dicta promissio ficta.
41. Ex quo est ficta, quaeritur an valeat, & quam obligationem pariat.
42. Resp. ipsam nihil valere; cum essentia cujusvis contractus non subsistat absque vero consensu interno. *Ex cap. 26. hoc t. Leg. 2. D. de Ritu Nupt.*, & *Cap. Fin. de prob.* in quo habetur: *quod alius agentium non operantur ultra voluntatem eorum.*
43. Si autem nihil valeat ficta promissio, nullam parere poterit obligationem; vi ergo similis promissionis non tenebitur promittens, ultra procedere ad Matrimonii celebrationem.
44. Si autem in aliqua hypotesi, qui ita promissit, coactus fuerit, vel cogatur ad Matrimonium inneundum, ex eo tantum procedet, quod ipse probare non potuerit simulationem promissionis, non vero, ex eo quod promissio prædicta fuerit valida, & obligatoria. Nam si eam probaret, allegata superius jura illi faverent. Defectu vero probationis illi semper obstabant disposita in *Leg. 7. §. 2. D. de Supel. Leg.*
45. Verum tamen est, cum graviter peccare, qui ita promittit, & peccato mendacii, & peccato injustitiæ, peccato mendacii, quia veritas, quæ simulatur, est de re gravi, & peccato injustitiæ, quia lædit graviter jus alterius repromittentis. Etenim qui exhibet tibi suam promissionem, quæ est quid grave, jus habet consequendi a te promissionem similiter gravem; Ergo si eam dare simules, jam cum in re gravi decipis, & quamvis vel nulla sint secutura damna repromittenti, vel repromittens prævideatur non admodum curaturus adimplementum præfatæ fictæ promissionis, sibi tamen quoad fictionem ignota, ut dici possit vel leve, vel nullum esse peccatum in eo qui promissis non stetit, adhuc dicimus eum graviter peccare etiam sub dictis prævisionibus, qui fictè promittit; quia promissio hæc scilicet sponsaliorum est de re natura ita gravi, quæ sicut dat jus strictum, & grave uni ex contrahentibus cogendi alium ad celebrationem Matrimonii, ita idem jus dat alteri, licet hic alius parum curet de tali jure; propterea semper verum est, quod fictè promittens lædit jus grave repromittentis; quod jus grave venit a natura sponsalium, non verò ab arbitrio alterutrius ex contrahentibus. Propterea discrimen apparet inter hoc jus ex natura sponsalium

Hum oriens, & obligationem procedendi ad celebrationem Matrimonii. Nam procedere, ad celebrationem Matrimonii suppositis sponsalibus innititur est effectus liberę voluntatis alterutrius ex contrahentibus, libe- & inquam instantis pro executione promissionis obtentę in sponsalibus; quę si pręvideatur non curari ab alia parte, vel nullo modo peccatur, vel leviter tantum ab eo, qui graviter non requisitus, non procedit ultra ad celebrationem Matrimonii; cum secuta quasi videatur saltem implicitę remissio obligationis contractę in sponsalibus pręcedentibus. At in jure superius dicto hæc contingere nequeunt, quia a natura sponsalium, non a libera contrahentium voluntate descendit; atque hinc variz nascuntur obligationes; quantum prima est, quod si te promittere teneatur sub gravi removere fictionem, idest internum animum reddere conformem externę promissioni, quę obligatio semper urget post factam promissionem. Nam quoties differtur, semper injuste detinetur vera repromissio alterius, & non datur jus repromittenti, quod est pretium solutę repromissionis.

46. Si autem nolit removere fictionem, verum equidem est, quod non tenebitur procedere vi simulatę promissionis ad Matrimonium inneundum; tenebitur tamen omnia damna rescicere obventa, & forte obventura parti, quia sicuti injuste detinens rem alienam, ex qua retentione damna obveniant domino rei, tenetur hic, & rem restituere, & damna omnia rescicere, ita qui si te promisit, cum receperit veram promissionem ab alio repromittente, eam injuste detinet, quousque eandem non conjungit cum sua, quę & ipsa vera sit; hinc fit, ut damna, quę sequuntur repromittenti ob hanc injustam detentionem repromissionis, simili modo, ut ille superius dictus, teneatur, & repromissionem remittere promittenti, & damna omnia eidem rescicere a die habitę repromissionis usque ad diem relaxatę dictę repromissionis secuta; Quod si post relaxatam repromissionem damna sequantur repromittenti, eo quia ipse repromittens contenderit non retrohabere suam promissionem, sed consequi loco si te promissionis veram promissionem ab eo, qui prius si te promisit, tunc ea damna rescicere non tenebitur in foro conscientię, qui si te promisit. Et ratio est, quia non tenetur ratione si te promissionis, cum ipsa nulla fuerit, & nullam perpererit obligationem: non ratione injustę detentionis repromissionis, quam supponimus remisisse; ergo nulla radix in eo conspicitur obligans ad reparanda damna. Nam ea, quę sequuntur post relaxatam repromissionem, ea omnia proveniunt a libera voluntate repromittentis contententis contra promittentem, ut removeat fictionem; propterea tunc factus est certior, se nihil obtinuisse ab eo, qui si te promisit; proindeque quęcumque damna, quę sequuntur post hanc notitiam, obveniunt illi culpa sua, & sui arbitrio, quia ea tunc cavere potest, si velit. Et patet remissum fuisse in

in integrum jus repromittentis a fide promittente, dum illi restituit suam promissionem, declarando se fide promississe: Si autem alia sint damna secuta, non tanquam a causa, sed occasione tantummodo prædictæ promissionis fide, sicuti est copula obventa intuitu sponsaliorum, quæ non est effectus fide promissionis; nam etiam si vera fuisset promissio, non induceret natura sua ad copulam habendam, sed solum ad Matrimonium, minus postea fide, cum nullius sit roboris, & ad nihil inducat; proinde copula quæ subsequitur dici nequit effectus fide promissionis, sed tantummodo dici potest, fidem promissionem fuisse occasionem, qua facilius copula obtineretur; v. g. Titius promissit Bertæ Matrimonium futurum, sed fide, atque inde petiit ab ea copiam sui corporis, quam obtinuit præcise intuitu datæ promissionis, & ob id venerunt damna Bertæ. Hæc inquam damna non recognoscunt pro causa fidem promissionem, quam neque copula illa pro causa recognoscit: Ergo non vi promissionis fide damna illa sunt resarcienda. Propterea illa metiri non poterunt secundum Leges promissionis pro reparatione facienda, sed tantummodo juxta exigentiam extortæ copulæ, tantummodo consideranda, præciscendo a quacunque præcedente vera, vel fide promissione.

47. Quæ hæcenus diximus in abstracto, concretè applicari debent ad peculiare casus. Et primò dicimus eum, qui fide promissit puellæ, cui damnum hoc obventum est, ut nulli amplius nubere poterit ejusdem conditionis, ac gradus, quo fuisset ille, qui fide promissit, dicimus inquam, hunc teneri eam ducere; cum alia tunc non sit via, reparandi illatum damnum. Si autem alia via foret, nempe per augmentum Dotis, vel alio modo, liberum esset eidem, qui fide promissit, vel eam ducendi, vel Dotem præstandi. *Leg. Sæpe 53. D. de V. S.*
48. Secundo dicimus eum, qui intuitu promissionis fide obtinuit copulam, & damna sint puellæ secuta, teneri ea resarcire non secundum Leges promissionis, quæ nulla fuit, sed secundum Leges illati stupri, ut non ultra teneatur, quam ille, qui stuprum cum eadem Berta commississet absque ulla præcedenti promissione; quia sicuti promissio non influxit in stuprum, ita neque influxit in damna secuta ex stupro, vel Fornicatione. Quam Doctrinam mirifice S. Antoninus *Part. 2. T. 5. Cap. 6. de Stupro Fol. mihi 683. Lett. C. Colum. 1.* confirmat, inquit: *Si autem seduxit, (nempe deflorator,) puta promissionibus, & mendaciis, non videtur fuisse voluntaria, (idest Puella stuprata,) invitam ergo, & seductam, si constupravit; injungendum est sibi, quod satisfaciat ad arbitrium boni viri, vel cum ea componat.* Patet ergo ex hac auctoritate, quod promissiones mendaces nullam inducant obligationem; Nam si aliquam inducerent, non esset locus arbitrio boni viri, cum ipse satis de se determinarent, ad quid teneretur fide promittens. Locus itaque arbitrio boni viri

vir tantummodo est, dum per æquitatem stabiliendum sit quid rescire debeat, & quantum, qui damna intulit, ita, ut munus sit boni viri, gravitatem damnorum metiri, eisque correspondentem statuere compensationem. Quod profecto facere non potest, si pacta præcesserint, rem ex. gr. & pretium determinantia: quemadmodum foret in casu puellæ dantis copiam sui corporis, sub pacto obtinendi Matrimonium, illi, qui fidele Matrimonium promississet. Si ergo ex S. Antonino eo in casu relinquatur arbitrio boni viri statuere, quid puellæ sit præstandum pro reintegratione illati stupri; jam patet, eundem sanctum Doctorem fateri promissiones fictas præcedentes nullam inducere obligationem; & revera clarius se manifestat, dum eas a veris secernit; ponit enim infra casum, quo quis verè promittat sponsalia, subque hac promissione extorqueat copulam, & inquit: *Et si promississet eam ducere in uxorem, ut copulam ab ea extorqueret, servet promissum?* Quare autem velit, quod servet promissum; nisi quia vere intercessit promissio, ad quam servandam tenebatur etiam non obtenta copula; proinde obligatio, eam ducendi primum venit determinate a promissione, secundo indeterminate a copula, quia copula de se non exigebat, nisi refectionem damnorum, quæ ab ipsa oriri possent; dixi indeterminate, quia præ istis rescarciendis daretur locus arbitrio boni viri; quapropter si promittens simul, & deflorans sub spe Matrimonii defloratam ducat, unica actione, & complet promissionem, & rescit damna, quæ quanta esse possint, majorem Matrimonio exigere nequeunt compensationem. Neque valet, quod pro viribus rueri conatur Picler, dum inquit inter fidele promittentem sponsalia, & puellam exhibentem copiam sui corporis eadem, intuitu Matrimonii futuri intercedere contractum innominatum, de nempe ex parte puellæ copiam mei corporis, pacto ut me ducas in Matrimonium, qui acceptando copulam, si non expresse, saltem tacite repromittit, vel saltem repromittere teneretur. Propterea hoc casu teneri prædictum fidele promittentem obtenta copula procedere ad celebrationem Matrimonii. Neque inquam valet hujusmodi ratio deducta ex hoc innominato contractu; Nam etiam in hoc intercedere potest fictio, cum recipiens copulam exhibitam a Puella sub pacto futuri Matrimonii, possit quidem illam acceptare excludendo animum præstandi, quod inde ex pacto postulavit Puella. Quapropter etiam in hoc contractu *do, ut facias* fictio intercedere potest, ut de se liquet. Si autem fictio intercedere possit, jam quæ dicta sunt de ista promissione sponsalium, dici etiam possunt de hoc contractu innominato: *do ut facias* præsertim cum hic contractus more aliorum essentialiter non involvat verum utriusque contrahentis animum ex sola verborum, vel signorum manifestatione.

49. Quod si requiratur a fidele promittente, quod debeat removere fi-

ficio-

tionem, & vere repromittere, id & nos concedimus, & diximus supra, dum facti sumus, cum peccare graviter, tunc primo in fictione ponenda, tunc etiam semper quousque dissentit remove fictionem, hocque propter rationem ibi positam. Sed hoc non effecit, quod verus contractus extiterit ille do, ut factus si illi defecerit consensus fidei promittentis; proinde nisi aliunde probet, teneri hinc ad eam ducendam, precise ex enunciato contractum deduci nequit. Quinimo satis non esse dissolutionem sub spe Matrimonii a Virgine obtentam pro inducenda vel validitate sponsalium, vel obligatione procedendi ad futurum Matrimonium, quocunque animo vel serio, vel fidei obtenta sit, definitum est in Ventimilien. sponsalium 2. Maii 1722. Tom. 2. *Theaur.* Fol. 163. sub hoc dubio: *An Thomas teneatur ducere in Uxorem Luisettam, vel potius judicandus sit liber ad contrahendum cum alia muliere Matrimonium in casu?*

Respondetur (*NEGATIVE* quoad primam partem,
(*AFFIRMATIVE* quoad secundam partem.

Atque per hanc resolutionem prorsus sublatæ sunt Auctorum præcedentium opiniones, de hac re.

50. De promissionibus fidei tertio, & quarto modo supra indicatis nihil dicendum occurrit, quia istæ, etsi dicantur fidei quoad vocem, sunt tamen quoad rem veræ, ut in iis exponendis ostendimus; proinde quidquid de veris prædicatur quoad obligationem; de istis etiam dicendum erit; superest ergo, ut in explicatione definitionis sponsaliorum procedamus.

51. Debet itaque esse promissio sponsalium spontanea, & libera, & vera, ut nuper diximus, debet quoque esse mutua, seu reciproca, idest consensus ab utraque parte datus, & mutuo acceptatus, cum utramque partem obligare debeat ad innexas nuptias. *leg. 1. D. h. T., & Julian: leg. 11. eodemq; T. Sponsalia sicut nuptia consensu contrahentium fiunt.* Sicuti ergo nuptiæ, ut valeant, requirunt ex utraque parte consensum datum, & mutuo acceptatum, ita ex allegata juris dispositione id ipsum requirunt sponsalia. Et expresse est decisum in una Sacre Congregationis Tridentini resolutione. Pisaurum. Sponsalium 10. Junii 1750. *cujus dubium est: An Sponsalia de quibus agitur, sint exequenda in casu &c.*

Respondetur *NEGATIVE, ET AMPLIUS.*

Tom. 14. Theauri Fol. 122., & Fol. 119.

52. Si autem promissio ab una parte fiat, & etiam ab altera acceptetur, sed sine repromissione futuri Matrimonii, hæc in sponsalia non transit, sed superest, liberale, & gratuitum pactum obligans solum promittentem, ut procedat ad Matrimonium celebrandum. An vero vi dicte promissionis graviter, vel leviter se obliget promittens, hoc colligendum est ab ejus animo; nam licet materia promissa qualis est futurum

rum Matrimonium, res de se gravis sit, quia tamen promittens nullum acquirit jus contra acceptantem, sicque promissio ejus omnino liberalis superfit, atque gratuita, non aliam Legem obligationis habet, nisi quam recepit ab animo promittentis; fieri tamen potest, quod promittens, quamvis non habuerit animum graviter se obligandi, teneatur sub gravi procedere ad Matrimonium promissum; quod evenire poterit ex damnis illatis promissariz, quatenus illa fidens habitz promissioni renunciaverit alteri Marito sibi oblato.

Quod si promissio hujusmodi non fuerit ne quidem acceptata ab altera parte, tunc promittens ad nihil tenebitur, eo quia oblata promissio quousque non acceptata, tota remanet apud promittentem: quemadmodum legatum alicui factum, quousque non acceptetur, hereditari conjunctum superest: *Leg. Legatum 37. D. Infortz. de legatis.*

§3. Diximus requiri repromissionem; & non sufficere meram acceptationem, quæ & ipsa sit expressa sicuti promissio; quamvis non defuerint plurimi, qui vel implicitam, vel tacitam sufficere arbitrati sunt pro validitate sponsalium: quam implicitam, & tacitam dixerunt consistere in virtuali repromissione contenta in ipsamet acceptatione, ut Enriquez, & Pontas.

Verum his opponitur *Lex 1. D. h. T.* in qua sponsalia dicuntur: *Mentio; & Repromissio futurarum nuptiarum.* Et superius proximè relata sacre Congregationis Tridentini resolutio. Nam si mentio expressa esse debeat, eadem ratione expressa esse debet & ipsa repromissio. Et revera cum sponsalia sint contractus onerosus, & quidem pariens gravem obligationem ex utraque parte, censeri nequit aliquem se velle obligare, nisi expresse se manifestet; cum juris axioma sit, quod in odiosis, *qui tacet consentire non videatur*, & in onerosis, *qui tacet nec consentire, nec dissentire videatur.* Ergo nisi accedat expressa repromissio, non posset constare de validitate sponsalium primo promittenti.

§4. Accedit, quod Ecclesia pro validis ea non habeat sponsalia, quibus deficit repromissio, cum ex iis non definiat, nec velit oriri publicam honestatem, eadem supra citata resolutio.

§5. An verò esse possint circumstantiæ, in quibus sola acceptatio manifestata reduci possit etiam ad repromissionem videbimus agentes de verbis, ac signis, quibus sponsalia contrahi possunt.

§. II.

Promissio sponsalitia vel absoluta, vel modalis, ac modorum multiplicitas.

1. **E**Xposita promissione sponsaliorum prout reciproca, superest de speciebus ejusdem dicere.
Potest enim sponsalitia promissio esse vel absoluta, vel modalis.
2. Promissio absoluta ea est, quæ liberè exhibet promissario jus ad objectum promissum.
3. Modalis est, quæ exhibet non libere, sed certo modo idem jus promissario ad objectum promissum. Exemplis utraque promissio illustratur.
Promittit Titius Matrimonium futurum Bertæ, & ita liberè promittit, ut suam promissionem nolit pendere a quoquam extraneo essentialium dictæ promissionis. Hic dicitur absolutè promittere, ejusque obligatio incipit statim urgere ad Matrimonium inneundum. Idipsum dicatur, de repromissione absoluta. Atque ex his veniunt sponsalia absoluta, a quibus tantummodo oritur publica honestas, ut ex Cap. unico de Sponsalibus in sexto: Ubi legitur: *Ex sponsalibus puris, & certis... oritur efficax ad impediendum, & dirimendum sequentia sponsalia, vel Matrimonia, non autem ad præcedentia dissolvendum, impedimentum justitiæ publicæ honestatis.*
Quæ decretalis licet fuerit correctæ a Trid. sess. 24. cap. 3. de Reform. quoad eam partem, quæ decernebatur ex sponsalibus etiam invalidis, dummodo non ex defectu consensus, oriri publicam honestatem, & quoad extensionem ejusdem impedimenti, usque ad quartum gradum; non fuit tamen correctæ quoad eam partem, quæ statuitur sponsalia esse oportere absoluta, ut pariant prædictum honestatis impedimentum. Trid. Caput recolatur; & en exemplum promissionis absolutæ.
Exemplum modalis sit: Sempronius promittit futuras Nuptias Ceciliæ, vel sub conditione, si fuerit nobilis, vel, ut perat consensum a Genitoribus, vel ad diem, idest promittit futuras nuptias usque ad diem talem, quo elapso, & non celebrato Matrimonio ob defectum alterius partis promissariæ, vult ulterius non teneri.
4. Ex hoc exemplo plures noscuntur modi, quibus sponsalitia promissio affici potest.
5. Primus est conditio, secundus est modus, tertius est dies.
Conditio multiplex est, & primo aliæ est de præterito, aliæ de presenti, aliæ de futuro. Conditiones de præterito, & de presenti appositæ in promissione, licet eam efficiant modalem, quia tamen tempore promissionis, debent esse purificatæ, non suspendunt plenariam obligationem sponsaliorum; proinde sponsalia his promissionibus confecta ab absolutis non distin-

tinguntur, tum quoad obligationem, tum quoad alios juris positivi effectus producendos, nempe publicæ honestatis. Et si videantur dictæ conditiones suspensionem effectuum inducere, revera non inducunt, sed tantummodo exigunt, ut de ipsis requiratur; an revera tempore celebrationum sponsalium fuerint ne purificatæ, vel non? Nam si fuerint purificatæ, ut diximus, valida, & absoluta fuerunt sponsalia, si non, jam eo ipso tempore nulla exitere. Sicque dilatio temporis, quæ admittitur in executione hujusmodi sponsalium, procedit tantummodo ex eo quod non cognoscebantur purificatæ dictæ conditiones, non autem, quia suspensa maneret eotundem sponsalium obligatio.

Conditiones porro de futuro ex sunt, quæ suspendunt validitatem sponsaliorum; quæ appositæ non aliud præstant, nisi obligationem in spondentibus vel expectandi purificationem ipsarum, vel etiam obligationem curandi, ut purificentur, si earum purificatio pendeat ab arbitrio alterutrius ex contrahentibus.

Sicuti conditiones multiplices sunt secundum diversas temporis circumstantias, ut vidimus, ita & multiplices sunt secundum materiam, circa quam versantur. Nam aliæ possunt esse de materia impossibili, possibili, contingenti, aliæ de materia turpi, honesta, aut indifferenti. Propterea aliæ dicuntur impossibiles, aliæ possibiles, aliæ contingentes, aliæ turpes, aliæ honestæ, & aliæ demum indifferentes. Et si videatur res longa de omnibus dicere, tamen ea brevitate, qua possumus, de singulis opportuna notabimus.

6. Quamvis dubitari nequeat, quin apponi possit conditio de futuro sponsalibus, sicuti apponi potest aliis contractibus, tamen si ea sit de re impossibili, dubitant Auctores, an statim ab ea vitentur sponsalia, ita ut statim nulla sint, & nullam pariant obligationem; quod rationi consonum nobis videtur est, sponsalia nullatenus valere, si impossibilitas materiz, de qua conditio apposita est, innotescat apponenti ipsam conditionem. Quia qui deprehendit conditionem esse impossibilem, & nihilominus eam apponit promissioni suæ, jam ligat suum consensum eidem impossibili conditioni. Igitur quoad effectum perinde est, ac si fidei promitteret, quia certus esset nunquam purificandam esse appositam conditionem, a cujus sola purificatione voluit suæ promissionis obligationem oriri posse. Neque opponatur Matrimonium valet, etsi similes conditiones apponantur eidem; nam de Matrimonio dispositum est in jure *Cap. Fin. de Conditionibus apposis*, quod tanquam non adjectæ ipsæ habeantur: proinde valet Matrimonium cum harum appositione celebratum. Sponsalia autem, quia in hac parte sunt relicta dispositionis juris naturalis, ac civilis, cum ejusdem conditionis impossibilis appositione celebrata nulla sunt, sicuti irriti sunt quicunque actus, atque contractus quibus adnectitur conditio impossibilis.

7. Quare postea Sacramentum Matrimonii exceptum fuerit a jure, ne dictis conditionibus vitaretur, id in bonum Sacramenti consilium est, quia non debet presumi, quod animo irrisorio, ac dolo ad illud celebrandum accedant contrahentes; quemadmodum foret, si consilii de impossibilitate conditionis, eandem Matrimonio apponerent. Ex quo infertur, quod si apponat aliquis conditionem impossibilem, non tamen impossibilem cognitam, sed habitam verè ut possibilem, tunc valeant sponsalia, atque ipsa habeatur tanquam non apposita. Etenim qui init sponsalia cum appositione conditionis sibi vitæ possibilis, sed a parte rei, & natura impossibilis, hic sincero animo promittit, quin imò hic non habet animum alligandi suum consensum nisi conditioni possibili; etenim si alium haberet animum, non amplius sincere promitteret, sed irrisorie, quemadmodum supra vidimus; ergo ne dicatur irrisorie promittere, dicendum est, quod habeat animum, cognita impossibilitate conditionis appositæ, ab ea divellendi suum consensum, eumque ut executionis possibilem relinquendi; sed relinqui nequit ut executione possibilis, & realis talis consensus, nisi supersit validus independenter ab ipsa; ergo a conditione impossibili, sed habita ut possibili, non vitiantur sponsalia, sed conditio ipsa ut non apposita habeatur ex præsumpta voluntate promittentis.
8. Quæ diximus de conditione a parte rei impossibili, sed cognita, aut habita ut possibili ab apponente, procedunt solummodo de conditione absolute impossibili, id est quæ talis sit, ut nulla hominum facultate purificari possit. Nam si, licet difficillimè, purificari tamen possit potestate hominum, erit tunc conditio respectivè impossibilis, quæ si apponatur suspendit obligationem Sponsaliorum: dummodo non sit in potestate ipsius apponentis eam purificandi, nam si esset in potestate apponentis, pro non adjecta haberetur, quia tunc purificatio conditionis a nullo alio impediri posset, nisi a mutatione voluntatis ejusdem promittentis. Itaque si cuti repugnat promissio facta animo eam revocandi ad nutum, ita repugnat appositio conditionis, cujus purificatio pendeat ab arbitrio promittentis; proinde pro non adjecta habetur.
- Diximus appositionem conditionis respectivè impossibilis, cognitæ tamen ut possibilis suspendere obligationem Sponsaliorum, proinde obligare utique dum manifestata est impossibilis; quia quousque manet apud Contrahentes sub specie possibilitatis, jam apud ipsos non distinguitur a conditione natura sua possibili; sed conditiones natura sua posibles appositæ sponsalibus ea non irritant, sed suspendunt eorum obligationem; ergo idem dicendum de conditionibus respectivè impossibilibus, & cognitis ut possibilibus.
9. Est tamen notanda disparitas inter condiciones absolute impossibiles cognitæ ut posibles, quæ non suspendunt sponsalia, sed pro non adjectis

Etis habentur, & conditiones respectivè impossibiles cognitæ, ut possibiles, quæ, ut diximus, suspendunt sponsalia, & pariunt obligationem expectandi earum purificationem, donec usque clarescant respectivè impossibiles.

Quam sic exponimus. In eo itaque discrimen consistit, quod conditiones absolutè impossibiles, etsi cognitæ sint ut possibiles, nulla potestate humana purificari possint; proinde nulla rationabilis spes esse possit in mente contrahentium, quod purificentur, sed sola illusio ex falsa apprehensione possibilitatis earundem; proinde adjectæ sponsalibus nihil operantur, sed pro non adjectis habentur.

Contrà verò Conditiones impossibiles respectivæ, cognitæ ut possibiles, quia potestate hominum purificari possunt relinquunt rationabilem spem in Contrahentibus, vel saltem in uno ex iis, quod purificentur; proinde cum apponens hujusmodi conditiones non aliud intendat nisi quod humana potestate fieri potest, (ut semper licet intendere, & rationabiliter expectari) sequitur, quod si apponantur dictæ conditiones, quia prudenter appositæ, non vitiabunt Sponsalia, sed eorum obligationem suspendent; nam ab apponente hujusmodi conditiones habentur, ut verè possibiles; atqui possibiles conditiones apponi possunt; ergo etiam eæ, quæ ut possibiles cognoscuntur.

10. Superest de contingentibus conditionibus dicamus, quæ præcise quales apponi semper possunt; neque censentur manifestativæ animi irrisorii, nisi ita essent indifferentes, de quibus infra, ut nulla prorsus utilitatis, aut decentiæ ratio appareret, cur ipsæ apponerentur. Itaque si apponentur, suspendent sponsalia, & parient obligationem expectandi ipsarum eventum, quo obtento, sicuti in omnibus aliis conditionibus, Sponsalia de conditionatis transeunt in absoluta. His expositis ad alias tres conditiones, nempe turpes, honestas, ac indifferentes exponendas accedimus.

11. Conditiones turpes eæ sunt, quæ involvunt indecentiam, ut pudere deberet eum, qui eas apponit; aliæ autem sunt intrinsecè turpes, aliæ vero extrinsecè turpes.

Illæ sunt turpes intrinsecè, quæ appositæ inducunt indecentiam in ipsammet naturam contractus, vel objecti ejusdem contractus.

Aliæ sunt inquam turpitudinem contractui Sponsaliorum sunt. Ex. Gr. Dum promittens Sponsalia Amariæ sub conditione obtinendi ab ea Copulam, quia tunc nimium dedecet, quod ipsa Sponsalia, quæ esse debent via, ac preparatio ad honestum, ac licitum Matrimonium, tunc sint inductiva ad illicitam Copulam; propterea maculatur eorum natura ab appositæ conditione.

Inferentes autem turpitudinem objecto Sponsaliorum essent eæ, quæ oppositionem haberent ad alterutrum ex bonis Matrimonii; videlicet vel Pro-

lis, vel Fidei, vel Sacramenti. Conditiones extrinsecè turpes nullam indicunt indecentiam, vel in naturam contractus, vel in objectum ipsius; sed tantummodo in aliis spectantibus ad honestatem vitæ; puta, si quis promitteret Sponsalia Fœminæ ea conditione, ut eam sociam haberet in Furtis patrandis, vel ut Sagam ageret, vel aliquid simile, inaleum quidem, sed nullatenus oppositum naturæ Sponsaliorum, aut Matrimonio ipsi.

12. Conditiones vel intrinsecè, vel extrinsecè turpes appositæ Sponsalibus, quando ex animo apponantur, invalida reddunt Sponsalia. Ratio est patens, quia Sponsalia cum sint pura promissio aliquid præstandi in futurum, si illud futurum præstari nequeat sine peccato, ad illud ponendum obligare non possunt; etenim jure naturæ irritum est quodcumque vinculum ad illicita præstanda cogens.

An postea, quia turpes, habeantur tanquam non appositæ, sicque Sponsalia supersint valida, & absoluta, suspicio esse posset, si pro ipsis Sponsalibus jura positiva procederent, quæ de Matrimonio. Sed cum hæc non fuerint contemplata a jure positivo quoad conditiones his apponendas, neque sint necessaria, quia Matrimonium iniri potest sine ipsis, & sint etiam plura juris remedia pro iis solvendi, quæ non habentur pro dissolvendo Matrimonio; hinc est, quod si apponantur conditiones turpes, illæ vitient Sponsalia, non autem Sponsalia vitient ipsas.

13. De conditionibus honestis præstat nunc dicere, & quia non de iis, quæ de præterito, vel de præsentis sunt, quemadmodum supra statimus, nunc loquimur, sed de iis, quæ sunt de futuro; Propterea affirmamus has conditiones apponi posse Sponsalibus, quæ eadem suspendunt usque ad ipsarum purificationem, qua habita sine novo Contrahentium consensu in absoluta transeunt, obligationem inde producentia procedendi ad Matrimonium inneundum, & publicam parient honestatem. Intermedium autem tempore, idest a Sponsalibus, initis sub dicta conditione usque vel ad purificationem, vel ad desperationem purificationis, etsi valida fuerint sponsalia, non aliam tamen produxerunt obligationem, quam expectandi final, & curandi conditionis purificationem.

Non hic refferentur omnes conditiones honestæ, quæ ab Auctoribus recenseri solent; nam de iis omnibus eadem ratio, ac juris dispositio procedit; solum opportunum videtur, duas hic notare conditiones honestas quidem, sed apponi solitas sponsalibus eo tantum consilio, ut eadem Sponsalia per ipsas reddantur licita, qua sine ipsis viderentur illicita; & inde querere, an valeant dictæ conditiones appositæ efficere, ut sponsalia de nullis, quæ essent sine ipsis, evadant valida per ipsarum appositionem.

14. Prima sit hæc conditio: si nempe ipsorum contrahentium respectivus Pater consenserit? Hinc dubitant plurimi, an valeant sponsalia inita sine consensu Parentum, & multò magis cum prævito illorum positivo consensu, sed

sed certum est, jure naturæ valida esse sponsalia inita sine consensu Parentum. Nam contrahentes sponsalia non subsumunt Parentibus quoad Matrimonium celebrandum, neque Patria potestas se extendit ad moderandam voluntatem contrahentium circa hanc materiam, ut cautum est Canonico Jure, ita neque subsumunt Parentibus contrahentes sponsalia; cum hæc sint via, & preparatio ad Matrimonium; proinde si limitata fuerit Patria potestas, ne se extenderet ad determinandum Matrimonium Filiorum, fuit etiam coercita, ne attingeret eorum sponsalia. Itaque Jure naturæ considerati sunt contrahentes sponsalia veluti a Patria potestate emancipati; propterea sponsaliorum contractus ab ipsis initus, fuit habitus, ut initus ab omnino liberis, propterea validus. Neque dicant sentientes oppositum, quod contrahentes Sponsalia sine consensu Parentum peccent; ergo invalida, quia illicita.

Verum non advertunt, quod non ideo invalida dicuntur sponsalia, quia in se ipsis illicita, sed solum dicuntur invalida, quando obligant ad præstandum quid illicitum, non vero quando in ipsis Contrahendis quid illicitum tunc admittitur, quod tamen non obliget ad præstandum illicitum. Nec et profecto hujusmodi Contrahentes contra Parentum reverentiam, non explorando illorum voluntatem, & assensum, quem ex decencia sciscitari deberent; sed quoniam Parentes non habent jus strictum moderandi ipsorum voluntatem in hac materia, sequitur, quod peccant contra decenciam, non verò se obligant per inita sponsalia ad præstandum illicitum; & si quid juris esset in Parentibus, iis etiam post sponsalia superesset integrum. Nam superest in Parentibus libera potestas solvendi ex consensu filiorum prædicta sponsalia; Ergo si qui contrahunt sponsalia sine consensu Parentum, valide contrahant, validius contrahent cum appositione conditionis obtinendi illorum consensum.

15. Difficultas potius esset in sponsalibus initis sub prævisione positivi disensus Parentum, & sine appositione conditionis de obtinendo prædicto consensu. Adhuc tamen dicimus, quod prædicta sponsalia, si ducant ad Matrimonium, quod sine peccato celebrari possit, valida erunt, si autem ducant ad Matrimonium, quod sine peccato celebrari nequeat, nulla erunt: Rationem primæ assertionis reddimus; Ideo inquam dicimus, valida esse sponsalia inita cum prævisione positivi disensus Parentum; quoties ducant ad Matrimonium, quod sine peccato celebrari possit, quia apparet, disensum Parentum fuisse irrationabilem; & quoniam Parentes in materia Matrimonii, & sponsalium erga filios non alia pollent auctoritate, quam moderativa rationis, seu intellectus, non voluntatis ipsorum; proinde hac non offensa, in nullo supersunt offensus Parentes.

Secundæ assertionis ratio est, quam supra diximus, videlicet Jure Naturæ irritum esse quodcunque vinculum ad illicita cogens. Verum tamen est, quod, ut sponsalia sint nulla ex eo, quod illorum matrimonium celebrari ne-

queat sine peccato; oportet, ut peccatum committendum in prædicta celebratione Matrimonii sit alterius speciei, quam inobedientiz Parentibus debita; quia tunc per solam inobedientiam, etsi filii peccent contrahendo Sponsalia sub prævisione positivi dissensus rationabilis Parentum, atque offendant potestatem Parentum moderativam rationis eorundem contrahentium filiorum, adhuc tamen, quia Parentes possunt irritare prædicta Sponsalia, ut in Mediolanen. Sponsalium 13. Julii 1715. Tom. 3. *Thesau. fol. 191.* = sub hoc dubio = *An Sponsalia de quibus agitur, sint dissoluta, ita ut liceat alteri nubere in casu &c.*

R. A F F I R M A T I V E.

Ratio fuit dissensus Patris Sponsi ob nobiliorem Sponsæ conditionem non decentem viliora domestica servitia peragere, ut Sponsi exigebat familia §. *supervenerunt*. Sicque præcludere viam Matrimonio, ad quod ducebant dicta Sponsalia, non est ratio, cur ipsa ab initio decerni debeant invalida, quod a nullo fieri posset, nisi a positivo jure. Hoc verò Jus positivum non præstitit; propterea relicta sunt in statu juris naturæ, sicque valida; & quamvis Matrimonium, ad quod ducerent, esset peccaminosum ob gravem inobedientiam, quia tamen non læsivum juris tertii, neque quodcumque peccatum involvens, ut supponitur; hinc præcisè ob hoc non redduntur invalida. Hocque resolutum fuit in *Neapolitana Sponsalium 23. Augusti 1721. Tom. 2. Theauri Fol. 71. §. Factum fuit: & Card. De Luca De Matrim. Discurs. 8. n. 10. & sequ.* Tandem definitum est, valere Sponsalia, & esse exequenda: etsi inita contra voluntatem Parentum etiam rationabilem, puta disparis conditionis, vel in nobilitate, vel in divitiis; In *Fulginate Matrimonii 1751. 28. Augusti Tom. 15. Theauri Fol. 119. sub his binis dubiis*.

I. *An constet de Sponsalibus & quatenus affirmative.*

II. *An Nuptiæ sint exequenda in casu &c.*

A F F I R M A T I V E ad utrumque.

16. Secunda conditio est ea, quæ apponitur Sponsalibus initis a duobus, inter quos sit impedimentum juris positivi vel impediens, vel dirimens futurum Matrimonium, & eo consilio, ut impedimenta tollantur. E. G. Titius Consanguineus Bertæ in tertio Sponsalia init cum eadem, si Papa dispensaverit, qua appositione conditionis contendunt reddi habiles ad contrahenda Sponsalia, ad quæ ipso jure inhabiles forent; Num verum arbitrentur nunc aperiemus.

Ac statim dicimus per appositionem prædictæ conditionis nullatenus reddi habiles, quia conditio non operatur nisi post ipsius purificationem; At tempore, quo celebrantur Sponsalia, ipsa non est purificata, nam est in futurum. Ergo tempore, quo celebrantur Sponsalia, supersunt Contra-

ben-

hentes in eo statui, quo essent sine appositione conditionis; ergo inhabiles; ergo prædicta Sponsalia cum huiusmodi conditione celebrata nulla erunt. Atque ita resolutum fuit a Sacra Congregatione Concilii Trident. in una Janu. 12. Decembris 1733., quam supra citavimus, agentes de Sponsalibus prout a Jure positivo moderatis: sub Dubio: *An Sponsalia, Jurejurando etiam firmata sub spe, & conditione impetrandi dispensationem super impedimento gradus.*

Responsum fuit ab Eminentiſſimis Patribus

NEGATIVE, & amplius:

Conformes huic plurimæ habentur in dicto Thesau. ut Brugnoten. *Sponsalium* die 26. Januarii 1709. Tom. 9. Tertia partis fol. 60.

17. De aliis modis superest nunc dicendum, qui apponi possunt Sponsalibus, nempe Causali, & Modali antonomastice dicto: primus exprimitur per particulam *quia*, vel *quoniam*, secundus per particulam *ut*.

De Causali nihil habetur notatu dignum, quia hic modus respicit Tempus vel præteritum, vel præsens; etenim Causa debet semper præcedere effectum. Ergo si ideo celebrentur Sponsalia ob aliquam Causam, hæc, cum respiciat Sponsalia tanquam effectum, debet eadem præcedere saltem in ordine Causalitatis, proinde hic modus nunquam suspendit Sponsalia, sed statim vel erunt valida, & absoluta, vel nulla, ut si quis dicat: duco te, quia es Nobilis, quia Virgo, nisi & Nobilitas, & Virginitas tunc existant, Sponsalia non erunt valida, quia non erunt effectus illius causæ appositæ.

Denique de secundo modo, qui antonomastice modus dicitur, & exprimitur per particulam *ut*, quædam adnotabimus; Et primo dicimus modum, si fuerit honestus, & adjectus sponsalibus, parere quidem obligationem in eo, qui modum accepit, præstandi id, quod per modum expetivit promittens.

Nam cum semper respiciat aliquid futurum faciendum, parit propterea obligationem prædictam: An verò etiam suspendat Sponsalia, ut res dubia a quibusdam habetur: sed nisi isti velint modum confundere cum conditione, certum est, quod Sponsalia modus non suspendit; etenim propter hoc modus differt a conditione, quod actum non suspendat, licet obliget partem, cui onus imponitur ut modum impleat *Cap. 4. Hoc Tit. Leg. 19. D. 1. de Legatis 3.* & ratio esse potest, quia modus subsequitur Consensui, non ipsum præcedit; neque adiciens modum alligavit suum consensum modo ipsi, alias modus a conditione non secerneretur; si itaque modus non habeat alligatum sibi Consensum, jam apparet, quod Consensus datur absolute; propterea absoluta efficit Sponsalia; neque valet modum auferre a consensu rationem absoluti, ex quo consensui ipse modusnectatur, quia præcedit prius esse, ad operari.

Mq-

Modus indicat operationem Sponsaliorum, ergo eadem ille ante se existentia supponit: ergo afficere nequit eorum causam, quæ est Consensus. Uterius probari potest ex *Leg. Si Tibi* = Modum non suspendere Sponsalia, sed statim illa esse absoluta paritate deducta ex Legato, cui adjectus sit Modus. V. G. Legavit Mille Titius Francisco, ut Domum edificaret; Deceffit Legatus, dati sunt Mille Francisco, qui modum non adimplevit, sed & ipse deceffit, relinquens spem adimplendi Modi. In iis Mille succedunt Hæredes Francisci, quod contrà esset, si sub conditione legata essent; quæ mille tunc reddenda essent Hæredi Titii Legantis; ex quo evincitur Modum non suspendere translationem Juris illorum Mille, uti præstat, seu suspendit Condicio. Si itaque Modus non suspendat Translationem Juris rei Legatæ in Legatarium, neque suspendere poterit Consensum contrahentium Sponsalia; quod si Consensus per adjectionem Modi non suspendatur, jam superest absolutus; propterea statim validus, & obligatorius, producentque publicam honestatem; Verum tamen est quoad praxim difficilimè fecerni posse Modum a Conditione, cum Modus quandoque exprimi possit per particulam Conditionalem, & Condicio per particulam Modalem, ut diligenter advertit Picler *Tit. 5. n. 14. 15. de conditionibus appositis in Desponsatione*.

In dubio autem an sit Condicio, vel Modus, potius præsumendus est Modus, quam Condicio, quia censetur, quod voluntas Contrahentium de præsentis locum habere debeat, quem semper habet per Modum, non autem in futurum reiiciatur, ut evenit per conditionem, qua suspenditur, & solum in futurum sperat efficacitatem, ut appositè notavit eruditus noster Comes Saccus *Instit. Juris Civilis Lib. 2. T. 20. §. Facillimum*.

18. Quid postea sentiendum de modis turpibus, vel impossibilibus, facile ostendi potest; etenim in hypothesi, quod Modi nullatenus confundantur cum Conditionibus, sed veram retineant naturam Modorum, isti nullo modo afficiunt Sponsalia, aut ea suspendunt ob rationem superius dictam, agentes de Modis honestis; Hoc uno discrimine inter hos, & Modos honestos, quod honesti producent obligationem, ut impleantur, isti verò nullam prorsus, sed habeantur tanquam non adjecti.

19. Addunt aliqui aliam speciem Modi, quem dicunt Demonstrativum: E. G. ducam te, quæ es Nobilis; at quia demonstratio semper respicit tempus præsens, ob hanc rationem Sponsalia non suspendit; quinimo ipsa demonstratio per se neque causas consensum, neque consensui alligatur; Propterea verà, vel falsa sit hæc demonstratio, Sponsalia non afficit, neque ullam parit obligationem, vel effectum; & ratio est satis manifesta, cum demonstratio non aliud sit, nisi quid pertinens ad Cognitionem, propterea afficere quidem possit intellectum Contrahentium, proinde errorem inducere, non verò voluntatem, a qua sola Consensus Sponsalitiis dependet.

§. III.

S. I I I.

Objectum Sponsalium, & signa quibus manifestantur:

HUc usque egimus de promissione sponsalicia, ac qualitatibus ad eam spectantibus, nunc de objecto ipsius dicemus.

1. Objectum autem Sponsalium, ut ex definitione vidimus, sunt futuræ nuptiæ, seu Matrimonium futurum. Neque opus est hic, plura dicere de hoc objecto, cum suo loco exponendum sit. Unum est, quod ostendi debet: videlicet sponsalia non aliud habere objectum, quam Matrimonium ut contrahendum; quidquid ergo extra rationem Matrimonii est, non erit objectum sponsalium. Hoc autem ostendimus ex ipsa natura sponsaliorum, quæ est, ut sit via, & preparatio ad idem Matrimonium. Ergo sicuti via habet pro objecto terminum, ad quem finit, ita cum sponsalia finiunt ad Matrimonium, hoc eorumdem erit objectum.

2. Ad ultimam definitionis sponsalium verba exponenda properemus: Hæcque sunt signo externo expressæ.

Signum verò huiusmodi sunt verba contrahentium, quæ esse possunt: v. g. hæc: ex una parte, promitto, tibi futurum Matrimonium: ex alia autem accepto oblatam promissionem, tibi que repromitto meum futurum Matrimonium, vel alia verba idem tamen prorsus significantia. Quod si verba deficiant, quia alter ex contrahentibus sit mutus, possunt supplere verbis nutus, qui tamen debent esse adeo univoci in significatione, ut idem prorsus exprimant, quod verba, si essent. Est quidem difficile definire, quinam sint nutus ii, qui valeant exprimere consensum sponsaliticum, & solum ab iis possunt percipi, qui mutorum consuetudinem habeant.

Ab Auctoribus plures aliæ formulæ verborum exprimentium sponsalia admittuntur: sed res longa esset, per omnes transire, cum fere omnes sint deducæ, ex idiomatibus peculiaribus regionum; atque hinc questionem plurimæ oriuntur; nos autem, ne implicemur in his, missas facimus earum solutionem expectantes ab interpretibus prædictorum Idiomatum. Quinimò advertimus, quod, cum verba non ultra significant in sponsalibus, quam sit animus promittentis, scrutandus potius est animus illius, qui verba protulit, & ita sensum verborum colligere. Quem interpretandi modum secuta est Sacra Tridentini Congregatio.

3. Si postea verba supersint dubia, pro foro interno ab intentione proferentium determinationem acceperunt; Etenim qui cum verbis dubiis sponsalia inivit, habuitque animum se obligandi, valuerunt sponsalia. Si autem proferens verba dubia, non habuit prædictum animum, nulla fuerunt sponsalia, ut sunt etiam ea verbis certis iniuncta, sed cum fictione. Quoad forum externum, habet iudex remedium iuramenti purgatorii.

torii deferendi illi, qui verba dubia protulit; Quod si iuraverit non habuisse animum se obligandi, liberabitur a sponsalibus. Quo remedio uti non potest Iudex contra eum, qui verbis clavis, & certis usus est, sed negavit habuisse animum se obligandi. Nam hunc debet cogere ad standum sponsalibus initis, nisi ille probasset justam habuisse causam suæ fictionis; quod si perfecte eam non probasset, tunc posset illum admittere ad prædictum iuramentum purgatorium, ut docent plurimi Reinfestuel *Lib. 4. Tit. 1. §. 2. n. 46.*

Non videtur prætereunda una, vel altera ex formulis non dicam ambiguis, sed neque similitudinem ullam habentibus cum formulis sponsaliorum, quæ a quibusdam Auctoribus recensentur.

Quarum prima est: *non aliam ducam, nisi te, vel quam te.* Hæc inquam formula non inducit sponsalia absoluta, & si quæ inducet, erunt tantummodo conditionata, contra Abbatem Antonium de Butt & Menoch. Nam est propositio negativa potius excludens promissionem Matrimonii, quam includens; & quamvis illa negativa limitetur per particulam exceptivam *nisi*; hæc tamen limitatio non est absoluta, sed resolvitur in conditionem, & facit hunc sensum: *non ducam uxorem; si tamen aliquam duxero, ducam te.* Ut ex *Leg. 40. §. 2. D. de condit., & demonstr.* Fufius hoc exponit Pichler de Sponsalibus *Lib. 4. Tit. 1. n. 19.*, qui sibi etiam ita opponit. Allata propositio similis est Propositioni Judeorum clamantium: *non habemus regem nisi Cæsarem*, quæ in hanc resolvitur, *Cæsar est noster Rex*, & non alius. Sed hæc est affirmativa, & absoluta; ergo etiam illa: *non ducam aliam nisi te*, erit affirmativa, & absoluta, proinde inducet sponsalia absoluta, cum & ipsa habeat hunc sensum, *te ducam, & non aliam.*

Huic objectioni prædictus Pichler respondet negando majorem, & paritatem. Nam disparitas in eo est, quod dictio illa *nisi* in Propositione *non ducam aliam, nisi te*, respicit tempus futurum, propterea in puram conditionem resolvitur de futuro, cuius purificatio pendet ab arbitrio apponentis, & resolvitur in hanc Propositionem: *Si uxorem duxero; ducam te.* Illud autem *nisi* in Propositione Judeorum respicit tempus præsens, propterea resolvitur in hanc Propositionem: *Cæsar est noster Rex*, & non alius, quæ & affirmativa est, & absoluta, quemadmodum etiam sunt: *Non duco aliam, nisi te*, vel alia similis, quæ faciunt hunc sensum, *te duco, non aliam.* Hic loquendi modus ad Matrimonium valide contrahendum de presenti sufficeret, quia illud *nisi* respicit tempus præsens, propterea in affirmativam, & absolutam Propositionem resolvitur, ex quo nihil reiciat in futurum purificandum: Verum circa hanc formulam, *non ducam aliam nisi te*, vel *quam te*; sit nec ne apta Sponsaliorum formula? Doctorum maximè recentium opiniones, ut moris est, sibi ipsis invicem contrariæ sublatæ sunt per Definitionem Sacre Con-

Congregationis Concilii. In Ventimilien. Sponsalium in qua de hac syngrapha an contineret Sponsalia quaesitum fuit: quæ ita concepta erat:

12. Novembre 1697.

Io infra scritto dico, e prometto di non sposar altra figlia, che la Signora Benedetta Gera, come anche promette Lei, e giura. Antonio Lerame, Benedetta Gera.

Ad primum Dubium his verbis expressum:

An constet de validitate Sponsalium inter Antonium Lerame, & Benedictam Genam?

Sacra Congregatio die 1. Junii 1709. respondit

Ex hactenus deductis non constare de Sponsalibus absolutis. Tom. 9. Tertia partis Fol. 61. Thesaur.

Et reposita causa sub consueto Dubio,

An sit standum, vel recedendum in Casu &c.

Die 28. Septembris ejusdem anni 1709.

Dictum Rescriptum meritis confirmari, fuitque additum = Antonium posse cum alia muliere Matrimonium contrahere. Fol. 73. Tom. 8.

Alia formula sit hæc: Promitto tibi, quod te non amplius deferam, non amplius te dimittam, Fidelis tibi manebo. Hujusmodi Formulæ, etsi a Pichler supra relato ut sponsalitiæ admittantur, quando illis præcesserit Tractatus de Matrimonio; nobis tamen non videntur sufficientes ad significandam promissionem requisitam in sponsalibus. Etenim in hypothese, quod illis præcesserit Tractatus de Matrimonio ineundo, jam satis constat per illum præcedentem Tractatum satis fuisse determinatas ad significandam Promissionem sponsalitiæ, quam ex se non significarent. Propterea in tali hypothese considerantur ut complementum illius Tractatus præcedentis, a quo tunc determinantur ad significandam Promissionem sponsalitiæ. Verum si nudæ spectentur, non important sponsalitiæ, ut de se patet. Nam dictiones illæ verificari possunt absque eo, quod unquam obligent ad ineundum Matrimonium, cum regula generalis sit, quod illæ non sint aptæ Formulæ Sponsationum, si in sui verificatione non inducant obligationem procedendi ad Matrimonium celebrandum.


Quod autem recensitæ formulæ in sui verificatione obligationem procedendi ad contrahendum Matrimonium non inducant, ex illarum inspectione apparet. Nam illa E. G. promitto tibi, quod amplius non te deferam, cum possit verificari, si illam non deserat dilectione, protectione, ut faciunt invicem Amici, jam verificatur absque eo, quod inducat obligationem illam ducenti. Idem dicas de aliis E. G. non amplius dimittam te, fidelis tibi manebo. Itaque si hæ formulæ verificari possint absque eo, quod obligationem inducant procedendi ad Matrimonium, jam istæ nude, ac simpliciter spectatæ, non erunt validæ formulæ pro ineundis sponsalibus validis, siue absoluta sint, siue conditionata. Sed de his satis

4. Et

4. Et hæc sint, quæ pertinebant ad signum externum, quo Sponsalia manifestantur, quibus totam absolvimus expositionem definitionis Sponsalium; pro cuius complemento superest, ut hic referamus opinionem quorundam Doctorum arbitantium Sponsalia contracta a Parentibus in præsentia Filiorum pro ipsismet Filiis tacentibus valida esse; quid nobis in hac Quæstione videatur, sincerè manifestamus, præmittendo certum esse, quod Sponsalia non valent, si unus offerat promissionem, & alter taceat, quia tacens non censetur consentire, quando agitur de obligatione contrahenda, & de onere sibi imponendo.

Quod autem attinet ad solutionem Quæstionis, etsi videatur communis Theologorum, ac Juristarum opinio, quod valeant prædicta Sponsalia, nobis valida non apparent, nisi signo aliquo exteriori Filii manifestaverint approbationem gestorum a Parentibus; nam taciturnitas Filiorum coram Parentibus non satis manifestat ipsorum Filiorum Consensum, sicuti admittunt prædicti citati Auctores, cum ulterius requirant ut eorum animus exploretur, antequam cogantur procedere ad Matrimonium contrahendum: an scilicet tunc verè consenserint, ex quo licet inferre prædictam taciturnitatem non esse sufficiens, & certum signum interioris consensus; Ergo Sponsalia prædicta non essent per ipsos signo externo manifestata; Ergo dedicerent in ratione promissionis, quæ nunquam valida, nisi externe, & univoce manifestata; etenim cum in ratione promissionis pendeat ab acceptatione promissarii, hæc haberi nequit, nisi promissario ipsi manifestata sit promissio.

Confirmatur ex *Can. Unic. Caus. 30. Quæst. 2. & Can. Un. Caus. 27. Quæst. 2.* ubi in Sponsalibus requiritur omnino verus consensus, & proprius; Si itaque proprius per solam taciturnitatem non exprimatur, jam taciturnitas Filiorum coram Parentibus Sponsalia strictè sumpta non pariet.



CAPUT SECUNDUM.

DE PERSONIS CONTRAHENTIBUS SPONSALIA.

Post Definitionis Sponsaliorum expositionem superest, ut de Personis agamus, quibus a Jure concessum est Sponsalia inire, & de ipsorum solemnitatibus, ac circumstantiis. Tandem de effectibus, qui sequuntur a Juris dispositione.

§. I.

Quæ persona sint habiles ad inenda sponsalia, quarumque circumstantiæ attendendæ, ac solemnitates servandæ.

1. **S**I Jus naturale intueamur, hoc facultatem concedit, ineundi Sponsalia cuilibet Mari, & Fœminæ usum rationis habenti, & nulli, per vinculum Matrimoniale ligato, vel per quodvis Juris ejusdem impedimentum detento; Etenim cui ex Jure naturali datur Jus contrahendi Matrimonium, eidem etiam ex eodem Jure conceditur Sponsalia celebrare: uno tamen excepto casu, quo Sponsalia ducerent ad illicitum Matrimonium; quia pactiones omnes de Jure naturæ nullam producere possunt obligationem præstandi illicita, quia tunc nullæ essent; proinde si darentur Sponsalia, quæ ducerent ad Matrimonium illicitum, seu peccaminosum, nulla forent. Diximus Mari, & Fœminæ, quia Matrimonium non potest consistere, nisi inter Mare, & Fœminam, & quidem tales, qui natura ipsa sint habiles ad Matrimonium, vel saltem sit spes in ipso naturæ Jure fundata, quod fiant habiles. Quapropter opus non est, ut quo tempore Sponsalia contrahunt, eodem quoque tempore habiles sint ad Matrimonium ipsum contrahendum, de quibus infra. Mari inquam, & Fœminæ determinatis, & in individuo acceptis, scilicet, ut Mas, & Fœmina ita sint designati, & unus tantum, & talis, & una tantum, & talis invicem contrahant; Nam sicuti Matrimonium, nisi inter designatas Personas singulares, videlicet inter unum talem, & unam talem consistere potest, ita & Sponsalia, utpotè via ad Matrimonium. Qui proinde diceret *promitto accipere in uxorem Titiam, vel Sejam*, etsi ab utrisque Puellis promissio hujusmodi acceptaretur, & singulæ repromitterent, Sponsalia tamen non orirentur, eo quia nec Matrimonium haberetur, si quis diceret *duco vel Titiam, vel Sejam*, adhuc enim superesset determinanda, quam ex iis in uxorem duceret: sicque non existeret Matrimonium unius determinati, cum una determinata, ut postulatur a Jure naturæ.

Qui Sponsalia inire volunt, ii usum rationis habere debent, quia cum natu-

natura humana sit rationalis, ipsa postulat, ut juxta Leges rationis propagetur. Quapropter si Matrimonium nullum esset defectu usus rationis, a fortiori nulla essent Sponsalia, quæ sunt promissio futuri Matrimonii, & cum promissio sit actus liber voluntatis, sine rationis usu esse non potest.

2. Tandem requiritur Jure naturæ, ut promittentes non sint alteri ligati Matrimoniali vinculo. Etenim, quod alteri jam datum est, nulli promitti potest, & si promittatur, promissio nulla superest. Quia ad illicitum, atque invalidum duceret. Neque opponat quis saltem virum posse cum pluribus mulieribus connubia inire de Jure naturæ, quod exemplis Patriarcharum veteris Legis demonstratur. Ergo saltem ex parte viri Jure naturæ valida erunt illius Sponsalia cum pluribus feminis simul celebrata. Neque inquam hæc opponat; Nam Jus naturale, quod in æquitate locatum est, non concessit Matrimonium nisi unius cum una, ex eo quod Matrimonium ipsum sit, quoad ejus effectum, vinculum quoddam individuum vitæ consuetudinem inter conjuges pariens; Si itaque individuum consuetudinem pariat ex parte Mulieris, quæ amplius alteri nubere nequeat, jam totam semetipsam, & vitam ipsam Marito tradidit. Ergo æquitas postulat, ut idem sit de viro, alias lederetur ipsa mulier, quæ minus acciperet quam dedisset. Et si pro circumstantiis temporum fuerit a Deo cum Patriarchis dispensatum supra hoc naturali Jure, id factum fuit ob fines præstantiores, quam sit ipsa natura; etenim isti fuerunt ad propinandum adventum Reparatoris ipsiusmet naturæ, qui adventus summopere naturam ipsam perfecit, ac supra semetipsam elevavit. Quibus finibus cessatis sub primitivo Juris naturæ præcepto restitutum est Matrimonium; eodem Christo Domino reparatore dicente: *Relinquet Homo Patrem, & Matrem suam, & adhærebit uxori suæ.* Non autem dixit: *Uxoribus suis.* Deinde subdidit: *Et erunt duo in carne una.* Non dixit: erunt plures in carne una, sed duo tantum; Ergo Vir unus tantum, & una Mulier. Deinde Scribis respondens interrogantibus de Libello repudii inquit. *Ob duritiam cordis vestri permisi vobis Moyses libellum repudii, ab initio autem non fuit sic.* Et en naturale Præceptum de Matrimonio unius tantum cum una; & addidit, *qui dimiserit uxorem, & aliam duxerit, mæchatur;* & quare mæchatur? non quia primam dimisit: hoc enim licet ex causa nostris quoque temporibus, sed quia aliam duxerit, quia primæ ligatus vinculo indissolubili tentavit alteri se conjungere contra superius dictam naturalem æquitatem.
3. Diximus contrahentes Sponsalia vinculo Matrimoniali, alteri non posse esse devinctos, nunc dicemus, quod nec possunt esse ligati alteri per præcedentia Sponsalia, quæcumque hæc sint, vel absoluta, vel conditionata, dummodo valida. Hocque ipsum procedit a Jure naturæ; quia promissio quælibet de re vel danda, vel facienda, nisi licite compleri possit, ipsa Jure naturæ est invalida, quia jus naturæ non potest obliga-

re

re ad id, quod habet oppositionem ad ipsam naturam, cum jus naturæ a quolibet illicito ita abhorreat, ut quæcunque illius passionem velit nullam; Si itaque subsequētia Sponsalia valerent, obligarent ad illicitum, nempe ad violandam fidem datam in præcedentibus Sponsalibus.

4. A Jure naturæ discedentes ad Jus scriptum civile transcēdimus inquirentes quid de Sponsalibus disposuerit.

Nulli dubium est plurima disposuisse, cum leges sint latæ de Sponsalibus; atque peculiaris titulus de iis habeatur. *Et L. 12. Cod. de Donationibus arte Nuptias.*

Verum quia omnes Leges civiles respicientes Sponsalia non aliam vim obtinent, nisi quam nanciscuntur a Jure Canonico partim eas approbante, & partim revocante, non hic propterea immorabimur in iis exponendis, sed statim Canonicas Sanciōnes evolvemus de Sponsalibus æditas.

5. Et quia Canonicæ Leges non procedunt de iis, qui sunt extrâ Ecclesiam, idest de iis, qui nunquam Baptisma susceperunt, neque quidquam disponunt de Sponsalibus inter Infideles initis, quæ solum subiecta sunt moderationi Juris Naturalis, & Juris Civilis, vel saltem municipalis suorum Principum Paganorum: cum sint Contractus, de quibus Princeps Politicus disponere valeat in bonum regiminis suæ Ditionis; ab ipsis propterea nullus exurget effectus Juris Canonici, nempe publicæ honestatis. Atque hinc quæri potest, si aliquis Baptizatus proinde subditus Canonicis Legibus Sponsalia contrahat cum Infideli, an inquam hæc valeant? Et respondetur ex Lege Apostoli, non valere; Prohibuit enim nuptias inter Fidelem, atque Infidelem, inquit: *nolite Jugum ducere cum Infideli*; itaque si ex Apostolo prohibitum sit Matrimonium cum Infideli, jam ejusdem Promissio est illicita, ergo Sponsalia invalida &c.

6. Hac occasione quæri potest an valeant Sponsalia inter Fidelem, & Hæreticam, vel contra.

In hujus autem solutione non omnes conveniunt.

Nam quidam decernunt illicita omnino esse, propterea invalida; alii illicita tantum, sed valida; Tandem alii licita, ac valida.

Qui dicunt ea esse illicita, ac invalida, sunt Sanchez, Azorius, Gobat, quorum ratio est, quia Hæresis est impedimentum sin dirimens Matrimonium, saltem impediens, idque ob periculum proximum perversionis, vel propriæ, vel Prolium, quod subit pars Catholica: ergo illicitum Matrimonium per ipsos, ergo Sponsalia nulla, utpotè ducentia ad illicitum Matrimonium. Hoc confirmant *Cap. 2. de Divor.*, & *Cap. Fin. de Convers. Conj.* quibus Legibus ostendunt justam esse Causam resiliendi a Sponsalibus, si ex Contrahentibus unus in hæresim labatur, quia quidquid dat justam Causam resiliendi a Sponsalibus, si ex crimine veniat

niat simulque ad crimen perducatur, invalida reddit Sponsalia; Ergo erunt invalida Sponsalia si a Fidele cum Hæretico contrahantur.

Qui dicunt esse illicita, sed valida, hanc reddunt rationem; Certum est validum esse Matrimonium inter Fidelem, & Hæreticum, & subinde spem esse, ut etiam sit licitum, si prævideatur facilis conversio Hæretici; propterea illicitè quidem se gerere eum, qui primo se ingerit tractando cum Hæretico, at tamen si fidem Hæretico dederit, servandam esse. Quapropter dum quis init Sponsalia cum Hæretico, peccat quidem, at tamen, quia servari potest eorum obligatio sine peccato, valida erunt.

Tandem qui dicunt valida, ac licita esse, ii supponunt nullum esse periculum subversionis in Fidele, seu Catholico, proinde etiam & licitum admittunt Matrimonium cum Hæretico celebratum, quod confirmant ex taciturnitate, ac permissivo consensu Episcoporum non impediendum, nec reclamantium contra prædicta Matrimonia.

Ex dictis quid nobis videatur æquius, est, Sponsalia prædicta invalida esse, vel si valida, solum in ratione conditionatorum, non verò absolutorum; Idque nedum ob rationem a Sanchez relata, nempe ob periculum perversionis, vel Contrahentis, vel Prolis futuræ, sed etiam hoc remoto periculo ob illicitum Matrimonium ex positivo Jure decretum; nam est lata Excommunicatio major contra eos, qui cum Hæreticis in Sacramentis participant; sed Fidelis contrahens Matrimonium cum Hæretico participat cum ipso in Sacramentis, ut patet, scilicet in eodem Sacramento Matrimonii; ergo Matrimonium cum Hæretico celebratum est illicitum; ergo Sponsalia ducentia ad idem Matrimonium sunt invalida, quamvis nullum exinde periculum subversionis emergat.

Negavimus valida esse hujusmodi Sponsalia, si fuerint absoluta, si tamen fuerint conditionata, & conditio fuerit, quod pars hæretica, vel etiam si vis infidelis Hæresim deponat, vel Fidem amplectatur, tunc valida erunt, solum quidem conditionata: cum esse non possit honestior conditio, quam hæc, nempe ut ad Cætum Catholicum revertatur, qui recessit, & Fidem suscipiat ille, qui est Infidelis.

Neque quidquam obest validitati prædictorum Sponsalium, quod ex Contrahentibus unus sit extra Ecclesiam, quia ipsa non sunt Sacramentum, sed merus Contractus Civilis, qui consistere potest inter omnes a Jure naturæ non prohibitos; & quamvis Leges Ecclesiasticæ de ipsis plurimæ sint, tamen nulla earum decernit invalida hujusmodi Sponsalia sub prædicta conditione inita. Itaque si relicta sint sub-mero & Naturæ, & Civili Jure quoad effectum obligandi, sicuti valerent, atque obligarent ambos contrahentes, vel ii essent Hæretici, vel Infideles, jam patet per appositam conditionem, cujus purificatio duceret ad licitum Matrimonium, valere, & obligare etiam Catholicum, ac Fidelem contrahentem, vel cum Hæretico, vel cum Infideli.

7. Sed

7. Sed de his, qui sunt extra Ecclesiam, satis diximus. Nunc de Fidelibus utrisque contrahentibus; & primo de ætate, quam habere debent ex Legge Canonica, ut validè contrahant Sponsalia. *Ex Cap. Ubi de Desponsatione Impuberum.*

Nicolaus Papa restrictius inhibuit, ne aliqui conjungantur ante ætatem Legibus, vel Canonibus determinatam; atque ita adoptavit dispositionem Juris Civilis statuentem ætatem septem annorum requisitam in contrahentibus Sponsalia *Leg. in Sponsalibus de Sponsalibus.* Quam ætatem ulterius præscriptam conspicimus in Jure Canonico, ut *Can. Literas, Can. Accessus &c.* Cum itaque certum sit, septennium esse statutum a Canonibus pro legitima ætate ineundi Sponsalia, quæritur an contracta ante septennium sint valida, & sit peccatum mortale præcise ob latæ Legis transgressionem Sponsalia contrahere ante septennium, in Hypothesi, quod essent valida.

Respondemus primæ Petitioni, quod Jus Canonicum statuendo septennium pro legitima ætate Sponsaliorum, id fecit potius, ut indicaret quo tempore usum rationis adipiscuntur Infantes, & fiunt doli capaces, non verò ita exegit tale septennium sub conditione irritante, & quasi Jus ipsum naturæ corrigente. Nam Jus naturæ non attendit ad numerum annorum, sed ad usum rationis. Quapropter si infra septennium habeat puer usum rationis, jus naturæ pro validis habet Sponsalia ipsius; Ergo si Jus Canonicum non correxerit jus naturæ, ut pater non correxisse; nam prohibuit quidem Sponsalia ante septennium, sed illa non decrevit invalida, ut facere debuisset, quoties juri naturæ derogare, aut melius dicam, interpretari illud voluisset, jam & jus Canonicum pro validis habet Sponsalia infra septennium inita, dumodo constet de usu rationis in contrahentibus. *Ut ex cap. Juvenis, qui Puellam nondum septennem duxit; De Sponsalibus. Eugen. Taps.*

Secundæ autem petitioni respondemus, graviter peccare tum contrahentes ante septennium, tum inducentes ad contrahendum, quia Lex lata de septennio est gravis, & de re gravi; Ergo sub gravi obligat. Quod ulterius ab ipsa Legge manifestatur; etenim in hypothesi, quod velint minores septennio Sponsalia inire, præcipit, ut licentiam petant a proprio Episcopo, cui facultas datur dispensandi supra prædicto præcepto de septennio. *Can. Quisquis præcepti: Enriquez Lib. 11. de Matrimonio Cap. 13. n. 13. & Terr. de l'edjma de Matrim. Quæst. 43. Art. 2. dub. 3.* Ratio autem, quare ad Episcopum reservata sit dispensatio prædicta, est, ut ipsi scrutetur, an contrahentes usum rationis habeant, sicque Ecclesia certioreretur de idoneitate contrahentium. Cui valde id interesse debet, tñ ad dirimendas Lites, si oriantur, tum ob impedimentum publicæ honestatis quod Sponsalibus validis absolutis adnexuit. Ergo ex his causis apparet præceptum de septennio grave esse. Ergo peccatum mortale erit illud violare.

8. Verum cum de ætate requisita ad validitatem Sponsalium agamus, quæ a septennio completo incipit, in quo præsumitur usus rationis, quæri solet hic, sicuti valent Sponsalia, etiam Matrimonium valeat post hujusmodi septennium celebratum, infra tamen pubertatem contrahentium, vel si in ratione Matrimonii non valeat, illud ipsum transeat in Sponsalia de futuro.

Ut propositis Quæstionibus respondeamus præmittere oportet, Matrimonium esse quidem effectum ad rationem Sacramenti, sed simul retinere veram naturam atque affectiones contractus. At natura, atque affectiones contractus sunt, ut Merx, ad quem usum emitur, sit apra eo tempore, quo ipsa, vel ejus usus venditur, seu alteri quocunque modo traditur, alias nihil venderetur, aut traderetur; & profecto res clara est in Matrimonio. Nam in eo non venditur, aut traditur corpus, sed solum jus utendi corpore, qui usus inutiliter cessus videtur, propterea nulliter, si corpus ipsum incapax sit hujusmodi usus. Itaque cum Matrimonium impuberum importaret cessionem Juris utendi corpore incapaci ad usum cessum, jam appareret in ratione contractus subsistere non posse, quod si in ratione contractus non subsistat, neque subsistere poterit in ratione Sacramenti, ex quo Matrimonium, ut legitimus contractus ad rationem Sacramenti fuit elevatum. Ad hanc intrinsicam rationem accesserunt plures Canones decernentes invalida Matrimonia impuberum, qui habentur in Decretalibus Gregorii IX. Inter quos est *Can. Attestationes sup. causa Urbani III. Episcopo Cenomaniensi de Desponsatione Impuberum*.

9. Habent tamen hoc peculiare hujusmodi Matrimonia impuberum, quod ab Ecclesia recipiantur, tanquam Sponsalia de futuro valida, & legitima, & absoluta. Contrà verò est de Matrimoniis nullis celebratis inter Puberes, quæ nunquam in Sponsalia de futuro resolvi permittit Ecclesia. Quare autem Matrimonia impuberum Ecclesia velit transire in Sponsalia, est, quia ex solo temporis lapsu corpora de incapacibus capacia fiunt ad usum, qui ceditur in Matrimonio; propterea etsi contrahentes quousque sunt impuberes, sint etiam iam habiles ad contrahendum Matrimonium, quia tamen solus temporis lapsus sufficit ad eos habiles reddendos, (nam suapte natura tempus fuit, & impediri non potest, quin fluat), jam eo ipso momento, quo contrahunt impuberes, eo ipso remotè capaces sunt, & spes est etiam, ut proximè capaces fiant solo temporis fluxu, non autem merito hominis arbitrio. Proinde hanc remotam capacitatem contemplata est Ecclesia, ob quam voluit, quod illud Matrimonium, quod de præfenti nullum est, haberetur saltem, ut Sponsalia, seu promissio ejusdem; sicuti evenit, quando quis venit fructus, quos recolectos arbitratur, & revera nondum sunt collecti; ut ejus venditio resolvatur in promissionem eisdem vendendi tempore, quo recolecti erunt,

erunt, & ita verificaretur illud Juris Axioma, quod *utile vitiari non debeat per inutile, & quod non potest subsistere in ratione completa, subsistat saltem in ratione dispositiva, atque incohativa*; præsertim cum spes sit quod defectus tunc existens solo temporis lapsu evanescat, atque contrahentes evadant habiles.

10. Sunt quoque Canones in Decretalibus Gregorii IX. decernentes Matrimonia impuberum transire in Sponsalia de Futuro: *Cap. Tunc nobis exhibita Littera Innocentii III. Episcopo Abbatensi de Responsione impuberum.*

Verum ex opposito decreverunt Eminent. Sac. Congreg. Concil. Trid. Patres Matrimonia impuberum, si nulla fuerint ob impedimentum juris positivi (nam de impedimento juris naturæ nulla quæstio, quoties hæc perpetua sint, quia nec Matrimonia impuberum, sub his impedimentis resolvi possunt in Sponsalia de futuro) non transire in Sponsalia de futuro; hancque ob rationem, quia tunc contrahentes, etsi physice habiles sint, tamen reddituri sunt inhabiles ex Juris dispositione, quæ tota in arbitrio Summi Principis locata est; neque ullam spem relinquit, ut habiles fiant contrahentes, nisi per voluntatis Principis mutationem derogantem Legi ipsi, quæ derogatio cum sit quid odiosum, nunquam præsumi potest; Ergo nulla spes superest, ut habiles fiant contrahentes. Ergo nulla ratio cur eorum Matrimonium nullum in Sponsalia de futuro transeat. Propterea habetur, & Concil. Trid. sess. 24. cap. 5. & Resolutio Sacra Congregationis ejusdem Concilii declarans nedum esse invalida hujusmodi Matrimonia, & non resolvi in Sponsalia de futuro, sed & ipsa Sponsalia contracta inter eos, qui habent Canonicum impedimentum sub conditione si Papa dispensaverit, esse invalida, Januæ. 12. Decembris 1733. Tom. 6. Resolut. S. Cong. Trid. Fol. 176. idque contra plures Doctores, & præsertim Picler, docentem similia Sponsalia valida esse.

11. Occasione indicatæ ætatis requisitæ ad Sponsalia ineunda, quæ est, ut supra notavimus, septennium, advertimus, quod Sponsalia in prædicta ætate celebrata & valida sunt, & publicæ pariunt justitiæ honestati, dummodo absolutæ sint, ususque rationis pateat in contrahentibus.

Definitum hoc habetur in sexto Decretalium Lib. 4. Cap. Un. *Si infantes*; & §. *Idem quoque dicti Cap. de Desponsat. Impub. Tit. 2.* Effet hoc loco movenda Quæstio de Sponsalibus initis a Parentibus impuberum pro ipsismet impuberibus ræcentibus, sed hanc Quæstionem supra solvimus, dum egimus de consensu requisito, atque externe manifestato, seu manifestando in Sponsalibus.

Quod hic addi potest, est Legis dispositio ex supra citato Cap. Un. *Si Infantes* §. *Porro*, quæ ita se habet. *Porro ex Sponsalibus, quæ Parentes pro Filiis puberibus vel impuberibus plerumque contrahunt, ipsi filii si expresse consenserint, vel tacite, ut si presentes fuerint, nec contraxerint, obligantur: & ex eis oriuntur Justitia publica honestatis, & est idem, si filii tempo-*

re Sponsaliorum absente, & etiam ignorantes eadem Sponsalia, post scientes ratificaverunt tacite, vel expresse: alias ex Sponsalibus contractis a Parentibus pro Filiis, nec ipsi Filii obligantur, nec publica honestatis Justitia inde surgit.

Ex allata decretali, si ejus tantomodo corticem spectemus, falsa decernitur sententia a nobis superius tradita, quod scilicet non valeant Sponsalia a Parentibus pro Filiis presentibus, & merè tacentibus celebrata, vel saltem ut valida decerni non posse, si sola intercesserit taciturnitas Filiorum, excluso quocunque alio exteriori signo interioris eorum consensus manifestativo.

Verum si hæc decretalis cum aliis conferatur, & cum ipsa ratione, jam facile exponetur, ac conciliabitur cum aliis Juris Principiis, & simul sententia nostra firmabitur. Omnis variis ejusdem decretalis interpretationibus in Glossa congesti, advertimus tacitum consensum eum esse, qui non verbis, sed facto aliquo univoce significante exprimitur, ut omnes docent Juristæ, & pluribus tum Canonum, tum Juris Civilis Capitulis roboratur. Inde notamus Pontificem requirere in Sponsalibus contractis a Parentibus pro Filiis, quod Filii expresse, vel tacite consenserint; qua propter ostendit nulla esse Sponsalia a Parentibus inita, si deficiat consensus vel expressus, vel tacitus Filiorum. Si itaque saltem tacitus consensus Filiorum requiratur, consensus facto aliquo univoce significante manifestatus requiritur. Pura autem taciturnitas non præferet hujusmodi factum; Ergo pura taciturnitas non fuit a Pontifice habita, ut sufficiens ad manifestandum consensum Filiorum. Neque quidquam obest, quod addit Pontifex tanquam expositivum, ac manifestativum taciti consensus scilicet: *ut si præstes fuerint non contradixerint*: etenim cum supponat factum aliquod præcessisse, illud ipsum Pontifex interpretatur, vultque, ut hujusmodi sit significativum consensus, quod non contradicat, idest non opponatur sensui verborum Parentum Sponsalia contrahentium.

Sed factum quod non opponatur verbis Parentum, quia quid positivum, non potest esse, nisi aliquid univoce significans consensum ejusdemmet Filii in Sponsalia. Ergo ex quo Pontifex requirit tacitum consensum Filiorum in Sponsalibus initis a Parentibus, jam manifestat illam non contradictionem consistere in facto positivo univoce manifestante consensum tacitum.

Quod cum ita sit, apparet solam, & meram taciturnitatem Filiorum non sufficere ad exprimendum consensum in Sponsalibus initis a Parentibus, neque hanc contemplatum esse Pontificem, dum inquit: *si præstes fuerint nec contradixerint*; Sed inipexisse consensum tacitum manifestandum per factum, quod non contradiceret gestis Parentum: idque manifestius ostenditur ex subsequentibus ejusdem Decretalis: *S. Et est idem: nam ibi*

ibi inquit Pontifex: *Si Filii tempore Sponsaliorum absentes, & etiam ignorantes eadem Sponsalia post scientes ratificaverunt tacite, vel expresse, eadem inquam Sponsalia valere, & ex iis oriri publica Justitiam honestatis.* Ex hac ergo decretali constat, quod Sponsalia inita a Parentibus pro Filiis absentibus, atque ignorantibus valent solummodo, quando Filii sciverint, & tacite, vel expresse ratificaverint eadem. Itaque sola tacita ratificatio sufficit pro validitate predictorum Sponsalium, ut ex alata Decretali: sed tacita ratificatio, est idem ex predicto Pontifice ac tacitus consensus; Ergo quicquid dicitur de tacita ratificatione, dici debet de tacito consensus; in nullo enim discriminantur hæc duo, nisi in tempore. Nam consensus tacitus inter presentes, & tempore gestus, cuius est consensus, ponitur, ratificatio autem supponit absentem gestu, & postea ratificantem; hinc illi gestu sublequitur.

Cum ergo unum, & idem sint tacite consentire, & tacite ratificare: manifestabimus quid importet tacita ratificatio. Ratificare enim seu ratum aliquid habere non aliud est, quam vel verbis, vel facto manifestare approbationem, seu placitum internum de re ipsa, quæ approbatur. Quam rem si volumus esse a nobis quasi productam, ita illam approbamus, ac quasi in nostrum dominium vocamus, ut alteri ostendamus dicto, vel facto rem ab alio gestam, & nos gessisse, si optio, ac libertas dedisset. Si itaque ratificatio consistat in assumptione gesti alterius in suum, hoc manifestari nequit, nisi per verba, vel factum aliquod adeo univoce significans hanc assumptionem, ut nullum superesse possit dubium de ipsa ratificatione interna; quæ ratificatio ita est exterius manifestanda, sicut consensus quorumlibet contractuum; ipsa enim ejusdem vices gerit. Quomodo ergo manifestatio consensuum in contractibus est essentialis, & manifestatio est actus positivus, aut verborum, aut facti consensum significantis; Ita tacitus consensus, seu tacita ratificatio in nullo alio consistere potest, quam in facto positivo significante consensum. Et revera nomen ipsum ratificationis, id significat; nam importat actionem determinatam, quæ in solo silentio consistere nequit, seu in mera abstinencia cujuslibet facti.

Quale autem esse debeat factum, quo ostendant Filii, se non contradicere Parentibus, vel ratificare Sponsalia inita a Parentibus, inquit Glossa, præter taciturnitatem intellige quod aliud factum concurrat, scilicet copula, aut aliud simile: *Joban. de Ancharan adde notata &c. Bernard. in Leg. Quo enim D. V.* Et revera aliter exponi nequit prædicta Decretalis, nisi velimus eam contradicere legi primæ §. 3. *D. de pæstis, & Cap. 23. de Sponsalibus:* in quo habetur, quod mutus, & surdus possint contrahere Matrimonium, licet loqui non valeant, quia inquit: *cum Surdus, & Mutus, quod verbis non potest, signis valeat declarare.*

Non autem dixit per meram taciturnitatem. Ergo mera taciturnitas non sufficit ad manifestandum consensum.

His ita expositis apparet nostram sententiam non adversari Decretali expositioni, quin imò per ipsam Decretalem roborari.

11. Vidimus Parentes posse celebrare Sponsalia pro Filiis, modo tamen supra indicato; ex illisque Sponsalibus oriri publicam honestatem. Tunc procedentes, agemus de impuberibus, dum ad pubertatem pervenerint, quærentes, an ex vi præcedentium Sponsaliorum cogi possint ad Matrimonium incundum.

Non posse cogi, sed liberos esse resiliendi a Sponsalibus, definitum est a Jure Canonico *Cap. 7. & 8. hoc Tit.* Cujus facultatis datæ ratio fuit, ne ipsi contrahentes in impubertate, facti puberes, cogentur approbare, quod non satis firma ætate fecerunt; Propterea ante adeptam Pubertatem præstare id nequeunt, ne nimium inconstantes, ut fert illa ætas, una die resiliant, alia vero iterum conveniant. Verum tamen est, quod si unus ex impuberibus Pubertatem citius altero coniequatur, hic non expectata pubertate alterius statim resilire potest *Cap. 7. citat. ut supra. V. Si vero.*

Quod si ambo simul pervenerint ad Pubertatem, ambo a Sponsalibus resilire possint; quando autem hoc facere debeant, Doctores fere omnes docent, quod incontinenti, seu illico post adeptam Pubertatem resilire debeant. Illudque *incontinenti*, seu *illico* ad solum triduum proximum extendunt, intra quod, si quid fiat, illud fieri illico dicitur. *Ieg. Fin. Cod. de Judic.* Verum hoc nimis rigidum apparet, & naturali æquitati repugnans. Etenim Pubertas non adeo advenit stipata militibus, aut cum strepitu, quo dies, & hora, atque momentum pateat ejus adventus, sed paulatim accedit, nec se prodit ab ingressu, verum & ad dies, & ad Menses latitat, & fortasse ad Annum. Quapropter si statim ab adepta pubertate, ut ultra triduum disferre non possent, de hoc Privilegio resiliendi actum esset; Nam impossibile esset diem adventus Pubertatis figere, sicque etiam impossibile scire tempus, quo liceret a Sponsalibus resilire.

Nimium rigida etiam apparet horum sententia, si consideremus esse posse in Contrahentibus ignorantiam hujus Privilegii, cujus notitiam non consequantur nisi post adeptam Pubertatem, & quidem longo tempore; tunc enim hoc Privilegio privarentur sine eorum culpa; quod præsumi non debet, si spectetur finis Legis concedentis hanc facultatem ad Pubertatem pervenitis.

Unde nobis videtur, quod facti Puberes uti valeant facultate a Jure concessa resiliendi a sponsalibus in Impubertate contractis, quando certiores facti sint de hujusmodi facultate, & cum primum optio iis se dederit id præstandi. Quin imò plures Doctores, inter quos Pater Schmier de Sponsalibus *P. 3. cap. 2. sect. 1. n. 61.* indulget iis jus resiliendi tantum, quandiu verbis, vel factis non confirmaverint Sponsalia, in Impu-

ber:

bertate inita, nec altera pars impletionem eorum perierit; cum Jus tempora non definiat. Hunc sequitur Picler sæpius citatus. Hinc liquet quod Sponsalia Impuberum non sunt indissolubilia post adeptam Pubertatem per solam ratiurnitatem Contrahentium, sed requiri confirmationem ipsorum verbis, vel factis: licet minus sit ea confirmare, quam ex integro celebrare; unde a fortiori constat: solam ratiurnitatem non sufficere in Sponsalibus initis a Parentibus pro Filiis.

Quid vero dicendum sit de Sponsalibus initis a Pubere cum Impubere, sit ne & ipsis concessa facultas resiliendi, vel a Pubere non expectato Pubertatis adventu Impuberis, vel dum Pubes & ipse factus est, utrisque concessa sit, vel solum eidem Impuberi post Pubertatis adventum? Ex Jure ipso innotescit. Nam Puberi contrahenti Sponsalia cum Impubere nunquam concedi facultatem resiliendi a dictis Sponsalibus *Cap. 7.* *¶ Mulier de Sponsalibus* docet, sicuti ex eodem capite apparet soli Impuberi concessam esse facultatem resiliendi, quando factus est Pubes. Ratio autem, quare Jus non concesserit facultatem Puberi resiliendi a Sponsalibus initis cum Impubere, quia nempe pro Pubere cessat finis Legis, scilicet non præsumitur infirmus, atque inconsideratus consensus datus in Sponsalibus proinde non egens Confirmatione, quemadmodum præsumitur egens Confirmatione consensus Impuberis; Propterea dum ad Pubertatem pervenerit, verbis, vel facto confirmare tenetur.

33. Quoniam egimus hucusque de Personis, quæ Sponsalia contrahere possunt ipsæ per se, nunc superest inquirendum, an possint eadem celebrare per Procuratorem, Proxeneram, Internuncium, aut Litteras: quibus satisfieri potest, præmittendo Caput Final. de Procuratoribus in sexto, quod habet: *Totest quis per alium, quod potest facere per seipsum. Item, qui facit per alium, est perinde, ac si faciat per seipsum. Cap. 68. & 72. de regulis Juris in sexto.*

Qua posita Juris dispositione, quia Sponsalia sunt contractus Juris naturalis, & per stipulationem etiam evadunt contractus Juris civilis, vel saltem civilem pariunt obligationem, sub allata proinde Juris dispositione cadunt, ut sicuti alii contractus per alium, scilicet Procuratorem, vel Proxenetam, seu Mandatarium, vel denique Internuncium, vel etiam per Litteras celebrantur, ita & Sponsalia; neque id ab ullo positivo Jure prohibeatur.

An autem isti Procuratores, seu Proxenetæ debeant habere Mandatum a Principalibus, & quidem cum solemnitatibus Juris factum ut plerumque in aliis contractibus?

Respondemus sufficere etiam Mandatum verbale, neque requiri Scripturam, vel alias solemnitates Juris, nisi pro foro externo: quod tamen habere debet, est, ut sit ad certam, & determinatam Personam Mandanti designandam; nam si indeterminata esset, & posita in arbitrio Mandantii;

tunc

tunc non orirentur sponsalia: eo quia Consensus sponsalitijs respicit Matrimonium, & ad illud ducit, ut ab eo non diderat nisi Tempore; videlicet quod consensus Sponsalitijs sit de futuro Matrimonio contrahendo, & consensus Matrimonialis sit de præsenti; sicuti ergo repugnat Consensum de præsenti respicere incertam Personam, ita & Consensum de futuro.

Confirmatur etiam, dum spectatur effectus Sponsaliorum, qui est conjunctio animorum. Quinimo promissio tradendi alteri contrahenti Jus in proprium corpus, quod cum non possit indeterminatæ personæ offerri sine peccato, hinc est, quod sponderi non possit indeterminatæ personæ. Ergo Consensus datus in indeterminatam personam, quia illicitus, nunquam pariet valida Sponsalia.

Neque dicatur Consensum prædictum, etsi indeterminatum quoad personam a Mandante non designatam, esse tamen satis determinabilem a Mandatario, cui facta est facultas determinandi, proinde posse sufficere pro Sponsalibus.

Nam conjunctio animorum, qui est effectus Sponsalium, haberi non potest, nisi unus ex iis in alium determinatum respiciat; quomodo enim tendere potest voluntate sua in eum, seque illi unire non eo cognito, ut termino suæ unionis? Sed dato Consensu a Mandante, qui sit indeterminatus, datur motus animi in terminum vagum; ergo in terminum, cum quo conjungi nequit affectione; sed si hoc, consensus hujusmodi non sufficit ad Sponsalia, quia non producit primum effectum Sponsaliorum; ergo &c. Vidimus quale esse debeat Mandatum; nunc quibus Personis fieri possit indicabimus.

14. Etsi non possint contrahere Sponsalia, nisi Masculus, & Fœmina, ex eo quod non nisi Masculus, & Fœmina possint contrahere Matrimonium ad invicem, tamen constitui possunt Mandatarii ad sponsalia ineunda duo Masculi, vel duæ Fœminæ; quemadmodum etiam fieri potest in Matrimonio contrahendo. Et ratio est, quia ipsi Mandatarii non sunt contrahentes, neque se ipsos obligant, sed suos Principales; propterea non attenditur cujus lexus sint ipsi, sed cujus sint contrahentes Mandantes; nam contractus sive Sponsalitijs, sive Matrimonialis habet pro materia non Mandatarios, sed Principales; & sicuti consensus Mandantis commissus Mandatario non amittit suam rationem, videlicet quod sit: ex. gr: Consensus Masculi, etsi fuerit commissus Fœminæ, vel contra, ita licet hic Consensus delatus sit a Fœmina alteri Fœminæ, vel contra, non exinde tollitur, quin duo Consensus scilicet Masculi, & Fœminæ conjungantur. Quod si conjungantur, statim exurgunt Sponsalia, idemque dices de Matrimonio.

15. Quin immo magis confirmatur superius dictum, ex eo quod possint etiam Sponsalia contrahi per Litteras, quæ prolecto, quia non sunt Personæ,
nec

nec Masculi, aut Foeminae dici possunt, & tamen ipsismet inanimatorum paginis committitur contrahentium respectivus consensus.

Possē autem contrahi Sponsalia per Litteras jam ex supra allegatis Juribus nempe ex *Cap. 1. in de Procurat. in 6. & Cap. 63. 62. de Regulis Juris in 6.* & novissimē ex sensu Sacrae Congregationis Concilii Tridentini satis patet. Neque obest, per easdem contrahi non posse Matrimonium; nam ratio, ob quam non potest per Litteras contrahi Matrimonium, est, quia Consensus matrimonialis ut valeat, exhibendus est coram Parocho, & Testibus, ut novissimē ex Tridentino, qui nisi ab animatis rationeque utentibus exprimi potest, & quia tum Parochus, tum Testes debent posse Testimonium ferre de aliquo gesto coram ipsis, nempe de utriusque Contrahentis expresso Consensu, quod non possent ex pura Litterarum inspectione; & Card. De Luca *Disc. 16. De Matrim.* etiam recenscat sententiam de valore Matrimonii per Litteras initi uti probabilem; Tamen eam reicit praesertim ex eo, quod ea admissa ad pristinam clandestinitatem sublata a Tridentino revocarentur Matrimonia, videantur n. 21. 22. 23. *Romana Matrimonii.* Addi etiam potest alia ratio, ob quam per Litteras contrahi non possit Matrimonium, & est, quia Matrimonium fidelium, cum sit Sacramentum, a cuius ratione est inseparabile, & sententia probabilis sit ministrum hujus Sacramenti esse Sacerdotem, seu Parochum, jam si per Litteras contraheretur, deficerent suscipientes, neque caris ministrari possunt Sacramenta; ne itaque saltem periculo nullitatis exponatur Sacramentum, Ecclesia prospexit, non admiittens ut validum, si per Litteras contrahatur. Hæc autem non procedunt de Sponsalibus; unde illa per Litteras inita valent, non autem Matrimonium.

16. Pro complemento eorum, quæ pertinent ad Personas Sponsalia inire volentes, queri hic potest, an unus alteri ex contrahentibus manifestare teneatur defectus si habeat?

Certum apud omnes Theologos ac Juris peritos esse, quod tenetur quilibet manifestare defectum, qui repugnat substantiæ Matrimonii, vel qui noceret alteri parti, vel in periculum gravis damni eandem partem induceret, eamque vel iusto mærore afficeret, uti est Lepra, Paralisis, Morbus Gallicus, mores perditii, Infamia, Sterilitas, Inpregnatio viciens facta ab alio. Hæc omnia non egent probatione; etenim constat debere illa manifestari, quæ non perfecta justam præbent causam resiliendi a Sponsalibus, nisi pro quibusdam præceptum, aut jus aliquod naturale prævaleat eximens ab hoc onere. Defectus autem, qui adversantur bonis Matrimonialibus, ita sunt manifestandi, ut a nullo naturali Jure excusentur ii, qui illos defectus occultant.

Quos autem defectus proprios non tenetur contrahens manifestare parti, hic numeramus, & sunt omnes ii, qui occulti allaturi non sunt notabile

bile damnum, aut molestiam alteri parti, ut est præcedens fornicatio Sponsi, vel Sponsæ cum aliis habita sine impregnatione, vel etiam ea secuta, sed postmodum per partum soluta. Ignobilitas, paupertas, leves defectus corporis, vel animi; quia isti defectus manifestari nequeunt sine probro manifestantis, & parti non admodum nocent: hinc fit, ut illos habens non teneatur sub gravi manifestare alteri contrahenti. Et hæc satis de Personis contrahentibus Sponsalia, nunc de Sponsaliorum effectibus.

§. I I.

Sponsalium qui sint effectus, præsertim a juri dispositione procedentes:

1. **P**rimus est obligatio gravis, quam inducunt, ut contrahentes teneantur procedere ad Matrimonium celebrandum, hanc supra exposuimus, agentes de definitione Sponsalium; nunc quæ de ipsa supersunt dicemus. Et primo dicimus esse obligationem Justitiæ per se gravem, ut ex *Canone* 27. 47. 50. *Causa* 27. *Quæst.* 2. et est ratio; nam obligatio versatur circa materiam gravem, qualis est de Matrimonio ineundo; ergo & ipsa obligatio; proinde nisi contrahentes expresse manifestaverint tantum ex Fidelitate, aut sub mera culpa veniali se velle obligare, jam præsumendum est, ex Justitia, & sub peccato mortali superesse obligatos.

Et quamvis opponatur Textus Legis *Cod. de Sponsalibus*, qui habet: *alii desponsata rennuciare conditioni, & nubere non prohibentur.*

Nam Jus Civile procedebat tantummodo ante Constitutas Canonicas Leges, nunc autem statutum est per ipsum Jus Canonicum, quod nedum peccat mortaliter sine iusta causa resiliens a Sponsalibus, sed etiam injustè tentans resiliire, & quod sit cogendus injustè resiliens Ecclesiasticis penis ad complenda Sponsalia.

2. Quia obligatio Sponsalium, respicit Matrimonium futurum, etiam videtur respicere intermedium tempus a Sponsalibus nempe ad Matrimonium, atque obligare, ut quæ sunt promissa in Sponsalibus, integrè serventur, ac custodiantur, ut postea per Matrimonium alteri parti tradantur ea integritate, quam habebant, dum fuerunt promissa. Propterea locus hic est quæstioni illi a Doctores excitatæ: an Sponsus, vel Sponsa fornicando cum alia Persona peccet mortaliter etiam contra Justitiam, sitque una, ex circumstantiis necessario aperienda in Confessione.

Pro cuius solutione præmittere oportet in Sponsalibus non aliud alteri polliceri, quam suo tempore procedendi ad celebrationem Matrimonii, in qua promissione nihil habetur de iis, quæ pertinent ad conservationem integritatis corporum; proinde ex sola obligatione Sponsalium exclusio quocumque damno, alteri parti fortasse obventuro, non apparet

violatio Justitiæ in alterutro ex Sponsis si fornicetur; etenim si hæc sequi deberet, in ipsa obligatione Sponsalium involutam esse oporteret obligationem vel servandi virginitatem, vel castitatem; sed hæc obligatio non continetur in Sponsalibus; ergo non ex obligatione Sponsalium venit debitum ex Justitiâ servandi virginitatem, vel castitatem.

Si autem non descendat ab obligatione Sponsalium, sectusio semper damno alteri parti obvento, vel obventuro, non habetur origo in Sponsalibus, a qua venire possit obligatio Justitiæ servandi castitatem. Ergo si alteruter ex Sponsis fornicetur, non peccabit contra Justitiâ.

Et en fundamenta negantium violari Justitiâ a Sponsis, si fornicentur cum alia, vel alio.

Qui oppositæ sententiæ favent inquirunt: per promissionem rei conceditur promissario jus ad ipsam rem, & quidem ex Justitiâ; Ergo qui offendit hujusmodi jus concessum promissario, peccat contra justitiâ.

Sed qui dolose contrectat, seu abutitur re alteri promissa, offendit Jus promissario concessum, ut constat *Leg. itaque Fullo D. de Furtis. Illustriss. Sac. Instit. Juris Civilis Lib. 4. T. 1. Fol. 360. Edit. 1744.* Ergo si Sponsi dederint sibi jus ad rem, nempe ad eorum corpora in promissione Sponsalitia, vitando eadem corpora dolose, ledunt sibi invicem jus ad eadem corpora, sibi que ipsis invicem injuriam irrogant; proinde peccant contra Justitiâ; atque inde consequitur circumstantiam hujusmodi aditam Fornicationi, quia inducit in peccato fornicationis malitiam oppositam alteri virtuti, nempe Justitiæ, aperiendam esse in Confessione.

Ingenue tamen fateamur primorum sententiam arridere magis: nempe Fornicationem ab alterutro ex Sponsis cum alia, vel alio commissam præcise, & per se spectatam, non attentis, quinimmo exclusis consequentibus ex ea prodire solitis, ultra malitiam contra castitatem, non importare malitiam injustitiæ, ob quam circumstantia habeatur aperienda in Confessione. In cujus confirmationem præter dicta ab Auctoribus hujus sententiæ patronis, non aliud superest, quam dilhere momenta secundæ Sententiæ. Quod ita præstamus.

3. Ad primum Entimema ab iis confectum: scilicet per promissionem rei conceditur &c. Respondemus distinguendo antecedens, scilicet per promissionem rei conceditur promissario jus ad rem, & quidem ex Justitiâ: Si res sit quid realiter distinctum a promittente vel corpore, vel incorporale, omittitur: si verò nullo modo distinguatur a persona promittentis, negatur, & sub datâ distinctione negamus, & concedimus consequentiam.

Ad minorem subsumptam, quæ est: sed qui dolose contrectat &c., pariter distinguitur: si fuerit res distincta a persona promittentis, conceditur, si secus negatur.

Consequentia tandem quanta est negatur, dicimus autem tunc solum promiss-

missario concedi jus ad rem, quando res distinguatur realiter a persona promittente, quia tunc res illa hypothecatur promissario, ut possit sibi cavere de executione promissionis. Etenim si promittens renuat stare promissis, poterit promissarius rem afficere, atque apud Judicem instare, ut sibi decernatur, adimpletis per eundem promittentem adimplendis, ut promissio habebat. Ex quo apparet, quod consensus promittentis, etsi tunc deficiat, adhuc per Judicem suppleri possit.

Si autem realiter res promissa non distinguatur a promittente, tunc promissarius non acquirit ullum jus ad rem promissam; etenim quia hæc non distinguitur a promittente, nunquam experibile est præstatum Jus; nam in hypothesi, quod promittens reluctaret exequi promissionem, nihil esset extra illum, quod promissarius afficere posset, & apud Judicem instare, ut ipsi decerneretur. Quod fortius procedit in hac materia, in qua promissio respicit consensum Matrimoniale suo tempore præstandum, qui cum debeat esse actus liber, atque internus, & univocis signis manifestatus, hic distingui nequit a promittente, neque a quolibet Judice suppleri potest; quia Matrimonium amborum contrahentium consensu perficitur, non alterius extranei, quia non datur Maritus invitæ, sicut nec Uxor invito.

Qua posita distinctionis expositione sequitur in Sponsalibus non concedi jus ad rem, proindeque non hypothecari corpora contrahentium; etenim a nullo Judice decerni potest corpus promittentis nunc invitæ promissario instanti, quia Judex suppleri nequit consensum amborum contrahentium essentialiter requisitum in Matrimonio; Qui solus consensus fuit objectum promissionis Sponsalitæ, quæ non aliud objectum ipsam habere potest.

Quæ cum ita sint, apparet non violari Justitiam a Sponso, vel a Sponsa fornicantibus, neque invicem sibi injuriam irrogare, præcisè semper, quin immo exclusis consequentibus supra indicatis.

Proinde etiam sequitur circumstantiam initorum Sponsalium in fornicante non inducere obligationem, ut eandem in Confessione aperiat.

4. Si autem sequantur illi effectus superius exclusi, puta infamia alterutrius, vel illegitima proles ab Innocente alenda, vel alia hujusmodi damna, tunc ratione damnorum illatorum superius dicta Fornicatio erit etiam contra Justitiam; proindeque inducet circumstantiam aperiendam in Confessione; dixi inquam ratione damnorum, vel infamæ &c. ut Ostenderem non per se opponi Justitiæ illam fornicationem, sed solum per accedens. Proinde prædictam fornicationem per se non involvere peccatum injustitiæ. Verum de hæc satis.

5. Nunc de reliquis effectibus Sponsaliorum. Quorum unus est negativus, consistens nempe in removendis omnibus impedimentis Matrimonii futuri quæ sint in potestate Sponsorum. Etenim promittentes Matrimonium in-

im-

implicitè etiam promittunt se expeditos reddere, ut procedere valeant ad Matrimonium. Secus manifestarent se non perseverare in ea animi deliberatione, quam habuerunt, dum contraxerunt Sponsalia, sicque recedere a promissis.

6. Multo autem magis, & en effectus positivus, tenentur ponere omnia media, quæ sunt in ipsorum potestate, conducentia ad Matrimonium contrahendum. Ratio autem eadem est, quam nuper pro effectu negativo dedimus. Propterea nequit Sponsus licitè cum alia Matrimonium inire, nequit Sacros ordines suscipere, bene verò poterit Religionem ingredi, ac profiteri: ut constat *Cap. 7. de Conversione Conjugatorum*, quia statui Religioso privilegium hoc à Jure concessum est; non verò Clericali Militi.

Diximus licitè; nam si aliquis Subdiaconatus ordinem suscepit post Sponsalia contracta, omnimode Sponsalia dissolvuntur.

7. Tertius effectus est, ut statuto tempore Sponsi deveniant ad celebrationem Matrimonii. Tempus autem hoc vel est conventum in Sponsalibus, vel illa simpliciter sine ullo termino temporis sunt celebrata. Si primò, intra illud spatium statutum tenentur contrahere Matrimonium, quod si culpabiliter omiserint, peccabunt contra Justitiam, ut ex *Cap. 10. hoc T. &c.*

At quoniam tempus potest duplici ratione apponi, una ad finiendam obligationem, alia ad merè sollicitandam executionem promissionis, hinc est, ut lapsò tempore appposito secundum primam rationem, exinde Sponsi liberentur ab obligatione contrahendi Matrimonium. Si autem lapsum sit tempus appositum juxta secundam rationem, tunc Sponsi non solvuntur ab obligatione procedendi ad Matrimonium celebrandum, sed semper remanent obligati. Si postea nullum fuerit expressum tempus in Sponsalibus celebratis, tunc à Judice Ecclesiastico impetranda est præfixio temporis, intra quod pars tenuens cogatur ad celebrandum Matrimonium. In hac autem re videatur Notificatio quinta voluminis tertii Benedicti XIV.

8. Porius hic quæri potest, quid sentiendum de Sponsis, qui nenter ab altero petit executionem, sed ambo silent, an inquam obligationem habeant petendi executionem.

Quamvis non desint sentientes alterutrum ex his teneri petere executionem, & quidem quamprimum: uti Coninch., Palao, Reinpestuel; adhuc tamen probabilior sententia videtur in nullo ex Sponsis esse obligationem petendi; etenim ut quis ad debitum solvendum teneatur, prius monendus est de suo debito à creditore *Leg. 10. Cod. de Tigrioribus*, dicente: *Debitorum præsentis prius denunciationibus conveniendi sunt*. Probatum etiam, quia silentium indicat compartem consentire in dilationem, nisi taceret vel ob metum, vel ob verecundiam, quibus casibus

ur-

urgeret obligatio contrahendi in ea parte, quæ causa esset prædicti metus, vel verecundiæ.

9. Si demum Sponsus, vel Sponsa Matrimonium contrahere renuat debito tempore, & urgeat pars altera, tenebitur renuens, dum injustè renuit, damna compartii emergentia resarcire, hocque etiam ante sententiam Judicis, & ulterius tenebitur post sententiam Judicis solvere compartii innocentem, quod a Judice decretum fuerit favore ejusdem innocentis; nisi inter se partes de hoc conveniant. Judicem verò posse condemnare injustè renuentem, nedum ad rescicienda damna, & resarciendas expensas, sed etiam ad aliquam summam pecuniariam pro compensatione injuriæ gravis pretio æstimabilis irrogatæ innocenti per injustum recessum a celebrando Matrimonio promissio, certum omnino est.

Etenim per illum injustum recessum contemnitur pars innocens; Ergo Judex potest decernere pro satisfactione hujus injuriæ summam aliquam pecuniariam, quæ tamen summa non stabilienda ad arbitrium partis læsæ, vel lædenti, sed Judicis arbitrio naturali æquitate moderato, inspectisque personarum circumstantiis.

10. Hucusque de effectibus, qui prodeunt a Sponsalibus ab intrinseco, eorumque spectata natura; nunc de iis, qui ex jure positivo ab iisdemmet Sponsalibus proveniunt; estque unicus, qui dicitur impedimentum publicæ honestatis. Hæc publica honestas impediens, ac dirimens Matrimonium cum extraneo, vel extranea celebrandum ab alterutro, ex Sponsis adnexa fuit Sponsalibus per plures Canones, scilicet 11. 14. 15. &c. *Causa 27. Quæst. 2. & Cap. 4. 8. hoc T.* Et per plura alia Juris Canonici capita. Verum tamen est, quod ex solis Sponsalibus validis, & absolutis hæc publica honestas oritur, ut ex iisdem citatis Juribus constat; quemadmodum si fuerint conditionata Sponsalia, nonnisi post purificatam conditionem oriri prædictam publicam honestatem, ex *Cap. unico Hoc T. in 6. & Cap. 4. de Desponsatione Impuberum.*

Etsi ante Tridentinum hoc impedimentum publicæ honestatis descendens a Sponsalibus se produxisset ad plures gradus, scilicet usque ad quartum, nunc temporis ab eodem Tridentino correptum est ad primum gradum, ultra quem nullatenus se extendit. Hoc constat *Sess. 24. Cap. 3. de reformatione Matrimonii.*

11. Quærent tamen aliqui: an ex Sponsalibus apparenter tantummodò validis; sed reverà invalidis, vel ex defectu consensus, vel ex impotentia occultata perpetua, vel alia de causa, oriatur publica honestas; cum videatur publicæ honestati repugnare, quod ille, qui publicè habitus est pro Sponso vero v. gr. Sempronius, contrahat Matrimonium cum hujus Sorore nulla obtenta dispensatione.

Verum Quæstionem solvit idem Tridentinum eodem loco citato, in quo decernit, non oriri ex Sponsalibus quacunque ratione invalidis.

Si autem dubium esset de validitate ipsorum, Sacra ejusdem Concilii Tridentini Congregatio respondit, ut in similibus super irregularitate nullius *Compositellana* 2. *Octobris* 1723., obtinendam esse dispensationem super Impedimento dubio publicæ honestatis, quæ dispensatio, dicitur data ad cautelam, eo casu, quo alter ex Sponsis vellet ducere in Matrimonium Sororem Sponsæ, vel aliam primi gradus consanguinitatis prædictæ Sponsæ, & quod de Sponso, idem dicatur de Sponsa.

12. Quoniam de Impedimento publicæ honestatis ex Sponsalibus proveniente agimus, quia hoc non se extendit, nisi ad primum gradum; nunc Personas primi gradus recensemus: & istæ sunt Pater, & Mater, Frater, & Soror, & non alia Persona; cum his inquam tantummodo contrahunt publicam honestatem celebrantes Sponsalia, scilicet Sponsus cum Matre, & Sorore suæ Sponsæ, ipsa verò Sponsa cum Patre, & Fratre sui Sponsi, cum his inquam contrahitur impedimentum publicæ honestatis.

Hoc ex eodem Tridentino loco citato apertum est, licet aliter statuat de impedimento publicæ honestatis proveniente, vel ex Matrimonio Rato, vel ex Matrimonio nullo, dummodo non sit nullum ex defectu consensus, ut suo loco videbimus.

Advertimus tamen, quod si Sponsus ex. gr. Sejæ tentaverit contrahere Matrimonium cum Sorore ejusdem Sejæ, licet ex tali Matrimonio nulliter contracto oriatur publicæ honestatis impedimentum se extendens usque ad quartum gradum, non operatur tamen retrò, idest non inducitur præfatum impedimentum inter Sponsum, & Sejam, quia præcedentia Sponsalia non infirmantur ab hoc superveniente impedimento publicæ honestatis; estque hoc definitum ex Cap. *Unico* in 6. *disso* T. in quo habetur, quod impedimentum publicæ honestatis sit iniectum ad impediendum, vel dirimendum sequentia Sponsalia, vel Matrimonia, non autem ad præcedentia dissolvendum.

13. Tandem pro complemento, dicimus hoc impedimentum publicæ honestatis esse perpetuum, nec tolli ex dissolutione Sponsalium quacunque ex causa. Hoc patet ex declaratione Cardinalium 1638. approbata ab Alex. VII., qui iussit hanc Doctrinam non amplius revocari in dubium: id refert Fagn. *H. T.* n. 29., etsi olim tantummodo fuerit probabile, & eruebatur ex Cap. 11. 14. *Caus.* 27. *Quæst.* 2. & ex Cap. 3. de *Desponsatione impuberum*, Quod caput hanc reddit rationem: quia inhoneſtum videtur, ut Matrem habeat, cujus Filia fuit sibi desponsata.

De Sponsalium effectibus non plura, sed de ipsorum dissolutione.

CAPUT TERTIUM.

DE SPONSALIIUM DISSOLUTIONE.

Cum Sponsalia sint merus contractus humanus solo contrahentium consensu constans, humanique contractus] dissolutioni ut plurimum subjaceant, hæc quoque ex iis sunt, quæ dissolvi possunt; proinde expeditis iis, quæ pertinebant ad ipsorum celebrationem, & etiam ad effectus ab ipsis productos, expedit hic agere de ipsorum dissolutione. Ideo autem Sponsalia dissolvi possunt, quia stabilem, fixumque statum ipsa non inducunt natura sua; quapropter quibus modis reliqui humani contractus dissolvuntur, & ipsa dissolvi possunt.

§. I.

Quæ ipso Jure dissolvant Sponsalia;

1. **E**T primò Morte naturali alterutrius, quia ipsa solvit omnia; Secundò, ipso jure ex utraque parte.

Tertiò per recessum liberum unius, cui data est justa causa resiliendi; quamvis posset non resilire.

Ipsò autem Jure ex utraque parte dissolvuntur Sponsalia mutuo consensu; debet autem esse consensus omninò liber, non dolo malo, aut fraudolenter obtentus, non coactus &c. quia mutuo consensu inita fuerunt. Ex regula prima in *Autentic.*, quia nihil tam naturale, quam eo genere quidque dissolvere, quo colligatum est. *Leg. 35. D. de regulis Juris.*

At tamen si Sponsalitiæ permissioni additum fuerit Juramentum, vel votum, vel fortasse copula intercesserit: quia inducta est nova obligatio non descendens ex nudâ promissione, sed vel a religione, vel ab una consuetudine Justitiæ, quæ ea non fuerit involuta in obligatione promissionis Sponsalitiæ: autumarunt proinde plurimi Auctores, prædicta Sponsalia his vestita circumstantiis mutuo consensu partium dissolvi non posse, quibus assentiuntur plerique.

Etenim præter rationem Legis de regulis Juris *Cap. 1.* quæ est, ut omnes res per quas causas nascitur, per easdem dissolvatur, si proinde mutuo consensu inierint Sponsalia, etiam mutuo dissenſu eadem dissolvere valeant.

Est primò, quod Juramentum adjectum Sponsalibus est eorum accessorium; cum autem possint contrahentes renunciare principali, illudque omninò auferre, poterunt quoque efficere, ut vis Juramenti cesset.

Neque dicat aliquis, Juramentum factum esse in honorem Dei; Ergo solo Deo, non ab uno ex contrahentibus remittendum; Ergo saltem in hono-

honorem Dei non dissolvenda Sponsalia: Huic inquam respondet D. Thomas 2. 2. *Quest.* 89. *Art.* 9. ad 2. iniquens; *Promissarium non posse remittere Juramentum intuitu Pietatis factum pro illo casu, quo res Juramento promissa non cedit tota in utilitatem ejus, cui Juratum est.* At Sponsalia cedunt tota in utilitatem ipsorum contrahentium, vel saltem alterutrius. Ergo, ut tollatur obligatio Juramenti, satis erit Consensus illius partis in cujus gratiam Juratum est; quod procedit etiam, si in Juramento præstando contemplata fuisset pauperies sublevanda alterutrius, cui pateri cedere potest pars, in cujus gratiam Juramentum, vel votum est emissum. Idque sæpius definivit Sacra Tridentini Congregatio, ut in *Tudertina* 9. *Maii* 1719.

Id, quod diximus de Juramento, & voto, dicemus etiam de carnali copula a Sponsis invicem habita, quæ etiam ante Tridentinum, dummodo affectu Maritali peracta esset, effecisset, ut Sponsalia in Matrimonium transissent, propterea evasissent indissolubilia per *Cap.* 15. 30. *H. T.* quemadmodum etiam nunc in iis Terris, in quibus acceptatum non est Tridentinum, tamen apud nos procedit ejusdem Concilii Tridentini dispositio, decernens Sponsalia etiam per copulam carnalem confirmata non transire in Matrimonium, sed superesse copulam Fornicariam. *Sess.* 24. *de Matrimonio Cap. de Reformatione.*

Si autem copula inter Sponsos non sit nisi copula Fornicaria, jam ipsa non est effectus Sponsalium, non via licita ad Matrimonium, neque habens secum vinculum peculiare, quo ligentur fornicantes ad Matrimonium postea contrahendum; propterea patet ab ea Sponsis libertatem, ac potestatem non tolli, quin a Sponsalibus mutuo disconsensu discedere valeant; & si fortasse obligatio aliqua esset standi Sponsalibus carnali copula affectis, hæc solius charitatis esset erga conceptam in hypothese prolem, quæ tamen sub gravi urgere non apparet.

Ipsa iure similiter ex parte unius dissolvuntur Sponsalia, si unus ex contrahentibus fuerit impubes tempore initiorum Sponsaliorum, deinde factus pubes dissentiat.

Et hoc ex facultate concessa a Jure eidemmet impuberi facto puberi ex *Cap.* 7. *de Sponsalibus V. si vero, & V. Mulier; supracitatis.* Quemadmodum ipso Jure solvuntur Sponsalia per impedimentum superveniens, propter quod non potest amplius contrahi, vel valide, vel licite Matrimonium: uti esset affinitas primi, & secundi gradus, quæ semper supponitur orta ex illicita copula, professio religiosa, suscepcio Ordinis Sacri, actuale Matrimonium cum alia nec consanguinea, nec affine.

2. Sed præstat ea numerare, quæ dissolvunt Sponsalia, si iisdem superveniant. Primum est, impotentia phisica, quæ sicut phisicè reddit inhabiles contrahentes, ad Matrimonium, ita ipso facto dissolvit præcedentia Sponsalia.

3. Secundum est affinitas orta ex copula illicita, a cujus impedimento ex plurimum sententia, delinquens tenetur propriis expensis obtinere dispensationem, si facilis sit obtentu, neque expensæ sint extraordinariæ; idque ne culpa patrocinetur delinquenti: eo quia ponendo culpabiliter impedimentum Matrimonio futuro graviter violavit jus alterius, cui data fuit fides de hujusmodi Matrimonio; Ergo tenetur ex Justitia remove impedimentum, si possit.

Alii tamen contra sentiunt, dicuntque neminem teneri ad petendam hujusmodi dispensationem, quæ, cum sit actus procedens a voluntate Principis, inter impossibilia reputatur; & addunt, dispensationes esse vulnera legum, per quas Jus commune lædatur; propterea nemo obligatur ad reparandum jus alicujus privati, per hoc, quod vulnus inferatur vel procuretur inferri Juri publico.

Quod æquius videtur, est, non teneri hujusmodi dispensationem procurare, qui deliquit, nisi in fraudem id fecisset, quia tunc dolo malo assumpsisset illam copulam, ut medium ad inducendum impedimentum affinitatis, scilicet tunc verè ex industria egisset illud peccatum ad reportandum ex eodem comodum, nempe dissolutionem præcedentium Sponsalium; & proinde peccavisset contra Justitiam; quod si peccavisset contra Justitiam, apparet etiam teneri ad petendam dispensationem, ut impedimentum dolo inductum removeatur.

Diximus non teneri ob momenta adducta in secunda sententia; & etiam quia, nec expresse, neque implicite, dum celebravit Sponsalia, se obligavit ad non fornicandum, ut supra vidimus; Ergo si ratione fornicationis cum alia, quæ non sit consanguinea Sponsæ, non violaverit Justitiam, neque est dicendum, quod violaverit per fornicationem cum consanguinea Sponsæ: quod si non violaverit Justitiam, ad nihil tenetur; Ergo non tenebitur petere dispensationem, excepto semper dolo malo supra expresso.

4. Tertium est professio religiosa, sicut & sacrorum Ordinum susceptio: advertimus tamen licite non suscipi Ordinem Sacrum post Sponsalia jam contracta ignorante, vel invita Sponsa, quamvis licite emittatur professio religiosa, ut ex *Cap. 7. de Conversione Conjugatorum. Cap. 1. qui Clerici.*

Ratio autem disparitatis inter ordinem Sacrum, & Professionem Religiosam a quibusdam petitur a perfectiori statu, quem dicunt esse Religiosum, præ mere Sacerdotali, sed potius ipsa est petenda a positivo Jure, quod statuit, ut liceret post Sponsalia ingredi Religionem, ibique proficere, non autem concessit statui merè Sacerdotali: foras ob inconvenientia, quæ oriri possent ex familiari consuetudine, quæ forte intercederet cum periculo peccandi inter factum Sacerdotem, & ejus relictam Sponsam.

5. Quartum est lapsus temporis adjecti Sponsalibus ad finiendam obligationem,

nem, quod tempus si ex utriusque culpa sit lapsum, nulli superest jus insistendi pro observatione Sponsaliorum, quia *pari consensu, facta solvantur, & delicta delictis compensantur in eodem genere.* Ex Cap. 85. de *Regulis Juris in Sexto.*

Si autem lapsum sit tempus ex culpa unius tantum, non supersunt dissoluta Sponsalia, nisi pars innocens in dissolutionem consentiat, ut ex Cap. 22. h. T. habetur, quod ille tantum liberatur ab obligatione, penes quem non stetit, quin ad statutum terminum Matrimonium consumaverit. Idem contraxerit.

S. I I.

Causæ actionem dantes rescindendi Sponsalia :

Hucusque vidimus ea, quæ ipso Jure dissolvunt Sponsalia: nunc causas exponemus, per quas possunt contrahentes agere de rescindendis Sponsalibus.

1. Ex autem causæ septem numerantur.

Prima est dolus in contractu Sponsalicio ab alterutro commissus.

Secunda est vel diuturna absentia unius post Sponsalia contracta, vel diuturna dilatio executionis.

Tertia est ingressus in novitium Religiosi Ordinis.

Quarta est votum simplex castitatis, aut suscipiendi Sacros Ordines.

Quinta sunt Sponsalia posteriora, licet invalida, contracta cum alia persona.

Sexta est Fornicatio subsequens, vel carnalis, vel spiritalis.

Septima est notabilis mutatio superveniens, vel ex post detecta, quæ tanta sit, ut si ab initio cognita fuisset, Sponsalia non fuissent contracta.

Ad singulas accedimus.

2. Quoad dolum, quia alius est dolus substantialis, alius accidentalis, & constat dolum substantialem irritare Sponsalia, quia involvit errorem circa personam, cum qua putat quis contrahere, non præstat dicere de dolo accidentali hic proinde sermo habebitur. Atque ut hic præbeat innocentem justam causam resiliendi a Sponsalibus, oportet, ut dederit causam contractui, ita ut si scivisset contrahens rem non ita se habere, uti asseruit altera pars, non contraxisset Sponsalia. Ex. Gr. Se virginem, divitem nobilem Sponsa falso asseruit, deprehenso dolo, poterit Sponsus agere de rescindendis Sponsalibus.

3. Quoad absentiam diuturnam, vel diuturnam dilationem, plura dicunt Doctores. Verum breviter res expeditur. Etenim quocunque animo discesserit à Patria Sponsus, vel Sponsa, & pariter quocunque animo alteruter nimum differat progredi ad celebrationem Matrimonii, parum id refert, cum pro dissolvendis Sponsalibus ex hac causa requiratur

Judicis interpellatio, qui parti absenti, vel indebitè differenti statuat terminum ad revertendum, vel ad celebrandum; quod si pars vocata præfinito tempore non comparuerit, a Judice ipso sententia ferenda est dissolvens Sponsalia prædicta, ut in Notificatione V. voluminis tertii Benedicti. XIV. una cum plurimis Sacræ Congregationis Tridentini resolutionibus.

4. Quoad ingressum in novitiatum Religiosi Ordinis, etsi non dissolvantur Sponsalia per ipsum, datur tamen iusta causa remanenti in sæculo resiliendi, si velit; quia cum ingrediens in Novitiatum tacite videatur renunciare Sponsalibus, ita idem jus resiliendi concessum videtur remanenti in sæculo; quinimmo remanenti in sæculo favet inconstancia ingredientis in novitiatum, quam manifestat circa Sponsalia præcedentia; & hæc præbet iustam causam resiliendi parti in sæculo remanenti. Cui addi potest grave incommodum, quod subiret remanens in sæculo, si expectare teneretur annum Novitiatus, tum ob periculum incontinentiæ, tum etiam ob damna, quæ fortasse subiret. Si intra eundem annum alter sibi offerretur melioris, vel æqualis conditionis, quem accipere non posset ob præcedentia Sponsalia.

Pro parte tamen ingredientis in Novitiatum standum est Sponsalibus usque ad professionem Religiosam, quæ si non sequatur, & remanens in sæculo voluerit expectare, tenebitur ipse e novitiatu egressus adimplere Sponsalia. Quinimmo plurimum erat sententia nulli fuisse licitum ingredi Religionem post Sponsalia inita, si fuissent jurata; nisi prius ipse celebravisset Matrimonium, deinde eo perseverante tantum rato, ingredi postea Religionem; idque, ut juramentum servaretur. Verum Sacræ Congregationis Tridentini sensus fuit, licere ingredi religionem etiam post Sponsalia jurata, & non celebrato Matrimonio. Illique visum *Cap. Commissum de Sponsalibus* procedere solum de eo, qui tantum proposuit ingredi Religionem, & adhuc ingressus non est, morasque deliberationis ducit inter Matrimonium, & Religionem. *Indertina 22. Aprilis 1719. Tom. 1. Fol. 173.*

Sunt qui arbitrantur obligationem Sponsalium vigere etiam pro eo, qui remanet in sæculo, ut teneatur expectare vel professionem, vel egressum a novitiatu illius, qui adiit Religionem pro integro anno novitiatus, nec posse intra illud tempus petere dissolutionem: inter quos citatur D. Thomas; verum id non docuit D. Thomas, nec ratio æquitatis naturalis istis favet; Quinimmo apparet nimium gravari eum, qui remanet in sæculo, si expectare teneatur per annum executionem Sponsaliorum, & quidem incertam, vel probabilius non secuturam.

5. Quoad votum castitatis, vel suscipiendi Ordinem Sacrum, etsi hoc votum non dirimat Sponsalia præcedentia, tamen obligat votentem, vel ad petendam dispensationem voti, si velit procedere ad Matrimonium, vel

vel ad obtinendam a parte rescissionem Sponsalium. Cæterum hoc votum non dat justam causam petendi a Judice sententiam dissolutoriam Sponsaliorum, quinimò cogetur ad Matrimonium celebrandum ut ex *Cap. Commissum 16. de Sponsalibus*.

6. Quoad Sponsalia posteriora, hæc licet sint nulla, ostendunt tamen animum inconstantem contrahentis, & præben alteri parti rationabile fundamentum suspicandi de illius fidelitate, ac perseverantia debiti amoris erga semetipsam.

Quapropter ab hac inconstantia desumitur justa causa petendi dissolutionem præcedentium Sponsalium.

7. Quoad subsequenrem Fornicationem, quam duplicem diximus, unam scilicet spiritualem, aliam carnalem, advertimus Fornicationem spiritualesse esse lapsum in Hæresim, qui lapsus dat innocenti justam causam resiliendi a Sponsalibus, quia omnem communicationem interdicat inter Fidelem, & Hæreticum; recolantur ea, quæ in Bulla Cœnæ. Ergo etiam ex eo desumitur justa causa resiliendi a Sponsalibus.

Fornicatio verò carnalis Sponsi, vel Sponsæ Sponsalibus superveniens dat justam causam innocenti resiliendi. Ratio est, quia fornicans censetur alteram partem contemnere, & quasi repudiare, seque suspectum facit de non servanda fide in conjugio; Et quamvis per aliquos sola Fornicatio Sponsæ, non autem Sponsi censeatur, dare causam solvendi Sponsalia ex *Cap. 25. de Jurejurando*, in quo habetur: *Si Sponsa contra regulam Desponsationis non venerit*; tamen cum eadem ratio textus militet etiam pro Sponso, eadem etiam juris dispositio militare debet; proinde Fornicatio tum Sponsi, tum Sponsæ alterutri innocenti dat justam causam resiliendi a Sponsalibus.

Quid verò sentiendum sit, si Sponsa fuerit vi oppressa, aut rapta? dicimus non titulo Fornicationis peti posse dissolutionem Sponsalium, sed titulo notabilis mutationis superinductæ, quæ si extitisset tempore Sponsalium, illa non fuisset celebrata, hocque habetur expresse *Can. 33. Raptor 27. Quest. 2. De quibus mutationibus paulò infra dicemus*.

Si autem Fornicatio præcesserit Sponsalia, at non eo tempore cognita, sed postea manifestata, & ipsa dat causam petendi dissolutionem Sponsalium; Quinimò si esset solum manifesta innocenti, & Sponsalia probari non possent in Judicio, pro foro conscientie affirmat Pichler, posse innocentem recedere a Sponsalibus sine peccato. Constant dicta ex *Cap. 4. de Exceptionibus*.

Quia ex allegato jure paria sunt, aliquid supervenire, & ignoranter præcedere; Si ergo subsequens Fornicatio det justam causam resiliendi, dabit quoque Fornicatio præcedens ignorata, sed impofterum patefacta.

Neque opponatur *Cap. 23. de Jurejurando*, in quo legitur: *Si quis Juravit se dicturum aliquam in uxorem, non potest opponere Fornicationem præcedentem,*

tem, sed subsequentem. Nam hoc exponendum est per illud supra citatum Axioma in Jure fundatum *Leg. 77. D. de Contrahenda empzione. Leg. 30. D. de Testamentorum Tutela*, in quibus habetur, quod *paria sunt aliquid supervenire, & ignoranter præcedere*. Quid verò sit dicendum, si tam Sponsus, quam Sponsa post Sponsalia fornicentur cum aliis: an utrique, an uni, vel neutri, liceat rescilire, vel dissolutionem Sponsalium querere? res dubia est, plurimæque extant Sententiæ.

Nobis videtur, utrique licere petere dissolutionem; etenim, etsi videantur delicta sibi invicem compensata, tamen finis, seu causa petendæ dissolutionis utrique assistit; nam ex Fornicatione Sponsi Sponsa prudenter timet de inconstantia ejusdem Sponsi in servanda fide Matrimoniali; sicut & Sponsus de Sponsa. Ergo cum ex utraque parte vigeat justa causa, utrique licebit petere dissolutionem. Idque magis confirmatur ex eo, quod inspicendum sit bonum Matrimonii potius, nempe fides Matrimonialis, quæ bonum commune est, quam Jus privatorum fortasse per delicta compensatum.

Si ergo vigeat justa causa pro utrisque, utrique poterunt petere dissolutionem.

Non autem obest *Cap. 6. de Adulteriis, Leg. 10. §. 2. leg. ult. D. de Compensatione* quod habet. *Paria delicta, mutua compensatione tolluntur*. Nam hoc procedit, quando Matrimonium jam celebratum est, & impossibilis est redditio dissolutio ejusdem, quia tunc bonum Matrimonii non potest melius curari, quam admissa compensatione delictorum conjuges obligare ad secum ipsos cohabitandum; nullique ex iis concedere actionem divortii; quia uterque se manifestavit incontinens, & divortium si iis concederetur majori incontinentiæ viam sterneret; Verum antequam celebretur, potest bono Matrimonii satis consuli per rescissionem Sponsalium, quia licet uterque ex Sponsis, cum aliis sit fornicatus, sequæ incontinens manifestaverit, non inde spoliavit se jure exigendi continentiam in eo, vel ea, quam est in Matrimonium ducturus; vel cui ipsa nuptui est tradenda; quia bonum Matrimonii postulat hujusmodi Jus perseverare in quolibet Matrimonium contrahere volente, vel continens ipse sit, vel incontinens; si itaque Sponsi Fornicantes cum aliis non spoliantur prædicto jure per eorum respectivam Fornicationem, jam uterque poterit agere de rescindendis Sponsalibus; cum textus allegatæ Legis pro iis non procedat, uti est demonstratum.

Quinimò si Vir, & Fœmina non judicentur ad imparia quoad Fornicationem: ut ex *Can. 20. Caus. 32. q. 5.* dicente: *Apud nos, quod non licet Fœminis, æque non licet Viris, & eadem servitus pari conditione censetur*; jam patet utrique Sponso fornicanti actionem concedi de rescindendis Sponsalibus; cum eorum delicta ex iis non sint, ut supra vidimus, quæ mutua compensatione tollantur: hicque iterum rationem po-

ai-

nimus, nempe quia, ut paria delicta mutua compensatione tollantur, oportet, ut delictum per aliud simile compensandum privet delinquentem Jure exigendi innocentiam in alio, cum quo vel contraxit, vel contrahere promisit; Sponsi autem licet fornicarii per eorum respectivam Fornicationem non privantur hujusmodi Jure; quod pariter ostendimus supra; Ergo Fornicatio utriusque, licet fortasse par delictum, mutua compensatione non tollitur.

Expositam sententiam docent, ac sequuntur plurimi. Ut Palao, & novissime Mascart eos citans.

Sunt etiam, qui docent neutrum posse resiliere, sive actionem institueri de resiliendis Sponsalibus, ut Palud., & alii. Denique Sanchez, & Pichler cum plerisque affirmant Sponsum resiliere posse, non verò Sponsam, quia, inquit, in hac præter delictum fornicationis, in quo par est Sponso, etiam altera causa est nempe specialis turpitudine.

Verum hæc duæ posteriores sententiæ satis eliduntur a momentis primæ sententiæ. Nam quoad eam Paludani patet ex eo, quod Fornicationes Sponsorum mutua compensatione non tollantur; ergo Sponsi non privantur Jure resiliendi: Quod porro attinet ad sententiam Sanchez, & Pichler æque constat. Etenim ab his minime negatur Fornicationem alterutrius ex Sponsis, vel Masculus, vel Femina sit, concedi parti innocenti jus resiliendi a Sponsalibus; concedi pariter Fornicationem par esse delictum in Sponso, ac in Sponsa, nec mutua compensatione tolli; sed his concessis prima sententia admittitur, non quam ipsi docent. Ergo ex ipsis sua sententia infirmatur.

Neque quidquam roboris obtinet ex eo, quod dicant fœdiorē esse fornicationem Sponsæ, quam Sponsi, proinde huic concedi jus resiliendi, non autem Sponsæ; Nam etsi fœdior quoad specialem turpitudinem, in delicto tamen par est Fornicationi Sponsi; ob quod delictum prudens suspicio violandæ fidei conjugalī defumitur; hæcque sit causa sufficiens resiliendi a Sponsalibus, utrique favens. Specialis postea turpitudine, quæ in Sponsa fornicante advertitur, hæc dabit Sponso ulteriorem aliam causam dissolvendi Sponsalia, at non privabit Sponsam Jure resiliendi a Sponsalibus ob fornicationem sui Sponsi cum alia, ut consideranti res liquet.

§. Verum de hac satis; potius quæremus quid sentiendum de osculis, tactibusque impudicis post Sponsalia admittis vel a Sponso, vel a Sponsa, vel ab utroque cum alia persona. Etsi relati Auctores pro secunda, & tertia sententia respondeant coherentem ad suas opiniones; nos tamen non recedentes a superius statutis dicimus, oscula & tactus inhonestos præbere justam causam innocenti resiliendi a Sponsalibus; idque ob rationem datam superius pro Fornicatione; nam oscula & tactus impudici excitant prudens motivum suspicandi de inconstantiā servandæ fidei

con-

conjugalis, ut patet, quæ est iusta causa resiliendi. Si itaque unus deliquerit, alter innocens agere poterit de rescindendis Sponsalibus; Si uterque, ambo pariter agere poterunt de ipsis solvendis Sponsalibus. Hocque affirmamus cum Patronis primæ sententiæ, inter quos P. Schmier. n. 124. ob rationem eandem superius dictam; neque ullum conspiciamus discrimen inter Virum, & Fœminam in hac materia; cum utriusque valde interesse debeat fidelitas Matrimonialis, de cuius inconstantia alteruter de alio prudenter debitare potest, quodque præcipue in hac re spectatur. Sint postea magis in Fœminis probrosa oscula, & tactus impudici, quam in maribus ex hominum opinione, nihil refert. Nam in ordine ad Matrimoniale societatem ineundam paria sunt, cum pares sint Vir, & Fœmina; neque gravius peccatum sint in Fœmina, quam in Masculo. Itaque si viro liceat petere dissolutionem Sponsalium ob oscula & tactus inhonestos in Sponsam ab alia persona admissos, licebit quoque Sponsæ ob similia exercita a Sponso cum alia.

9. Tandem ad septimam causam accedentes, per quam iuste peti potest dissolutio Sponsalium, eam expendimus. Hæcque est notabilis mutatio superveniens Sponsalibus, quæ tanta sit, ut si ab initio fuisset, Sponsalia non fuissent contracta.

Hæc inquam mutatio uni ex Sponsis superveniens vel physica esse potest, vel moralis, utraque plurimas habet partitiones, easque omnes persequi & longum, & forte impossibile; cum pleræque ex iis prædeant peculiaribus circumstantiis contingenter invicem convenientibus, quæ non nisi prudentium arbitrio discerni, ac judicari possunt.

Hinc potius spectanda est regula generalis: Illam scilicet esse notabilem mutationem, quæ vel a Iudice, vel a prudentium arbitrio talis decernitur; qui tamen in ea stabilienda animum converterere debent ad hæc, scilicet, an posita mutatione difficilius reddatur Sponsalium executio, vel infelices timeantur exitus; vel pars altera, si eam prævidisset, Sponsalia non contraxisset. Quibus animadversis de ea sententiam ferre debent, prout suadebunt animadversa.

Huius mutationi equiparatur notitia superveniens alicujus circumstantiæ, aut qualitatis tempore Sponsalium in uno ex contrahentibus existens tunc alteri non manifesta, quæ iudicio prudentium potuisset ab iis absterere; quia ut supra retulimus, in Jure paria sunt, aliquid supervenire, & ignoranter præcedere: *Cap. 4. de Except.* & *lib. 77. D. de Contract. Imp.* Ut autem res pateat, exempla ponemus aliqua tum mutationis physice, tum mutationis moralis.

Mutationis physice sunt deformitas, amissio oculi, narium, manus, Leprosæ, Paralysis, vel alius morbus incurabilis, aut contagiosus, etiam sterilitas superveniens, & alia hujusmodi.

Mutationis moralis sunt. Pravi mores, ut crudelitas, ebrietas, scortatio, hæte-

hæresis, veneficium, inimicitia capitalis inter Sponfos, aut eorum propinquos &c. Pariter grave damnum obventurum alterutri vel honoris, vel rerum, licet etiam sine culpa: quemadmodum etiam si unus vel uterque iacturam bonorum sustineat, vel parentes Dotem dare nolent Sponsæ, vel Sponsum exhæredare usque ad legitimam minarentur, ex quo non haberent sufficientem causam irritandi prædicta Sponsalia, si prosequeretur in adimplendis eisdem Sponsalibus.

Sit tamen regula generalis, quod ille, qui passus est mutationem, non potest agere de Sponsalibus dissolvendis, sed hoc in potestate superest alterius partis, scilicet vel petere dissolutionem, vel etiam data mutatione stare Sponsalibus, ac novo statui partis mutæ se accommodare. Cum, ut inquit Pichler n. 68. in fine Lib. 4. T. 1. de Sponsalibus: *Jura facultatem resiliendi dederint in favorem partis mutationem non passa, uti communiter docent Auctores.*

Hæc inquam regula procedit etiam de superventâ contradictione parentum, quæ supponitur semper sine causa; etenim si habuerint justam causam, ea exposita apud Judicem, consequentur sententiam dissolvendam Sponsalia. Nam cum hæc contradictio non sit justa causa dissolvendi Sponsalia, & parentes peccent volentes impedire Matrimonium Filiorum, ad quod Filii jus habent. Proinde hæc contradictio non debet nocere alteri parti; sicque erit tantummodo in potestate resiliendi a Sponsalibus illi, qui non patitur hanc parentum contradictionem.

Qui autem patitur, etiam invitis irrationabiliter parentibus tenebitur stare Sponsalibus; etenim si persona minas patiens resiliere posset, præberetur ansa instigandi parentes, ut contradicerent, & minarentur exhæredationem usque ad legitimam, & sic dissolvendi pro libito Sponsalia in præjudicium compartis. Ut docet Reinphœstel n. 270. usque ad 294. Lib. 4. T. eodem.

10. Occasione expositæ mutationis, quærunt aliqui si, ex. gr. Sponsus, vel Sponsa post Sponsalia ditior evadat, an mutatio hujusmodi præbeat justam causam resiliendi ab eo, qui in pristino statu superstit?

Omissis Doctorem sententiis nedam diversis, sed fortasse oppositis, ut Uradi, Amici, Tamburini, Gobat &c. Respondemus, hujusmodi factio diviti non licere ob divitias sibi obventas resiliere a Sponsalibus, quia facultas resiliendi datur tantum personæ non mutæ, non verò illi quæ mutationem subit, ut ex opposito patet in eo, qui Lepra, vel alio morbo corripitur, qui ipse resiliere non potest, si alia pars stare velit Sponsalibus.

Construitur ex absurdis, quæ sequerentur, nam si posset, qui factus est ditior, resiliere, id posse deberet, quia meliores nuptias appetere posset; sed si hoc, toties dari deberet facultas resiliendi, quoties se illi offerret Sponsa ditior prioris hoc autem panderet viam dissolvendi quæcumque Sponsalia; Ergo ne hæc absurda admittantur, pro certo habendum est, factum ditiozem non posse ob id a præcedentibus Sponsalibus resiliere.

S. III.

§. III.

Cujus potestate dissolvantur ex datis causis Sponsalia.

EXpositis causis dissolvendorum Sponsalium superest pro complemento, ut queramus, an habens justam causam resiliendi, ipse possit privato jure resiliere nulla interposita Judicis interpellatione?

1. In hac questione solvenda non conveniunt Doctores, ut moris est, proinde Pichler, cum Pirhing., & aliis contendit non requiri Auctoritatem Judicis Ecclesiastici, si de causa resiliendi sufficienter constet, quia ex nullo jure, inquit ipse, probatur necessitas adhibendi dictam Auctoritatem.

Verum si jus positivum spectetur, sententia Pichler omnino falsa apparebit; Etenim *Cap. 7. de Desponsatione Impuberum* habetur: Quod impubes post Pubertatem adeptam reclamantes, Judicio Ecclesiæ sunt separandi, & tamen facultas resiliendi a Sponsalibus initis in Impubertate concessa post ademptam Pubertatem, est facultas proveniens a jure, quæ nullam videretur exigere ulteriorem Judicis Ecclesiastici sententiam. Quid porro dicendum erit de cognitione illarum causarum, quæ nondum obtinuerunt hujusmodi juris declaratoriam? Deinde *Can. 1. caus. 33. Quæst. 2. & Cap. 12. de Desponsatione Impuberum, & Cap. 3. de Divoritiis* decernunt, non licere sine auctoritate Ecclesiæ recedere a Sponsalibus, neque ob causam certam, & liquidam invaliditatis.

Addi potest repugnantia juris, & æquitatis naturalis, prohibentis, esse posse unum, & eundem Actorem simul, & Judicem in eadem causa; Quinimodò si teste Gobat, *Theolog. experim. Tract. 10. de Spons. n. 262.* in Diocesi Constantiensi est casus reservatus dissolutio notoriorum Sponsaliorum propria auctoritate facta, jam supponi debet, ipsam esse Peccatum grave in se, secus non esset materia reservationis. Ergo privata auctoritate, sine peccato gravi, etsi justa sit causa, non potest unus ex Sponsis ab alio invito resiliere. Hoc idem docetur, & prohibetur in Rituali Diocesis Frisingensis teste Reinpfeffel *n. 208. & 310. lib. 4. h. 7.*

Quapropter apparet necessariam esse Judicis Ecclesiastici Sententiam, tum in causæ cognitione, tum in ipsamet Sponsalium dissolutione etiam si dubium non esset de existentia, vel sufficientia causæ, vel scandala non timerentur: pro quibus casibus etiam Pichler necessitatem Auctoritatis Ecclesiasticæ profertur.

Tandem fateamur in hac materia Sponsalium, non esse omitteendam sectionem praxi omnino opportunam sæpius allegatz eruditissimæ Notificationis quintæ tertiæ Voluminis Benedicti XIV. In qua docetur modus celebrandi Sponsalia per Scripturam, & Testes, ne subjaceant inutilibus disputationibus, & facilis ipsorum probatio habeatur.

Docetur quoque pro ipsis incundis non requiri præsentiam Parochi, qui-

quinimmò si volentes Matrimonium contrahere, ad ipsum Parochum accedant, qui separatim ab eo audiendi sunt, eorumque consensus scrutandus: qui Sponsalitiis non erit, sed manifestatio propositi de ineundo Matrimonio ut §. 19. ejusdem Notificationis.

Resolutio Sacre Congregationis Tridentini in *Senogalien*. Sponsalium die 30. Martii 1737. in qua querebatur an Sponsalia valeant inita cum hac expressione; videlicet:

Io sottoscritto liberamente, e con determinata volontà dò il mio consenso al Sig. Giuseppe Bracchi per i miei Sponsali da seguire con il suddetto Signore in termine di 4. Anni incirca.

Quæ mulier postea alia inivit Sponsalia cum Antonio Leonori, cum quo cupiens procedere ad Matrimonium, habuit opposita priora prætenfa Sponsalia. Propterea disputatum fuit, quænam ex istis sustinenda essent, sub hoc dubio. *An, & de quibus Sponsalibus constet, & quæ sint exequenda in casu &c.*

Responsum fuit consue de Sponsalibus cum Leonori, eaque esse exequenda; & amplius.

2. Postremò advertimus Sponsalia non esse necessario præmittenda cuilibet Matrimonio, sed libera esse, quæ si præmittantur, non aliam ob causam præmitti solent, nisi, ut ea contrahentes se tutos faciant de utriusque constantia animi in futurum Matrimonium celebrandum.

Alia plura habet prædicta Notificatio, quæ universum Tractatum de Sponsalibus respiciunt; propterea ne dicta repetantur consuli ipsa poterit. Et hæc satis sint de Sponsalibus ad laudem Christi Domini, Sanctæ Mariæ Ecclesiæ nostræ dilectissimi Sponsi.



DE SANCTO MATRIMONII SACRAMENTO PARS SECUNDA CAPUT PRIMUM.

DE JURIBUS NATURALI, CIVILI, DIVINO, ET CANONICO
DISPONENTIBUS CIRCA MATRIMONIUM VEL
CONTRACTUM, VEL SACRAMENTUM.



Um Sponsalia sint via ad Matrimonium ineundum; ipsumque illorum sit terminus, finis, ac veluti complementum; peracto Sponsaliorum intuitu, ne res debito privetur fine, quæ propria sunt Matrimonii scrutabimur: Nempe quæ sunt Juris naturalis, quæ Civilis, deinde quæ Juris Divini, scilicet de Matrimonii elevatione ad statum Sacramenti. Tandem Canonicas leges, atque sanctiones recenserebimus, discernentes quando invalidum, aut validum, quando licitum, aut illicitum sit Matrimonium, & quæ impediunt solummodo ineundum, quæque dirimant etiam celebratum; postremo effectus ac Jura simulque onera ab eo producta enumerabimus, quibus in rem quasi perfectam addemus cujus Divortii species ex datis causis nunc permittatur.

Verum priusquam operi manum admoveamus, quorundam clamori est reponendum; dolent enim nos longo stamine diluendam aggredi Matrimonii materiam, cum nostro ævo, inquirunt, satis esset illud, prout est Sacramentum, intueri, dimissis iis, quæ naturali, ac civili jure distantur vim nullam inter fideles obtinentia; propterea a Matrimonio prout Sacramentum est, exordium duci oportere.

His respondemus, nos quoque illorum secutos fuisse olim sententiam, sed cum impoſſerum multa ostenderimus in dubium revocantia rationem Sacramenti pro quolibet valido, ac legitimo Christianorum Matrimonio, ut nonnullorum sit opinio Theologorum, haberi posse inter Fideles verum ac legitimum Matrimonium absque eo, quod sit Sacramentum; nobis proinde satis muneris satisfacere non posse visum est, nisi etiam de Matrimonio expendantur, quæ ejus sint tum ex jure naturæ, tum ex civili. Quod quidem brevitate maxima præstabimus, ex iis Juribus ea tantummodo delibantes, quæ prosperum iter ominentur dicendis de Matrimonio ut Sacramentum est,

§. I.

§. I.

Matrimonii nomen ejusque derivatio, & definitio:

1. **I**nſpecto itaque naturæ Jure Matrimonium eſt Viri, & Mulieris conjunctio ad liberos procreandos comparata; propterea in hac conjunctione multa a Jure naturæ præcepta ſunt, velut conjunctionem huiusmodi eſſe oportere, a qua nedum liberorum procreatio habeatur, ſed & educatio, atque inſtitutio talis, quæ naturam deceat rationalem; eſſe individuum, eſſe unius Maris, & Fœminæ, eſſe perpetuam, eſſe tandem communicativam quorundam Jurium, atque bonorum contrahentibus competentium. *L. 1. §. 3. D. de Juſt. & Jure;* quorum ſingulorum naturalis ratio exponi poſſet hic, niſi de iis deinceps agere oporteret. Ne itaque inutiliter multa repetantur: ſuis locis indicatam rationem expendemus.

Matrimonii autem nomen, ſi etymologiam quæramus, a munere Matris præſtando venit; cum Matrimonium ordinetur ad Proles generationem, in qua Matres nimium oneris habent, vel geſtando in utero prolem, vel doloribus ennitendo, vel denique lacte nutriendo, aliisque infirmæ ætatis opportunis ſollicitudinibus ipſam curando; quæ omnia ita ſunt propria Matris, ut ea ab alio in paucis levare queat.

2. Et hæc, quæ ſunt Juris naturæ de Matrimonio. Cui rogam veluti exteriorem formam addiderunt jus gentium, & civile. Videlicet ut certo ritu celebretur, ut ſtipulatio intercedat, ut pacta Jure addita ſerventur, ut ſolum inter perſonas ab ipſo Jure vel Gentium, vel Civili non prohibitas celebretur. Atque exinde definiverunt Romani Matrimonium, quod ſit Maris, & Fœminæ conſortium omnis vitæ, & divini, humanique Juris communicatio. *L. 1. D. de Ritu Nuptiar.* Quapropter Matrimonium nomen quoque Conſortii, Connubii, Conjugii, atque Nuptiarum civili Jure fortitum eſt, quibus diverſis vocibus, vel contractum Matrimonii, vel ejus effectum, vel denique ſolemnitatem, ac ritum in ipſo celebrando præſcriptum denotare Jus ipſum voluit.

Non expedit tamen volenti præxim adire iam ritibus, vel Civilis Juris ſanctionibus exponendis immorari; cum vel nihil in plurimis conferant; & ſi quid proſint in expoſitione Matrimonii prout Sacramentum eſt ſuis ſedibus collocabuntur. Sed, nunc de Matrimonio, qua Sacramentum eſt, diſceremus.

3. Temporis ergo plenitudine facta, qua a Chriſto Domino Natura humana ſuit reparata, & peccatorum vulnera ſpiritualibus medicaminibus, id eſt Sacramentis linita, obtinuit etiam Matrimonium, quod & ipſum ſuis ſcatebat vulneribus, ſcilicet concupiſcentia, ac libidine, ex originali prodeuntibus, a quibus nimium ſædabatur, ut curaretur; quinimmo ita ſan-

sanctificaretur, ut magnum significatione Sacramentum S. Paulus appellaverit. Assumpsit itaque Christus Dominus Matrimoniale contrahentium non ejus immutando, sed perficiendo naturam, atque elevavit ad rationem Sacramenti, dum voluit, ut significaret tum unionem suimetipsum cum anima Justī, tum conjunctionem Divini Verbi cum natura humana assumpta nunquam dissolvendam, tum etiam cum Ecclesia ejus Sponsa, & gratiam, qua contrahentes sanctificarentur, causaret; jusque illis assereret pro consequendis auxiliis in Matrimoniali ferendo onere opportunis. De his gestis perhibent fidem divina Evangeliorum, & Pauli testimonia, atque ipsa Traditio divina, vel in Conciliis OEcumenicis, vel ex ore Romani Pontificis Ecclesiam Universalem docentis manifestata. Arque hinc Theologi Matrimonium, ut est Sacramentum, descriperunt. *Sacramentum novæ Legis, quo per conjunctionem Maris, & Fœminæ individua habetur vitæ consuetudo significans Christi unionem cum Anima Justī, & Ecclesia, gratiamque divinam tum sanctificantem contrahentes, tum auxiliantem conferens.* Vel pressius Canonistæ, dum illud definiverunt: *Sacramentum, Laicis proprium, quo Vir, & Mulier secundum præcepta Ecclesiæ conjunguntur.* C. Sicut 2. C. 32. quæst. 2. Hæc tamen posterior definitio iusto brevior apparet: proinde primam & amplectimur, & explicamus.

4. Ex eo enim, quod Matrimonium sit Sacramentum novæ legis, sequitur illud esse signum sensibile, seu ceremoniam Sacram divinitus, stabiliterque institutam ad veram significandam, ac suscipientibus conferendam sanctitatem.

Esse porro Novæ Legis Sacramentum ex Apostolo *Ephes. 5.* ex divina traditione, & ex Tridentinis Patribus *Seff. 24. c. unico* est definitum. Inquiunt enim: *Gratiam vero, qua naturalem illum amorem perficeret, & indissolubilem unitatem confirmaret, conjugesque sanctificaret, ipse Christus venerabilium sacramentorum institutor, atque perfectior, sua nobis Passione promeruit. Quod Paulus inquit, dicens: Viri diligite Uxores vestras, sicut Christus dilexit Ecclesiam, & se ipsum tradidit pro ea: mox subjungens, Sacramentum hoc magnum est: ego autem dico in Christo, & in Ecclesia.*

Quam porro gratiam præter jus ad auxilia in ferendo Matrimoniali onere conferat Sacramentum Matrimonii, recenset Bellarminus lib. 1. de *Matrim. cap. 5.* inquiens: *Per Matrimonium conferri gratiam, qua prima, & secunda dici potest. Nam etsi hoc Sacramentum non sit principaliter institutum ad remittenda peccata, ea tamen remittere potest eo modo, quo a Sacramentis Eucharistia, Confirmationis, & Ordinis, remittuntur: & siquidem id fiat, erit prima gratia; sin autem erit secunda.*

Neque obstat (pergit idem) quod continentia sit excellentior Matrimonio. Nam aliud esse comparate statum cum statu, aliud statum cum Sacramento: status continentia aliorum est, & perfectior statu Matrimonii, & majoris gratia, ac

meriti; Sacramentum nihilominus semper auget gratiam, in quocunque statu suscipiatur: Quare continens, dum contrahit Matrimonium, crescit in gratia: sed si idem continens propter Deum nuptias humanas contempsisset, plus gratia apud Deum invenisset, quam sit illa, quæ per Sacramentum Matrimonii datur. Hucusque doctæ, atque erudite Bellarminus in rem hanc Conciliorum, ac Sanctorum Patrum sensum collegit.

Atque hinc patet opinionem Magistri Sententiarum, Durandi, ac nonnullorum Canonistarum negantem ex Sacramento Matrimonii conferri gratiam sanctificantem, omnino reici oportere, cum ut fidei Articulus sit ex Tridentino definitum oppositum. Et relatos Auctores vel benigne exponendos tanquam dubie proponentes oppositam veritati nondum definitæ, vel melius deferendos, quod absque præjudicio rei Catholice fieri & potest, & debet. Etenim non ex privatorum judicio, sed ex communi Sanctorum Patrum Traditione: Conciliorum Decretis, ac publicis Fidei professionibus ab Ecclesia universa receptis, & approbatis estimari debet veritas Catholici Dogmatis.

§ I I.

Diverse opiniones de materia, & forma, ac Ministro Sacramenti Matrimonii.

1. **S**ed procedentes in Definitionis expositione, advertimus ideo dici Sacramentum, quo per conjunctionem Maris, & Fœminæ &c. ut per hæc verba indicetur materia tum remota, tum proxima hujus Sacramenti. Quæ tamen non adeo patens spectatur, cum utraq; materia in ipsamet conjunctione maritali rationem quandoque & contractus, & Sacramenti totam continente, ita involuta sit, ut eam aperte deprehendere, atque signate indicare nunc hujusque non valuerint; vel saltem non convenerint Theologi, nihilque in præsentī negotio sit ab Ecclesia definitum teste Tourneli *Tract. de Sacramento Matrim. Quæst. 3.* Quod ipsum, & de ejus evenit forma, ut Melchior Canus *lib. 8. de Locis Theologicis cap. 5.* dicat: *In materia & forma Matrimonii statuenda adeo sunt inconstantes, & varii, adeo incerti, & ambigui (nempe Theologi, quos prius citaverat scilicet Magistrum D. Thomam, Scotum, Bonaventuram, Palud., Durand. aliosque) ut ineptus futurus sit, qui in tanta illorum varietate, ac discrepantia rem aliquam certam, constantem, exploratam conetur efficere.* Verum tamen, pergit idem Tourneli loco citato, docens: *In tanta opinionum varietate, & dissonantia, salvam semper, & integram permanere hujus Sacramenti veritatem.*

Harum tamen variarum opinionum originem, causamque perquirere si quis voluerit, ex hac quæstione, ut arbitror, prodire noscet: An scilicet Christus Dominus elevaverit ad rationem Sacramenti totam Matrimonialis contractus naturam; ut eo solo habito juxta naturales ac Ci-
vi-

viles leges, inito tamen inter fideles, sit Sacramentum, vel tantummodo elevaverit eundem Matrimonialem contractum ad materiam Sacramenti, non ab simili pacto, quo aquam naturalem, ejusque ablutionem in Baptismate, consecratum oleum cum balsamo, ejusque linitionem in Confirmatione, & ita fere de reliquis; ut eidem naturali, ac civili contractui Matrimoniali addere oporteat divinum aliquod ac spirituale signum per quod in Sacramentum una cum ipso divino signo evadat Matrimonialis contractus; quod signum spirituale, quia determinat illam rem elementarem, seu actionem naturalem, vel Civilem, ut sit Sacramenti materia, dicitur forma Sacramentorum.

2. Ab hac inquam quæstione nondum ab Ecclesia soluta, nullique ejus parti fidei dogmate tributo liberum Theologis, ac Canonistis superfluit, & nunc integrum permanet alterutram amplecti sententiam. Quo factum est, ut Itali fere omnes, ac Germanici, quinimmo Ecclesiæ Romanæ praxis, sensulque implicitus primam amplectantur sententiam. Ex opposito Galli Theologi secundam ita suasam habeant, ut eam velint saltem probabiliorem; propterea non est mirum, si statuentes Matrimonialem contractum inter Christianos initum pro Sacramento Matrimonii nulla ulterius addita ceremonia Sacra, ipsi designent pro materia, & forma ejusdem Sacramenti Matrimonii quod est materia, & forma contractus, nempe pro materia juris traditionem in corpora, & pro forma ejusdem juris acceptionem; vel quid non ab simile a contrahentibus ponendum, speciem materiæ & formæ contractus Matrimonialis, vel totum ipsum contractum referens; proindeque hujus Sacramenti ministerium non alium esse arbitrentur, quam contrahentes ipsos, quodque sacri ultra ab Ecclesia, ut servetur in eo celebrando, præceptum est, solemnitatis esse, ac decentiæ, non necessitatis, neque ad essentiam Sacramenti pertinere profiteantur; licet enim Ecclesiam velint, posse ita de eo disponere, ut etiam leges ferre valeat irritantes idem Matrimonium, hocque ob ejus elevationem ad esse Sacramenti: de quo ut tali sola Ecclesia privative judicare potest, tamen ejus materiam ac formam, Ministrosque a Christo Domino designatam & institutos mutare nequit, quoties in confesso habeatur contractum Matrimonialem, seu solo elevatum fuisse ad totam Sacramenti rationem.

Sicuti neque mirum esse debet, si hujus sententiæ patroni nunquam velint posse disjungi rationem Sacramenti a contractu Matrimoniali valide celebrato inter fideles, cum per ipsos habita validitate contractus, habeatur quicquid requiritur pro Sacramento.

3. Quemadmodum mirum videri non debet, si arbitantes contractum Matrimonialem elevatum esse tantummodo ad materiam proximam Sacramenti, cui ad habendam substantiam Sacramenti addere oporteat aliquam verborum formam divinitus saltem implicitè, institutam auctoritate

hujus Sacramenti materiam remotam esse contrahentium corpora habilia ad actum conjugalem, proximam autem Juris traditionem, atque acceptationem supra eadem corpora in ordine ad præfatum conjugalem actum; proindeque velint ipsum, eundemque totalem contractum Matrimoniale esse materiam proximam Sacramenti Matrimonii.

Ex qua opinione evincunt. Primo. Matrimonium Infidelium, si postea fidem susceperint, non elevari ad Sacramentum, nisi post susceptam fidem ejusdem Sacramenti formam ab Ecclesiæ ministro postulent, ac recipiant.

Secundo. Ministrum Sacramenti prædicti non alium esse quam Sacerdotem subditos habentem, vel ab eo delegatum, qui pariter sit Sacerdos: hocque plurimis momentis probare tentant, vel ex scripturis, vel ex divina traditione, vel demum ex Sacris Canonibus, Ecclesiasticisque Monumentis.

Tercio. Non omne Matrimonium Fidelium esse Sacramentum; proindeque inter ipsos Fideles censent subsistere posse in mera validi contractus ratione, seclusa Sacramenti substantia, idque evenire posse, inquirunt, vel quia non adfuit Ecclesiæ Minister proferens formam, dum contraxerunt, vel si adfuerit, eam non protulit, vel si protulerit, non tamen ut decuit, vel tandem, quia contrahentes animum non habuerunt Sacramentum celebrandi, vel suscipiendi.

Quarto. Tandem vinculum Matrimonii, etsi firmum profiteantur quod ex mero contractu Matrimoniali nascitur, firmitus tamen illud fatentur, si præter rationem contractus habeat etiam illam Sacramenti, quam esse in arbitrio contrahentium affirmant.

Ex his illatis plurima consequentia iterum inferunt, quæ, prout evolutio materię postulat, indicabuntur.

Quod est præsentis intuitus, sapienter monuit Benedictus XIV. in Synodo Diocesana Lib. 7. Cap. 28. n. 9. per hæc verba: *Utriusque opinionis solidiora fundamenta innuimus (retulerat enim supra expolitas opiniones, eorumque fundamenta) non animo quemquam inducendi ad unam aut alteram amplectendam, sed ut Episcopis sit persuasum, utramque esse probabilem, suosque habere magna auctoritatis Patronos; atque inde non decere discant, ut ipsi Judicis partes assument, questionemque desiniant, de qua Ecclesia nihil habens pronuntiavit, sed Theologorum disputationi permittit.*

S. I I I.

*Præligitur opinio statuens materiam, & formam legitimi contractus
Matrimonialis esse etiam materiam, & formam Sacramenti;
propterea ejus Ministrum esse contrahentes.*

I. **Q**Uapropter nos quoque ejusdem Benedicti XIV. sanctæ memoriz mandatis, ut par est, obsequentes, nihil de laudatis opinionibus proferemus, quod videatur uni præ altera quidquam deferre: Idque precipue facimus, quia ratio nobis statuta scilicet praxim adeundi in illis opinionibus immorari non suadet. Quod tamen hortatur est, nos in hac re sensum Theologorum Italorum, ac Sanctæ Romanæ Ecclesiæ amplecti oportere, si aliquid utilitatis ex nostro labore Parochos, alioque Sancto muneri Confessionum excipiendarum deditos consequi peropremus, vel alios in vinea Domini utrunque operantes; proindeque firma supponimus hæc duo: videlicet contractum legitimum Matrimonii se solo elevarum esse ad rationem Sacramenti. Secundo Ministrum hujus Sacramenti non alium esse, quam ipsos contrahentes: ad quæ duo admittenda ex dicendis omnino cogimur.

Et quo ad primum, videlicet sententiam asserentem contractum Matrimoniale se solo esse elevatum ad rationem Sacramenti, eam solam aptam esse pro Legum Ecclesiasticarum circa Matrimonium conditarum recta intelligentia, atque expositione. Pro cuius rei veritate hoc sit exemplum: Supponatur celebratum Matrimonium coram Ecclesia, & cum omnibus prolatis formis a Sacerdote, ut Galli volunt, subsit tamen impedimentum dirimens, omnimodè contrahentibus ignotum, sitque ex iis quorum manifestatio in detrimentum Famæ alterutrius ex contrahentibus vergat; in qua facti contingentia Ecclesia præcipit, ut ab ipso impedimento obtineatur dispensatio, & pars innocens certioretur de nullitate Matrimonii, non verò ei manifestetur impedimentum prædictum, sed privatim contrahentes sibi ipsis invicem nullo Teste, nullo Sacerdote, dent consensum, ac ineant Matrimonium.

Hoc posito exemplo, quod passim evenit, constat primo Matrimonium hujusmodi fuisse nullum, tum in ratione contractus, tum in ratione Sacramenti: fuisse in quam nullum in ratione contractus, patet ex eo, quod adigantur contrahentes iterum renovare consensum, qui materia est, & forma contractus cujuslibet; Igitur consensus præstitus sub occulto; & ignoto impedimento nullus fuit saltem positivo jure. Ergo, & Matrimonium in ratione contractus. Fuit postea nullum in ratione Sacramenti; tum in sententia Gallorum, tum Italorum, in sententia Gallorum defuit materia Sacramenti, nempe verus validusque contractus: in sententia Italorum nedum materia sed & forma defuit, ex quo defecit

verus contractus Matrimonialis, qui per ipsos se solo est Sacramentum. Constat secundo per ipsos Gallos Matrimonium nunquam perungere ad rationem Sacramenti, nisi per formam prolatam a Sacerdote supra validum legitimumque contractum Matrimoniale. Quæ autem forma in allato superius exemplo semper desiderabitur, utpotè illud denuo contrahendum post obtentam dispensationem sine præsentia Sacerdotis, ac Testium. Itaque huiusmodi contrahentes præcepto Ecclesiæ tenerentur inire Matrimonium, quod nunquam esse posset Sacramentum. Ergo ex ipsamet Ecclesia prodiret hoc quod privarentur Sacramento, quod quam sit absurdum nemo est, qui non videat. At si Italorum sententia admittatur, adhuc servatis Ecclesiæ Legibus, initoque prædicto Matrimonio, absque præfata forma extraneæ a Sacerdote prolata, vel proferenda, supererit verum Sacramentum; proindeque in nullo defraudabuntur contrahentes. Quod equidem est necessarium consequens sententiæ Italicorum. Etenim si sola ratio contractus Matrimonialis sit elevata ad esse Sacramenti, consequens propemodum hoc venit, ut contrahentes sint etiam Ministri Sacramenti. Quinimò ratio Theologica utrique supposito favens adest, hæcque huiusmodi.

Nam Sacramenta omnia, quia constant materia, & forma, sit, ut per formam materia determinetur ad univoce significandam Gratiā, quam solum analogicè sine forma significasset. Sed in Matrimonio, data hypothesi, quod forma a Sacerdote proferatur, per eam contractus Matrimonialis, qui in tali hypothesi esse deberet materia Sacramenti, non determinaretur ad univoce significandam Gratiā Sacramentalem; etenim sine prædicta forma nedum analogicè, sed etiam univoce significasset. Ergo per prædictam formam non determinaretur materia Sacramenti Matrimonii ad univoce significandam Gratiā Sacramentalem. Subsumo. Sed si prædicta forma prolata a Sacerdote id non valeret, pro vera forma Sacramenti Matrimonii haberi non posset; Ergo forma prolata a Sacerdote non erit forma Sacramenti Matrimonii.

Major per omnes certa. Probatur minor: ut Matrimonialis contractus, prout referens materiam Sacramenti Matrimonii per formam prolatam a Sacerdote determinaretur ad univoce significandam Gratiā Sacramentalem, deberet natura sua esse indeterminatus ad Gratiā Sacramentalem significandam ante accessum formæ, a cuius adventu postea determinetur; sed ante adventum formæ contractus Matrimonialis non est indeterminatus, quinimò optime determinatus ad significandam Gratiā Sacramentalem, eamque univoce proflus significat; ergo per adventum formæ non determinatur ad significandam Gratiā Sacramentalem; ergo illa non recognoscit pro sui causa, ne quidem partiali formam a Sacerdote proferendam.

Probatur minor: Gratiā Sacramentalis Matrimonii non aliam causam sui
uni-

univoce significativam recognoscit, nisi naturalem amorem, & indissolubilem unitatem; sed hæc duo neque in minimo pendent a forma prolata a Sacerdote, sed tantummodo descendunt a legitimo contractu Matrimoniali; Ergo Gratia Sacramentalis pro causa sui ipsius significativa non habet formam Sacerdotis, sed contractum, satis ante additam formam determinatum ad eam univoce significandam.

Probatur major auctoritate Tridentini *Sess. 24. Cap. unic.* per hæc verba: *Gratiam verò, quæ naturalem illum amorem perficeret, & indissolubilem unitatem confirmaret, conjugisque sanctificaret, ipse Christus venerabilium Sacramentorum institutor, atque perfectior sua nobis Passione promeruit.*

Sed ex laudato textu Gratia Sacramentalis Matrimonii perficit naturalem amorem, confirmat indissolubilem unitatem; Ergo ab his tantummodo univoce significatur.

Probatur minor: Hæc duo supponuntur antè prolationem formæ Sacerdotalis. Nam consequuntur statim ab inito Matrimoniali contractu, cujus sunt effectus necessarii, etiam antequam supra hujusmodi contractum, proferatur forma Sacerdotalis, neque hoc præstat pluribus momentis demonstrare; est enim lumine ipso naturæ manifestum; Ergo hæc duo ne in minimo pendent a forma prolata a Sacerdote.

Si itaque Gratia Sacramentalis Matrimonii nullatenus pendere valeat a forma Sacerdotali, clarè deprehenditur eam haberi non posse, ut formam Sacramentalem Matrimonii, proinde eandem Sacramento prorsus extraneam. Si autem extranea hæc forma, aliam prorsus habebit Sacramentum Matrimonii, quæ non alia erit, nisi forma contractus: atque hinc deprehenditur contractum Matrimoniale elevatum esse ad totam integram rationem Sacramenti, non verò ad solam materiam ejusdem.

Quod clarè expressisse videntur Concilii SS. Patres in supra citato capite his præclarissimis verbis: *Cum igitur*, inquit, Patres ipsi, *Matrimonium in lege Evangelica veteribus Connubiis per Christum Gratia præstet, merito inter novæ Legis Sacramenta annumerandum SS. Patres nostri, Concilia, & universalis Ecclesiæ traditio semper docuerunt.*

Ex sensu itaque Concilii deprehenditur, Matrimonium in Lege Evangelica solum præstare Connubiis veteribus Gratia per Christum; ideoque inter novæ Legis Sacramenta numerandum; Ergo sola Christi Gratia addita fuit veteribus Connubiis; Ergo vetera illa Connubia facta sunt illud unicum sensibile signum significativum hujusmodi Gratia; Ergo facta sunt integrum Sacramentum.

At vetera illa Connubia, ut valida essent, nullam requirebant Sacerdotalem formam; Ergo neque dicendum, quod requirant ex Christi institutione post illis additam Gratiam. Quapropter ex sensu Concilii eruitur formam Sacerdotalem non esse Sacramentalem, sed ceremonialem; proindeque non essentialiam Sacramento. Contractum matrimoniale ex Christi institu-

tione elevatum esse ad totam, integramque rationem Sacramenti. Tandem Ministros hujus Sacramenti non alios esse, quam contrahentes.

2. Hæc adjecimus non animo infirmendi oppositam opinionem, sed mere ut palam fiat, nos causam habere amplectendi primam opinionem. Verum prosequentes expositionem definitionis Matrimonii superius allatæ, in ea conspicimus effectum Sacramenti, qui est individua Maris, & Femine consuetudo, significans Christi unionem cum Anima Justî, Verbi Divini cum humanitate, & Christi Domini cum Ecclesia; His verbis manifestatur primo indissolubilitas Matrimonii, quæ ab Evangelista Matth. 19. insinuat: inquit enim: *Dimittet homo Patrem, & Matrem, & adhaerebit uxori suæ.* Et clarins prima ad Corint: inquit Paulus: *Mulier alligata est Legi quanto tempore Vir ejus vivit.* Et Marci 10. *Quod ergo Deus conjunxit Homo non separet.* Manifestatur secundo significatio unionis Christi cum Anima Justî, Verbi Divini cum humanitate, & Christi cum Ecclesia; quam significationem dignatus est Christus Dominus concedere contractui Matrimoniali. Atque ob id illud elevare ad Sacramentum, quod propterea magnum a Paulo vocatur Sacramentum.
3. quo tum Gratia sanctificans, tum auxiliatrix in ferendis oneribus Matrimonialibus, aliisque Passionibus moderandis producitur. Non immeritum in horum demonstratione, constant enim & ex Tridentino *sess. 24. Cap. unico supra relato, & ex SS. Patribus, a Bellar. congestis.*
3. Ut autem debita methodo procedamus, primo recensebimus tres Matrimonii species, quibus expolitis ad personas contrahentes descendemus. Matrimonium itaque aliud est legitimum, aliud ratum, aliud denique consummatum.
4. Legitimum illud est, quod legibus naturæ, ac civilibus est initum, quod tamen, ex laudato Concilii Textu Sacramenti prærogativam non consequitur ob contrahentes infideles, inter quos tantummodo consistere valet sub hac ratione unica contractus naturalis, ac civilis, eo quia dictis tantummodo legibus ii subiiciantur.
5. Apparet propterea Matrimonium legitimum præcindere a consummato, nam vel sit consummatum, vel non, ratio non est hæc, cur distinguatur a rato, & consummato, sed est illa, quia Sacramentum non est. Ratum verò, & consummatum sunt Sacramentum; proinde hæc duo ab eo discrepant ob hanc Sacramenti rationem.
5. Matrimonium ratum est Sacramentum, & consistit in contractu Matrimoniali inito a Fidelibus, at nondum secuta copula, seu consummato.
6. Consummatum denique est Sacramentum consistens in contractu Matrimoniali inter fideles una cum consummatione.

CAPUT SECUNDUM.

DE PERSONIS HABILIBUS AD CELEBRANDUM
MATRIMONII SACRAMENTUM.

His positis ad personas contrahentes accedimus exponendas;

§. I.

Quæ sint Jure Naturæ, quæ Civili, quæ demum Canonico;

I. Jure Naturæ constat, unicum Mare, & unicam Fœminam eas tantum esse Personas, quæ invicem Matrimonio jungi possunt: a quo Jure arcentur Parentes cum Filiabus, ac Neptibus, ob sanguinis naturalem reverentiam, quod ex Genes. satis colligitur per illa verba: *Propter hoc relinquet homo Patrem, & Matrem suam, & adhaerebit Uxori suæ:* Scilicet ut nunquam contrahat cum talibus. Nullo enim tempore Mundi, inquit S. Antoninus *part. 3. T. 1. cap. 2.* licuit, Filium cum Matre, vel Filiam cum Patre contrahere; sed in principio propter paucitatem licuit viro contrahere cum Germana, & in processu temporis per legem Divinam additi sunt quidam gradus, per legem Canonicam alii gradus, & alia impedimenta. Jure quoque naturali arcentur a Matrimonio incundo Infantes, perpetuo furiosi, amentes, & perfectè ebrii ob defectum Judicii, seu usus rationis, quin etiam per aliquos, & fortasse probabilius, illi qui a nativitate cæci, simul auti, & surdi sunt, quia naturaliter impossibile videtur esse: ut edoceantur de natura, & obligationibus Matrimonii, & etiam quod ipsi signo exteriori certò, atque univoco valeant exprimere consensum Matrimoniale, tandem impuberes ob defectum ætatis, seu potentiz ad Matrimonium consummandum, quæ potentia esse debet in contrahentibus, dum celebrant Matrimonium, quia in ipso Matrimonio traditur ab una parte alteri Jus plenum in corpus, & vicissim; Ergo corpus requirit expeditam capacitatem exercitii illius Juris, secus non esset jus plenum.

Idem dicatur de senibus, qui licet per legem Juliam Papiam ultra 60. annos prohiberentur a nuptiis, tamen illa correctæ a *Lege 27. Cod. de Nupt.* admittuntur, dummodo apti sint perfectam conjugalem copulam explere.

2. Jure, & ipso civili limitabantur eadem Personæ, ut non quilibet Mas, & Fœmina invicem contraherent, sed ex tantum, quæ vel Parentum consensum obtinerent, vel qualitates haberent ab ipsomet Jure præscriptas, simulque requisitas solemnitates adhiberent.

3. Jure tamen Canonico in multis correctum est jus Civile; proinde se-

lum illæ Personæ aptæ sunt ad contrahendum Matrimonium, quæ ab eodem Canonico jure non prohibentur.

Verum ut rectius loquamur, quando agitur de Matrimonio Fidelium non est dicendum, quod Jus Canonicum correxerit Jus Civile, sed omnino; dicendum, quod illud abrogaverit, quia apud Fideles ex quo Matrimonium obtinuit rationem Sacramenti, effectum est materia improporcionata, ac superans quamcunque vim civilium legum; proindeque sanctionum omnium de ipso, vel ejus impedimentis, sive impedientibus esse dirimentibus positio privativè ad Ecclesiam pertinet. Hocque adeo certum, ut nedum ex Sacris Canonibus habeatur, sed ex ipsis legibus Civilibus innotescat, eæque referantur ab Honorato Tourneli, licet in alium, vel etiam oppositum sensum: quæ sunt Caroli Magni, Caroli Calvi, & plurium Enricorum, & tandem Ludovici XIII., & XIV. in Tom. 11. de Sacramento Matrimonii Fol. 237. Edit. Venet. tribuentes Ecclesiæ, & Canonibus Sacris jus integrum disponendi de Matrimonio, & ad ipsum pertinentibus, cognitionemque causarum Matrimonii ad Judices Ecclesiasticos remittendam esse decernentes. Quod quidem verum est, non quia Ecclesia allegatarum legum præsidio sibi vindicet jus disponendi de Matrimonio, ejusque attinentibus, sed præsidio divini Juris sibi a Christo asserti in elevatione Matrimonii ad Sacramentum; atque hinc prodiiit Canon. XII. Sess. 24. Tridentini Concilii: cujus verba sunt: *Si quis dixerit causas Matrimoniales non spectare ad Judices Ecclesiasticos, anathema sit. Et Can. 4. ejusdem Sess. Si quis dixerit Ecclesiam non potuisse constituere impedimenta Matrimonium dirimentis, vel in iis constituendis errasse, anathema sit. Tandem Cap. 9. ejusdem Session. de reformatione Matrimonii, decernit dominos temporales, ac Magistratus Laicos nullum jus habere in spectantibus ad Matrimonium, cum Cap. 10. dicant Patres Concilii: Sacra enim res est Matrimonium, & Sacra tractandum; proinde a Laica potestate reverenda quidem, sed de ea nihil disponendum. Hocque precipue confirmatum apparet in una Maceraten. 29. Augusti 1761. Tom. 25. resolut. Sacre Congregationis Concilii Fol. 232., & 238., in qua pro thematic conspicitur eruditæ Discretarii.*

Itaque si a Jure Canonico desumenda sitabilitas Personarum pro Matrimonio ineundo, hæc melius ab eo colligi nequit, quam per impedimenta Matrimonii ab eodem posita discurrendo usque dum ab iis imminis reperiat Personam, ut ipsa habilis censeatur. Quapropter de iis agemus suo loco, nunc propius accedentes ad Matrimonium, de ejus causâ efficiente, nempe de consensu in præsentiarum dicemus.

§. I I.

Causa efficiens Matrimonii est consensus.

1. **Q**Uoniam verò contractus omnes consensu partium contrahentium perficiuntur, & Matrimonium sit quoque ipsum contractus, consensu proinde contrahentium perficitur. Etenim Matrimonium cum involvat animorum, jurisque simul in corpora conjunctionem, ac pariat vinculum perpetui, atque mutui amoris: hoc concipi nequit sine precedenti amborum consensu, a quo primo derivet nexus amoris mutui. Quod sapienter Nicolaus expressit *Cap. Presens. Caus. 20. Quest. 3.* inquit: *Quod quis non eligit, neque optat, profecto non diligit; quod autem non diligit, facile contemnit.*
2. Hujus autem consensus necessitas ex eo deducitur, quod dominium corporis unius in alterum transferendum, & contra, non nisi vel lege cogente, vel ipsum corpus habentis consensu in alterum transferri possit. Nulla autem Lex est, quæ ab invito corporis sui Dominium tollat, atque in alium traducat. Non naturalis, quia homo liber natus est, atque immunis a dominatu. Non Lex Divina positiva, quam nullam Deus condidit. Non Lex humana, sive Civilis, sive Canonica, quæ si foret, excederet potestatem legislativam Hominum; uti facile per Jus Naturale, ac Divinum palam fieri posset; superest ergo, ut solo consensu contrahentium Matrimonium fieri possit, idest tradi dominium corporis in alterum a solo habente ipsum Corpus. Quapropter idem Nicolaus *Caus. 27. Quest. 2.* sufficiens, inquit, *solus secundum Leges consensus eorum, qui consensus si in nuptis solus fore defuerit, cetera etiam cum ipso coitu celebrata frustrantur*, & Alexander Tertius *Tit. de Sponsalib. Cap. Cum lectum recitatur Matrimonium solo consensu contrahi*, qui tamen exponendus est respectivè ad contrahentes. Etenim in reliquis servandæ sunt Leges tum Divinæ, tum Ecclesiasticæ.

Hoc ipsum confirmatum conspicimus in Florentino, & Trid. *Sess. 24. Cap. 1. de reformatione Matrimonii.*

Non hic immorabimur in scholastica exponenda Quæstione: an Deus pro sua absoluta potestate supplere possit defectui hujus consensus, simulque efficere, ut verum sit Matrimonium, non accedente consensu conjugum. Quidquid enim in alterutram partem referant Theologi, certum est, id nunquam a Deo factum esse: quod si contingeret fieri, illud non futurum Matrimonium, quod contrahentium consensu nunc celebratur, neque Sacramentum; quia non nisi contractus Matrimonialis ad ejus naturam fuit elevatus; sed fortasse esset Matrimonium alterius speciei, quæ species usquemodo non fuit, neque in præsentī ordinariā providentiā futura est, ob immutabilitatem Legum Evangelicarum.

§. III.

§. III.

Proprietates hujusmodi consensus recensentur, quarum prima est veritas, omnem tum externam, tum internam simulationem excludens.

1. **S**ed statim ad proprietates hujusmodi consensus exponendas accedimus. Quarum prima est, ut sit verus non fictus.

Verum consensum dicimus eum esse, qui a reali animi contrahentium determinatione proficiscitur, ac per verba, vel alia signa exteriora manifestatur.

Fictum ex opposito appellamus eum consensum, qui tantummodo apparet in verbis prolatis ab eo, qui non habet animi determinationem, licet ab ipsis verbis, vel signis exterioribus, velut si haberet, manifestatam. His acceptionibus consensus verus ac fictus a Theologis sumitur.

2. Quæstio tamen est inter ipsos: an ad validitatem Matrimonii semper requiratur consensus interior verus, & sincerus, an fictus sufficiat?

Fictum sufficere ex Tourneli loco citato docuere multi post Magistrum, quorum momenta ipse refert, & quatuor numerantur.

3. Primum est consensum Matrimoniale non disparesse esse ab aliis consensibus quorumlibet contractuum Ex. Gr. venditionis &c. in quo solus fictus consensus sufficit; nam si eo ipso nulla foret dicta venditio, in qua vendens non consensit interius, posset occulte rem suam accipere, & restituere acceptum pretium ipsi emptori sine peccato contra Justitiam. Etenim per fictum consensum, venditor non transfudit dominium rei vendite in emptorem. Hæc absurda sunt, quia contra commune bonum, atque aditum aperientia fraudibus, & disensionibus.

Secundum est, qui facit aliquid liberè ac serio, cui necessario adnexa sit obligatio, ille hujusmodi contrahit obligationem, quantumcumque protestetur animum prorsus habere alienum ab ea contrahenda; esset enim contradictio, & aperta protestatio contra factum. Propterea qui liberè, ac serio profert verba significantia consensum, eorumque percipit sensum, si conetur excludere intimam animi determinationem, quam illa significant, non aliud videtur ponere, quam contradictionem, & apertam protestationem facto, idest liberæ verborum prolationi contrariam.

Tertium: modus contrahendi inter Homines non aliud exigere potest, nisi quod serio ac liberè exhibeantur signa consensus, quibus positus statim obligatio nascatur; alias fraus, ac dolus delinquenti patrocinaretur, multaque inde scandala, ac incommoda disensiones, ac rixæ suborirentur; sed per consensum fictum enunciata signa admissim exhibentur; Ergo consensus fictus sufficit ad parturiendam obligationem; Ergo ad validitatem contractus; Ergo, & Matrimonii.

Quar-

Quartum tandem est, ex quo in sententia Italorum Ministri Sacramenti Matrimonii sint contrahentes, & forma eorundem Ministrorum consensus, qua parte respicit juris alterutrius acceptionem; & ex quo in sententia nonnullorum Theologorum Minister serio adhibens ritum exteriorem Sacramenti, ut Christus instituit, & Ecclesia usurpat, verè conficit Sacramentum absque interiori intentione faciendi rem Sacram; sequitur contrahentes in Matrimonio celebrando, prout Sacramentum est, posse verbis exprimere consensum absque animo interiori, faciendi rem Sacram, scilicet Sacramentum, & tamen haberi oporteret illud Matrimonium, ut validum Sacramentum, licet in eo deficeret internus animus Ministrorum illud faciendi ut Sacramentum; ita haberi deberet ut validum Matrimonium, in ratione contractus, etsi in eo deficeret internus consensus contrahentium; Ergo non requiritur verus internus consensus, sed sufficit fictus pro valore Matrimonii, vel ut contractus est, vel ut Sacramentum.

4. Aliter sentiunt plurimi Theologi, aliterque docet Jus Canonicum, ac ipsa Romana Ecclesia. Sed antequam horum momenta referamus, placeat primæ opinionis momenta diuere.
5. Ad Primam respondetur, concedendo pares esse consensus tum Matrimonii, tum aliorum contractuum, neque ex validitate consensus prodire, quod Ex. Gr. in venditione ficto consensu celebrata, non possit venditor, qui fictè consensit, occulte rem suam accipere &c. Etenim si nihil aliud obstar, reuera id posset, & quidem sine peccato contra Justitiam. At obstat Jus Gentium & Civile, quod in penam fictè vendentis ab eo rei venditæ Dominium transfert in emptorem; proindeque fictè vendens si tentaret recuperare rem venditam occultè, violaret Justitiam, & Jus emptori datum, non a se fictè vendente, sed ab ipsa Lege. Hoc patet *Instit. Civil. Tit. de rerum dominio acquirendo*.

At in materia Matrimonii, quia hæc superat potestatem legislativam humanam, nec Personæ dispositio Imperio subiunt Principibus, sed solius Dei, hinc apparet Dominium corporis alicujus in alium transferri non posse, nisi consensu idem corpus habentis. Quapropter cum alia via non sit transferendi dominium corporis in alium, nisi per consensum possidentis corpus ipsum, & consensus fictus pro non consensu reputetur, apparet perfectio fictè consentientem nullam contrahere obligationem ex eo, sicque non peccare contra Justitiam, si cometur retrahere jus alteri fictè datum supra corpus suum: quod si non peccaverit, liquet illud Matrimonium per hujusmodi consensum fuisse nullum.

Addi ulterius potest, Matrimonium importare non tantum corporum, sed animorum conjunctionem, quæ sine interiori vero, sinceroque consensu non potest intelligi.

Quod porro attinet ad Magistrum Sententiarum *Lib. 4. dist. 27.* dicentem
si ver-

si verbis explicant quod tamen corde non volunt, si non sit coactio ibi, vel dolus, obligatio illa verborum, quibus consentiunt dicentes: accipio te in Virum, & accipio te in Uxorem, Matrimonium facis, facile huic Respondetur. Primo dicendo sententiarum Magistrum ibi loqui de vehementi præsumptione validitatis Matrimonii. Etenim Ecclesia semper ut validum habeat illud Matrimonium contractum modo superius enunciato, nisi concludenter probaverit fidei contrahens intercessisse fictionem in predicto Matrimonio celebrando.

Secundo etiam verbis Magistri spectatis conspicitur verum interiorum consensum requiri ad valorem Matrimonii. Etenim postquam dixit Magister: *Si verbis explicant, quod tamen corde non volunt.* Subiunxit: *Si non sit coactio ibi, vel dolus.*

At quæso qualis consensus fictus haberi unquam possit, qui ex his alterutro careat? Nonne in eo, qui liber est nedum a coactione absoluta, ac simplici, sed etiam a coactione conditionata, vel mixta, de quibus D. Thomas *Lib. 4. Sent. dist. 29. & 30. Art. 1. in corpore*: dolus propemodum intercedit? Dolus enim est decipere aliquem; at fidei promittens ex animo decipit consortem in contractu; Ergo si Magister exclusit dolum, jam exclusit consensum fictum. Ergo quando dixit: *quod tamen corde non volunt*; exponendus est, quod voluerit indicare eos nolle quosdam Matrimonii effectus, quorum exclusio validitati ejusdem non opponatur.

6. Ad secundum, simulque ad tertium, quorum eadem ratio est, respondetur, modum contrahendi inter homines omnino exigere & animum interiorem, & exhibitionem seriam, ac liberam signorum exteriorum consensus; Nam Homines humano modo agere debent; Ergo tali modo, ut sint domini suorum actuum, eosque communicent. Sed si contrahens non haberet interiorem animum contrahendi, sed solum dolo signa consensus exhiberet parti, jam efficeret, ut pars secum non communicaret in actu humano, nempe in ratione, & voluntate, sed solum in sensitiva, quæ etiam Brutis communis est. Ergo si contractus quilibet debeat esse actus humanus, exigit consensum, nedum in verbis, vel signis manifestatum, sed revera interiorem, id est veram animi contrahentis determinationem; Quapropter negatur, quod modus contrahendi inter Homines non aliud exigere possit, nisi quod contrahentes serio, & liberè exhibeant signa consensus; nam exigit ulterius verum, ac interiorem consensum, quia exigit actum humanum communicabilem in ratione actus humani. Verum equidem est, quod interior animus parti communicari non potest, nisi involutus verbis, ac signis exterioribus, eo fermè pacto, quo melior pars Hominis, nempe animus solo corpore manifestatur: At viro modo; nam si corpus carens animo signa dederit illum habendi, hujusmodi erunt adeo equivoca, ac simulata, ut facile

cile cognoscatur inanime esse; ita etiam facile deprehendetur, quando consensus exterior spiritu suo, nempe consensu interiori careat. Quod si Ecclesia præsumat validum Matrimonium, si fuerit contractum signis exterioribus liberis indicantibus consensum, sed revera eundem non habentibus, id procedit ex quo semper reputaverit humano modo fuisse exhibitum; neque aliter judicare poterit, quoties de contrahentibus prudentem non habeat suspicionem, eos humano modo se non gessisse in præstando consensu.

7. Ad quartum, præscin'dendo a sententia asserentium sufficere solam externam intentionem pro validitate Sacramentorum respondetur, adhuc pro validitate Matrimonii requiri interiorem consensum. Res patet, alterutra ex sententiis de intentione Ministri Sacramentorum amplectatur. Nam si sequamur sententiam requirentium intentionem internam, atque eorum, qui contractum Matrimoniale initum inter Fideles volunt esse integrum Sacramentum Matrimonii, manifestè conspicimus, deficiente interiori consensu deficere validum Matrimonii contractum, proindeque, & Sacramentum. Si verò sequamur sententiam adnitterentium sufficere in Ministro Sacramentorum intentionem externam, etsi fortasse in ratione Sacramenti haberi posset ut validum illud Matrimonium contractum cum consensu tantummodo exteriori, adhuc tamen, quia per ipsos materia hujus Sacramenti esset validus, ac legitimus contractus Matrimonialis, qui talis non erit, nisi interiori consensu constiterit, ut supra vidimus; hinc etiam in horum sententia nullum erit Matrimonium ficto consensu initum.

8. Adducere hic oporteret, quidquid refertur ab exposcentibus pro validitate Matrimonii verum interiorem consensum. Sed hoc egimus in solutione horum momentorum primæ opinionis. Quod tamen addendum videtur, est jus ipsum positivum ex *Cap. Tua nos*, de Sponsalibus omnino requirens pro validitate Matrimonii interiorem consensum: inquit enim. *Si res ita se habueris, videlicet, quod ille eam non proposuit ducere in uxorem, nec unquam consensit in prædictam Personam, non debet ex illo facto conjugium judicari.* Itaque ex hoc Jure, licet omnia servata sint in illo facto, quæ exteriorem ostenderent consensum, quia tamen non fuit propositum ducendi illam, neque consensus interior, ideò non debet ex illo facto conjugium judicari. Nam propositum est actus mentis statuentis aliquid facere; proindeque actus undequaque interior; Quapropter si ex hujus defectu Pontifex decernit nullum Matrimonium, decernit quoque ad essentiam Matrimonii pertinere consensum interiorem. Neque aliter senserunt S. Bonaventura, & S. Thomas, nam S. Bonaventura in 4. dist. 27. *Quæst. 2.* inquit: *Si sit consensus exterior sine interiori, non est Matrimonium secundum veritatem, nec secundum divinum Judicium, nec secundum Conscientiæ Formam.*

Et

Et S. Thomas eadem dist. *Quaest. 1. Art. 2.* ita differit: *Sicut si quis ablutionem acciperet exteriorem non intendens accipere Sacramentum sed ludum, & dolum facere non esset baptizatus; ita expressio verborum sine interiori consensu Matrimonium non facit.*

Quinimmo Sacra Congregatio Concil. Trident. definivit nullum esse Matrimonium simulatè initum, ut Tom. 3. *Resolut. Fol. 140.* aperte conspiciatur, nempe in Ulixponen. Occidentali Die Sabbati 8. Julii 1714.

§. I V.

*Secunda est perseverantia ejusdem consensus, & quoniamplex;
quidque operetur.*

1. **E**xpedita prima proprietate consensus Matrimonialis, atque comperto illum oportere esse verum, non fictum, ad hoc ut valeat Matrimonium; aequum alia exponantur proprietates ejusdem, non abs re videtur, si de ejus perseverantia dicamus; ex ea enim lucidè patefacta plures solvantur *Quaestiones*, ac dubia emergentia in assignandis modis revalidandi Matrimonia nulliter contracta, vel ob defectum consensus, vel ob praecedentia impedimenta dirimentia. Ex Jure Canonico *Cap. Fin. de Proc. in 6.* habetur, consensum datum in quolibet contractu triplicem habere posse perseverantiam, nempe actuale, virtuale, atque habituale. Hanc triplicem perseverantiam negare non possumus consensui Matrimoniali, ex quo validum, ac legitimum contractum efficiat.
2. Quid porro hujusmodi perseverantia operetur, praestat exponere. Perseverantia actualis, quia in duratione actus mentis approbantis, seu actuali consensu in mente servato consistit, quousque hic habetur, perinde est, ac si de novo consensus exhibeatur; propterea licet videatur praeteritus, quoad lapsum temporis, est tamen praesens ob unicam rationis moram ad plura temporis spatia se extendentem; semperque capax se nectendi cum alio futuro consensu partis alterius contrahentis.

Perseverantia virtualis, licet in ea non duret actus, durat tamen effectus ipsius, scilicet praestatio obsequiorum Matrimonialium, hoc enim exhibemus exemplum, quia illud materiz congruit, efficitque, ut in eo effectu, quasi in virtute consensus servetur, & quidem per quosdam Theologos aptus, ut cum novo alieno consensu nectatur ad validum producendum Matrimonium. Atque hinc iidem Theologi docuerunt, in hypotesi nullitatis Matrimonii ob dirimens impedimentum occultum, quod Matrimonium convalidari debeat per renovationem consensus, & certioranda sit pars innocens de nullitate praecedentis initi Matrimonii, a qua timeatur recessus, pro revalidando praedicto Matrimonio sufficere, si pars conscia impedimenti suum consensum saltem interioretm occultum, ac renovet, illumque uniat affectui Maritali, quo ad partem innocentem accedit, illi-

illique pars innocens eodem Maritali affectu obsequatur, in quo Maritali affectu innocentis obsequentis reo, veluti in effectu perseverat consensus ejusdem innocentis.

Perseverantia tandem habitualis, quæ non in duratione actus, quo consensus producitur, non in duratione effectus, in quo quasi in virtute continetur idem consensus, sed in morali duratione primi consensus consistit, quæ non cessat, nisi per revocationem. *Argum. ex supracit. Cap. Final. de Tracur. in 6. lcg. 1. ff. de verborum oblig. hæcque desumitur ex Juristarum axiomate, quod semel placuit, semper placere debet.*

Hæc inquam perseverantia habitualis, seu moralis satis consensui tribuit, ut valeat cum posteriori alio adveniente consensu conjungi pro valido stabiliendo contractu, proindeque, & Matrimonio; hujus exemplum habetur in mandante, cujus consensus commissus mandatario necitur alieno consensui quandoque longo tempore, postquam fuit datus a mandante, ipsoque, tunc, cum necitur, non advertente, quinimodò dormiente, vel alia agente.

3. Positis itaque his speciebus perseverantiæ consensus sequitur primo, cum qui fidei consensus, vel consensum dedit Juræ Naturæ nullum, supposita actuali perseverantia consensus alterius contrahentis, tantummodo teneri renovare consensum suum pro restaurando Matrimonio. Nam tunc iste consensus novus invenit alienum consensum perseverantem, illique necitur; proinde ex utraque parte contrahentium habetur consensus existens verus, ac validus pro Matrimonio.

4. Sequitur secundo, perseverantiam virtuales consensus, quia supponit eundem consensum, cujus est perseverantia, fuisse alieno consensui conjunctum, sicque vere, vel apparenter produxisse effectus quosdam, in quibus nunc perseverare dicitur; hanc inquam perseverantiam quandoque sufficere, quandoque non, pro diversitate dispensationum, a quibus tolli debet impedimentum dirimens, si forte præcesserit consensuum conjunctionem (impedimentum scilicet, quod sit Juris positivi: nam de eo, quod sit Juris naturalis, nulla est possibilis dispensatio); etenim si dispensatio non abroget effectus productos in actuali conjunctione consensuum ab impedimento dirimente, tunc virtualis perseverantia consensus non sufficit pro reintegrando Matrimonio, sed novus consensus ex utraque parte requiritur: hocque sensu locutum fuisse Pichler lib. 4. Tit. 16. n. 53. dum docuit, nunquam revalidari posse Matrimonium sine novo utriusque consensu, ordinarie loquendo intelligi debet. Si vero dispensatio dictos effectus abroget, tunc sufficit, ut mox dicemus.

Quod dictum est de perseverantia virtuali consensus, dici potest de perseverantia habituali respective ad illum consensum, qui a parte rei nulliter fuit alieno consensui conjunctus, licet apparenter visus sit valide conjunctus; Non vero respective ad illum consensum, qui nondum alie-

no consensui est conjunctus, uti est ille commissus mandatario: nam hic semper durat aptus tum Jure naturali, tum Jure Ecclesiastico conjungi alieno consensui. Quod si deprehendatur intercedere impedimentum Canonicum inter contrahentes, suspensa præstatione dicti consensus a mandatario, per simplicem dispensationem, seu ablationem impedimenti absque renovatione consensus mandantis validum initur Matrimonium; quia res adhuc integra, & ante conjunctionem consensuum verificatur nullum intercedere inter contrahentes impedimentum, dictusque consensus mandantis semper habitualiter durat in manibus mandatarii, quousque vel mandans illum revocet, vel mandatarius expleat munus suum: *ut de Procurator. in 6. aliq. Jura firmant.*

5. Verum, ut dicta magis luceant, quædam observari debent circa valorem consensus.

A duplici inquam Jure valor consensus ita pendere potest, a Jure scilicet naturali, & a Jure Ecclesiastico: ut per alterutrius violationem, valor consensus profecto tolli videatur, diversimode tamen; nam si consensus opponatur naturali Juri, est ita nullus, ut de eo nihil superfit ab Ecclesiastico Jure vel stabiendum, vel tollendum. Ex opposito si consensus solo Ecclesiastico Juri opponatur, non est ita nullus, quin suum esse secundum Jus naturæ habitum conserve, impeditum quidem ab eodem Ecclesiastico Jure, ne effectum consequatur; ac non omnimodè eliminatum; propterea Jus Ecclesiasticum proprie loquendo non reddit nullum consensum quo ad valorem, seu essentiam, sed annullat quemcunque effectum, quem Jure naturæ producere posset idem consensus; ac veluti appositis impedimentis inter duos consensus de Jure naturæ validos obest, ne iidem valide jungantur; subest itaque valor consensus Juri naturali tum in esse, tum in operari, ut loquuntur Scholastici; subest porro idem consensus Juri Ecclesiastico in solo operari. Propterea consensus oppositus naturali Juri in nihilum omnino abiit oppositus vero soli Ecclesiastico Juri retinet suum esse naturale licet impeditum ad producendos suos effectus; hujusque ratio videtur, quia offenso Jure naturæ, natura ipsa periclitatur; offenso Jure positivo periclitatur solum moralis hominum societas.

6. His autem præmissis exponi potest diversitas praxis latarum dispensationum super impedimentis dirimentibus pro Matrimoniis revalidandis.

Nam vel ambo contrahentes præstiterunt consensum Jure naturæ validum, vel unus tantum, vel neuter. Si neuter non est locus revalidationi Matrimonii nisi per novum utriusque consensum, eo quia primi amborum consensus in nihilum prorsus abierunt, nihilque ex iis superfit moraliter perseverans aptum conjungi cum novo consensu, ut supra advertimus. Si unus tantum, quia hic esse non poterit, nisi ille, qui ignoravit impedimentum dirimens, (etenim qui fuit conscius de impe-

di-

dimento non potuit ab initio præstare consensum validum Jure naturæ, cum ex animo ac sincere velle non possit, quod videt, aut suam habet impossibile. Hic inquam ignorans impedimentum, & bona fide procedens consensum exhibendo Jure naturæ validum, etsi nullum quoad effectum validi Matrimonii, utpotè inreceptum ab impedimento positivo interjacente ne valide cum alieno conjungatur, ponit tamen consensum, qui in nihilum omnino non abit, sed retinet suum esse ex Jure naturæ concessum, & quidem aptum operari, si removeatur impedimentum, omnisque ejus effectus tunc productus, cum primitus Matrimonium nulliter contractum fuit; quapropter ex parte hujus absolute ac simpliciter non requiritur renovatio consensus in revalidatione Matrimonii; uti requiritur ex parte illius, qui primitus dedit consensum Jure naturæ nullum; ex quo statim in nihilum abiit, consensus autem solo positivo Jure nullus, quia sublato impedimento, ejusque effectibus consensus ille Jure naturæ validus est; superest proinde immunis a quolibet obice; Propterea aptus, ut alteri consensui advenienti conjungatur. Quæ dicuntur de hoc uno, qui consensum Jure naturæ validum præstitit, dici possunt, ac debent de ambobus contrahentibus similiter validum Jure naturæ consensum præstantibus, utpote ignorantibus prædictum dirimens impedimentum Juris Ecclesiastici: scilicet dici debet, quod possit dispensans auferre impedimentum, & abrogare illius productos effectus, atque ita relinquere ambos consensus immunes ab obice, ut ipsi suapte natura conjungantur absque ulla eorundem renovatione.

7. Verum tamen est in arbitrio ipsius dispensantis, duplicem adire viam in dispensationibus concedendis.

Prima est, si simpliciter tollat impedimentum, præscindendo, precefferit nec ne Matrimonium. In qua dispensationis specie semper requiretur renovatio consensus ex utraque parte: non quia deficiat consensus de Jure naturæ validus: vel ex parte unius contrahentium, vel etiam ex utraque parte, sed quia dispensans non abrogavit effectum productum ab impedimento præcedente, qui fuit, ne il consensus tunc dati, licet Jure naturæ validi, inter se conjungerentur. Qui effectus quoties non tollitur, semper afficit prædictos consensus, eosque repellit ab invicem. Ad quem effectum tollendum si dispensans non adverterit, vel si adverterit, manifestavit eundem non abrogasse: ut quando apposita est conditio in dispensatione, quod de nullitate prioris consensus pars altera certioretur, colligi potest: jam patet, dispensantem solum tunc reddere habiles contrahentes ad noviter consentiendum, sed nullatenus approbare consensus sub existente impedimento dirimente jam datos; proinde in hypothesi dispensationis hujus speciei, requiri renovationem consensus ex utraque parte. Hæcque est illa vulgaris, ac obvia dispensationis via, quam graditur Sacrum Pœnitentiariæ Tribunal in suis dispensationibus concedendis.

8. Alia via est, tollendi impedimentum, & simul abrogandi effectum productum a prædicto impedimento respective, vel ad unum, vel ad ambos consensus jure naturæ validos, & illum, vel illos restituendi, vel rectius remittendi integre in statum eorum validitatis naturalis, ut nedum inter ipsos non vigeat impedimentum, sed neque verificetur illud fuisse obicem, ne invicem tunc necessitentur iidem jam dati consensus; per hanc inquam dispensationis speciem, quia vel unus, vel utriusque consensus supponuntur jure naturæ validi, & per ipsam dispensationem nedum tollitur impedimentum Ecclesiasticum, sed ejus quicunque abrogatur effectus, tanquam si minime præexistisset idem impedimentum; Hinc sequitur Matrimonium convalidari absque novo consensu partis innocentis, vel etiam utriusque, quoties vel unus, vel ambo ignoraverint impedimentum Canonicum; dum primitus sibi ipsis mutuum dederant consensum, licet imposterum certiores facti de præexistentia impedimenti, proindeque de nullitate jam initi Matrimonii; dumodo sub hujusmodi scientia non revocaverint consensum in eo datum, quia tunc per revocationem posteriorem destrueretur permanentia moralis, sive virtualis, sive habitualis dicti consensus, quia tolleretur illius esse naturale; sicque de eo nihil superesset aptum uniti alteri consensui ad unum per se constituendum, nempe Matrimonium.

Hæc porro dispensationis species, quia difficilior, ob supremæ in ea potestatis exercitium, est etiam rarior, causamque postulans gravissimam; & appellatur dispensatio in radice: de qua locutus est sanctæ memoriæ Benedictus XIV. in Decreto causæ Lisbonen. 14. Septembris 1755. nullitatis Matrimonii Tom. 19. Resolut. S. Congreg. Concil. Trid. Fol. 151. n. 4. Inquit enim: *Dispensatio in Radice a Romanis Pontificibus concedi consuevit urgente magna causa, & quando agitur de impedimento Matrimonii ortum habente non a Jure Divino, aut naturali, sed a Jure Ecclesiastico, & per eam non fit, ut Matrimonium nulliter contractum, non ita fuerit contractum, sed effectus de medio tolluntur, qui ob hujusmodi Matrimonii nullitatem ante indultam dispensationem, atque etiam in ipso Matrimonii contrahendi actu producti fuerunt. At quia hæc dispensationis species inventa est pro casu, quo si altera pars certiorari deberet de nullitate Matrimonii, timeretur dissensus, atque recessus; hinc ut valeat, debet semper supponere ignorantiam impedimenti, cum expeditur & exequitur dicta dispensatio in alterutro ex conjugibus.*

9. Ex hac sapientissimi Pontificis locutione habetur primo, dispensationem in radice, ex quo tollat impedimenta solum nascentia non a Jure divino, aut naturali, sed a Jure Ecclesiastico, innuere datos consensus, licet non produxerint Matrimonium validum, conservasse tamen suum esse naturale, seu jure naturæ validum, etsi ab Ecclesiastico impedimento interceptum a sui finis consecutione; secus quomodo verè dici possit, quod

quod per dictam dispensationem: effectus de medio tolluntur, qui ob hujusmodi Matrimonii nullitatem ante indultam dispensationem, atque etiam in ipso Matrimonii contrahendi actu producti fuerunt: nisi tempore dispensationis saltem naturaliter valeant, ac perseverent in consensu, qui in consensu composito impedimenti Ecclesiastici intercepti fuerunt, ne producerent tunc validum Matrimonium. Etenim effectus tunc producti non aliud fuerunt quam nullitas ipsa Matrimonii, non verò annullatio dictorum consensuum; ergo relictii fuerunt in sua naturali validitate. Ac permanentia, etsi impedita ad producendum effectum; ergo sublato impedimento & ejus effectibus, sua naturali activitate reperiuntur invicem, vel melius reperiuntur connexi a momento, quo dati fuerunt, licet dispensatio etiam longo tempore post initum Matrimonium concedatur.

Habetur secundo, finem hujus speciei dispensationis esse in casu prævisi dispensus, aut recessus partis, si certioretur de nullitate præcedentis Matrimonii, convalidationem prædicti Matrimonii absque novo consensu dictæ partis; proinde in facti specie ad validitatem dictæ dispensationis requiri semper ignorantiam impedimenti in alterutro contrahentium.

Quamvis me iudice hujusmodi ignorantia non ita requiratur in alterutro contrahentium, ut sit de substantia validitatis ipsius dispensationis, quemadmodum videretur colligi ex verbis: *Ut valeat, debet semper &c.* supra relatis; nam ideo requiritur dicta ignorantia, ne prudens suspicio suborietur revocationis consensus ante latam dispensationem ab eo, qui timeretur recedendus; sicque quod consensus ille validus jure naturæ per ejus revocationem, antequam prodeat dispensatio, prorsus in nihilum etiam quoad suum esse abierit. Verum quando moralis certitudo est, prædictum naturalem consensum etiam a sciente impedimentum non fuisse revocatum ante latam dispensationem, quantumvis unus, vel ambo notitiam habuerint impedimenti, tunc, data hujusmodi dispensatione, dicendum videtur, Matrimonium convalidari absque novo vel alterutrius, vel amborum ex contrahentibus consensu: sicuti ex una Pragen. Matrimonii Tom. 1. *Resolut. Sacre Congreg. die 13. Julii 1710. eadem Tragen. Matrimonii die Sab. 16. Januarii 1723. ejusd. Cong. Trid. Concil. Fol. 328., & Tom. 2. Fol. 258. 355., & 369.* quasi definitum colligitur, & ratio superius allata suadet.

10. Hæc erant, quæ videbantur dicenda de vero consensu ejusque perseverantia, & effectibus. Nunc de ficto consensu, & obligationibus fidei consentientis.

Verum quia satis supra exposuimus fictum consensum, agentes de vero, non præstat hic repetere superius dicta, sed potius obligationes fidei consentientis recensere.

11. Qui enim fidei consensit, non solum peccavit peccato duplici, scilicet

facrilegii ex sententia docentium rationem Sacramenti inseparabilem esse a contractu Matrimoniali inito inter fideles, & injustitiæ propter gravem deceptionem alterius partis, sed tenetur ponere verum consensum, & ita removere fictionem præcedenter commissam; Ratio est manifesta a virtute Justitiæ commutativæ petita; nam Jus partis innocentis læsum est a fide sentiente; Ergo ab eodem est reparandum, & quidem in ea specie, in qua læsit; læsit itaque in supponendo fictum consensum pro vero; Ergo tenetur ex Justitia commutativa verum ponere consensum.

Quinque tamen excipiuntur casus, in quibus non tenetur verum exhibere consensum novum, sed alia via reparare debet damna, si quæ parti innocenti sint secura.

Primus est, si aliud interea Matrimonium contraxit, quia posteriùs Matrimonium fuit validum; proinde obstat validitati consensus dandi pro restaurando primo Matrimonio.

Secundus est, si deceptus, vel decepta ex indiciis satis claris potuerit advertere fictionem; nam tunc semetipsum decipiunt, non decipiuntur; ergo non læduntur.

Tertius est, si deceptus, vel decepta, & ipsi deceperunt, se ipsos divitem, vel Virginem fingentes, ne fraus delinquenti patrocinetur.

Quartus, si deceptus, vel decepta aliam compensationem sponte recipiat, volenti enim non fit injuria.

Quintus, si gravia scandala vel infelices exitus timeantur ex instaurando putativo Matrimonio: minus enim malum est eligendum.

1. Qui inquam fide sentiens, novum tenetur dare verum consensum; an vero cum ipso renovandus sit consensus innocentis? contra paucos communior cum S. Thoma sententia est, non requiri ob perseverantiam moralem supra expositam consensus dicti innocentis; & firmatur a cit. *Cap. Final. de Trocurat. in 6.* Itaque si accedat postmodum consensus alterius, qui prius verè non consenserat, etiam non monita altera parte, habeatur consensus mutus, adeoque sufficiens ad instaurandum Matrimonium; non est enim necesse, utrumque consensum poni simul eodem tempore, sed eadem rationis mora, scilicet, ut alter consensus adveniat primo non revocato: quod clarius patet in similibus de Professione Religiosa simulate emissâ, ac postmodum restaurata ex *Cap. 11. de Regul. Cap. 1. eod. in 6. Trid. sess. 25. Cap. 19. de Regular.*

2. Sicuti porro non requiritur renovatio consensus ex parte innocentis; ita non requiritur ex parte ponentis verum consensum loco, ac vice consensus ficti jam præstiti, quod illum exprimat verbis, vel factis, nisi prius divulgasset suum præcedentem fictum consensum; eo quia in ficto præcedente consensu signa exteriora univoca veri consensus reperebantur, quæ unita novo interiori vero consensui satis præstare possunt.

sunt; ne partem innocentem moraliter certam, ac tutam reddant de valide inito Matrimonio; & consensus posterior validus per præcedentia signa satis superfit manifestatus.

Neque dicant partem verè consentientem suam dedisse consensum conditionatum, nempe si pars altera etiam statim consentiat; si enim sciret alteram partem non consentire statim vere, & sibi vicissim dare jus immediate in corpus suum, nec ipsa consentiret, aut traderet illi Jus in corpus proprium: itaque neutra pars consensit vere; Ergo utriusque requiritur consensus, & quidem ex utraque parte expressus, & manifestus; quemadmodum requiritur in restauratione Matrimonii nulli ex impedimento dirimente, etsi minus sit nullum esse Matrimonium ex impedimento dirimente, quam ex defectu consensus.

Nam Respondetur, cum, qui vere consensit, non conditionate, sed absolute consensisse; non assimili ratione, qua absolute consensit ille, qui per errorem putat, quam ducit, esse Virginem, divitem, nobilem &c. quamvis non consensisset, si scivisset; ita etiam non conditionate, sed absolute censetur consentire, qui putat alteram partem mox consentire, & vicissim immediatè dare Jus in corpus, licet non consensisset, si fictionem scivisset. Et paritas de nullitate Matrimonii ex impedimento dirimente nullius sit momenti, tum quia non semper requiritur renovatio consensus in restauratione Matrimonii nulli ob impedimentum juris positivi dispensatum, sed pro diversitate speciei ejusdem dispensationis, prout supra notavimus. Tum quia consensus vere consentientis, est naturaliter validus, & consensus fidei consentientis est naturaliter nullus; proinde hic nunquam capax restaurationis; propterea primus moraliter perseverans est capax conjungi alteri impossiterum advenienti, resque ex dictis apertissima.

Statim postea ac adininitatur, sufficere solam renovationem consensus ex parte fidei consentientis, sit manifestum sufficere etiam solam interioris consensus renovationem ex parte ejusdem fidei consentientis absque ulla exteriori manifestatione aut signo; nam dato, quod pars vere consentiens ne suspicetur quidem de veritate consensus fidei consentientis, inutilis, quin imò ludicra apud ipsum vere consentientem foret quæcunque expressio prædicti consensus facta noviter ab eo, qui prius fidei consensit; Ergo non necessaria; etsi non desint Theologi scrupulose eam requirentes, quos citat Pichler *de Mat. lib. 4. T. 1. §. 1. n. 89.* de his non plura.

S. V.

Tertia est manifestatio veri consensus per verba, aut signa:

1. **V**erum qualitates consensus veri prosequentes in hanc offendimus; quæ est, ut verbis, vel signis exterioribus manifestetur; adeo enim est necessaria hujusmodi qualitas consensui Matrimoniali, ut sine ipsa nec esset contractus humanus, nec Sacramentum; nam sine signis exterioribus, ac sensibilibus non perficiuntur humani contractus, neque Sacramenta subsistunt; proinde Jure id cautum est ex *Cap. 25. hoc Tit. & Cap. 3. de Spons. Duor.* nosque satis diximus superius de Sponsalibus.

2. Præstat hic potius adnotare, quæ verba, vel signa valeant verum consensum manifestare: sit generalis regula, ea sola, & omnia illa verba valere, vel si loquamur de muris omnes, & soli nutus illi exteriores, quæ vel qui a circumstantibus sumuntur tanquam univoce significantia, vel significantes prædictum verum consensum; proinde summopere attendi debet mos loquendi illius regionis, in qua exprimitur consensus verbis; nutus vero, quia tales sunt, ut cuique communes esse debeant, quia motus naturæ sunt rationalis, hæc ubique eadem; a quolibet propterea percipiuntur, cujusvis regionis sit, potestque judicare an significante valeant verum consensum, vel non.

Quod in hac re scitu dignum videtur, est sensus Sacræ Congregationis Concil. Trid. approbantis sequentes verborum formas. *Consentina, seu Etsinianen. Matrimonii Die Sabbati 15. Aprilis 1762.* quarum Prima est. *Mi affido a questo. Mi affido a questa:* attento regionis usu Matrimonium declaratur validum.

Secunda. *Questo è mio Marito, questa è mia Moglie:* pariter declaratur validum. *Tom. 16. F. 45.*

Tertia est. *Questa è mia Moglie, e questo sarà mio Marito:* declaratur validum. *Ferrarien. Matrimonii die Sabbati 12. Decembris 1761. Tom. 25. F. 285., & Tom. 26. F. 1. eadem Ferrarien. repropoſita die 16. Januarii 1762.*

Quarta est: *Io voglio per mia legittima Sposa la N., & ipsa dicat. Io confermo lo stesso.* *Tom. 26. F. 238. & 246. Camarinen., seu Tabrianen. Matrimonii Die Sabbati 21. Augusti 1762.*

3. Sunt & aliæ verborum formulæ, inter quas ea Ritualis Romani; omnes equidem admittit, dummodo univoce significant prædictum consensum: ad quem exprimendum Ecclesia sollicita est, ne obscure, vel ambigue id fiat, licet nulla verba determinet aut consecret, quibus uti debeant contrahentes.

Neque ex hoc quidquam absurdi sequitur, etsi dicamus formam hujus Sacramenti in iis verbis, aut nutibus consensum exprimentibus, saltem qua

qua parte Juris in corpus acceptationem denotat, consistere, ex quo ulla verba non fuerint a Christo Domino consecrata, vel ab Ecclesia designata, ut factum est in reliquis Sacramentis; Nam posita sententia, quæ rationabilior visa est supra, quod contractus Matrimonialis fuerit elevatus ad totam, ac integram rationem Sacramenti, jam res postulat, ut forma contractus ea sit, & Sacramenti; quemadmodum postea forma contractus non expetit determinatam formam verborum, aut nutuum pro sua validitate, ita neque Matrimonium prout Sacramentum est. Hancque verborum, aut nutuum libertatem a Christo Domino concessam fuisse Ecclesie, & contrahentibus satis deprehenditur ex eo, quod elevando Matrimonium ad rationem Sacramenti naturam, ac rationem contractus Matrimonialis non immutaverit; ut liquet ex *Trid. cit. sess. 24. Cap. unic.*

4. Est itaque consensus manifestandus verbis, vel signis exterioribus, ac sensibilibus; verum questio suboritur: an semper a contrahentibus, vel etiam ab aliis fieri possit.

Olim opinio erat, posse Parentes pro Filiis presentibus, & tacentibus consentire, vel rectius Filiorum consensum manifestare; quæ tamen nunc temporis prorsus reicitur. In re enim tanta, qualis est electio Status perpetui, requiritur consensus Personalis aliquo signo certo ab ipso contrahente, vel eligente expressus. Nam cum Parentes pro filiis presentibus, inereque tacentibus sine speciali mandato contrahunt, non exprimunt consensum personalem Filiorum signo aliquo certo, ac determinato; tacere enim, non est affirmare, aut negare: *qui tacet, non fatetur, sed nec utique negare videtur.* Ex *Cap. 44. de Regul. Jur. in 6. & Trid. de Reform. Matrim. sess. 24. Cap. 1.* præcipit contrahentes ipsos interrogari oportere a Parocho, ac ab ipsis illorum expressum consensum expeti; quod servari nequiret, si Parentes pro Filiis presentibus ac tacentibus exprimere possent eorundem Filiorum consensum. Resque adco clara, ut per Sacram Tridentini Concil. Congregationem sæpius fuerit definita.

Quod porro nunc temporis viget, est consensum prædictum exprimi posse coram Parocho, vel a Mandatario, vel ab interprete, non autem per Literas, ut satis advertimus de Sponsalibus per Mandatarios initis §. *Neque obest per eisdem non posse contrahi Matrimonium &c.* qui vel unus, vel etiam utriusque contrahentis consensum exprimat: horum est manifesta ratio. Nam primo a nullo inficitur Matrimonium per Procuratorem iniri posse, tum ob Juris assistentiam ex *Cap. Final. de Procurator. in 6.*, tum ob praxim ab Ecclesia tolleratam, quæ pro Sacramento admittit Matrimonium per Procuratorem celebratum.

Qui tamen Procurator, ut valide procuratorio nomine contrahat, debet habere mandatum, a mandante continens nomen ejusdem Procuratoris,

seu

seu Mandatarii, & nomen Personæ, cum qua contrahere debet Matrimonium, ut definitum est in Neapolitana Matrimonii *Die Sabbati 7. Julii 1736. Tom. 7. R. S. C. Trid. Fol. 252.* inquit ipsa: *Matrimonium initum cum Mandato Solei in Albo subscripti a Mandame, non continetis nomen Personæ, cum qua contraheretur, nullum declaratur:* debet similiter perseverare consensus mandantis verus, ac interior usque ad initum Matrimonium per eundem Procuratorem, definiente eadem Sac. Cong. *Tom. 4. Fol. 15. & 81.* quod: *Matrimonium per Procuratorem initum, revocato mandato, licet de revocatione non constet Procuratori, est nullum.*

Secundo, quia non alia est via efficiendi verba contrahentium in tali hypothesi significantia apud Parochum, & Testes, nisi ope interpretis; hinc delato interpreti Juramento de autentica translatione verborum a contrahentibus prolatorum, per ipsum satis manifestatur ipsorum consensus; & precipue: si comuni consensione, & voluntate fuerit electus, ut appositè docet *Malcus lib. 4. Tit. 1. de Sponsal. & Matrim. n. 39.*

§. VI.

Quarta est libertas:

1. **E**st & alia prerogativa consensus partim Jure Gentium, partim Ecclesiastico volita, scilicet, quod consensus sit liber, idest immunis tum a coactione, tum a metu injuste incusso: dixi Jure Gentium, nam ratio naturalis postulat perfectam libertatem in contrahendo Matrimonio, tum quia homines nascuntur liberi, tum quia tanti est momenti vinculum Matrimoniale ob onera, & perpetuitatem sibi connexa, ut primis convenerint Parentes primi hoc statuentes, ne adigerentur ad ineunda invisa Matrimonia eorum posteris, ex quibus infelices prodirent exitus.

Dixi Jure Canonico, quod patet. *Cap. 14. 29. hoc Tit.*

Dixi tandem a metu injuste incusso, nam si fuerit iuste incussus, quemadmodum de Sponsalibus agentes vidimus, validitati non obstat, latiusque videbimus de impedimento metus.

2. Quod tamen hic spectari potest, est, metum quemcumque Jure naturæ non obstat validitati Matrimonii; non enim cessat, quin sit voluntarius, ille consensus, ad quem quis metu adigitur, quamvis positivo Jure reprobetur.

§. VII.

§. VII.

*Quinta, & sexta sunt contrahentium mutua, & simultanea exhibitio,
& acceptatio consensus.*

1. **H**Æc pariter alia qualitas non est despicienda, quod scilicet consensus sit mutuus, seu reciprocus; in quolibet enim contractu duorum, vel plurium requiritur consensus in idem placitum, hosque Jure naturæ: Ergo, cum sit contractus Matrimonium, quia consensus est ejus causa, debet proinde esse mutuus, seu reciprocus; hocque sancitum est in *Cap. 1. de Sponsa duorum.*

Enumeratur etiam hæc qualitas, videlicet, quod sit simultaneus, non quidem phisicè, sed moraliter; debent enim ambo contrahentium consensus invicem conjungi, ut perficiatur contractus; quoniam vero contractus est ens morale, sola propterea coexistentia consensuum moralis sufficit. Latitudo porro hujus coexistentiæ tanta est, quantum est spatium temporis a positione consensus, usque ad ejus retractionem; quapropter nisi retractetur, semper censetur moraliter perseverare. Ideo, inquit, *Malcat cit. lib. 4. Tit. 1. de Sponsal. & Matrim. n. 39. debet esse: Simultaneus saltem moraliter, ne interim tempore intermedio ab uno revocetur;* revocatio itaque consensus illa sola est, quæ moralem tollit ejusdem perseverantiam ex sensu citati *Malcat.* Superest tandem ultima qualitas dicti consensus evolvenda, estque, quod sit abiolutus: quæ qualitas licet ab Ecclesia semper desideretur, non ita tamen exposcitur, quin ea ex data causa admittat valida Matrimonia sub honesta, ac possibili conditione celebrata: Ex *Cap. 3. §. h. T. & Regul. 50. in 6. cluces.* Propterea



CAPUT TERTIUM.

DE CONDITIONIBUS APPONIBILIBUS CONSENSUI
MATRIMONIALI.

QUæ autem sint conditiones, quas Ecclesia apponi permittit consensui Matrimoniali; exposita conditionum serie, indicabuntur.

Oportunum tamen hic esset, recolere dicta de conditionibus in Sponsalibus, per quæ viteretur inutilis repetitio. Verum quia claritati consulere oportet, quam sine horum presentia consequi vix possumus; propterea de conditionibus tum universum, tum singillatim, agemus.

§. I.

Conditionis definitio, ejusque in multiplices species divisio.

1. **C**onditio ergo universim accepta est affectio orationis suspendens; vel resolvens contractum, ejusque obligationem: si sermo sit de conditione extrinsecus manifestata: si de interna sermo habeatur, dicere oportet, quod sit affectio determinationis voluntatis suspendens, vel resolvens contractum, ejusque obligationem: ita Mat'chat de conditionibus apposis in Despon. lib. 4. Tit. 5. cum quo convenit Pichler eisdem lib. & Tit. sin verbis saltem sensu, nem & ipse cum Barbosa eam definit; quod sit qualitas actui, vel contractui adjecta in dubium eventum suspendens obligationem ejus, aut resolvens. In Rub. hoc Tit. n. 2. quod autem peculiariter notat Pichler in posteriori data definitione est, conditionem proprie talem non dari de præterito, vel de presenti, ut L. 11. D. de condit. Institut. & L. 100. D. de Verb. oblig. sed tantum de futuro, & quidem contingenti, non necessario, vel impossibili §. 6. Institut. L. 7. 8. D. de Verb. oblig. quia, ut inquit, conditio, nisi sit resolutive, est talis qualitas, quæ suspendit actum, vel contractum, vel quancumque dispositionem in futurum, si aliquid actum, vel non factum fuerit, a quo pendere suum actum, vel dispositionem vult disponens; itaut, si non evenierit, sem conditio illa impleta, sive purificata non fuerit, nolit se obligatum.

2. Conditiones itaque de præterito, vel presenti, de necessario, vel impossibili, quia non sunt conditiones, nisi improprie, ac latiori significatione sumptæ, breviter hic notabuntur, transiuri statim ad veras, ac proprie tales exponendas.

Conditio autem de præterito est. E. G. duco Te, si Pater tuus consensum dedit. De presenti est. E. G. duco Te, si virgo es, si nobilis &c.

Conditiones porro impossibiles, & necessariæ, etsi quandoque sint de futuro, ut E. G. duco Te, si sol cras non oriatur, vel duco Te, si sol cras orie-

orietur, quia vero ex sunt circa id, quod aliter se habere non potest; equiparantur conditionibus de præterito, atque presenti. *L. 9. D. de Novat. §. 11. Inst. de innu. &c.* Quæ cum non suspendant negotium, vel actum, ideo non sunt proprie dictæ conditiones: nam iis non obstantibus, vel statim perfectum est negotium, & absolute obligat, si ex iis adjecta conditio subsistat: sin minus, imperfectum superest negotium, neque obligat, neque unquam obligabit; resque naturam dictarum conditionum consideranti patebit. Contra verò est natura conditionum proprie talium, suspendendi scilicet negotium in eventum futurum incertum. *Cap. 5. h. T. L. 1. D. de Condition. & Demonstr. de quibus nunc.*

3. Conditiones igitur proprie tales nedum esse debent de futuro, sed etiam possibiles (ut supra notavimus) propterea aliis partitionibus omisiss, eas primo tribuemus in conditiones casuales, & potestativas.
4. Casuales sunt, si earum eventus pendeat ex voluntate tertii, vel ex causa a contrahente distincta, ut E. G. duco Te, si pax inter Principes sancietur.
5. Potestativæ sunt, si earum eventus ex voluntate illius, cum quo contrahis, vel a Te pendeat, ut duco Te, si Catholicam fidem profitearis.
6. Secundo eas partiuntur in tacitas, & expressas: tacitæ, quæ actui insunt, licet non exprimentur, & ex, vel ex natura rei, ut dono tibi fructus agri mei. Si nascantur, vel ex Juris dispositione, ut duco Te, nisi sis mihi consanguinea, vel legatum mihi debetur, si hæres adierit hæreditatem.

Expressæ, quæ actui expressis verbis apponuntur, ut duco Te, si Pater tuus consenserit.

7. Tertio in intrinsecas, & extrinsecas: quæ sunt intrinsecæ, ex cuilibet contractui, vel actui insunt: ut hæc, si vixero, si Deo placuerit &c. Quæ sunt extrinsecæ, ex pro libertate apponentis adjiciuntur contractui, vel actui, qui sine ipsis eque posset subsistere.
8. Quarto demum in honestas, turpes, & indifferentes: conditio honesta illa est, quam decet apponere, ex quo respiciat media licita, & finem rectum. Ut E. G. duco Te, si Pater tuus contentiet.
9. Conditio turpis ea est, quam dedecet, quod apponatur, eaque in ordine ad Matrimonium duplex est; alia contra substantiam, vel bona Matrimonii, alia non contra dictam substantiam ac bona ejusmodi. Quæ est contra substantiam, ac bona Matrimonii, est vel contra individuam vitæ societatem, vel contra generationem, aut educationem proles, vel contra fidem conjugalem, ut contraho tecum, si renuncies juribus Matrimonialibus, si per poculum sterilitatis prolem impeditura sis &c.

Quæ non est contra prædicta bona, ac substantiam, est hujusmodi E. G. duco Te, si hæresim sis amplexura &c.

10. *Conditio tandem indifferens est ea, cujus appositio non vergit in decus, vel utile, neque in dedecus, seu damnum Matrimonii, aut eam apponentis: hæcque potius præferret non satis determinatum apponentis animum circa consensum prædictæ conditioni alligatum; proinde vix meretur inter condiciones proprie tales recenferi.*

§. I I.

Quid operentur conditiones adiectæ consensui Matrimoniali.

1. **N**on alias conditionum species adducemus, quia non admodum utiles, etsi quædam sint, in expositis saltem implicite sint involutæ. Juvat hic potius expendere, quid ipsæ, si adjiciantur Matrimonio, operentur.
2. Et primo quoad condiciones improprias, nempe de præterito, de presenti, de impossibili, de necessario, attinet, est, quod illæ adiectæ Matrimonio, illius validitatem nullatenus suspendunt, sed statim in absolutum tranfit; proinde aut valet ut absolutum in sui exordio; vel est omnino nullum. Hoc liquet ex *Cap. Fin. h. T.*, & ex *Jure Civili §. 10. Instit. de Hæred. Institucendo Lege 3. & 6. D. de condition. & demonstrat. nibus*. Nec præstat rationem addere; Nam hujusmodi condiciones tempore ineundi Matrimonii sunt jam purificatæ; etenim quæ necessariæ sunt, aut impossibiles, quod ad earum eventum, aut certo futurum, aut nunquam futurum, equiparantur iis de præterito, & presenti, ut ex allegatis Juribus compertum est; igitur sicuti non suspendunt valorem Matrimonii in ratione absoluti condiciones de præterito, & presenti, ita neque condiciones necessariæ, aut impossibiles. *Qui sub conditione stipulatur, quæ omnino exitura est, pure videtur stipulari l. 9. §. 1. ff. De novat.*
- Quæ enim per rerum naturam sunt certa, non morantur obligationem, licet apud nos incerta sint. §. 6. Instit. de Verb. oblig.* Nisi ramen, ut aliqui limitant, qui eas apponunt, arbitrentur esse contingentes: in quâ hypothesi, non quidem suspenderent ab exordio valorem absolutum Matrimonii, sed contrahentes ipsos afficerent, ut quasi in eventum incertum futurum expectare tenerentur illarum purificationem, donec usque eas deprehenderent vel necessarias, vel impossibiles.
3. Quod autem spectat ad condiciones propriè dictas Ecclesia statuit, ut condiciones turpes, proinde de Jure impossibiles, adnexæ Matrimonio, si advenirent substantiæ, & bonis Matrimonii, illud omnino vitient, nullumque reddant; si verò turpes quidem sint, at minime adversantes substantiæ, ac bonis Matrimonii, ita ipsæ vitentur, & ab inito Matrimonio rejiciantur, ut haberi debeant tanquam non appositæ, nihilque perentur: hoc definitum habetur *Cap. Fin. h. T.* Ratio autem pri-

- primi est, quia spectato jure naturali nulla res subsistit sine suis substantialibus. E. G. non subsistit commodatum, aut mutuum conditione adjecta, aut pacto, ne Commodatarius habeat jus utendi re commodata, aut mutuatarius fiat Dominus rei mutuo acceptæ; ita non subsistit Matrimonium, cui apponatur conditio substantiæ, & bonis ejus contraria. Si tamen hujusmodi conditio ab uno contrahente adjiciatur, ab altero autem constanti animo rejiciatur, valet Matrimonium, quia qui apposit conditionem alteri contradicenti acquiescens, censetur a conditione recedere. *Cap. Si aliquando 32. q. 2. Quinimò celeberrimus Fagnanus De Condit. Appos. Cap. Si Conditiones n. 3. 4. 5. docet.* „ Non vitari Matrimonium per appositionem conditionis turpis adversantis substantialibus
 „ bonis Matrimonii, si fiat ab uno contrahente, & alter taceat, quia,
 „ inquit, censetur hic tacens contradicere favore Matrimonii, ut *Cap. Ter*
 „ *tuas*; etenim quando unus tantum intendit detrahare, & alius non ex
- „ primit, & descendunt postea ad actum, qui mutuo consensu perficitur,
 „ Matrimonium scilicet consumando, ex quo utraque pars non consentit
 „ turpitudini contra substantiam actus, censetur recedere a turpi condi
- „ tione; propterea hic notat idem Fagn. monendas esse mulieres, ut
 „ quando Viri ad eas alliciendas ostendunt, se velle cum eis Matrimo
- „ nium contrahere, & apponunt aliquas condiciones contra substantiam Ma
- „ trimonii, taceant, nihil respondeant; nam secuta copula erit Matrimo
- „ nium. „ Hæc Fagnanus. Utrum vero dicta sint vera, & amplecti debeant,
 „ praxique sint consona, non adeo apparet perspicuum; etenim si revera
 „ consensus adjicientis turpem conditionem alligatus fuerit eidem condi
- „ tioni, ut mox dicemus, Matrimonium inde secutum valore profecto
 „ nutabit, sed in exponenda ratione secundi parebit magis.
- Ratio autem secundi est, quia Ecclesia reprobanda dictas condiciones niti
- „ tur præsumptione facti, quod scilicet contrahens eam conditionem ad
- „ jiciat nugatorie sine animo alterum obligandi; semper enim Ecclesiæ
 „ præsumit id, quod honestum est, excluditque peccatum; proinde non
 „ serio adjectam conditionem, quæ ad peccatum invitet; propterea illam
 „ habet pro non adjecta in Matrimonio: quemadmodum & in ultimis volunta
- „ tibus habet Jus Civile l. 15. D. de condition. Instit. Si tamen veritati præ
- „ sumptio cedat, ut conditio turpis animo serio adjecta fuerit, in foro
 „ conscientie suspendit valorem Matrimonii, donec impleatur, quia con
- „ sensus apponentis conditionem superest eidem conditioni vere alligatus;
 „ ut etiam eveniret in foro externo, si ex circumstantiis appareret condi
- „ tionem turpem serio fuisse adjectam.
4. Quod porro ad condiciones honestas spectat; est eas apponi licere Ma
- „ trimonio ex *Cap. 3. §. b. T.* Etenim sponsalia, & Matrimonium sequuntur
 „ naturam aliorum contractuum; Ergo iniri possunt sub conditione, nisi
 „ specialiter conditio talis reprobetur a Jure.

5. Quæ conditiones honestæ, possunt esse vel proprie tales, nempe in futurum contingens eventum, adeoque suspendentes valorem Matrimonii, ejusque obligationem, donec purificentur, vel improprie tales, quales sunt de præterito, aut præsentî, quæ nullatenus suspendunt valorem, & obligationem Matrimonii, ex quo nihil in futurum expectent purificandum.

Ex utrisque exempla dabimus, easque referemus, quæ prima facie videntur honestæ, revera tamen non sunt tales, ne contrahentes decepti per harum appositionem arbitrentur validum inire Matrimonium, quod nullum contrahant.

Exemplum honestarum fit: *Contraho tecum, si Pater tuus consensit: si officium mihi impetraveris.*

6. Sub his enim, vel similibus conditionibus valet initum Matrimonium; non quidem absolute ante conditionis eventum, sed ea impleta statim valet absolute, etiamsi hujusmodi impletio ignoretur a contrahentibus; proinde novus post impletam conditionem non requiritur consensus ad illius Matrimonii valorem, tum in ratione contractus, tum in ratione Sacramenti; ut satis colligitur ex Cap. 3. §. 5. & fin. h. T. & ex ipsa ratione ostendente, par esse Matrimonium conditionatum aliis contractibus sub conditione proprie dicta, seu de futuro contingente, honesta, & extrinseca celebratis; qui post impletam conditionem pro eorum validitate absoluta non postulant renovationem consensus. l. 11. D. Qui potius in pignore. l. 7. D. de contrab. Empt.

Et quamvis plurimi docuerint, scilicet S. Thomas, S. Bonaventura, ac recentiores nonnulli Theologi, renovationem consensus requiri post impletam conditionem, ut Matrimonium consequatur valorem absolutum; tamen quia consensus in Matrimonium, de præserti positus, ac in eventum conditionis relatus moraliter perseverat, sicut in eo, qui illud contrahit per Procuratorem, usque dum eveniat conditio, ideo novus consensus non requiritur adimpleta conditione, ut valorem absolutum sortiatur Matrimonium prædictum conditionatum: idque patet tum ex Juribus supra allegatis, tum ex approbatione decisionis Sacre Congregat. Concil. Trid. facta & a S. Pio V., & a Clem. VIII. summis Pontificibus relata a Fagnano in Cap. Super eo §. num. 5. 6. h. T. quorum alter ex relatis summis Pontificibus, nempe Clemens VIII. post approbatam prædictam decisionem, ita in hac causa, inquit Fagnanus, responderi mandavit: „ Verum noluit hanc decisionem omnibus casibus inservire, „ sed omnes, qui acciderint in futurum, cum suis circumstantiis esse „ specialiter considerandos.

§. III.

Quid operentur modi, & unde eorum discrimen a conditionibus.

1. **S**ed de appositis conditionibus, vel apponendis non plura: quia *tamen* Matrimonialis consensus alia affectione, seu proprietate indui potest, quæ modus dicitur, de hoc propterea brevissimè notabilia recensebimus.
 2. Modus itaque, prout a conditione distinctus, est illa animi affectio adjuncta consensui, ex qua tollitur consensus a stato absoluto, & alligatur eidem affectioni appositæ; hicque duplex distinguitur, in modum antonomasticè dictum, qui exprimitur per particulam *ut* & in causalem, qui exprimitur per particulam *quia*: utriusque modi exempla sint, primi nempe *duco Te, ut officium mihi impetres*, secundi, *duco Te, quia nobilis, quia dives &c.*
 3. Ad præcavendas tamen ambages notare liceat, quandoque sub modi expressione contineri conditiones, vel contra; quod deprehendetur ex circumstantiis, vel aliis verbis connexis appositioni modi; etenim, ut diximus de Sponsalibus, in hoc tantum differt modus a conditione, quod *modus* actum non suspendat, & obliget statim partem, cui onus imponitur, ut modum impleat. *Cap. 4. hoc Tit.* *Conditio* autem suspendat actum, solamque obligationem inducat expectandi *eius* futuram purificationem. Verum quia modum apponens velle potest, ut prius impleatur modus, antequam valeat actus; & tunc modus transfertur in conditionem; quia *ly ut*, qua particula exprimitur modus, idem valet, ac significat, quod valet, ac significat particula *si*. Quod si contrahens velit primo valere modum, antequam valeat actus, quamvis exprimat hunc modum per particulam *si*: nihilominus hic non erit modus antonomasticè talis, & a conditione distinctus, sed erit mera conditio. Quando porro contrahens velit primo valere actum, postquam adimpleatur modus, vel contra, circumstantiæ personæ contrahentis antecedentium, & consequentium, & præsertim verborum, quæ præcipuè signa sunt ejus animi, ac voluntatis interioris, regulam præstare poterunt, illud investigandi.
- Cum ergo modus pro conditione, & contra usurpari possit, quæ leges datæ sunt pro conditionibus, eadem pro modo omnino valent, quando modus naturam induit conditionis; si verò propriam servaverit naturam, ac distinctionem a conditione, quoniam & ipse partitur in tot species, in quot conditio ipsa, nempe in modum de præterito, de præsentii, de futuro, de impossibili, de turpi, & de honesto, per singulos procedemus, investigantes, num in horum quolibet, vel saltem in quo valeat Matrimonium, vel non?

G

4. Et

4. Et primo, quod dictum est de conditionibus de præterito, & præsentī, idem dicatur de modo tum de præterito, tum de præsentī; cum non suspendant actum conditiones prædictæ, propterea modo æquiparentur.
 5. Secundo, si modus in futurum respiciat, hicque sit impossibilis, vel rei natura, vel factō, vel jure; adjectus consensui Matrimoniali nullam inducit obligationem in eo, cui offertur Matrimonium sub tali modo *Arg. Cap. Fin. hoc Tit.* Minus porro modus hic vitiat Matrimonium, cum illud vitare nequeant conditiones impossibiles. Ratio tamen, quare nullam inducere valeat obligationem, est, quia ad impossibile nemo tenetur, juxta ritum axiomata, & quod impossibile percipitur, illud ferio, & ex animo intendi ac præcipi non potest. Et quamvis modus impossibilis, quemadmodum conditiones impossibiles, non vitiet Matrimonium, id tamen non præstat ob eam rationem, qua conditiones impossibiles; nam modus ideo non vitiat Matrimonium, quia natura sua sequitur actum, proinde supponit semper validitatem sibi præcedentem Matrimonii, cui adnexus est; Conditiones verò ideo non vitiant Matrimonium, quia ex Juris præsumptione non censentur appositæ animo serio; cæterum si præsumptio cederet veritati, & ex animo essent appositæ, illud profecto vitarent, quia ipsæ præcedunt actum, atque illum suspendunt, ne sortiatur suum complementum, quod modus efficere nequit, cum præcedatur ab actu jam completo, ut satis jam diximus.
 6. Tertio, si modus Matrimoniali consensui adjectus, fuerit turpis, & etiam contrarius substantiæ, & bonis Matrimonii, quia de jure impossibilis, ut est quidquid a jure prohibitum, nullam parit obligationem; idque patet ex momentis, quibus demonstratum est, modum impossibilem nullam posse inducere obligationem. Num vero hic modus adjectus Matrimoniali consensui eundem efficiat nullum, ut inde vitiet Matrimonium, vel potius a Matrimonio vitietur modus iste, idest valeat Matrimonium, & modus adjectus habeatur tamquam non adjectus? disputant Canonistæ.
- Pichler *lib. 4. tit. 5. n. 15.* Arbitratur vitari Matrimonium ab hujusmodi motio, parem cum considerando conditionibus turpibus, atque adversantibus bonis Matrimonii, suam roborans opinionem ex *arg. C. Fin. cit. l. 14. §. 1. ff. de usu, & habit.*: cujus rationem petit ex eo, quod sub tali modo contrahens per unum indivisibilem actum se obligare intendit ad Matrimonium, & simul ad eversum Matrimonii, quod cum repugnet, censetur ex animo non se obligare, sed jocose; propterea ita efficere consensum Matrimonialem per illius modi adjectionem, ut idem consensus in nihilum abeat.
- Malchat verò eodem *lib. 4. tit. 5. de conditionib. apposis in desponsatione. n. 23.* Ut generalem Legem statuens, quod modus causa, & demonstratio per se non suspendunt, vel vitiant Matrimonium, censet per adjectionem

jectionem modi turpis, & etiam contrarii substantialibus bonis Matrimonii non vitari prædictum consensum Matrimoniale; Hoc colligens ex L. 1. & sequent. C. De donat. sub modo; & ex axiomate, Legis 35. ff. de condit. & demonstr. quod est falsa demonstratio non vitiat actum, in quo axiomate licet sola demonstratio exprimat, quilibet tamen alius modus propriè talis continetur; Nam promiscue in citata Lege sumitur modus, causa, & demonstratio.

Rationem porro hanc reddit, scilicet modum impossibilem, aut turpem, vel contrarium substantiæ Matrimonii haberi pro non adjecto, quia, inquit, nulla est obligatio ad impossibile, & turpe, vel contrarium Matrimonio jam in se contracto. Et me Judice appositè addit idem Maschat Matrimonio jam in se contracto, nam modus, causa, & demonstratio validitatem actus præsupponunt, cui ipsæ adnectuntur; propterea nedum probabile, sed prorsus certum spectatur, modum quemcumque propriè talem, nempe modum antonomasticè sumptum, causam, & demonstrationem, cuiusvis fuerint speciei, vel honestæ, vel impossibilis, vel turpis, vel etiam adversantis substantiæ Matrimonii, illud vitare non posse: & hinc liquet sententiam Maschat omnino esse præferendam opinioni Pichlerii, cujus allegatæ Leges, & ratio nullius sunt momenti. Nam Leges, ut ipse fatetur, disponunt tantummodo de conditionibus, non vero de modis propriè talibus, neque ad eos applicari possunt, nisi cum modi lata significatione sumantur, nempe prout synonyma conditionum, de quibus nulla tunc foret disputatio.

Et sicut ratio ejusdem Pichlerii hisce legibus nititur, & ipsa sub eadem æquivocatione procedit, nempe modum a conditione non secernit; proinde quod dispositum est de conditione, illud procedere oportere etiam de modo, quod quam falsum sit, ex dictis non est qui non deprehendat. Quam æquivocationem & ipse Maschat prævidens eodem citato numero inquit. „ Dixi per se, nam per accidens vitari potest Matrimonium, vel ejus valor suspendi. Primo si modus induat naturam conditionis, itaut contrahens nolit valere contractum, nisi existat modus, quod ex mente contrahentium colligendum erit. Secundo si causa, vel demonstratio involvat errorem substantialem personæ, vel status, vel servitutis, seu induat naturam conditionis assumptæ per modum substantiæ, uti E. G. *Duco Te, quia mille pro dote dabis*, quæ causalitas ex mente adjicientis resolvi debet, vel saltem potest in hanc, *duco Te, si mille pro dote dederis*, quoties signa dederit, vel antecedentia verba protulerit adjiciens modum, ex quibus deprehendatur adjectum modum in conditionem resolvi: ex qua Maschati cautione apparet, modum quandoque sumi pro conditione, & tunc Pichlerii opinionem veram esse. Sed quando in proprietate sermonis modus sumitur, tunc prorsus falsa deprehenditur opinio Pichlerii; proinde vera Maschati.

7. **Dis**torum occasione exemplum unius adjecti modi Matrimonio resere idem Maschat, qui cum inter vulgares non sit, & de quo dubitare liceat, num Matrimonio adjici possit, & nos illud ipsum exemplum describemus. „Estque Matrimonium contractum cum pacto, seu modo Morganatice. Morganaticum autem Matrimonium, quod etiam Matrimonium conscientiz dicitur, est conjunctio viri cum Fœmina inferioris conditionis secundum SS. Canones ratha: eo tamen pacto, ut uxor, & liberi contenti sint certa portione nuptiali, & a ceteris bonis avitis, & paternis, dignitatibus, titulis, ac insignibus abstineant. Portio ista alenda uxori, & liberis destinata vocatur Morgengaba, quasi donum maturinum, & corruptè Morganatica; ex quo nomen trahit Matrimonium Morganaticum *lib. 2. feud. tit. 19.* hucusque Maschat, „qui prosequens, futeur hunc modum adjectum non inficere Matrimonium, aut illicitum reddere, sed verè obligationem parere, ut observetur, eique obediatur; cum Matrimonium, hoc pacto, seu modo initum non sit contra jus naturale, nec divinum, nec Ecclesiasticum; proinde celebratum cum reliquis Concilii Tridentini solemnitatibus substantialibus non est, quin validum haberi debeat; neque pactum hujusmodi, seu modus talis est, ut vel impossibilis, vel turpis haberi queat, sed prosum honestus est, ex quo Maritus caveat periculum incontinentiz, & liberis prioris Matrimonii non præjudicet bonorum divisione facienda cum liberis posterioris Matrimonii, decorem servet familiz, atque splendorem.
- U**xor verò in nullo Matrimoniali jure lædatur, sed tantum in Jure Civili, quo ipsa decernitur particeps bonorum Mariti, ut similiter sunt filii respectu patris; cui juri absque culpa cedere potest ipsa uxor tum pro se, tum pro suis gignendis liberis; itaque nihil est, quod inhonestum, vel turpem decernat hujusmodi modum; propterea si adjiciatur Matrimonio, obligationem inducet suæ observantiz: quod confirmatur exemplo Patriarcharum, qui contraxerunt, cum concubinis, seu secundariis uxoribus, quarum filii non succedebant patri, ut patet in Matrimonio Abrahæ cum Agar ancilla, cujus filius Ismael ejectus est a possessione, & hæreditate. *Gen. 21. vers. 10.*
8. Quod tamen in hac materia notatu dignum videtur est, Constitutio Benedicti XIV. 17. Novembris 1741. circa Matrimonia contrahenda, quæ vocantur conscientiz, in qua præcipitur. „Primo, ut hujusmodi Matrimonia contrahenda cum denunciationum dispensatione celebrentur coram Parocho alterius ex contrahentibus: nec sine gravi causa adhibeatur alius Sacerdos, & tunc a solo Episcopo deputandus. Secundo, ut documenta sic celebrati Matrimonii statim a Parocho, vel alio Sacerdote, ut supra, deputato ad Episcopum transmittantur, transcribantur, quæ in libro distincto ab altero, in quo adnotantur Matrimonia publicè contracta, in Episcopali Cancellaria Sigillis obsignato asservando, &

„ nua-

„ nunquam aperiendo, nisi de licentia Episcopi: documenta autem a
 „ Parocho transmissa, vel Sacerdote, qui illius vices gessit, serventur in
 „ secretiori loco penes ipsum Episcopum. Tercio ut proles inde suscepta
 „ baptizetur in Ecclesia, in qua aliis baptismus indistincte confertur; de-
 „ nuntieturque Episcopo intra triginta dies a nativitate dictæ prolis nume-
 „ randos, vel per parentes, vel per litteras eorum caractere exaratas,
 „ vel per aliam personam, ab ipsis designatam; ac ejusdem prolis, &
 „ utriusque parentis vera nomina in libro adnotentur distincto ab altero
 „ Matrimoniorum, eodem modo, quo hic, custodiendo. Quarto ut conju-
 „ ges aperte moneantur a Parocho, vel Sacerdote, ut supra deputando
 „ harum binarum conditionum adimplendarum pacto eis permitti secreti
 „ Matrimonii celebrationem sub pœna evulgationis Matrimonii per Epis-
 „ copum faciendæ, licet hoc contractum non sit, data per eundem Epis-
 „ copum secreti fide. „

Hoc inquam consuevit notatu dignum circa Matrimonia Morganaticæ;
 cum in nostris regionibus, si aliquod celebretur, non aliud sit, quam
 Matrimonium conscientie: pro quo celebrando valide, ac licite enun-
 ciatas superius leges vulgavit Benedictus XIV., quas hic duximus op-
 portune recolendas.

y. Quemadmodum & in complementum sermonis conditionum apponenda-
 rum Matrimonio moneamus cum Maschar citato loco num. 24. sub fine,
 iniquiente, *qua hic dicta sunt de conditionibus, modo, causa, & demonstra-
 tione, proportionaliter applicanda sunt aliis contractibus. Hodie vero curabit
 Parochus, ut Matrimonia purè contrahantur, nihilque eis admisceatur sine
 causa urgentissima: quinimò si casus contingat, ut necessario apponi
 debeat conditio, vel modus, non nisi de licentia Ordinarii assisteret Pa-
 rochus: quoties urgens causa non postulet, ut sine mora celebretur
 Matrimonium; in qua facti contingentia certiore postea faciet Episco-
 pum de Matrimonio sub tali conditione, vel modo celebrato; idque
 propter Tridentini sanctiones universim statuentes Matrimonia celebrari
 oportere, absolute, & purè, quibuscumque rejectis conditionibus; un-
 de si urgens causa postulet, ut apponatur conditio, hæc cognosci debet,
 ac decerni ab ipsa Ecclesia, nempe summo Pontifice jure ordinario, &
 ab Episcopis, ut Sedis Apostolicæ delegatis.*

Verum tamen est, posse contingere, quod celebrari debeat Matrimonium
 sub conditione absque eo, quod de eadem conditione moneatur Episco-
 pus: & esset, quando Parochus ex confessione Sacramentali contrahen-
 tium depræhenderet, esse inter ipsos impedimentum dirimens juris posi-
 tivi, nullumque esset prudens estugium evitandi rixas, scandala, atque
 homicidia, quæ sequerentur Matrimonio non celebrato; in hac enim
 facti contingentia non aliter celebrari posset Matrimonium, nisi sub
 conditione, si Papa dispensaverit, hæc inquam conditio utpote nota

- per forum Sacramentale Pœnitentiæ ad Episcopum deferri non posset.
10. Et quamvis nonnulli dubitaverint, num valeat Matrimonium sub hac conditione initum, tamen maturè perpensa, certum omnino apparet; etenim licet Matrimonium sit Sacramentum, est tamen contractus, propterea contractuum legibus moderari potest; unde si reliqui contractus sub conditione iniri queant, ita & Matrimonium; neque constat Christum Dominum elevando contractum Matrimonialem ad Sacramentum rejecisse ab eo honestas condiciones, apponi solitas reliquis contractibus; propterea modo adit justa causa dispensandi, & impedimentum regulare sit dispensabile, non est, cur dicatur, non posse contrahi Matrimonium inter vinctos impedimento dirimente occulto non manifestabili sine infamia cum hac conditione, si Papa dispensaverit; cujus ratio peti potest ex principio generali: quia actus temporis inhabilis gestus, si referatur in tempus habile, valet, dummodo habilitas facile, & communiter obtineri possit. *L. 62. ff. de Hæredib. Instit. l. 59. ff. de condit. & demonstr. l. 5. de reb. dubiis.* Arque exemplis confirmari potest, uti in Episcopo vovente religionem, si Papa indulerit, in Renunciante beneficium cum reservatione pensionis, si Papa remiserit, in Vendente Fœdum, si Dominus consenserit: atque ita sæpius Sacram Rotam deflinivisse nempe quod Matrimonium sub hujusmodi conditione celebratum sit validum, testatur idem Mascart *de conditionibus apposis in dispensatione num. 11.*
11. At dicet aliquis, celebrari nequeunt Sponsalia sub hac conditione; quinimmò, si celebrentur, sunt nulla; Ergo minus celebrari poterit Matrimonium, & si sub hujusmodi conditione celebretur, nullum erit.
- Antecedens constat ex una *Januen. 12. Decembris 1733. Sponsalium*, quam & nos de Sponsalibus retulimus; consequentia est manifesta, ex quo tantam non subierint moderationem Sponsalia, quantam a Canonico jure passum est Matrimonium: & tamen Sponsalia in hoc fuerunt moderata, quod valere non possent sub hac conditione inita, si Papa dispensaverit, quoties celebrentur ab iis vinctis impedimento quocumque, quanto magis censendum est moderatum Matrimonium ipsum, ut nullatenus valeat sub hujusmodi conditione celebratum?
- Huc tamen responderi potest, latam esse disparitatem inter Sponsalia, & Matrimonium; nam, cum Sponsalia sint promissio futuri Matrimonii, & tempore, quo illa celebrantur, illicitum, aut invalidum sit contrahentibus Matrimonium, apparet eo tempore, quo celebrantur Sponsalia, eo tempore non posse producere ullam obligationem; ex quo objectum, ad quod ducerent hæc Sponsalia, esset vel illicitum, vel invalidum, & juris axioma sit, promissio de re illicita, promissio nulla. Neque urgeat quis per appositionem conditionis, quod illicito fieri licitum, & de invalido fieri validum objectum, ad quod tendunt Sponsalia, cum illa con-

conditio transferat ad tempus habile, nempe post obtentam dispensationem prædicta Sponsalia; nam hoc omnino falsum; etenim, si id præstarent Sponsalia, deberent in eorum exordio aliquam producere obligationem, nempe saltem expectandi purificationem conditionis; atqui hanc producere nequeunt; Ergo censeri non possunt validâ sub hac conditione.

Probatur minor: si hanc producerent obligationem, non alia de causâ eam producerent, nisi quia respicerent ut ultimum objectum Matrimonium suo tempore celebrandum; atqui Matrimonium celebrandum, est contrahentibus nunc illicitum, seu invalidum; Ergo si quam obligationem producerent prædicta Sponsalia, induceret hæc ad Matrimonium, & quidem ante obtentam dispensationem; Ergo induceret ad quid illicitum; si autem hoc, nullam producere possunt obligationem prædicta Sponsalia. Exemplis illustrari potest, recensendo promissiones factas in aliis materiis sub conditione purificationis illicitudinis objecti, ad quod respiciunt, quæ nullam pariunt obligationem; propterea nullæ reputantur hujusmodi obligationes; quorum primum exemplum sit, promissio facta a Patrono beneficii nondum vacantis alicui, scilicet de eo presentando ad idem beneficium, quando vacaverit, vel si vacaverit intra tale determinatum tempus, quæ promissio, etsi firmata scriptura, vel juramento, nullam parit obligationem; propterea omnino est nulla, ut habetur ex Cap. 2. 3. 11. 12. hoc Tit. & Cap. 2. eodem in sex. ex reg. Canccl. 21. 31. & præsertim ex Trid. sess. 24. Cap. 19. de Reformatione, cum Concordatis germaniæ. Ratio autem, quare sit nulla hujusmodi promissio, non alia est, nisi hæc, quia quo tempore illa fit, ejus objectum est illicitum; neque refert, quod dicatur transferri in tempus habile; nam ab ejus celebratione usque ad tempus habile deberet remanere suspensa, ut de ea dici posset, quod simul obligaret, & non obligaret, quod prorsus absurdum est: deberet inquam, de ea dici, quod obligaret, nempe ad expectandum eventum purificationis conditionis, quæ purificationis conditionis est de re illicita, quia de vulneris legis; propterea hujusmodi promissio haberet objectum illicitum; Ergo ex hoc capite obligaret, & non obligaret postea, quia id cautum est in Jure; sicque obligaret simul, atque non obligaret; proinde addita juramenta non confirmant, sed in nihilum abeunt, utpote accessoria actus nullius roboris.

Matrimonium autem, si juxta de causa celebretur sub conditione, si Papa dispensaverit, etsi statim non sortiatu suum complementum, tamen aliquid validitatis sui consequitur; nam consequitur consensum suum jure naturæ validum, & solum impeditum, ne producat effectus suos a jure positivo impeditos; quapropter per solam abrogationem ejusdem juris positivi, seu relaxationem factam a supremo Principe, sive Pontifice ita completur, atque perficitur consensus ille Matrimonialis, ut nihil

ultra ponendum a contrahentibus postulet, quod non evenit in Sponsalibus, in quibus post obtentam dispensationem aliquid est ponendum a contrahentibus; & hinc disparitas conspicitur inter Sponsalia, & Matrimonium: sicuti ergo tempore, quo celebrantur Sponsalia, est illis illicitum Matrimonium, eo tempore nullam producere possunt obligationem ad Matrimonium contrahendum, quam præcipuam producere deberent; deinde neque postea secundariam, nempe procurandi dispensationem ad tollenda impedimenta, quia hæc esset de vulnere Legi infligendo; propterea de re illicita. Matrimonium vero ex opposito producit aliquam obligationem tempore eodem, quo celebratur, licet sub conditione dispensationis obtinendæ celebretur. Nam tunc producit obligationem ex jure naturali ortam, quatenus jure naturali fuit validus consensus Matrimonialis, & solum a jure positivo impeditus, ne plenarium suum effectum sortiretur: quæ naturalis validitas lætum præbet discrimen inter ipsum Matrimonium, & Sponsalia; quoniam hæc nihil validitatis ex jure naturali habent in eorum exordio, ut satis superius diximus. **A**lia adduci possent exempla nullitatis promissionum, quociens illæ tendant ad illicitum, sed quia obviæ, & ad manus cujusque sunt, missas facimus, rati opportunius, ut procedamus ad evolvenda impedimenta Matrimonii, ex quorum expositione, quæ Personæ sint jure habiles ad incunda Matrimonia deprehendetur.



CAPUT QUARTUM.

DE IMPEDIMENTIS MATRIMONII:

QUoniam duplicis generis sunt impedimenta Matrimonii, impediencia nempe tantummodo, & alia dirimentia Matrimonium ipsum, de primis dicemus priori loco, de secundis imposterum.

§. I.

Impedientia olim erant septem, nunc vero numero minora, nempe quatuor & quibus, & aliud addi debet; quæ singula exponuntur.

1. **D**E impedimentis itaque merè impediendis agentes, primo advertimus, ex iis plurima esse sublata per oppositam generalem consuetudinem introductam: hæcque nonnulla crimina erant, alterutro quorum perpetrato impediabatur committens, ne imposterum Matrimonium contraheret.

Hæcque erant, primo malitiosa susceptio propriæ prolis ex Sacro Fonte, vel confirmatione, animo privandi alterum conjugem debito conjugali. Hic ergo levans post mortem conjugis non poterat ad alias nuptias transire *Can. 5. Caus. 30. quæst. 1.*

Secundo, præbytericidium *Cap. 2. de Pœnis.*

Tertio, sollemnis Pœnitentia *Can. 16. C. 33. q. 2.*

Quarto, Matrimonium cum Moniali scienter attentatum *Can. 13. Caus. 37. q. 1.*

Quinto, uxoricidium privata auctoritate patratum *Can. 5. & sequent. Caus. 33. & q. 2.* cum uxoricida non sit dignus aliam Uxorem habere, qui primam occidit, etsi eam in adulterio deprehensam occiderit *Can. 6. 9. Ibidem;* quæ juris dispositio se extendebat etiam ad Uxorem occidentem Maritum *Cap. 1. de Divoritiis.* Similiter quoque se extendebat ad Patrem occidentem Filiam in stupro deprehensam, vel occidentem ex sævitia quoscumque Filios *Cap. 1. de his, qui Fil. occid.*

Sexto, Raptus alienæ Sponsæ, ne Raptor cum ulla alia contrahere possit. *Can. 34. Statutum. Cas. 27. q. 2.*

Septimo, incestus cum consanguinea suæ uxoris, & contra, quæ prohibebantur, ne possent inire Matrimonium cum quacumque alia persona, defuncto conjugè innocente. *Cap. 12. de despons. Inpub.*

Quamvis autem recensita impedimenta non vigeant, quia abrogata per genericam consuetudinem contrariam legitime introductam, ut docent plurimi apud Mafchar *Lib. 4. tit. 16. in eulce.* Et Cabasut. *jur. Can. Theor. Lib. 3. C. 21. n. 9.* Tamen ea duximus notanda, ne Canonicas Leges volvens errore capiatur, putans nunc quoque eadem vigere.

2. Quæ

2. Quæ autem impedimenta impediencia nostro ævo vigent, jam communiter quatuor recensentur, nempe Ecclesiæ vetitum, tempus feriatum, Sponsalia, votum. De his singulis singillatim.
3. Monemus tamen, præter illa quatuor alterum esse, & contrahi ab eo, qui scienter ducit in uxorem propinquam sanguinis; nam præter nullitatem Matrimonii, redditur inhabilis, donec vixerit ad contrahendum cum quacumque *Can. Qui propinquam 4. Caus. 35. q. 2. 3.*
- 22 Quod si vellet contrahere, inquit Maschat, *Flench. 1. 'ecretal. lib. 2. tit. 23. n. 22.* indigeret dispensatione ex Decretis Congreg. Concilii relatis in Luceorien. Nullitatis Matrimonii 7. Septembris 1720. Cui accedit stylus Dataræ, quæ in dispensationibus Matrimonialibus pro incestuosus consanguineis apponit semper clausulam = quod alter alteri supervivens perpetuo absque spe conjugii remaneat. = Et novissime in Salernitana Matrimonii 17. Novembris 1708. Sacra Tridentini Congregatio *Tom. 9. part. 2. fol. 64.* Contrahentem scienter cum consanguinea inter gradus &c. definit inhabilem ad contrahendum cum aliis, confirmavit die 11. Januarii 1710. „De quo impedimento cum nihil sit notatu dignum, nisi ut mente servetur, illud propterea præmissimus ad reliquorum expositionem, quorum primum sit

VOTUM SIMPLEX CASTITATIS.

4. **O**rdine enim inverso ab enumeratis impedimentis expositionis ortum duximus, moti ab eorum gravitate, ac præstantia in postremis præcellente.
- Votum, inquam simplex castitatis, seu continentia subsequens Matrimonium ita impedit, ut illicite post ipsum contrahatur *Cap. 4. 6. H. T.* idem dici debet de Voto ingrediendæ religionis, de Voto non nubendi &c. nigitur autem naturali jure hoc impedimentum; Nam res uni promissa, nequit licite alteri dari; vovens enim per votum continentia promittit Deo corpus suum ab omni actu venereo etiam licito custodiendum; Ergo nequit licite idem corpus, seu jus in idem corpus alteri dare quoad usum venerorum: id autem, quod dicitur de voto simplici castitatis, dicatur de Voto ingrediendi Religionem, suscipiendi Sacros Ordines, vel non nubendi; cum hæc omnia Vota idem habeant objectum ultimum, quod habet simplex votum castitatis, scilicet ducendi in honorem Dei vitam cælibem.
5. Quoniam vero hujusmodi Votum potest esse emissum ante celebrationem Sponsalium, vel post eam, dubitant nonnulli, num ita impediat Matrimonium si emittatur post Sponsalia, sicut impedit emissum ante illa? ex quo enim præcedat Sponsalia, ea efficit illicita, & ex his illicitum quoque efficit Matrimonium subsequens; verum si præcedatur a Sponsalibus

libus validis, quoniam ipsum non videtur de meliori bono, quia involvit læsionem juris concessi in Sponsalibus alteri contrahenti, dubitant inquam, num ex hujusmodi Voto fiat illicitum Matrimonium subsequens?

Qui arbitrantur ex tali Voto reddi illicitum subsequens Matrimonium, plerimi recensentur a Maschat scilicet S. Thomas, Cajet., Averf., Azor., Salmat. &c. ipleque his adhæret *lib. 4. t. 6. Qui Clerici, vel voventes n. 8.* quorum ratio est, quoties Votum simplex continentis &c. sit validum, impedit Matrimonium licite contrahendum *Cap. 3. & 6. H. T.* Atqui hujusmodi Votum emissum post Sponsalia etiam valida est similiter validum, ac licitum; cum nullo jure improbetur, & servari possit, sitque praxis petendi ab eo dispensationem a Romano Pontifice; quæ non servaretur, nisi sententia esset omnino certa, ita illud valere, ut illicitum reddat quodcumque Matrimonium post se contrahendum; Ergo inquirunt ipsi inter impedimenta impedientia numerandum est etiam Votum simplex castitatis &c. emissum post Sponsalia inita: confirmant Arg. *Cap. 2. de conversione conjugatorum, & Cap. 3. de jurejurando.*

Qui oppositum tenent, sunt Sanchez, Layman, plerique alii autumantes prædictum votum esse de re illicita, quoad eam partem, qua impedit executionem fidei datæ in præcedentibus Sponsalibus, etsi valeret quoad servandam castitatem possibilem, & componibilem cum executione Sponsalium; propterea nullum producere impediens impedimentum Matrimonio celebrando.

6. Horum momenta sunt primo, Deum non acceptare Votum in præjudicium tertii *Cap. 28. de jurejurand.* Uti certum habetur, quod si promissisti Titio decem aureos, illos per Votum non potes Deo promittere; unde si per Sponsalia promissisti alicui Matrimonium, non potes per votum aliquid Deo promittere, cujus executio impediatur Matrimonium, id enim esset in præjudicium Sponsæ, vel Sponsi.

Confirmant ex eo, quod non solvantur præcedentia Sponsalia per hoc subsequens Votum castitatis &c. nam si solverentur, sequeretur absurdum, quod esset; si post valida Sponsalia emitteret quis Votum simplex castitatis, deinde ab eo dispensationem obtineret, hic posset cum qualibet alia, & nova Sponsalia, & Matrimonium inire, & hinc via fraudibus, atque injustitiis aperiretur, quod est maximum absurdum. Dixi quod posset nova Sponsalia, & Matrimonium inire; nam si prædictum Votum redderet illicitum subsequens Matrimonium, deberet etiam invalidare sibi præcedentia Sponsalia: quibus anichilatis, nihil obstat, quin, obtenta inde dispensatione a prædicto Voto, posset valide, ac licite contrahere nova Sponsalia, & Matrimonium ipsum cum aliis.

7. Et hinc præfati Doctores procedunt ad solutionem argumentorum primæ opinionis: advertentes primo, citata juris capita decernere votum simplex castitatis esse quidem impedimentum, ne subsequens Matrimonium

nium contrahatur, sed quando est certò undequaque validum prædictum Votum, non vero quando est dubiè, vel probabiliter validum: ut ex verbis *Can. 3. & 6. hujus tit.* deprehendi potest. Cum ergo hoc simplex castitatis votum emissum post valida Sponsalia non certo, sed probabiliter sit validum, ex quo non de meliori bono: cum ejus executio ducat ad violandam fidem datam alteri in præcedentibus Sponsalibus: non est illud Votum, quod jura sint contemplata; propterea non nisi probabiliter dici potest, hoc Votum impedire Matrimonium posterum celebrandum. Quod si tantum probabile esset, hoc votum impedire, quia odiosum est libertatem hominis coercere, & per hoc coerceretur, strictè sumendum esset, idest potius in favorem libertatis, quam in amplificationem legis voti, propterea non imprudenter decerni posset, ex eo nullum prodire impedimentum, quin liceat procedere ad celebrationem Matrimonii, sicque servare fidem in præcedentibus Sponsalibus datam.

8. Verum tamen est, quod præcitati Doctores non ita censent invalidum prædictum Votum, quin aliqua ex parte sustineri non debeat: etenim cum hujusmodi Votum habeat materiam divisibilem, si nequeat in totum servari, debet tamen in ea parte, quæ licite servari potest, servari; hic autem vovens cum nequeat servare totam materiam hujus voti, quin lædat fidem datam alteri, proinde illicite agat, potest tamen servare castitatem; ex quo pura celebratio Matrimonii, ad quam solam ducunt Sponsalia, non violet castitatem, neque per eam claudatur via ad ingressum religionis, ob privilegium bimestrale: hinc omnino non est nullum prædictum votum; propterea apparet rationabilis illa praxis petendi dispensationem ab hujusmodi Voto, ne periculo continentie, & violationis Voti exponatur contrahens Matrimonium cum prædicto Voto, quod periculum manifestum est in sociali commercio cum uxore absque potestate petendi debitum.

Neque obest quidquam, quod in patrocinium validitatis hujus Voti adducunt primæ opinionis assertores, quod est, nempe, imbibitam esse conditionem in Sponsalibus tacitam quidem, sed a contrahentibus admittam, & simul a jure. *Arg. Cap. 1. de Convers. conjugat. & Cap. 4. de Voto.* Quæ est: nisi perfectiorem, & Deo gratiorem statum elegero; perfectior autem est status coelibatus, seu castitatis, quam status Matrimonialis; itaque inquirunt, hæc conditio imbibita fuit in præcedentibus Sponsalibus; Ergo iis subsequens Votum simplex castitatis non fuit illicitum, neque eversivum fidei datæ in dictis Sponsalibus; Ergo validum, atque impeditivum futuri Matrimonii. Neque inquam, hæc dicant; nam Votum simplex castitatis non transfert voventem ad perfectiorem statum, seu Deo gratiorem: Primo quia non est status peculiaris mera observantia castitatis sine addito. Et quamvis esset, tamen non esset nisi

nisi pro foro interno, solumque respiciens interiorem hominem: ad quem statum nec potuit, nec debuit advertere alter contrahens, ut in eam conditionem consentiret; & profecto iura statuentia subintelligi debere prædictam conditionem de perfectiori statu, & Deo gratiori, indicant illum esse debere, qui exterior appareat, & ab hominibus cognosci possit, atque distingui, qualis non est status, qui inducitur a simplici Voto castitatis: qui alius non est, quam status Religiosus, vel susceptio Ordinum; idque ne via aperiretur fraudandi, atque eludendi eos, quibus data esset fides in præcedentibus Sponsalibus.

9. Cum sub uno censu posuerimus votum simplex castitatis, votum ingrediendæ Religionis, & Votum non nubendi, &, quæ superius diximus, procedant solummodo de Voto simplici castitatis, vel ingrediendæ Religionis, non vero de Voto non nubendi, quod & ipsum, si præcedat Sponsalia, ea reddit invalida, atque illicita, & similiter subsequens Matrimonium, si invalidum, saltem decernit illicitum, res postulat, ut quid de ipso dici debeat, si post Sponsalia emittatur: num videlicet & ipsum, uti simplex castitatis Votum, disputationem subeat circa impedimenti inductionem, ne licite Matrimonium impofterum contrahatur? aperiamus.

Sed quæstionem hanc solvunt primæ opinionis superius rejectæ Patroni, quorum ore, ita loquitur Maschat *loc. cit. n. 9.* inquit, *quia vero tale votum est valde imperfectum, de quo SS. Canones nihil disponunt, facile admitti potest per illud consequens non dissolvi Sponsalia anteriora.*

Idem dicere potuisset de Voto simplici castitatis emissio post Sponsalia: etenim & illud est valde imperfectum, & est, de quo SS. Canones nihil disponunt, atque ita convenire nobiscum, quod Votum simplex castitatis emissum post valida Sponsalia inita non impedit Matrimonium celebrandum. Sed de hoc impedimento non plura.

S P O N S A L I A .

10. **A**D secundum accedimus, quod producit a Sponsalibus initis cum una, quæ impediunt, ne cum alia Matrimonium contrahatur, expressum habetur hoc impedimentum *in Can. Fin. Caus. 27. q. 2. & in Trid. sess. 24. Can. 2.* Et procedit hoc impedimentum a naturali jure prohibente, atque illicitum declarante tradi uni, quod præcedenter alteri promissum fuerat, illique data fides violetur, cum ergo per Sponsalia promittatur futurum Matrimonium uni, deinde detur Matrimonium alteri, in hoc apparet violari fidem datam primo, atque ita illicitum committi. Dixi illicitum, non vero invalidum, ex quo rei traditio fortius vinculum inducat, quam sola rei dandæ promissio *Cap. primo H. T. & 31. de Sponsalibus.*

¶ I. Quia

11. Quia vero a naturali Jure descendit præfatum impedimentum, hinc sequitur a nullo tolli posse, præter quam a contrahentibus Sponsalia, cum per quas causas res nascitur, per easdem dissolvatur, aut saltem dissolvi possit; propterea ordinario Jure neque tolli potest a summo Pontifice, cum & ipse naturali Jure ligetur, ne alteri Jus quæsitum possit auferre; si autem adesset urgentissima justa causa, vi alti dominii, quod habet summus Pontifex in suos subditos, irritare posset Sponsaliorum consensum, atque ita indirecte infringere obligationem Sponsalium per materię subductionem, quæ in prioris consensus irritatione consistit. Hæc tamen potestas irritandi hujusmodi consensum non est concessa Episcopo, ut colligitur ex *Cap. 10. de Sponsal. ex quo jus alteri quæsitum nullus tollere possit, nisi supremus Princeps, inquit Machat de Sponsa duorum num. 2.*
12. Et quamvis dubium oriri posset de obligatione Sponsalium: num a Jure naturali procedat, vel non, ex quo leges civiles permitterent renunciare Sponsalibus, & cum alia contrahere *leg. 1. C. H. T.* tamen & ipsæ in hoc gesto indecorum, atque illicitum fatebantur, cum ita se gererent infamem decernerent. *leg. 13. §. 3. ff. de his qui notantur infam. 2.* Quod argumentum præbet, easdem leges reputasse obligationem Sponsalium Jure naturæ insolubilem, & solum in comparatione peioris mali, quod ex ejus observatione timeretur, indirecte relaxari posse. Verum cum hujusmodi Leges a Canonico Jure correctæ, vel potius abrogatæ per citatos Canones 27. & 30. *Gr. H. T.* fuerint, nullum prudens dubium relinquunt de obligatione Sponsalium procedente a Jure naturali.
13. Quia ergo naturali Jure Sponsalia obligationem producant procedendi ad Matrimonium cum ea, cum qua celebrata sunt Sponsalia, & ideo jure naturali impediunt celebrationem Matrimonii cum qualibet alia, & naturali Jure obliget facta promissio de Sponsalibus ineundis: queri potest: num, & hæc promissio inducat impedimentum impediens Matrimonium celebrandum cum alia. Sed prompta decisio Sacræ Congregat. Tridentini *Tom. 8. p. 1. Fol. 26.* in qua habetur, quod Matrimonium non impedit sola sponsio alteri facta de Sponsalibus secutis ineundis, cujus ratio esse potest, quia per violationem hujus sponsionis non violatur jus ad Matrimonium, sicut in Sponsalibus; Ergo hæc sponsio non recipit ullo modo Matrimonium futurum; Ergo illi apponere nequit impedimentum: nam hæc sponsio habet solum pro objecto Sponsalia ineunda; proinde violans hanc sponsionem non violat fidem de ineundo Matrimonio, quæ data non fuit: quod si in nullo respiciat Matrimonium, non potest illi apponere impedimentum; Ergo &c.

TEMPUS FERIATUM.

14. **S**ed ad tertium impedimentum impediens procedentes, quod est tempus Sacratum, seu Feriatum, advertimus omni tempore anni celebrari posse Matrimonium; ut definivit Sacra Tridentini Congregatio, estque communis praxis: ne ejus dilatione, ad certa tempora, scandala, & gravia mala oriantur; quod enim impedit tempus sacratum, est pompa, & solemnitates misceri solite nuptiis, seu Matrimoniis, quod tempus Sacratum ante Tridentinum latius patebat, quam postea, ut *Can. 8. & sequent. Caus. 33. quest. 4. & Cap. 4. de Feriis, & in Senogalici. Sponsalium 30. Martii 1717.*, post, inquam, Tridentinum tempus Feriatum incipit a media nocte Dominicæ Adventus, usque ad mediam noctem labentis Epiphaniæ, & a die Cinerum, usque ad octavam Paschæ inclusive: ut ex Tridentino *Sess. 24. Cap. 10. de Reform. Matrimonii*.

Solemnitates porro, quæ dicto tempore prohibentur, sunt primo benedictio nuptiarum, quæ in Missa pro Sponsis habetur; non autem benedictio, quæ in actu celebrationis Matrimonii profertur a Parocho per ea verba = *Ego conjungo vos in Matrimonium, In nomine Patris, & Filii, & Spiritus Sancti &c.* ut *Can. 10. ibidem 2.* Quod si Sacerdos Missalis benedictionem impertierit nuptiis prædicto tempore, arbitrarie puniendus est, & contrahentes, si consentientes, in poenam delicti separari debent, eodem citato Canone. Quemadmodum etiam arbitrio Episcopi relinquitur poena infligenda Parocho contemnenti impedire Matrimonia interdicta, quemadmodum & cuilibet Sacerdoti etiam regulari præsumenti eisdem interesse.

15. Secundo solemnis traductio Sponsæ in Domum Sponsi, quæ involvat strepitum, ac pompam; nam privata traductio, & subsequens Matrimonii consummatio non impeditur prædicto tempore. *Can. 11. ibidem*.

Verum tamen est, ut monet Maschar, quod in certis Diocæsi-bus Parochus sine licentia Ordinarii, non auctet assistere Matrimonio Feriis prohibitis: quod servatur etiam in nostra Diocæsi ex laudabili introducta consuetudine, qua adiguntur Parochi obtinere licentiam ab Ordinario inscriptis, ut licite assistere valeant prædicto tempore Matrimoniis.

ECCLESIAE VETITUM.

16. **A**d quartum, tandem impedimentum impediens accedentes, quod est interdictum Ecclesiæ, primitus advertimus, nomine Interdicti intelligi posse censuram Ecclesiasticam, de qua Canonistæ *lib. 5. c. 1. de Sent. Excommunicationis*. Verrum hac significatione non hic sumitur Interdictum, sed pro mera prohibitione, qua legitimus superior ex justa causa

sa prohibet celebrationem Matrimonii; qua posita prohibitione si celebretur, illicitum est Matrimonium. *Can. 8. non oportet, Causa 33. q. 4. & Trident. sess. 24. Cap. 1. & 10. de Refor. Matrimonii.*

17. Cum autem huiusmodi prohibitio fieri possit, vel a summo Pontifice, vel ab Ordinario, & summus Pontifex prohibere possit duplici modo, nempe mere prohibente, vel etiam irritante, quod efficere nequit Ordinarius, qui solum potest mere prohibere, cum non habeat potestatem inducendi impedimenta dirimentia, quam solam habet Romanus Pontifex; si proinde hic vetaverit Matrimonium contrahendum, observari debet, sub qua clausula prohiberit, num mere prohibente, & tunc Matrimonium subsequens erit illicitum, sed validum; vel sub clausula irritante, & tunc erit illicitum, & invalidum; inferiorum vero superiorum prohibitio non nisi illicitam reddere poterit subsequens Matrimonium; hæc habentur de Synodo Diocesana Benedicti XIV. *lib. 7. c. 68. n. 3.*

Huiusmodi autem prohibitione emanata illicite contrahitur Matrimonium *Cap. Fin. H. T.* Ex quo per hanc Matrimonii celebrationem violatur grave præceptum legitimi superioris; ob quam violationem possunt etiam subijci contrahentes excommunicationi eodem *tit. Can.* Hoc tamen procedit, si iustam causam interdicendi habuerit Superior: Nam si levein, propterea non iustam, nullius roboris erit prohibitio, nullumque inde pariet impedimentum.

18. Causæ porro, quæ iustæ, ac graves censentur prohibendi Matrimonium celebrandum, tres numerantur, prima est Sponsalia priora cum tertio initia, quorum relaxatio non consistit. Secunda est, suspicio non vana latentis impedimenti dirimentis, aut etiam alterius impediens. Tertia, timor gravium discordiarum rixarum, & scandalorum, quæ ex contrahendo Matrimonio prædenter prævidentur: hæc inquam, causæ colliguntur ex *Cap. 1. 2. H. T. & Cap. fin. cum aut. m. de clandestina desponsat.*

19. Inter has numerari etiam potest ignorantia mysteriorum fidei in contrahentibus, ob quam depellendam potest vel Parochus, vel Superior interdicere ad tempus illis celebrationem Matrimonii; ita in hanc rem consulatur Benedicti XIV. *De Synodo Diocesana lib. 7. cap. 29. per totum.*

Alterutra harum causarum subsistente nedum Papa, & Episcopus, sed etiam Parochus interdicere potest, & debet Matrimonium *tit. Cap. fin. H. T.* quia hæc prohibitio non postulat fieri judicialiter, si tamen fiat a Parocho, hæc limitata esse debet, nempe ulquedum ad Episcopum causa deferatur, quemadmodum & illa Episcopi ulquedum ad inpreimum tribunal delata fuerit, cui inferiores Prælati sua iudicia subijcere debent.

20. Addunt nonnulli excommunicationem, vel aliam censuram, qua sit irretitus alter ex contrahentibus, ut quartam iustam, & gravem causam in-

interdicendi Matrimonium celebrandum. Verum hæc non est causa interdicendi Matrimonium ipsa per se, sed tantum per accidens, scilicet quatenus irretitus tali censura vitandus sit, quia tunc licitè non posset cum eo communicare alter contrahens, & præsertim in Sacramenti administratione, ac susceptione ut ex *Cap. 6. de eo, qui duxit*. Ceterum si excommunicatus sit tolleratus, alter cum eo contrahens est immunis ab omni culpa; neque est quidquam in jure statutum prohibens Matrimonium celebrandum cum ipso excommunicato.

21. Minus quoque dici potest, quod interdictum Ecclesiæ, prout censura est, Matrimonium celebrandum impediat: nam tempore interdicti ex *Cap. 4. de Feriis*, constat posse valide, ac licitè celebrari Matrimonium; & quamvis per *Cap. Fin. de Sent. excom. in sex.* prohibeatur Ministris Ecclesiæ, ne tempore interdicti Sacramenta Fidelibus ministrent, tamen sub ea prohibitione non est positum Matrimonium; nam hoc non habet Ministros Ecclesiæ, sed contrahentes; & quia tempore interdicti contractus non prohibentur, ita nec Matrimonium; propterea ex praxi Ecclesiæ habetur, fuisse semper illud exceptum a lege interdicti.

Hinc quidem liquet, prohibitas esse nuptiales Benedictiones, cum prohibita tunc etiam sint Missarum solemnia; propterea & omnes benedictiones, quæ in Missa dari solent.

22. Quæ nostro ævo vigeant impedimenta impedientia, quasque ob causas, & quoquo modo incurrantur jam diximus. Superest dicendum de eorum sublatione, vel dispensatione, sed quia universim de dispensationibus agemus post exposita impedimenta dirimentia, ab his nunc dicendis abstinemus.

§. I I.

De Impedimentis dirimentibus quedam communia, eorumque enumeratio:

1. **Q**Uæ sunt præclara maxime, ac naturæ rationali conspicua, ut decenter, ac honestè tractentur, summopere expetunt. Matrimonium vero, cum ex iis unum sit, quod summopere deceat naturam humanam, illiusque statum peculiarem constituat; meretur propterea, ut honestè, decenterque tractetur: quod consequi non posset, si in cuiusvis arbitrio esset, sine ulla moderatione, ac lege illud inire; ad quod cum resperxerint etiam civiles leges, quædam sanxerunt impedimenta, seu obstacula moralia, quibus certa Matrimonia ob quandam indecentiam iniri vetantur. *Lege 42. ff. de ritu nuptiarum.*

Verum postquam Matrimonium a naturali, ac civili contractu ad Sacramentum traductum est a Christo Domino, similiter a jurisdictione, ac potestate secularium Principum est subductum; propterea, quæ de eo civiles leges sunt, nullius sunt roboris, quemadmodum & impedimenta per eas statu-

H

statuta, solique Ecclesie de eo potestas data sit, ut sub anathemate definivit Tridentinum *sess. 24. Can. 4.*

2. Et quoniam potestas statuendi impedimenta saltem dirimentia est res summi periculi, & totam respiciens Ecclesiam, non cuilibet Prelato data est, sed soli Romano Pontifici reservata. Hinc Pontifex iusta de causa potest statuere impedimenta dirimentia pro universo Orbe Christiano, & etiam pro qualibet individuali persona, iusta inquam id postulante causa, dummodo baptizata sit.
3. Pro iis vero, qui baptizati non sunt potest Princeps politicus statuere impedimenta, vel impedientia, vel etiam dirimentia eorum Matrimonii; cum apud ipsos non sint, nisi, contractus naturales, ac civiles, de quibus Princeps politicus, ac civilis disponere potest, statuendo illorum impedimenta, vel impedientia, vel etiam dirimentia, ut habetur ex *Tit. ff. de ritu nuptiarum.*

Quod vero fieri nequit a laico Principe, potest quidem fieri a consuetudine, quando hæc circumstantias habeat, per quas vim legis obtineat, nempe inducendi impedimenta, tum impedientia, tum dirimentia Matrimonium, vel eadem abrogandi *Cap. 1. 3. de cognitione Spirituali*; quare autem id possit consuetudo est, quia involvit implicitum consensum supremi Principis, nempe Pontificis, ut omnes consuetudines vim legis obtinentes habere possunt implicitum legislatoris consensum.

4. Sunt tamen quædam impedimenta, quæ tolli nequeunt neque a consuetudine, neque a Romano Pontifice, quia vel a naturali Jure, vel divino positivo procedunt, a quibus Juribus nemo eximitur, sed iis omnes etiam, & Romanus Pontifex subijciuntur; hinc hujusmodi impedimenta afficiunt omnes prorsus homines, vel Fideles, vel Infideles. Quæ autem, & quanta sint, dicetur in enumeratione omnium impedimentorum dirimentium, quæ in his versiculis continentur:

Error, Conditio, Votum, Cognatio, Crimen
 Cultus disparitas, Vis, Ordo, Ligamen, Honestas,
 Si sis affinis, Si forte coire nequibis,
 Raptave sit mulier, nec parti reddita tunc,
 Si Parochi, & duorum desit præsentia testium.
 Hæc facienda vetant connubia, facta retractant.

Horum impedimentorum leges constitutivas indicabimus per singula procedentes, quæ juxta ordinem versiculorum expendemus.

Sic ergo primum:

§. III.

Error.

1. **D**E errore agentes, non præstat ea iterum dicere; quæ diximus de Sponsalibus, sed hic recolecta habeantur, quoniam ipsorum usus hoc loco omnimode est necessarius. Erroris enim nomine intelligi debet iudicium falsum de aliqua re. *Can. 6. Causa 22. q. 2.* Hicque partitur in errorem substantialem, idest versantem circa substantiam rei, de qua latum est iudicium, & in errorem accidentalem versantem, nempe circa accidentia rei, si de contractibus sermo sit. Error substantialis distingui potest in errorem circa substantiam contractus, circa substantiam rei contractatæ, & tandem circa qualitatem ceteroquin rei accidentalem, sed a contrahente assumptam per modum substantiæ: ex his porro erroribus, quis dirimat Matrimonium, manifestabimus.

2. Solus itaque error substantialis, vel versetur circa substantiam contractus, & Sacramenti Matrimonialis, vel circa individuum personæ, cum qua contrahitur, vel etiam circa qualitatem ejusdem personæ, cum qua contrahitur, assumptam a contrahente per modum substantiæ, dirimit Matrimonium, quia *Error persona conjugii consensum non admittit ex Can. unico Can. 29. q. 1. cumque ab eo tollatur consensus, sine quo cetera nequeunt fœdus perficere conjugale Cap. 26. H. T. nullaque sit errantis voluntas, nullusque consensus per legem 8. 9. Cod. de J. & favore ignor.* Hinc ex juribus citatis liquet, impedimentum erroris esse impedimentum juris naturæ; proinde afficiens etiam infideles: quod tolli nequit, neque ab Ecclesia, neque a Romano Pontifice; cum ipse nequeat supplere personalem consensum.

Neque dicat aliquis, posse subsistere Matrimonium sine consensu, ut spectatur in eo, qui illud contrahit cum appositione conditionis impossibilis, quæ cum habeatur ab Ecclesia ut non adjecta, tale Matrimonium validum sustinetur; quemadmodum reputatum fuit validum Matrimonium Jacobi cum Lya, in quam non consensit ob errorem: quod fortius viget post elevationem ejusdem Matrimonii ad Sacramentum; ex quo error personæ, cui ministratur aliquod Sacramentum, non reddat illud invalidum.

Neque inquam hæc dicat; nam apponens conditionem cognitam impossibilem vere consentit, & solum joco apposuisse conditionem præsumitur *Cap. Final. de conditionibus appof.* Et ideo pro non apposita haberi voluit Ecclesia. Cæterum si ex animo contrahens apposuisset, illique suum alligasset consensum, cessaret præsumptio, nullumque esset Matrimonium, saltem in Foro interno; quia tunc præsumptio cederet veritati, Et quamvis sustineatur Matrimonium Jacobi cum Lya, illud non

sustinetur ob priorem erroneum consensum, sed ob renovatum, cognita Labani fraude, ac Lyæ suppositione. Quod porro error circa personam, cui ministrantur Sacramenta, eadem non invalide, id solum evenit, ex quo Minister illorum nequit restringere suam intentionem ad aliquod individuum personæ, sed quam presentem habet, eandem debet velle vel baptizare, vel absolvere &c. contra vero est de Matrimonio contrahente, qui certam, ac determinatam personam ita contempletur, ut in nullam aliam velit consentire; quemadmodum emptor, vel quilibet contrahens rem individuum semper contempletur, in qua, si deceptus fuerit, nulliter contraxisse dicitur ex Juribus supracitatis.

3. Quoniam vero error substantialis esse potest vel antecedens, vel concomitans, & de antecedente nulla sit questio, quin semper dirimat Matrimonium; est tamen de errore concomitanti, quia hic non facit involuntarium, sed potius secum habet voluntarium, saltem habituale; nihilominus & hic dirimit Matrimonium, quia non causat actuale, & positivum voluntarium, seu consensum ad valorem Matrimonii requisitum.

Si enim quis E. G. contraxisset cum Caja, quam cogitasset esse Bertam, essetque etiam dispositus contrahere cum Caja, si tamen civisset eam esse, non est qui dubitet, nullum fuisse huiusmodi Matrimonium; quamvis hic interjectus error concomitans fuerit; tamen talis fuit, qui verum consensum Matrimoniale peremit, & solum fuisset verus consensus Matrimonialis, si error depulsus esset; quoniam autem ea, quæ essent si, & non sunt, nihil operantur; ita consensus ille, qui esset, sublato errore concomitanti, & non est, Matrimonium non operatur.

4. Error postea, ut diximus, accidentalis Matrimonium non dirimit; quia cum versetur circa accidentia, seu circumstantias personæ, cum qua contrahitur Matrimonium, etsi sit antecedens, vel concomitans, non dat causam contractui, neque afficit consensum contrahentium; proinde non viciat valorem Matrimonii *Can. un. in Fin. Causa 29. q. 1.* eo iniquiente: quod *error fortitæ, & qualitatæ non excludit consensum*; ideo enim hic error non excludit consensum, quia consensus non habet pro objecto accidentia personæ, nisi ea a contrahente assumantur ut conditio sine qua non contraheret, sed personam, & quidem in individuo designatam, ex quo Matrimonium involvat individuum vitæ consuetudinem inter contrahentes habendam; hinc, licet non sit voluntarius consensus circa accidentia, nempe nobilitatem, divitias, sanitatem personæ, cum qua contrahitur, quia tamen est voluntarius, vel circa substantiam contractus, vel circa personam, cum qua contrahitur, est talis, ut jure naturæ sufficiat ad validitatem Matrimonii, quia in aliis contractibus huiusmodi consensus ad eorum validitatem sufficeret, ut ex *cis. Canone unico in Fin. causa 29. q. 1.*

5. Diximus autem superius, esse errorem substantialem illum, qui versatur circa qualitatem rei, quæ a contrahente contemplatur, atque assumitur ut substantia: ne vero appareat contradictio, quoniam qualitas omnis accidens est, advertimus non hic sumi substantiam secundum physicos, sed secundum legis Peritos, ac Morales appellantes substantiam præsertim in contractibus id, quod ita contemplatur a contrahente, atque intenditur in re, de qua contractus initur, ut si illud deficiat, nolit omnino contractum inire; cum ergo possit quilibet contrahens ita intendere, ac velle aliquam qualitatem in re contrahenda, ut si ea deficiat, quamvis rei accidentalis, omnino rem illam nolit; ita fieri potest, ut qui contrahit Matrimonium cum aliqua persona, in ea ita velit esse aliquam qualitatem, licet accidentalem, ut ea deficiente, nolit cum ipsa contrahere; proinde si error versetur circa hujusmodi qualitatem, dicetur versari circa qualitatem assumptam a contrahente per modum substantiæ.

Verum equidem est, quod talis qualitas nunquam præsumitur assumpta per modum substantiæ, nisi id expressum fuerit in actu celebrationis Matrimonii, & a contrahente appositæ, velut conditio, sine qua non.

6. At quoniam ex circumstantiis quandoque apparet, qualitatem aliquam redundare in substantiam personæ, uti E. G. Titius ob spem regni vult contrahere cum primogenita hujus Regis hoc fine, ut sibi parat viam ad regnum, si illi offeratur secundogenita, consentiens in illam censetur errare in qualitate personæ assumpta per modum substantiæ, quinimodò in persona ipsa. Idem dicatur in aliis contractibus, quæ qualitas cum apertè non pateat assumpta per modum substantiæ, regulam præbent Doctores, præsertim Sanchez citatus a Maschat *lib. 4. c. 1. n. 65.* quæ est, si qualitas non determinet individuum personæ, error circa illius qualitatem non vitiat Matrimonium; si vero determinet, prorsus vitiat; ut apparet in adducto exemplo: nam finis, quem habuit Titius ineundi tale Matrimonium, fuit, sibi parandi viam ad regnum, quod consequi non posset, nisi per primogenitam; Ergo qualitas primogenitæ individuum personæ determinat. Contra est, si qualitas primogenitæ fuisset volita a Titio absque ullo fine regni adipiscendi, vel solum in genere voluisset illam esse illustrem, non determinando cujus sit familiæ; nam si circa has qualitates error versaretur, quia non sunt qualitates determinantes individuum personæ, neque pluribus communes, non esset error circa qualitatem assumptam per modum substantiæ; proinde non vitians Matrimonium: & hæc de errore.

Sic Secundum:

S. I V.

Conditio .

1. **C**onditio, quæ Matrimonium dirimit non sumitur pro ea conditione, quæ apponi solet a contrahente, sed est qualitas personæ, quæ ignorata ab uno ex contrahentibus Matrimonium dirimit, & hoc ex *Can. 4. & sequent. Causa 29. q. secunda, & Cap. 2. Fin. H. T.* Hæcque est servitus, seu mancipatus, de quibus *leg. 9. ff. de statu libero.*
2. Hæc porro qualitas servitutis non dirimit Matrimonium jure naturæ, quia cum sit accedens personæ, neque a contrahente prævideatur, ut ea assumi possit per modum substantiæ, tollere nequit consensum datum in personam hæc qualitate affectam: propterea dirimit tantum jure Ecclesiastico ob justas causas ita statuentem, ne injuria libero inferatur, ac proli; proinde relinquit Ecclesia in potestatem liberi, dum advertit conditionem servilem alterius conjugis, convalidare præcedens Matrimonium: ratum illud habendo, vel expresse, vel tacite, nempe per copulam affectu Maritali habitam *Cap. 2. & Fin. H. T.* Nisi servitus personæ publica esset; nam tunc ex Tridentino convalidatio illius Matrimonii fieri debet coram Parocho, & Testibus.
- Cum itaque hoc servitutis impedimentum statutum sit ab Ecclesia in favorem liberi nescientis conditionem servitutis alterius, fit propterea primo, quod si liber scienter contrahat cum Ancilla, validum sit hujusmodi Matrimonium; quia volenti non fit injuria, quamvis ob vilitatem personæ fiat irregularis. *Can. 15. dist. 34. & 2.* Secundo liber contrahens cum libera putans esse Ancillam, vel servus contrahens cum Ancilla, putans esse liberam: hi enim validum faciunt Matrimonium, quia eorum status deterior non fit, nisi assumpsissent libertatem, aut servitutem per modum substantiæ, quo eventu nullum esset Matrimonium, non ex impedimento servitutis, sed ex impedimento erroris, seu defectu purificatæ appositæ conditionis. Tertio liber nesciens conditionem servitutis contrahens cum Ancilla, quæ vi collocationis in Matrimonium a Domino factæ consequitur libertatem, validum facit Matrimonium, quia ex *Novel. 22. Cap. 11.* Hæc Ancilla in ipso contractu Matrimoniali libertatem consequitur; proinde verificatur, quod liber init Matrimonium cum libera; neque prior servitus ignorata, quæ in ultimo complemento Matrimonii non subsistit, illud vitare potest.
3. Verum si coningeret, quod liber cum errore conditionis contraheret Matrimonium, deprehenso eo errore non poterit propria auctoritate, recedere. *Arg. Cap. 2. & Fin. H. T. & Cap. 3. de Divoritiis.* Sed per auctoritatem Ecclesiæ, in cujus faciem Matrimonium inivit.
4. Occasione hujus impedimenti servitutis, hoc loco, agunt aliqui de Ma-

Matrimonio servorum cum Ancillis, verum quia vel in nostris regionibus non sunt servi, aut Ancillæ, vel admodum rari, prætium non est, ut in hoc immoremur.

Ad tollendas tamen æquivocationes advertimus, impedimentum conditionis non se extendere ultra conditionem servitutis; propterea conditio divitiarum, ac nobilitatis, si ignoretur non efficit nullum Matrimonium, ut habetur definitum in *Tarentina Matrimonii die 8. Maii 1746. Tom. 12. Fol. 30. & 34. iniquente, Matrimonium initum inter dispares divitiarum, ac nobilitatis... declaratur validum.*

Sicuti per conditionem servitutis homines devoveantur hominibus, ita per Votum sacrantur Deo: ut sicut illicitè contrahunt servi Matrimonium sine licentia Domini sui, ita sacrali Deo per Votum illicitè, vel invalidè, sine expressa licentia Dei contrahere possunt Matrimonia propterea de Voto ut irritante Matrimonium, dicemus, quoniam de impediente satis superius diximus.

Sit Tertium:

§. V.

Votum.

1. **Q**uamvis votum genericè sumptum sit promissio facta Deo de meliori bono, ut docet Angelicus *secunda secunda q. 88. art. 11.* tamen sub hac lata significatione non sumitur prout votum dirimens Matrimonium; nam in hac sola significatione usurpatur, qua denotat. Hominem promittere Deo omnem abstinentionem usus liciti, atque illiciti venereorum *Can. 8. Dist. 27. & Cap. unic. de Voto in sex.*
2. Hujusmodi autem peculiaris promissio partitur in solemnem, & simplicem, & hinc duplex votum castitatis, nempe solemne, ac simplex. A Voto solemnī semper dirimitur Matrimonium, a simplici vero quandoque solum; scilicet cum circumstantiis quibusdam peculiaribus Votum simplex fuerit convestitum. De quibus infra; nunc discrepantiam indicabimus Voti solemnī a Voto simplici.
3. Votum itaque solemne castitatis illud est, quod emittitur in professione Religiosa; ad cujus substantiam ita pertinet, sicut Votum paupertatis, & obedientiæ; nam ea involvit substantialiter renunciationem, & abstinentionem a concupiscentia carnis, oculorum, & a superbia vitæ; Hinc Religiosa professio est spirituale conjugium cum Christo Domino pariens vinculum indissolubile, secumque trahens mundanam, ac civilem mortem, ob quam inhabiles Religiosi efficiuntur ad quemlibet mundanum, ac civilem contractum, ac proinde Matrimonii; hinc professio Religiosa jure naturali, & divino dirimit Matrimonium contrahendum.

Etenim jus naturale dicitur rem uni plenè, perfecteque traditam, eodem-

que modo acceptatam non posse iterum valide tradi alteri; ex quo res non sit amplius dantis, sed acceptantis eam: licet aliquando relinquentis illam præcario nomine apud dantem; per professionem vero Religiosam homo pleno jure, perfectoque modo tradit se Deo, & Religioni, quæ pro ipsa, & ipso Deo ejusque nomine acceptat hanc traditionem, seque tali homini contractu ultro citroque obligatorio devincit; a quo gesto naturalis obligatio oritur in Religionem proficiente ita servandi substantialia Religionis, ut per ipsam anihilentur quæcumque attentata contra substantiam ejus. Matrimonium vero adversatur substantiæ Religionis; tollit enim ab illa perfectam abdicationem concupiscentiæ carnis, involvit superbiam vitæ per contractum Matrimoniale, aliosque civiles actus, ac humana commercia, offendit obedientiam, quæ major servari non potest celebrato Matrimonio, uti eo non celebrato, prævalentibus tunc juribus Matrimonii ad jura professionis Religiosæ; Ergo jure naturali professio Religiosa, seu votum solemne castitatis dirimit Matrimonium.

Dirimit quoque jure divino, ex illo *Mat. 19. vers. 12.* inquit Christo Domino: sunt Eunuchi, qui se ipsos castraverunt propter Regnum Cælorum; quæ verba significant perfectam moralem inhabilitatem ad Matrimonium, sicut castratio physica involvit perfectam physicam inhabilitatem ad ipsum Matrimonium.

Quod roboratur divina traditione hunc textum interpretante; cum a principio Ecclesiæ usque ad nostra tempora sanctè, semper, ac Religiosè custoditum sit, atque servatum, Religiosos non posse connubia inire, & inita separari debere: hinc Siricius Papa *Can. 17. Verb. Velata; Caus. 27. q. 1.* præcipiens separationem Religiosi a muliere sibi in Matrimonium adducta, inquit, *Verbo Domini, & Canonica auctoritate separamus &c.* per quæ verba inuit ex verbo Domini præcipiendam esse separationem; Ergo divino jure, tum scripto, tum tradito professio Religiosa, seu votum solemne castitatis dirimit Matrimonium.

Cujus divini Juris, ratio desumi potest ex eo, quod Christus Dominus segregaverit statum Religiosum a statu laicali, propterea & conjugalis; cum quo statu Religio componi nequeunt officia, ac onera, ut liquet, status conjugalis.

4. Hucusque propria recensuimus Voti solemnis; nunc quæ propria sint Voti simplicis, prout distincti a Voto solemnī, & nedum impediētis, sed etiam dirimentis Matrimonium, dicemus.

1. Votum itaque simplex, quod dirimit Matrimonium, quadruplex est, nempe, quod est adjectum Ordini Sacro, quod emittitur a conjuge in seculo, cujus alter conjux professus est Religionem, quod emittitur a scholastico Societatis Jesu; denique quod emittitur ab ea uxore, cujus vir ex suo consensu ascendit ad Ordines sacros.

AA-

Antequam propria Voti simplicis expendamus, prærium esset, ut de questione inter Theologos, & Canonistas moveri solita, aliquid diceremus, quæ est, *an Votum adjectum Ordini sacro sit solemne, vel potius simplex.* Questio inutilis praxi; nam vel solemne, vel simplex sit, utrumque habet vim dirimendi Matrimonium: hac sola disparitate intercedente, quod, si esset solemne, dirimeret Matrimonium jure naturali, ac divino; si vero sit tantum simplex, dirimit solum jure Ecclesiastico: tamen ut notavimus, Votum adnexum Ordini, quodcumque illud sit, Matrimonium dirimit. *Cap. 1. de Clericis conj. Tid. Sess. 24. Can. 9.* Propterea hab hac solvenda, censuimus abstinendum; præsertim cum definitum habeatur *Cap. unic. de Voto in sexto. Et Extr. unica*, quod Ordo sacer vim non habeat solvendi Matrimonium ratum, ut habet professio religiosa; proinde vim non habet Voti solemnis.

6. Propria ergo recessentes Voti simplicis, hoc unum, atque præcipuum observamus, & est, quod Votum simplex continet promissionem rei, non vero ejusdem rei traditionem, ut eam continet Votum solemne; & ideo solemne jure tum naturali, tum divino dirimit Matrimonium; Votum vero simplex nec jure naturali, nec jure divino dirimeret Matrimonium, ex quo, si res uni tantum promissa alteri tradatur, illicite, quidem, sed valide secundo traditur; propterea si dirimat Matrimonium, hoc ex jure Ecclesiastico habet: idque clarius patet, ex quo non omnia Vota simplicia castitatis dirimant Matrimonium; ut eveniret, si universum Votum simplex naturali jure, vel divino dirimeret Matrimonium. Selectio ergo quorundam votorum a reliquis, ut illa, & non hæc dirimant, non a jure naturali, non a divino, sed ab Ecclesiastico procedit; Ergo quæ vota simplicia habent vim dirimendi Matrimonia, eam habent a jure Ecclesiastico.
7. Neque Ecclesia, dum decrevit quædam Vota castitatis, etsi simplicia, dirimere Matrimonium, inconsulto, ac sine divini Spiritus illuminatione egit: nam primo adigens suscipientem Ordines sacros ad vivendam castitatem; quamvis illi statui jure naturæ non obstat Matrimonium, quia tamen perfectioni, ac sanctitati illius status obstat nimium, cupientque ipsa Ecclesia habere Dei ministros majori, qua possit puritate, & sanctitate præditos, decrevit promovendos ad sacros Ordines se ipsos ita Deo consecrare debere, ut imposterum nec licite, nec valide possent Matrimonia contrahere; liquet id ex citatis Canonibus & præsertim *Can. 40. ut lex Causa 29. q. 1.*

Secundo cogens conjugem remanentem in secuso ad Votum simplex castitatis emittendum, honori, ac reverentiæ Religionis consuluit, in qua professus est alter conjux; indecorum reputans, quod ligata viro, qui sit membrum illius Religionis, alteri copuletur: ex quo professus censetur vivere adhuc post professionem in tota Religione, quæ religio

gio virum ipsum semper representat; sicque vita viri quasi immortalis efficitur: ob hanc inquam honestatem, atque decentiam voluit, ut Votum castitatis emissum a remanente in seculo, licet simplex, perpetuo dirimat Matrimonium.

Tertio, ob hanc eandem honestatem, ac reverentiam debitam Ordini sacro voluit Ecclesia; ut uxor illius viri, qui promoveretur ad sacros Ordines, voveret castitatem, nedum servandam tempore vitæ sui conjugis promoti, sed servandam perpetuo, ut imposterum irritum foret quodcumque attentatum Matrimonium. *Can. 10. & seq. Dist. 28. Can. 14. Dist. 32. in quo ultimo Canone ad calcem hæc leguntur.* „Quod si quis
 „ præfatis Ordinibus desiderat ad Subdiaconatum ascendere, nequibus
 „ hoc sine consensu Uxoris suæ, ut fiat de carnali deinceps spirituale
 „ conjugium, nemine eos ad hoc cogente. Neque permittitur postea U-
 „ xor jungi eidem Marito suo carnaliter: nec cuiquam nubere in vita,
 „ aut post mortem illius.

Quarto similiter Ecclesia indulgit Societati Jesu, ut Votum simplex castitatis, quod emittunt post Novitium in eam ingredientibus, dirimat Matrimonium, ut ex Gregorio XIII. in Bulla *Ascend. Domino 1584.* quousque tamen in eadem permanent Societate; idque ad similitudinem professionis Religiosæ, ex eo, quod quousque permanent in dicta Societate, Religiosi dicantur ab ipsamet citata Bulla, quos tales decernit, *non secus ac ipsos tum Societatis, tum aliorum Regularium professos.*

Impedimento Voti subsequitur Cognationis impedimentum, ut sicut ex proximitate cum Deo per Votum producta procedit impedimentum dirimens, ita ex proximitate personarum proveniente a cognatione, similiter Matrimonium dirimatur. Hoc exposcente vel reverentia sanguini debita, vel honestate, aut spirituali, aut legali: propterea

Sit Quartum:

S. VI.

Cognatio, quæ & quotuplex:

1. **C**ognatio autem si universim accipiat est vinculum, vel, ut aliis placeat, propinquitas personarum, quæ in triplicem partitur classem, scilicet in carnalem, spirituales, & legalem, quibus speciebus addi posset publica honestas, quæ in suis producendis effectibus carnalem imitatur cognationem, ipsa tamen a sola juris dispositione procedit.

De singulis singillatim agemus, & primo:

DE COGNATIONE CARNALI.

1. **C**um itaque cognatio omnis sit vinculum personarum, si hoc vinculum a carne proveniat, seu sanguine, quasi per additam differentiam cognatio carnalis dicitur: quæ in duplicem scinditur jure prefertim Canonico attento, scilicet in consanguinitatem, & affinitatem.
3. Consanguinitas quasi ab unitate sanguinis dicitur, estque vinculum illud carnis, seu personarum provenientium ab uno, & quidem propinquo stipite, seu capite per naturalem propagationem.
- Dicitur vinculum, seu propinquitas personarum: nam licet omnes ab uno sanguine, nempe Adamo proveniant; tamen ob illam remotam unionem cognati non dicuntur, sed ii tantum, qui capiti suo approximantur, & ideo dicitur, esse vinculum personarum provenientium ab uno non utcumque, sed propinquo capite; quod caput vel masculinum sit, vel foemininum, Canonico Juri non interest contemplari tantummodo jus naturale, reverentiam sanguini præcipiens, qui sanguis æque a Matre participatur, ac participetur a Patre; propterea jus Canonicum non attendit ad lineas introductas a jure civili, scilicet agnationis, & cognationis, quas omnes sub una cognatione comprehendit.
4. Cum itaque consanguinitas sit personarum propinquitas, hæcque propinquitas latam, aut correptam mensuram habere queat; ne in incertum vagemur eam scrutantes, definiti sunt quidam gradus vel a jure naturæ, vel a divino, & Ecclesiastico, stantes confinia hujus propinquitatis: qui, ut percipiantur, tres lineæ concipi debent in consanguinitate: una, quæ dicitur recta, estque ascendentium, atque descendentium, & duæ laterales, quarum una dicitur æqualis, altera inequalis.
5. In Linea recta ita gradus numerantur, ut tot sint gradus, quot personæ, dempto stipite, vel ex iis personis una; hæcque si fuerit descendentium, exordium ducit a Patre, descendit in Filium, deinde in Nepotem, postea in Pronepotem, tandem in Abnepotem, & ultra, si qui sint alii descendentes. Si fuerit ascendentium, incipit hæc ab uno E. G. Petro, deinde ascendit ad Patrem ejus, ab hoc ad Avum, ab Avo ad Proavum, & a Proavo ad Atavum, & ultra, si alii quærendi sint.
6. In Linea laterali æquali ita numerantur gradus, ut in eo gradu sint inter se, in quo gradu distant a communi eorum stipite; pro cuius intelligentia concipi debent duæ lineæ ortum habentes ab eodem stipite vel Masculino, vel Foeminino, & æque productæ, ut in alterutra quarum non superabundet persona. Tunc, quia persona unius lineæ æque distabit a comuni stipite, ac distet persona alterius lineæ ab eodem communi stipite; æque propterea distabunt inter se ambæ illæ personæ:

næ : quoniam producta una linea usque ad caput commune, ibi terminat, ac finit, & non transcendit in aliam lateralem; itaut caput in se uno representet omnes personas alterius lineæ; & ideo quando noscitur, in quo gradu distat una persona ex iis lineis a communi stipite, noscitur quoque, in quo gradu distet a persona existente in alia lineæ laterali, quæ sit æqualis.

7. In linea postea laterali inæquali desumitur numeratio gradus a remotiore persona: propterea & in ea concipiendæ sunt duæ lineæ habentes communem stipitem, seu caput; una quarum ex dictis lineis longior producat; idest constet pluribus personis, quam altera, & ultimo producta persona comparetur cum stipite, enumerando interjectas personas ascendentes usque ad caput ipsum: quibus numeratis constabit, tot esse gradus ab illa persona remotiori usque ad stipitem, quot personæ, una semper dempta, ut notavimus; quia ad gradum unum constituendum duæ personæ requiruntur. Constituto autem quo gradu distet persona remotior a communi stipite, quoniam, ut superius diximus, personæ alterius lineæ computantur in eodem stipite, a quo terminatur linea remotior; sit proinde, ut omnes personæ alterius lineæ sint in eodem gradu cum dicta persona remotiori, in quo cum ipsa est communis stipes, seu caput.

8. His expositis quo jure, & usque ad quem gradum consanguinitas dirimat Matrimonium, aperiemus; quia vero plures lineas habet, per singulas progrediemur, & primo.

Lineam rectam consanguinitatis intuentes primum illius gradum offendimus, qui est inter Patrem, & Filiam, Matrem, & Filium: hic gradus dirimit Matrimonium jure naturali; quod ita certum, ut nedum. moratæ gentes, sed & Iesæ conerarium aversentur, ut juris naturalis eversum, perpetuam involvens turpitudinem, vel in contrahendo, vel in usu, ac permanentia conjugii paterni cum Filia, seu materni cum Filio, non secus ac usura perpetuam injustitiam continens. Etenim Pater cum sit principium Filix, cui dat esse naturale, sitque ei superior, & illa Patri inferior, debens eidem perpetuam reverentiam, & submisionem (cui perpetuo adversetur æqualitas conjugalit, quæ maxime spectatur in ipsa carnali copula, quæ haberi nequit, nisi jux æquale sit in conjugibus supra eorum corpora) ob ingentem pudorem natura abhorret, ut Pater revelet turpitudinem Filix. Hinc dixit Paulus *Leg. 14. §. 2. ff. de ritu nuptiar. Contra pudorem est, Filiam uxorem suam ducere*. Et profecto hanc reverentiam naturæ debitam a Filia Patri, & a Filio Matri adeo curavit Deus, ut expresse in quarto Decalogi præcepto eam præceperit; propterea indirecte vetaverit quidquid illi contrarium est. Unde si huic reverentiæ adversetur Matrimonium Patris cum Filia &c. Jam liquet prohibuisse etiam Matrimonium Patris cum Filia,

sic-

seque nedum jure naturali, sed etiam positivo divino primum gradum consanguinitatis lineæ rectæ dirimere Matrimonium.

Neque obest, posse Patrem reverentiæ sibi debite renunciare, filiaque remittere, cum hæc reverentia insit fixa in natura, cujus Pater non est Dominus, neque a Patre præcepta, sed a natura, quæ tolli, vel abrogari non potest, nisi sublata, ac destructa natura ipsa.

9. A primo gradu, ad secundum procedentes ejusdem lineæ rectæ, diversas Doctorem sententiās de eo, num scilicet, & ipse de jure naturæ dirimat Matrimonium, comperimus: nam Angelicus *secunda secundæ* q. 154. art. 9. ad 3. Docet consanguinitatem in secundo, & ulterioribus gradibus lineæ rectæ non dirimere Matrimonium jure naturali: nempe inter Avum, & Nepotem, vel Proneptem, vel Abnepotem &c. Bellarminus alique Jesuitæ plures sentiunt, consanguinitatem in linea recta dirimere Matrimonium in infinitum, ut nulli sint gradus, etsi remotissimi, in quibus valeat Matrimonium. Nonnulli coercent hanc lineam ad vigesimum, vel quartum, vel tertium, vel etiam secundum, & tandem quidam indefinitam legem statuunt gradibus lineæ rectæ dirimentibus Matrimonium, quæ est, consanguinitatem in iis omnibus gradibus lineæ rectæ dirimere Matrimonium, in quibus viget amicitia inter consanguineos, quæ ipsa cessante, quocumque gradu connectantur, inire possunt Matrimonium.

10. Ex harum opinionum diversitate conspicitur, nihil certo esse definitum a jure naturæ circa impedimentum dirimens Matrimonium in recensitis secundo, & reliquis gradibus lineæ rectæ consanguinitatis: nam natura non ita obicure manifestat sua præcepta, ut in oppositum opinari consentiat: quod vitium si admitteret auctori illius tribueretur: Hoc autem nefas est cogitare; superest ergo, ut cum Angelico statuamus, secundum, & reliquos inferiores gradus lineæ rectæ consanguinitatis, qui nunc dirimunt Matrimonium, illud dirimere vel positivo divino jure, vel Ecclesiastico, quod suadetur ex *videntino sess. 24. Can. 3. de Sacramento Matrimonii*. Anathematizante negantes Ecclesiam dispensare posse in nonnullis gradibus per Leviticum prohibitis, inter quos erat etiam secundus consanguinitatis lineæ rectæ, quasi jure naturæ dirimeret Matrimonium, ab Ecclesiæ potestate subduceretur, ut de se patet: quod idem definitum habebatur *Cap. 8. de Livoribus*.

Et quamvis *Cap. 13. Verbo opinioni de restitut. Spoliati*. Referipserit Pontifex, non posse a Sede Apostolica dispensari ad Matrimonia in Levitico prohibita, non hæc dixit, quia ea essent jure naturali irrita, sed quia non quælibet gravis causa sufficit, verum gravissima postulatur: nam juri divino per ipsam esset derogandum. Cæterum quæ prohibentur in Levitico, non esse omnia jure naturali prohibita, atque irrita deprehenditur ex eo, quod ibi prohibeatur nepos contrahere cum Amica; vel

Ma-

Matertera, non tamen neptis cum Patruo, vel Avunculo, licet utrique sint in eodem gradu; propterea Leviticum nedum habet precepta naturalia, sed etiam positiva: neque est spectabile momentum, quo moveamur ad nobis suadendum, secundum, & reliquos gradus lineæ rectæ consanguinitatis jure naturali dirimere Matrimonium.

11. A Linea recta ad lateralem procedentes ejusdem consanguinitatis, primum illius gradum, qui est inter Fratrem, & Sororem, dicimus cum Angelico *In quarto Diss. 40. q. un. art. 3. in corpore, & secunda secundæ q. 154. art. 9. ad 3.* non dirimere Matrimonium jure naturali: inquit ipso „ Aliæ personæ, quæ non conjunguntur secundum se ipsas, sed per ordinem ad Parentes non habent ita ex se ipsis indecentiam (sicut „ Parentes, & Filii) sed variatur circa hoc decentia, vel indecentia secundum consuetudinem, & legem humanam, vel divinam „ unde patet, ultra primum gradum lineæ rectæ non producere Angelicum impedimentum dirimens jure naturæ, sed illud peti debere vel a consuetudine, vel a jure humano, aut divino.

Plurima sunt momenta, quibus roboratur assertio, quæ sunt relata 2^o Maschar *lib. 4. t. 14. de Conf. & Affin. n. 8.*

12. Aliud non itaque spectandum est jus, quam Ecclesiasticum tum in secundo, & aliis gradibus lineæ rectæ consanguinitatis, tum in aliis lineis lateralibus quo ad dirimendum Matrimonium: quod jus Ecclesiasticum definivit, a secundo consanguinitatis gradu lineæ rectæ usque in infinitum ejusdem lineæ eandem consanguinitatem dirimere Matrimonium: habetur ex regulis *Cap. 1. de novo opere nunciando, & S. primo Institut. de Nuptiis leg. 53. ff. de ritu nuptiarum*, quæ leges, etsi civiles sint, tamen adoptatæ sunt a *Can. 2. Conjunctiones Caus. 35. q. 3.* quibus non obstat *cap. 8. H. T.* in quo videtur coercitum impedimentum dirimens ad quartum gradum; nam hujusmodi caput disponit solummodo de lineis lateralibus, non vero de recta, quam sub dispositione adductarum legum, & citati Canonis *Conjunctiones* reliquit. Verum refert parum, num inter quartum gradum lineæ rectæ contineatur impedimentum dirimens, vel in infinitum producat; cum vita hominis ultra quartam generationem sibi posteriorem ordinarie non extendatur. Definivit similiter, consanguinitatem in lineis lateralibus sive æqualibus, sive inequalibus non ultra quartum gradum dirimere Matrimonium, ut ex *cit. Cap. 8. Verb. prohibito H. T.* a quo moderantur antiqui Canones *Causæ 35. q. 3.* a quibus producebatur impedimentum usque ad septimum gradum. A jure peritis, atque Theologis ratio exhibetur saltem congruentiæ adductarum legum Canonicarum, quæ conspicitur in citato Maschar *n. 9.* aducente Angelicum *par. 3. q. 33. art. 4.* Et proinde hæc impedimenta iuste sunt posita, tum quia consanguinei debent sibi reverentiam, tum, ut tollatur periculum incellus propter simultaneam habitationem.

13. Et

13. Et revera, nisi esset juris tantum Ecclesiastici consanguinitas impediens, ac dirimens Matrimonium in lineis lateralibus, falso decrevisset Sacra Tridentini Congregatio tum in una Neapolitana Matrimonii 20. Maii 1719. *Tom. p. Fol. 194. & 198.* in qua non declaratur nullum Matrimonium, ex quo Fratres Viri asserant precedenti cognovisse ejus uxorem, nisi concludenter probent, tum in alia Bobien: Matrimonii 26. Januarii 1743. *Tom. 11. p. prima Fol. 27. ita habente* „ Matrimonii impedimentum ex fama, quia scilicet mulier sit consanguinea Sponsi, quia „ genita ex adulterio Fratris Sponsi, idque affirmet Mater, si tempore „ conceptionis convivebat Marito, non satis probatur. Neque si Mater, vel „ uterque parens in mortis articulo adseverent, quempiam ex Filiis natum „ esse extra legitimum conjugii usum, nullatenus eis credi oporteat. „ Falso inquam hæc decrevisset: nam primo, etsi Fratres viri concludenter non probassent, cognovisse uxorem ejus, quoties a parte rei revera cognovissent, & ex eo secuta esset conceptio prolis, satis haberetur ad habendum impedimentum consanguinitatis, quoties illud esset jure naturali productum. Secundo neque admitti posset, ut lex statuta, scilicet, non esse credendum Matri, vel utrique Parenti adseverantibus in articulo mortis, quempiam ex Filiis natum esse extra legitimum conjugii usum; etenim firmior probatio de illegitimitate haberi nequit, quam a confessione Matris, vel utriusque Parentis.

Quæ si attendi non debeat ob hanc Resolutionem ad effectum deprehendendi, cum intercedat consanguinitas inter contrahentes, aperta est demonstratio, ex jure naturæ nullum esse impedimentum, & si quod est, esse tantum juris Ecclesiastici: quod jus Ecclesiasticum tunc relaxatur in ea peculiari circumstantia, in qua consanguinitas deprehendi nequeat, nisi per confessionem parentis illegitimæ prolis, & sufficiens probatio non exhibeatur ab assertoribus intercedentis inter contrahentes consanguinitatis; cum in iis circumstantiis nolit Ecclesia vigere impedimentum ab illa positum, ne id vergat in damnum, ac destructionem subditorum: quæ relaxatio juris Ecclesiastici in iis rerum eventibus manifestius conspicitur ex una Mexicana visitationis Sanctorum Liminum 31. Martii 1708. *Tom. 9. p. tertia Fol. 41. in qua statuitur* „ Matrimonium initum „ cum dispensatione super gradibus prohibitis a non habente facultatem „ concessa, si permaneant in bona fide contrahentes, in eadem sunt re- „ linquendi. „ Unde ex hac Resolutione apparet, Ecclesiam in bonum suorum subditorum suas leges relaxare, & præsertim in hac materia impedimentorum dirimentium Matrimonia, quoties ea sint impedimenta juris positivi Ecclesiastici, vel hæc consanguinitatis, aut alterius speciei. Sed de consanguinitate satis sunt dicta, ad affinitatem progredientes.

Sit Quintum :

AFFI-

A F F I N I T A S.

14. **C**Um ex unitate sanguinis descendat consanguinitas; ita ex unitate carnis descendit affinitas. Ex carnali enim copula sunt unum caro Mas, & Fœmina; unde ex hac unitate personarum propinquitas nedum jure positivo, sed & naturali producitur, quam & barbaræ gentes etiam cognoverunt. Verum, etsi a jure naturali descendat, non tamen ex eodem jure vim obtinet dirimendi Matrimonium, ut imposte- rum dicemus, nunc præstat exponere, inter quas personas oriatur affinitas; & primo certum omnino est, nullam oriri affinitatem inter conjuges, vel se carnaliter cognoscentes; cum isti causa sint affinitatis, non vero ipsa affinitas; nam ii ponunt unitatem carnis per copulam; propterea si illa unitas sit causa affinitatis, ne effectus sit idem ac causa, vel etiam prior sua causa, dicere oportet, oriri non posse affinitatem inter Marem, & Fœminam se carnaliter cognoscentes.

15. Propinquitat ergo affinitatis inducitur inter personas, quæ consanguinitatis vinculo sint propinquæ Mari, & Fœminæ copulam inter se ipsos habentibus; hacque lege, ut consanguinei mulieris, in quo gradu consanguinitatis cum ea sunt, fiant affines viri in eodem gradu, & contra consanguinei viri in eodem gradu affinitatis uniantur cum Muliere: ita tamen ut affinitas terminetur, vel ad Virum, vel ad Mulierem tantummodo, non vero transcendat ad alias personas; idest omnes consanguinei Mulieris evadant affines Viri, & non cum alia persona ejusdem Viri consanguinea, & similiter contra, omnes consanguinei Viri evadant affines Mulieris, & non cum alia persona consanguinea Mulieris.

16. Regula porro deprehendendi, in quo gradu sint affines, peti debet a gradu consanguinitatis, in quo sunt cum altero, qui copulam habuit; si itaque cum eo sint in primo, vel in secundo consanguinitatis, erunt similiter in primo, vel in secundo affinitatis cum quo ille alter copulam habuit.

Olim ex *Can. 3. & Fin. Causa 35. q. 3.* Tres erant species affinitatis, nempe primi generis, secundi generis, & tertii generis. Primi generis ea erat, quam nuper descripsimus; hæcque sola nunc viget circumscriptis aliis duabus speciebus a *Cap. 8. H. T.* etiam corripiente, ac annullante *legem 15. ff. de ritu Nuptiarum & legem 4. §. 7. ff. de gradib. & Affinib.* disponentes, affinitatem secundi generis in linea recta sequentia Matrimonia dirimere, quæ inquam leges abrogatæ fuerunt a citato *Capite 8. H. T.* universum statuente, non aliam affinitatem habere connexum impedimentum dirimens Matrimonium, quam affinitatem primi generis; & propterea, ne dubium quidem est, quin Vir possit ducere Novercam, vel privignam Uxoris suæ defunctæ.

Ve-

Verum, ut pateant etiam hæ duæ species nunc sublatæ affinitatis, quid ipsæ essent nunc dicemus.

Affinitas itaque secundi generis mediantibus duabus personis contrahebatur, videlicet, Frater meus contraxit nuptias cum Berta, mortuo meo Fratre, Berta contraxit cum Titio, Titius hic evasit meus affinis secundo genere affinitatis in primo quidem gradu, quia in eo primo gradu consanguinitatis distabam a Fratre meo.

Affinitas autem tertii generis contrahebatur mediantibus tribus personis; datum exemplum producamus: Titius supraenunciatus sit mihi affinis in primo gradu secundi generis, mortua Berta ejus uxore contraxit cum Caja, hæc Caja evasit mihi affinis in primo quidem gradu, sed affinitate tertii generis. Hæc sint dicta, ne incurrentes in aliquod juris Canonici caput, in obscurum labantur.

17. Spectata itaque affinitate, & cujus generis sit, quæ nunc dirimit Matrimonium; quo jure, & ad quem usque gradum dirimat, investigabimus.

Affinitatem sive in linea recta, sive in laterali ex jure naturali non dirimere Matrimonium etiam in utriusque lineæ primo gradu habuimus superius ex Angelico *citra secunda secunde* q. 154. *Art. 9. ad 3.* licet illi advenirentur S. Antoninus, Bellarminus, Reinfest. saltem quoad gradum primum lineæ rectæ; quod firmitus habemus ex *Can. 8. de incest. causa* 35. q. 3. in quo, licet prohibeatur Matrimonium Privigni cum Noverca, illud tamen, si in infidelitate contractum fuerit, non dissolvitur, quod dissolvi oporteret, si naturali jure primus gradus affinitatis lineæ rectæ secum haberet adnexum impedimentum dirimens Matrimonium; propterea vel si gesta Sacra evolamus, aut profana, in exempla horum Matrimoniorum offendimus, scilicet Adoniæ petentis sibi copulari Abisag Davidis Patris sui relictam: Seleucum dedisse secundam suam uxorem repudiatam Stratonicen Filio suo, referente Valerio Maximo *lib. 5. Cap. 7.* quæ gesta, ut juri naturali adversantia a nullo fuerunt notata.

Expressius in divinis litteris habetur, primum gradum affinitatis lineæ lateralis non dirimere Matrimonium. Jacob enim duxit duas sorores Lyam, & Rachelem; quinimmo *Cap. 25. Gen. I. Vers. 5.* jubetur Frater ducere uxorem Fratris defuncti sine liberis; ne ergo dicatur præcipi a jure divino positivo aliquid oppositum juri naturali, fateri oportet, ne quidem in primo gradu lateralis lineæ ex jure naturæ affinitatem dirimere Matrimonium.

Possent in confirmationem dictorum plura adduci exempla latarum dispensationum a summis Pontificibus supra hoc primo gradu laterali affinitatis, ut Alexandri sexti cum Rege Lusitanæ, Julii secundi cum Enrico VIII. Angliæ Rege, Clementis VIII. cum Casimiro Rege Poloniæ. Neque obest, scripturam reprobare Matrimonia in hoc gradu inita, ut

Levit. 20. & Amos 2. præsertim vero *prima Corinth. Cap. 5. ver. 1.* in-
 quiente Paulo : *Auditor inter vos fornicatio, qualis nec inter gentes ;*
ut uxorem Patris sui aliquis habeat, e quibus divinis litteris manife-
stum videtur, jure naturali irritari Matrimonia attentata in primo
vel lineæ rectæ, vel lateralis affinitatis. Neque inquam hæc obsunt,
primo quia Leviticum, & Amos detestantur hujusmodi Matrimonia,
non quia essent nulla jure naturæ, sed quia erant nulla jure divino po-
sitivo, ut ex eodem Levitico constat; deinde cum Paulus fornicatio-
nem insectetur, videtur potius supponere, Filios abuti uxore Patris sui
viventis, quam reprehendere eos, qui eam relictam ducerent, ut &
ipse Joannes Baptista Herodem arguit inquit : non licet tibi habere Fra-
tris tui viventis uxorem ; unde ex citatis scripturarum Textibus nihil
oppositum depromi potest statutz veritati, quæ est, in nullo gradu
affinitatem dirimere Matrimonium jure naturæ; superest igitur, ut, quæ
dirimat Matrimonia, affinitas, ea solo jure Ecclesiastico dirimat: ex quo
non a jure naturali, ut conspeximus, non a jure positivo divino, quod
cum fuerit mere cœremoniale, a lege Evangelica abrogatum est, & in
ea de affinitate nihil statutum legitur, non a civili jure, a cujus pote-
state avulsa est facultas constituendi impedimenta dirimentia Matrimo-
nium, ob ejusdem elevationem ad Sacramentum; proinde superest, ut
solo jure Ecclesiastico affinitas dirimat Matrimonium.

Jus autem Canonicum respiciens affinitatem, eamque comperiens oriri,
 tum ex copula licita, tum ex copula illicita, non ad eodẽ numero
 gradus voluit extendi affinitas dirimens Matrimonium producta a copu-
 la illicita, ad quos præcepit extendi ea producta a copula licita, nam
 proveniente a copula illicita voluit tantummodo dirimere Matrimo-
 nium usque ad secundum gradum inclusive; Provenientem vero a co-
 pula licita, seu conjugali, eam produxit dirimentem usque ad quartum
 gradum; hæc omnia liquent. *Ex Cap. 8. H. T.* Nempe ex Decreto Con-
 ciliĩ Lateranensis corrigentis antiquos Canones producentes affinitatem
 usque ad gradum septimum *Can. 2. 7. 13. Caus. 35. q. 3. & novissime*
confirmatum est Lateranense Decretum a Tridentino Sess. 24. Cap. 4. de
Reform. Matrimonii, indeque sublata est illorum opinio per idem Tri-
 dentinum citato Capite volentium, affinitatem in linea recta dirimere
 Matrimonium usque in infinitum, cum ab eo fiat potestas affinibus ex
 copula illicita, sive fornicaria, sive incestuosa, sive adulterina, aut si-
 mili alia etiam inducente affinitatem lineæ rectæ, non tantum valide,
 sed & licet Matrimonia contrahendi in tertio, vel in quarto gradu;
 Quod similiter declaravit S. Pius Quintus Motu proprio incip. *Ad Re-*
missum 1566. Cum ergo hæc jura genericè loquantur, nullamque inter-
 ponant exceptionem lineæ rectæ, & ipsam fuisse ad secundum gradum
 correptam, si oriatur a copula illicita, vel ad quartum, si ex licita, &

con-

conjugali, certum proorsus est, lineam rectam affinitatis in Matrimonio dirimendo non habere latiora confinia, quam superius statuta a Lateranensi, ac Tridentino Conciliis.

18. Universum tamen servandum est illud juris axioma statutum post abrogatas affinitates secundi, & tertii generis, quod est *Affinitas non parit affinitatem*, & in hac materia legendum eruditissimum *Capit. 39. lib. 7. de Synod. Dioces. Sancta Memoria Benedicti XIV.*

Carnali exposita cognatione progredi est opportunum ad cognationem spirituales, imitantes naturam prius manifestantem humanum corpus, deinde illius spiritum. Sicut ergo ex unitate carnis æquum fuit, ut prodirent impedimenta dirimentia Matrimonium, ita decens, honestumque videtur, ut ex unitate spiritus eadem impedimenta proveniant.

Sit. Sextum :

COGNATIO SPIRITUALIS.

19. **I**N nullo manifestius conspicitur unitas spiritus, quam in Sacramentorum Administratione, ac susceptione; in ea enim, qui ministrat, quasi generat suscipientem ad gratiam, suscipiensque ita unitur spiritu ministranti, ut ab eo vitam spiritualem, vel ejus augmentum, sin potestate, saltem ministerio consequi arbitretur; unde sicuti non est spectabilior unitas spiritus, præ ea, quæ in gratiæ communicatione elucet; hinc in obsequium hujus spiritualis unitatis decens fuit, ut impedimenta ponerentur, ne inter hos conjunctos Matrimonium consisteret: propterea Ecclesia decrevit, ut hæc spiritualis cognatio intercederet inter ministrantem, ac suscipientem Baptisma, quod est spiritualis generatio, atque inter ministrantem, Patrem, & Matrem Baptizati, & inter Baptizatum & eundem levantes a sacro Fonte, qui patrini dicuntur, iique cum Patre, & Matre suscepti ex sacro Fonte.
20. Cui spirituali generationi cum subsequatur nativitas, quæ per confirmationem exprimitur, ut ex *Caus. 30. q. 1. & 3. & Trid. sess. 24. Cap. 2. de reformatione Matrimonii*, similiter statuit Ecclesia, hanc spiritualem cognationem oriri ex Confirmatione, ut ministrans hac cognatus spiritualis confirmati, ac Patris, & Matris ejusdem confirmati, ut tenentes confirmatum, Patrini appellati, contrahant cum confirmato, & Patre, & Matre, ejusdem confirmati. Et quamvis ante Tridentinum ad plures alias personas se produceret hæc cognatio, uti *Cap. 1. H. T. in sex. Et Cap. 4. H. T. 3. & Can. 4. super quibus Caus. 30. q. 3.* tamen & a Lateranensi, & a Tridentino correpta est hæc cognatio ad solas superius enumeratas personas *Cap. 3. H. T. & Trid. sess. 24. Cap. 2. de reformatione Matrimonii*.

21. Hæc lineas, & gradus non habet, sed solummodo, ut diximus, contrahitur pri-

primo a Baptizante cum Batizato, & dicitur paternitas spiritualis; contrahitur similiter ab eodem Baptizante cum Patre, & Matre Baptizati, & appellatur compaternitas: deinde contrahitur a suscipientibus e sacro Fonte cum suscepto, quæ nuncupatur & ipsa paternitas, etsi non adeo perfecta, ut illa Baptizantis; proinde non patres spirituales infantis Baptizati, sed Patrini, quasi minores Patres dicuntur, qui & ii eandem cognationem contrahunt cum Patre, & Matre ejusdem suscepti, vocaturque compaternitas.

22. Quæ dicta sunt de Baptismate, dicantur de Confirmatione, quoad numerum personarum contrahentium cognationem spirituales, & quoad modum, quo eandem contrahunt, hoc uno servato, & pro certo habito, inter alias a recensitis personas cognationem spirituales non intercedere, ut definitur Tridentinum superius citatum; proinde his verbis contrahentes personæ numerantur.

Baptizans, Baptizatus, Baptizatique parentes

Levans, levatus, levatique parentes.

Confirmans, confirmatus, confirmatique parentes

Patrinus, confirmatus, confirmatique parentes.

23. Verum quia Baptisma vel privatè, vel solemniter ministrari potest, & non eadem sit Juris dispositio, de utroque Baptismate circa personas, vel Baptizantes, vel levantes quoad cognationem spirituales contrahendam, prærium est de quolibet dicere.

Potest enim vel necessitas, idest periculum imminens mortis infantis urgere, quod tempus illum deferendi ad Ecclesiam non concedat, sicque Domi cum Baptizare oporteat, quo eventu, si solus Pater infantis reperiat, illum Baptizabit, qui quamvis contrahat cognationem spirituales paternitatis cum Baptizato, & compaternitatis cum Matre ejus; etsi Mater infantis fuerit ipsa uxor, non tamen præcedens Matrimonium dirimetur, neque privabitur jure petendi *Can. 7. ad limina, Causa 30. q. 1. quia inquit inculpabile judicandum, quod necessitas intulit.* Si verò extra necessitatem, presentibus nempe aliis Baptizare valentibus Pater Baptizet proprium Filium, (seculum probabiliter, & iusta ignorantia facti, scilicet, infantem Baptizandum esse suum Filium, vel juris, idest adnexam esse poenam privationis juris petendi huic gesto,) in poenam privatur jure petendi. *Can. 1. & sequen. Caus. 30. q. 1. ubi jubetur separari quoad usum tori conjuges, si ambo rei sint, alioquin pars rea jubetur manere cum innocente, & eam non fraudare.*

24. Sunt tamen nonnulli arbitantes, ignorantiam sive Juris, sive facti; etsi justam, atque probabilem non liberare Patrem baptizantem propriam prolem extra necessitatem a privatione juris petendi debitum, ex quo dicant, eam non esse poenam, sed inhabilitatem inductam a contracta spirituali cognatione, at si res ita se haberet, idem foret dicendum de eo, qui

qui propriam prolem Baptizavit necessitate compulsus; quod cum dici nequeat ex cit. *Canone 7.* superest, ut huiusmodi privatio Juris petendi non sit inhabilitas, sed mera pœna; constetque pœnam non incurri ab ignorante; quæ tamen pœna videtur nostro *Ævo* tantum probabiliter vivere, ex quo *Can. cit.* videatur correctus a *Cap. 2. hujus tit.* in quo Pontifex ait de Baptizantibus, vel suscipientibus propriam prolem, quod *sive ex ignorantia, sive ex malitia id fecerint non sint ab invicem separandi, nec alter alteri debitum debet subtrahere:* per quæ verba cum, vel ambo rei supponantur, & tunc nullus pœnam incurrit, vel alteruter tantum, & tunc ne iste pœna puniatur, quam ambo, qui ex malitia fecerunt, merentur, & non puniuntur, patet, nullum hac pœna ligari; proinde apposite inquit *Maschat lib. 4. tit. 11. de Cognat. Spirit. n. 11.* interim cum sententia ista, nempe, quod non incurratur privatio Juris petendi, de qua supra, probabilis, & valde favorabilis sit, utilis erit pro praxi: licet dispensatio ad petendum debitum sit omnino tutior; quam in casu occulto plerique regulares dare possunt.

25. Si autem quis Baptizaverit propriam prolem, vel ex necessitate, vel alia causa, vel etiam sine causa, sibi nam ex illegitimo connubio, hic tum cum Baptizata prole, tum cum illius Matre contrahet cognationem spiritualem dirimentem quodcumque postea Matrimonium celebrandum *Can. 1. & sequent. Caus. 30. q. 1. Angelic. in quart. Dist. 42. q. 1. a. 1. in corpore.* Cum nulla urgeat necessitas, vel justa causa suspendendi effectum annullandi Matrimonia, qui ex Jure Canonico consequitur a cognatione spiritali, precipue in hac facti contingencia, in qua æquum est in pœnam delicti, quod non possit fornicator, aut adulter fornicariam, aut adulteram dicere.

Quia vero in Baptismo privato levantes non interveniunt, & si quis Baptizatum susceperit, aut tetigerit, vel quoquam modo physice tenuerit, hic non evadet Patrinus spiritalis illius suscepti, nullamque contrahet cognationem spiritualem, neque cum suscepto, neque cum Parentibus ejus; ex quo leges Canonice, a quibus unice pendet cognatio spiritalis, nihil statuerint de istis suscipientibus: & præter intentionem Ecclesiæ sit, quod quidam private Baptizentur, hoc solum ex necessitate indulgens, aut ex justa causa cognoscenda ab Episcopo.

26. Ji ergo tantum contrahunt cognationem spiritualem, qui ex sacro Fonte suscipiunt Baptizatum solemniter, idest in Ecclesia, & cum omnibus præscriptis solemnitatibus ex citat. *sess. Trident. & præcedentibus Canonibus jam adductis;* qui tamen, ut contrahant prædictam spiritualem cognationem, primo, debent a parentibus Baptizandi designari scilicet unus, vel ad summum unus, & una. *Citat. Trident. sess. 24. Cap. 2. de reform. Matrimonii.*

27. Secundo, si nemo a parentibus sit designatus, Parochus unum designabit.

bit. Tercio, si tandem omittatur designatio, pluresque tangant, seu levant Baptizatum, probabiliter omnes contrahunt cognitionem spiritua-lem, quod ita declarasse Sacram Congregationem Tridentini faretur Pro-sper Fagnanus; probabiliter etiam nullus contrahit; cum Tridentinum doceat, neminem præter designatos contrahere cognitionem spirituales; & profecto cum sit correctorium antiquorum Canonum, qui statue-bant, omnes tangentes contrahere hujusmodi cognitionem, eos in nul-lo correxisset, si non designati, vel a parentibus, vel a Parocho, & levantes Baptizatum de sacro Fonte contraherent prædictam cognatio-nem: nam cum iustum sit, quod parentes sciant, cum quibus contra-hunt spiritualement cognitionem, & simul consentiant, ne cum invisis, atque indecoris cognitione vinciantur, dicere oportet, Ecclesiam noluisse oriri hujusmodi cognitionem, nisi inter quos designaverunt, vel Pa-rentes, vel Parochus; cuius Parochi designationem approbasse videntur Parentes, & quasi eorum actorem constituisse, quoties ipsi non desti-na-verint quemquam ad hoc munus obeundum.

28. Requiritur tertio, ut levantes intentionem habeant saltem implicitam adimplendi munus Patrini; etenim si ea carerent, neque animum ha-bere possent contrahendi cognitionem; quæ intentio debet esse directa ad unum individuum tale: nam si levantes putarent suscipere infantem Titii, & esset infans Sempronii, nisi habuissent intentionem genericam levandi præsentem, nullam contraherent spiritualement cognitionem, cum honestum similiter sit, ut & ipsi sciant, & consentiant in eos, cum quibus contrahunt prædictam spiritualement cognitionem.
29. Requiritur quarto, ut levantes sint fideles, seu Baptizati, qui soli subiunt juri Ecclesiastico *Can. 302. de Consecr. Dist. 4.*, proinde infidelis non est capax cognitionis spiritualis, vel Baptizet, vel levet, quia non-dum spiritualiter natus; propterea nec Pater, seu Patrinus spiritualis esse potest. Quod si fidelis prolem de sacro Fonte susciperet alicujus infidelis, contraheret quidem cognitionem spiritualement cum Baptizato, sed non cum Patre ejus, & Matre infidelibus: unde licet postea ad fidem converterentur, non revivisceret inter hunc, atque illos ullæ spiritualis cognatio, quia quod ab initio non subsistit, tractu temporis non convalescit, ex *Regula 18. in sex.*
30. Quinto, per quosdam requiritur, ut tempore Baptismi Patrini phy-sice tangant Baptizatum; per quosdam, ut tangant tantum moraliter: quod hoc verius apparet, nam cum opinionum diversitas circa manda-tarium, seu procuratorem levantem mandato, & nomine alterius in-fantem a sacro Fonte, num sibi, vel mandanti contraheret cognatio-nem spiritualement, per iteratas Resolutiones Sacræ Congregationis Conci-lii Tridentini sublata sit, & statutum sit procuratorem, seu mandata-rium non sibi, sed mandanti contrahere hujusmodi spiritualement cognatio-

tionem, definitum ex eo conspicitur, *tañtum* physicum non requiri in levante Baptizatum e sacro Fonte.

Resolutiones porro Sacræ Congregationis Concilii Tridentini collectæ habentur in Theatina Matrimonii 13. Septembris 1711. Tom. 2. Fol. 76. & 77. sub hoc dubio. *Nicolaus de Vito* vii procurator Francisci Contogni suscepit in sacro Baptismali Fonte Antoniam de Benedicto, cum qua modo vellet matrimonium contrahere, obfuit Ordinario, propositum fuit hoc dubium:

An impedimentum cognationis spiritualis obflet Nicolao, quominus Matrimonium contrahere valeat cum Antonia de Benedicto in casu.

R. sponsum fuit

NEGATIVE. =

Deinde in eadem §. tres sunt habetur citata una nullus 15. Martii 1631. lib. 14. Decret. pag. 398. ubi sic legitur Sacra Congregatio &c. censuit procuratorem, qui nomine alterius suscepit, vel ad Confirmationem tenuit, non contrahere cognationem sibi, sed mandanti. Si itaque per procuratorem contrahi possit cognatio spiritualis, apparet omnimode certum ad eam contrahendam non requiri *tañtum* physicum; quemadmodum etiam apparet, non omnes phylice tangentes eandem contrahere, sed solos designatos.

31. Requiritur sexto, ut levantes e sacro Fonte contrahant cognationem spiritualement, quod infanti suscepto vere ministraret Baptisma; nam si tantummodo supplerentur cæremoniæ, ac solemnitates omiffæ in Baptismate privato prius collato, tunc fufcipientes nullam contrahent cognationem spiritualement, tum cum Baptizato, tum cum parentibus illius, ut constat in una Leopoliën. Matrimonii die 19. Septembris 1761. Tom. 25. Fol. 242. definiente: Matrimonium intum ab eo, qui fufcepit Sponsam e facris cæremoniis in ecclesia fuppletis ob privatam Baptisma prius Domi collatum Sponsæ puellæ, declaratur validum, per quam Resolutionem præcedentes Doñorum opiniones de medio tolluntur.

32. Quæ dicta sunt de cognatione spirituali ortum habente ex Baptismate, tum quoad ministrantem, tum quoad levantes, idem dicatur de Confirmatione, tum quoad confirmantem, tum quoad tenentes: hac tamen poſita limitatione, quod in Confirmatione unus tantum Patrinus admittatur, & quidem ejuſdem ſexus, quo eſt confirmandus: in Baptismate verò etiam duo admittantur, quorum unus ſit Maſculus, alter Fœmina; id colligitur ex cit. Can. 302. de Conſecr. Diſt. 4. & Trid. citat. ſeſſ. & Can. Num vero hic tenens debeat eſſe prius confirmatus, probabiliter cenſent debere eſſe confirmatum nonnulli, in eorum patrociniū adducentes Angelicum; alii cum Gloſſa in Can. 132. Diſt. 4. De conſecratione arbitrantur oppoſitum; Et quamvis citatus Canon hæc habeat, ſcilicet: In Baptismo, vel Chriſmate non poteſt alium ſuſcipere in Filium, qui non eſt ipſe

Baptizatus, vel Confirmatus; tamen quia non deprehenditur, an Canon loquatur, vel ex necessitate, vel ex decentia requiri, ut tenens ad Confirmationem sit confirmatus, & nihil de eo dispositum sit in Tridentino, attenta præsertim consuetudine non inquirendi, num sit confirmatus, vel non, qui admittitur ad munus Patrini in Confirmatione (quod minime negligetur ab Ecclesia, si ad validitatem requireretur, ut tenens ad Confirmationem esset confirmatus); propterea per hanc consuetudinem introductam censetur expositus Canon citatus de sola decentia, non de necessitate.

Quod confirmatur a pari; nam si Episcopus non fuerit confirmatus, valide confirmationem administrat, & cognitionem spiritualem Paternitatis contrahit, Ergo idem dici poterit de suscipiente, seu tenente in Confirmatione, licet non confirmato; cum perfectè, etsi non confirmatus, valeat obire munia, Patrini Confirmationis.

33. Probabilis ergo utraque sententia, sed probabilior ea videtur, quæ non requirit Patrinum Confirmatum ad hoc, ut contrahat cognitionem spiritualem, quousque viger consuetudo non explorandi ab Ecclesia, num sit confirmatus, quando admittitur ad hujusmodi munus obeundum. Quod, etsi Synodus Boncompagni de Confirm. jubeat, ut arceantur a munere Patrini in confirmatione non confirmati, idque confirmet *Not. 6. primi Tomi Ben. XIV.* dicens = *Chi non è Cresimato, non può esser Padrino di chi dee Cresimarsi*; = nihil obest, quin non confirmatus, si teneat, cognitionem spiritualem contrahat; nam exponi possunt, ut loquentes de decentia, non autem de necessitate; quam decentiam sub gravi præcipere potuerunt, & revera præceperunt. Non autem definiendi animum habuerunt, quod non confirmatus, si teneat &c. non contrahat cognitionem spiritualem: quem inquam animum habere non potuerunt, inonente eodem *Bened. XIV. de Synodo Diocesana Lib. 7. Cap. 27. num. 1.* quod non liceat Episcopis in suis Synodis, vel Constitutionibus quidquam inter Theologos controversum, & utrinque probabiliter definire; uti probabiles sunt expositæ sententiæ, sicuti fatetur *Lacroix lib. 6. part. 1. num. 400. §. 6.* inquit: *Quamvis multi probabiliter dicant, non contrahi cognitionem, si assistas non confirmatus, tamen oppositum etiam valde probabile est; si enim confirmans non confirmatus contrahat, cur non assistens? Nec obstat &c.*

Et hæc de cognitione spirituali, quæ, uti diximus, cum sit unio personarum in participatione Sacramentorum, non quidem omnium, sed illorum tantummodo, quæ generationi, ac nativitati carnali assimilantur, per ea nulla major propinquitas spiritualis quam hæc exprimi potest, cujus decentiam aspiciens Ecclesia aliam similem induxit cognitionem, quæ ex Matrimonio, quod & ipsum est Sacramentum, vel ex attinentibus ad ipsum, procederet; hancque appellavit justiciam publicæ honestatis.

Sit Septimum:

PUBLI-

P U B L I C A H O N E S T A S :

34. Sicuti ex unione personarum in participatione Sacramentorum voluit Ecclesia oriri cognationem spirituales; ita ex unione animorum, quæ manifestatur in Matrimonio contrahendo, vel in iis, quæ ad Matrimonium præparant contrahendum, decrevit honestatis iusticiam oriri, similiter Matrimonia posteriora dirimentem; quia iustum, ac honestum visum est, non debere Matrimonia consistere inter duos, quorum alter animo conjunctus fuit circa Matrimonium ineundum cum consanguineo ipsius, cum quo præsumit contrahere: ita postulante reverentia debita Sacramento Matrimonii, in cuius obsequium Ecclesia præcepit hanc publicam honestatem; propterea publica honestas dici potest appendix, ac velut consequens ex cognatione spirituali. Hæc constant ex *Can. 11. & sequens. Caus. 27. q. 2. & Cap. 3. 4. 8. H. T. Cap. unic. eodem in sex.*
35. Duplici ex Fonte statuit Ecclesia oriri publicam honestatem, primus est Sponsalia, quæ cum sint via, & preparatio ad Matrimonium ineundum, animorum conjunctionem involvunt, quia sunt promissio reciproca de futuro contrahendo Matrimonio; propterea hac posita conjunctione noluit Ecclesia consistere Matrimonium alterutrius spondentis, cum quolibet consanguineo, vel consanguinea alterius ex sponsis: & quidem perpetuo, itaut vel dissolvantur morte alterutrius, vel etiam mutuo consensu, aut qualibet alia causa, impedimentum durat *Can. 11. Caus. 27. q. 2. Cap. 8. H. T.* Quod confirmatum est a Declaratione Sacre Congregationis Concilii Tridentini approbata ab Alexandro VII. Quod in ea noratu dignum est, publicam honestatem non habere vim retroagendi, uti affinitas *Cap. Unic. H. T. in sex.* Nam si E. G. inerat Titius Sponsalia valida cum Seja, deinde Matrimonium ratum cum Francisca Sorore Seje, quamvis ex hoc Matrimonio nullo, publica oriatur honestas, adhuc tamen ea nequit intercedere inter Sejam, & Titium, ex quo hæc secunda honestas nequit infringere primam: proinde si poenitens facti Titius ducat Sejam, cum qua primitus inivit Sponsalia, Matrimonium valebit, nisi cum secunda fornicatus esset; quia tunc orta esset affinitas, quæ, licet subsequens Sponsalibus, adhuc ea valeret infringere, ut ex adductis *Can. de Affinitate.*
36. Ex antiquis Canonibus sponsalia quæcumque, vel conditionata, vel absoluta, vel etiam nulla, dummodo non ex defectu consensus, inducebant hanc publicam honestatem, quæ se extendebat usque ad quartum gradum. Nunc autem non eam produciunt, nisi ad primum gradum, & quando Sponsalia sint absoluta, & sint valida: nam quacumque ratione invalida, publicam honestatem non pariant; hoc totum definitum habetur

- ex Tridentino *Sess. 24. Cap. 4. de Reform. Matrimonii*, moderante circa hoc quoscumque Canones præcedentes. Et confirmatur ex constitutione S. Pii V. incipiente *ad Romanum* prima Julii 1568. iniquitatis: „ Motu proprio, & auctoritate Apostolica declaramus, & definimus decretum Concilii hujusmodi omnino intelligendum esse, & procedere in „ Sponsalibus de futuro dumtaxat, non autem in Matrimonio sic (ut præfertur) contracto: sed in eo durare adhuc impedimentum in omnibus illis casibus, & gradibus, quibus de jure veteri ante prædictum decretum Concilii introductum erat. „ A qua Constitutione habemus primo, quod Sponsalia non excedant primum gradum in producendo impedimento dirimente. Secundo, quod nomine Sponsaliorum intelligi nequeat Matrimonium Ratum, seu Sponsalia de præsentis; & deinde quoad producendam publicam honestatem relictum sit Matrimonium sub dispositione antiquorum Canonum disponendum de ipso, sicut disponebant de Sponsalibus; nempe, quod producat publicam honestatem se extendentem usque ad quartum gradum, vel Ratum sit Matrimonium, vel etiam nullum quacumque causa, dummodo nullum non fuerit ex defectu consensus: ut in iisdem ita erat dispositum de Sponsalibus.
37. Et en alter sons, nempe Matrimonium, a quo derivare publicam honestatem præcepit Ecclesia, ut ex citatis *Canonibus 11. & sequen. Caus. 27. &c. & Cap. ult. H. T. in sexto*, non correctis, sed in eorum robore relictis a Tridentino, ut docuit citatus Pius V. in laudato *Motu proprio Ad Romanum*.
38. Certum itaque ex dictis haberi debet, Matrimonium, etsi tantummodo Ratum producere publicam honestatem dirimentem Matrimonium usque ad quartum gradum. Quod idem præstat quodcumque aliud Matrimonium, etiam nullum quavis causa, dummodo non sit nullum ex defectu consensus: quamvis hujusmodi nullum Matrimonium non habeat secum adnexam copulam carnalem; nam tunc præter publicam honestatem produceret affinitatem, non quatenus Matrimonium est, sed quatenus in eo esset carnalis unio per copulam. Cæterum constat ex sola conjunctione animorum respiciente Sacramentum Matrimonii, vel attinentia ad illud, ab Ecclesia fuisse spectatam in statuenda publica honestate subsequente Matrimonia dirimente, cum ab ea sola unione produci voluerit publicam honestatem.
- Ob hanc animorum conjunctionem, quæ tanti habita fuit ab Ecclesia, factum est, ut ipsa civilem legem adoptaverit statuentem cognationem legalem inter quasdam personas sibi invicem approximantes per adoptionem, seu perfectam arrogationem, de qua nunc.

Sic Octavum:

COGNA-

COGNATIO LEGALIS.

39. **C**um jus civile *Instit. de Adoptione Iege penult. Cod. Eodem* indulgeret cuilibet non habenti Filios legitimos, ac naturales aliorum Filios in suos evocandi, arrogandi, aut adoptandi, ut ex lege haberent, quod illis negavit natura; & tristitiam ob carentiam Filiorum naturalium beneficio legis excuterent adoptione exterorum; ne, quod indulgeret animo exhilarandi, beneque faciendi subditis, in illorum damnum, ac perniciem verteretur ob pericula domesticæ habitationis, adjecit cognationem legalem, qua inter personas adoptione conjunctas reverentia induceretur, ne alter cum altero jungi posset per Matrimonium.

Quod & ipsum prospiciens Ecclesia, ac præcavere cupiens quæcumque pericula fornicationum, neque justum reputans abrogandi civiles leges adoptionem concedentes, in suos Canones leges ipsas civiles adoptavit; voluitque, ut jure suo proprio Ecclesiastico cognatio legalis dirimeret Matrimonium, & quidem secundum quod dirimebat ex civilibus legibus *Can. penult. Caus. 30. q. 3. & Cap. unic. H. T.*

40. Cognatio ergo legalis est propinquitas per onarum orta ex perfecta adoptione, & quidem dirimens Matrimonium ex Ecclesiastico Jure.

Verum, quia adoptio ex civili Jure duplex erat, una perfecta; atque solemnis, quæ dicebatur etiam arrogatio, & alia imperfecta, & simplicis adoptionis nomine vocabatur, a prima cognatio legalis producebatur, neutiquam a secunda, ut ex citatis legibus civilibus deprehendi potest; ita Ecclesia soli primæ deferens statuit dirimere Matrimonium cognationem illam legalem, quæ ex hac prima adoptione ortum haberet.

41. Ut autem, quæ, & qualis sit hujusmodi prima adoptio, innotescat, discrimen indicabimus inter primam, & secundam adoptionem.

Ommissis solemnitatibus, quibus perfecta adoptio peragebatur, ea effiebat, ut adoptans, pater legalis evaderet adoptati, vel adoptatæ, patriamque potestatem consequeretur supra adoptatum, vel adoptatam; quod adoptatus, vel adoptata in Domum adoptantis traduceretur, illique ut reliqui Filii, si essent, subiceretur, velut communi Patri.

Hæc in secunda, seu imperfecta adoptione non erant; propterea adoptatus non evadebat Filius legalis adoptantis, neque adoptans Pater illius, ad Domum adoptantis nec pertinebat, nec adducebatur, quemadmodum ex §. 2. *Instit. de Adoptione* manifestum est; proinde cum non vigerent causæ inducendi legalem cognationem, jus civile abstinuit ab ea inducenda in hac secunda imperfecta adoptione: hinc liquet cognationem legalem reperti oportere a patria potestate, quæ in sola prima, & perfecta adoptione conspicitur, non vero in secunda.

42. Sed quia in hac personarum propinquitate genita a perfecta adoptione plures sunt lineæ, de singulis dicemus.

Prima est linea descendens, & constituitur ab adoptante, adoptato, & Filiis, ac Nepotibus adoptati existentibus sub patria ejus potestate.

Hæc porro linea non habet ascendentes; nam majores adoptantis, nempe Pater, Avus &c. adoptantis non sunt sub ejusdem Patria potestate.

In hac autem linea, quæ recta dicitur, & mere descendentalis, impedimentum dirimens Matrimonium per aliquos in infinitum produciunt, per quosdam ad quartum gradum corripitur. Hic tamen recolantur dicta de linea recta consanguinitatis, quæ huic appositè conveniunt. Unde mortuo adoptato nequit adoptans in uxorem ducere Filiam, Neptem, Pronepsem, & Abnepsem prædefuncti adoptati. *Leg. 14. §. 55. de Ritu Nuptiarum.*

43. Secunda linea est lateralis, hæcque constituitur ex una parte ab adoptato, & Filiis ejus existentibus sub Patria potestate ejusdem adoptati; Ex altera parte a Filiis naturalibus atque legitimis Nepotibus, ac Pronepotibus &c. adoptantis existentibus tempore adoptionis sub Patria potestate ejusdem adoptantis. Impedimentum in hac linea dirimens Matrimonium se producit usque ad quartum gradum inclusive: ex quo cognatio legalis in linea laterali imitetur lineam lateralem consanguinitatis, cum hac tamen limitatione, quod hujusmodi impedimentum vigeat solo eo tempore, quo istæ duæ lineæ, sive personæ harum linearum sub Patria potestate, vel adoptantis, vel adoptati morentur; nam mortuo adoptato omnes Filii ejus a Patria potestate soluti sunt, & similiter liberi adoptantis per ejusdem adoptantis mortem solvuntur a Patria potestate; proinde statim poterit adoptatus, mortuo adoptante, ducere in uxorem Filiam, Neptem &c. adoptantis & ita mortuo adoptato, adoptantis Filius ducere Filiam, Neptem &c. adoptati, similiter Filius adoptati ducere poterit Filiam adoptantis, vel unam ex reliquis descendens ab eodem adoptante, & contra.

Quia vero non per solam mortem solvi potest Patria potestas, a qua una radice descendit cognatio legalis, sed etiam per emancipationem, de qua civiles leges; hinc admisit etiam Ecclesia per emancipationem tolli impedimentum ex cognatione legali productum, atque ita illud non fecit esse perpetuum, sed temporaneum, pro tempore nempe, quo durat patria potestas; unde sub Patria potestate constitutum Filius naturalis, atque legitimus adoptati, tum Filius naturalis, atque legitimus adoptantis volentes inter se ipsos Matrimonium contrahere, possunt ab eorum Parentibus vel saltem ab adoptante obtinere emancipationem, qua habita, cessat quodcumque impedimentum inter eos productum a cognatione legali.

44. Dixi inter Filios legitimos, atque naturales utriusque, adoptantis nem-

nempe, atque adoptati intercedere cognationem legalem, non vero inter Filios legitimos, ac naturales unius, ac illegitimos, seu merè naturales alterius; quia, cum Filii illegitimi non subsint Patriæ potestati, ipsi incapaces sunt cognationis legalis; propterea ducere possunt, si sint illegitimi adoptantis, Filiam adoptatam, vel Filiam Filii, Neptem &c. idque e converso, si sint illegitimi, illius adoptati.

43. Quemadmodum etiam si Masculum, & Feminam adoptasset aliquis, ut ambo essent adoptivi, ii possent inter se ipsos Matrimonium contrahere, sicut & eorum Filii respectivi, in eventum, quo adoptati fuissent jam conjugati; quia cognatio legalis non intercedit, nisi inter adoptatum, Filios naturales, ac legitimos adoptati cum adoptante ejusque adoptantis Filiis legitimis, atque naturalibus §. 10. de *Adoptionibus*.

46. Cum adoptio activa non nisi Masculis concessa sit, quia si soli capaces habendi Patriam potestatem supra Filios, de adoptione activa Mulierum, cum hæc nonnisi imperfecta esse possit, de qua diximus, non præstat eam recensere; sed ad aliam speciem legalis cognationis exponendam procedemus, estque affinitas legalis, quæ ita se habet ad cognationem legalem, sicuti se habet affinitas carnalis ad consanguinitatem, habens & hæc lineas suas; at in sola linea recta impedimentum dirimens Matrimonium producitur, non vero in lateralibus, quæ & ab ipso jure civili non attenduntur *leg. 14. §. 1. D. de ritu Nuptiarum*, quod impedimentum perpetuo durat, nempe post mortem vel adoptantis, vel adoptati, quia ut inquit Maschat, non decet, ut quis uxorem habeat, quæ sibi aliquando fuit nurus, aut socrus.

Poterit tamen superstes, vel adoptans, vel adoptatus, Matrem, Aviam, vel Sororem adoptantis, vel adoptati, sicut Filiam illegitimam, vel Filiam Filie adoptivæ, vel illegitimam adoptantis, sive adoptati in Matrimonium sibi conjungere, ut ex universis dictis habeatur. Et hæc de cognatione legali. Sed sequentes statutum ordinem, de impedimento criminis in præsentiarum agemus.

Sit Nonum:

§. VII.

Crimen.

2. **P**ætiioso, & sancto vincolo Matrimoniali insidias sæpe molitur carnis concupiscentia ad illicitos concubitus provocans conjugatos, quam heuinimis sequentes pertæsi suorum conjugum, alienos, vel alienæ cupiunt habere uxores; atque ex ea procedunt ad propriorum conjugum necem procurandam: quod summopere abhorrens Ecclesia sanxit contra hos delinquentes impedimentum dirimens Matrimonium, illudque certis eorum criminibus adnexuit, quæ crimina quatuor numerantur.

Præ-

Primum est uxoricidium, vel viricidium utroque conspirante.

Secundum, uxoricidium, vel viricidium cum adulterio.

Tertium, adulterium cum promissione futuri Matrimonii.

Quartum, attentatio novi Matrimonii vivente primo conjuge.

Duo prima crimina habentur ex *Cap. 1. de Convers. Infidelium* 4. & *Can. 5.*

Si quis. Caus. 31. q. 1. Reliqua duo ex *Cap. 5. H. T. & Cap. 6. 7. & Fin.*

H. T. per singula progrediemur.

2. Et primo, ut uxoricidium, vel viricidium utroque conspirante inducat impedimentum dirimens requiritur, ut Maritus, vel Uxor volens occidere suam, vel suum conjugem, ad effectum nubendi alteri, ille alter cooperetur physice, vel moraliter in procuranda morte illius conjugis, vel saltem id sciat, & consentiat, & quidem antecessenter ad uxoricidium, vel viricidium perpetracionem, & cum animo id præstent invicem contrahendi Matrimonium post mortem conjugis; quæ sola mortis machinatio non sufficit, nisi inde sequatur mors, quæ postea secuta, statim exurgit impedimentum dirimens, ita disponente *Cap. 1. de Convers. Infidel.*; quapropter sola rathibitio alterius de conjugicidio, licet nomine suo gesto, non sufficit; ex quo in hoc crimine non id exprimitur, sicuti exprimitur in *Cap. 23. de Sententia excommunicationis in sexto.* Decernente, eum excommunicatum, qui ratam habet occisionem Clerici suo nomine factam; proinde quia lex de hoc crimine odiosa est, libertatem cohibens nubendi, stricte interpretanda est, ut ad solos expressos casus in ea extendatur.
 3. Secundo, ut uxoricidium, vel viricidium cum adulterio producat impedimentum, debet adulterium præcedere eadem innocentis conjugis; nam post eadem, non esset amplius adulterium, sed fornicatio; similiter nonnisi post mortem conjugis innocentis oritur impedimentum, quæ mors sit a conjuge adultero machinata animo ineundi Matrimonium cum complice, non vero liberius exercendi libidinem; & adulterium antecessenter commissum sit formale ex utraque parte, id est, ut partes sciant alterutram esse conjugatam; non quidem requiritur, ut de animo occidendi propriam Uxorem, vel virum, conscia, minusque consentiens sit altera pars adulterans. Hæc innotebant ex *Can. 5. Si quis. Caus. 31. q. 1. Cap. 6. qui Filii legitimi, & Cap. 1. 3. 6. H. T.*
- Hæc duo impedimenta posita sunt ab Ecclesia ad cavendum homicidium. Viri, vel Uxoris innocentis; reliqua duo nunc dicenda, posita sunt ad cavendum adulterium; propterea.
4. Tertio, ut adulterium cum promissione futuri Matrimonii inducat impedimentum dirimens, requiritur, ut sit formale, simul & materiale ex utraque parte, ut diximus de uxoricidio, vel viricidio cum adulterio; quod adulterium paratum sit eodem constante Matrimonio, quo promissio futuri Matrimonii post mortem conjugis datur adultero, vel adulteræ,

teræ, vel personæ, cum qua postea adulterium committitur; proinde non attenditur, an adulterium præcedat, vel subsequatur promissioni, aut contra; dummodo sub eodem Matrimonio constiterit promissio, & adulterium. Quod promissio sit vera, & non ficta. Quod si hæc præcesserit adulterium, non fuerit retractata, aut remissa ante adulterium. Quod tandem nedum sit acceptata promissio, sed etiam sit reciproca; etenim tacens in hac materia, quæ odiosa est, consentire non videtur; & licet sit probabile, non requiri repromissionem, quia tamen in Jure promissio non sumitur nisi ea, quæ sit utrinque obligatoria *Cap. 22. de Sponsalibus Cap. 1. de Sponsa duorum Cap. 5. Qui Clerici &c.* non habetur pro vera promissione, quæ repromissionem non obtinuit; præsertim in hac materia, in qua crimen produciens impedimentum debet esse materiale, & formale ex utraque parte; nam in mere acceptante non esset ilud crimen, quod est in promittente, quia licet alterius fidem acceptaret, suam tamen promittenti non daret; unde si paria debeant esse crimina, debet promissio esse æqualis in utrisque idcirco, habere promissario repromissionem, ut sit promissio contemplata a citatis Juribus.

De ficta promissione non præstat dicere, aut remissa ante adulterium; quoniam istæ a Jure non reputantur promissiones; tum quia verba non plus præstant, quam intentio promittentis, & in ficta promissione desit animus in promittente; tum quia promissio relaxata, quia res per quas causas nascitur, integro præsertim negotio, per easdem dissolvitur, non amplius durat; hinc nullum potest effectum producere.

7. Quarto, ut attentatio novi Matrimonii vivente primo conjuge, sit crimen impediens, ac dirimens Matrimonium, per Canonistas omnes, vel saltem per Maichat, & Pichlerium *lib. 4. c. 7. De eo, qui duxit quam polluit per adulterium* = requiritur, ut conjugatus ineat Matrimonium cum aliqua persona suo vivente conjuge, & cum ea adulterium committat; quod vel præcedat, vel subsequatur ipsam Matrimonii celebrationem, non refert: satis est, ut hæc duo eveniant sub vita unius conjugis, prout in adulterio cum promissione &c. ut supra. Per Moralistas sola attentatio Matrimonii vivente primo conjuge, dummodo uterque sciat alterutrum esse ligatum prædicto conjugio, sufficit ad incurrendum impedimentum dirimens. Res marituri discutienda, quod nunc probabilius apparet est, ex citatis Canonibus requiri quoque adulterium ad hoc, ut attentatio Matrimonii inducat impedimentum; nam ideo inductum est, ad nempe cavenda adulteria; unde non subsistente causa, neque videtur subsistere effectus. Hanc amplectuntur sententiam Lacroix, & Sporer de impedimentis Matrimonii, nempe de Crimine.

8. Sed universum de Crimine notare liceat primo, solos Fideles hoc impe-

dimento ligari; quod si infidelis crimen huiusmodi admiserit in infidelitate cum aliquo Fidei, veniens ad Fidem, non poterit complicem habere in conjugem; quia tunc ambo sunt fideles, & verificatur eodem crimen tale admisisse, per quod dirimitur Matrimonium saltem respective ad eum, qui erat fidelis tempore perpetrati delicti; Quod si ambo fuissent infideles tempore admissi delicti, quia neuter eorum subditus erat Ecclesiæ, non fuit delictum subiectum Ecclesiæ dispositioni, & cui illa potuisset adicere impedimentum.

7. Secundo incurri huiusmodi impedimentum ab ignorantibus illud, quia nedium est poena, sed etiam inhabilitas ex *Canonib. Causa 31. Q. 1. & H. T. dummodo delictum in complicibus fuerit materiale, & formale, quamvis Pichler cit. lib. & tit. n. 6. probabile censeat impedimentum criminis non incurri ab illis, qui ignorant illud suo delicto esse adnexum a iure: adducens copiam Doctorum, hanc sententiam strenue defendentium, scilicet hoc impedimentum esse meram poenam, vel principalius poenam, deinde inhabilitatem; propterea cessante principali, inquit ipse, cessat & accessorium; hinc cum poena ab ignorante non incurratur, neque incurri hoc impedimentum ab ignorantibus, adnexum esse eorum criminis; tamen, uti hanc opinionem reputemus commodiorem, tamen veram non censemus; cum e converso res se habeat, nempe hoc impedimentum sit principalius inhabilitas ad contrahendum Matrimonium, deinde minus principaliter sit poena, pari modo, quo affinitas in gradibus prohibitis ex illicita copula, quæ principaliter est inhabilitas, vel hanc producit, deinde est poena; quapropter non repugnat, ut subsistat inhabilitas, non subsistente poena: idque in pluribus irregularitatibus ex delicto conspicitur, quæ licet sint poenæ, cum sine etiam inhabilitas ad ministrandos Ordines, incurruntur ab ignorantibus; ex quo non deceat, ut ministrent post ea delicta perpetrata; quemadmodum non deceat, ut post alterutrum ex criminibus expostis quis habeat in uxorem suam illam, quæ fuit complex.*

Hanc sententiam tuetur Masciat *cit. lib. 1. &c. n. 7.* addens „ Quia vero opposita sententia satis est probabilis, servire potest Confessario pro illo casu, quo impedimentum est occultum, & adulteria, vel homicidia in futurum non pendunt. „

De impedimento criminis, qui plura desiderat, Theologos adeat Morales, nos interim.

Sit Decimum:

§. VIII.

Cultus disparitas.

1. **C**Um ex Matrimonio individua vitæ consuetudo inter conjuges deriveret, hæcque involvat communicationem officiorum, inter quæ primum est religio, seu cultus alicujus Numinis; si diversum Numen colant, maritalis societas ægre servatur; idque deprehenditur etiam solo naturali lumine inspecto; quod clarius lucret ex positivo divino Jure *Vent. Cap. 7. & secunda ad Corinth. Cap. 6.* Prohibente connubia Fidelium cum Infidelibus: quod divinum jus prospiciens Ecclesia statuit, cultus disparitatem, nedum efficere illicita, sed etiam invalida Matrimonia; & hoc per traditionem sancte semper in eadem Ecclesia custoditam, potius quam per Decretum aliquod, aut Canonem; hinc Jure Ecclesiastico tradito cultus disparitas dirimit Matrimonium.

2. Cultus autem disparitas non hic sumitur pro accidentali disparitate; sed pro substantiali, nempe prout unus est Baptizatus, alter non; vel postea sit Judeus, Gentilis, vel Turca, non quaeritur; propterea Sacra Tridentini Concilii Congregatio definivit in Neapolitana Matrimonii die 1. Septembris 1714. *Tom. 9. Tertia partis Fol. 93.* Quod Matrimonium iniuri nequit a muliere carente attestatione Baptismatis, nisi Baptizetur sub conditione.

Quod si Infidelis veniens ad Fidem Baptizetur, velique contrahere Matrimonium, num conjugem reliquerit in infidelitate, querendum est; qui relictus interpellari debet antequam decernatur per Baptisma solum Matrimonium in infidelitate contractum, ita decrevit *Sacra Tridentini Congregatio 17. Januarii 1722. in Florentina Tom. 2. Fol. 116. proposito hoc dubio: Anna Medicea Baptisma recepit una cum quatuor Filiis, quæ jam in Judaismo contraxerat Matrimonium cum Abramo Barza Hebreo, a quo tamen juxta ritum Hebreorum jamdiu libellum habuerat repudii; hicque cum in longinquas abierit regiones, sub dubio etiam nec ne vivat adhuc; ipsa vero promptam habeat occasionem nubendi cum fidei, & periculum sit in mora. Dubitatur primo an de Jure necessaria sit interpellatio in casu &c. & quatenus affirmative; secundo an stantibus circumstantiis indulgenda sit dispensatio ab interpellatione in casu &c.*

Resp. ad utrumque

AFFIRMATIVE.

Responsionis ratio petita est ab Apostolo *Cap. 7. ad Corinth.* Nam cæteris ego dico &c.

Neque quidquam confert pro solutione Matrimonii libellus repudii acceptus, & datus in Judaismo, cum hic fuerit a Christo Domino etiam Judeis sublatus, & Matrimonium Judæorum remissum in statu naturæ, in quo est indissolubile, ut ex citata *Resol. §. laud urgente.* K 3.

3. Diximus, impedimentum disparis cultus versari tantummodo inter Baptizatum, & non Baptizatum, non vero inter ambos Baptizatos, licet alter eorum evaserit, vel Apostata a Religione, vel Hæreticus; inter quos licet, ordinariè loquendo, Matrimonium sit illicitum, & quidem. graviter *Can. 15. & sequens. Causa 28. q. 1. & Cap. 11. de Hæreticis in sexto*, tamen quia utrique Baptizati sunt, proinde subditi Ecclesiæ, validum inter se ipsos inire possunt Matrimonium.

Necesse tamen est, si Catholicus cum Hæretica, vel contra velit Matrimonium inire, ut facultatem obtineat, quæ ut monet Maschar *lib. 4. t. 1. de Spon. &c. n. 76.* „Semper tamen expetenda est, non ab Episcopis, sed „a Sede Apostolica, ut decisum fuisse testatur a Congregatione Sancti „Officii Cardinalis Albitius *de Inconstantiæ in Fide Cap. 36. n. 164. &c.* „Cæteroquin dicta facultas concedi nunquam solet a Sede Apostolica, sine „adjectis quibusdam conditionibus, & opportunis cautelis, relatis a Benedicto XIV. in Epist. ad Prælatum Regni Poloniæ. *Magna nobis 8. Junii 1748.* ut in ejus Bullario Romæ impresso *Tom. 2. p. 414. & seq. ac lib. 9. de Synodo Diocæs. Cap. 3.* „

4. Sicuti ergo conjugalis societas non bene congruit cum disparitate cultus, & ex ea, vel propter eam dirimens Matrimonium interpoluit Ecclesiæ; ita quia vis, & metus adigentes contrahere Matrimonium, vel quia contrahentium consensum non obtinent, vel eum habeant, societatem conjugalem faustam, ac lætam non ominentur, sed tristem, atque rixosam congruere; visum non est Ecclesiæ sub naturali jure dimittere Matrimonia vi, & metu contracta; quin opportunum censuerit, statuere aliqua Matrimonia esse nulla, quæ cæteroquin valida essent jure naturæ, si contrahantur cum quadam specie metus; hinc de impedimento vis, & metus necessaria scitu exponemus.

Sit Undecimum:

§. I X.

Vis, & metus Matrimonium dirimentes.

1. **V**Is itaque, cum sit coactio omnimoda, & corporalis de præsentī illata reluctanti, qua cogitur aliquis ad ponendum signum univocum consensus conjugalī, uti esset porrectio manus, patet, quod ipsa non habet secum interiorem consensum illius, qui cogitur, hæcque quia est absoluta, omnimode dirimit Matrimonium, vel rectius, hæc efficit, ut nequeat Matrimonium pertingere ad suam validitatem; idque jure naturali, cum ex eodem jure nulli sint contractus omnes, in quibus deficit interior contrahentium consensus.

Cum autem vis non semper habeat omnimodam coactionem de præsentī illatam, sed meram quandoque mentis trepidationem involvat, quæ tunc

tunc dicitur vis conditionalis, seu metus: hicque natura sua non tollat verum, validumque consensum in rem, ex metu factam, & in plures species scindatur; in quibus omnibus, nisi jure naturæ valeret Matrimonium, sicuti valent quilibet alii contractus, ut definitum habetur in *Augustana nullitatis Matrimonii* 20. Januarii 1759. Tom. 23. *Ref. Sac. Congreg.* fol. 4. per hæc: scilicet, *Matrimonium initum vi, & metu, non declaratur nullum, ex defectu consensus.* Non tamen hæc vis conditionalis, quæcumque illa sit, habet adnexum ex Jure Ecclesiastico impedimentum dirimens Matrimonii, sed tantum in quibusdam suis speciebus.

2. Opportunum hic esset recolere dicta in Actibus humanis de metu, quoniam metus, ac vis conditionalis in jure sunt synonyma *l. prima ff. de eo, quod metus causa &c.* propterea in sermone procedentes metus vocabulo utemur, morem gerentes Expositoribus sive Theologis, sive Canonistis.

Supposita inquam notione specierum metus, dicimus, metum gravem injustum a causa libera incussum ad extorquendum consensum in Matrimonium, ita illud vitare ut dirimat; quod statutum habetur *Cap. 14. 15. 28. H. T.* quo firmato jure voluit Ecclesia plenam libertatem, atque spontaneitatem asserere Matrimonio: prospiciens arduitati vitæ conjugalis, ac significationi conjunctionis voluntariæ Christi cum Ecclesia, ac providere tristibus, atque infelicibus eventibus, qui ex metuculosis Matrimoniis sequuntur.

3. Quis, & qualis sit metus gravis, vel ab intrinseco, aut ab extrinseco; qui justè incussus, qui injustè, innotescit ex actibus humanis; unde solus metus gravis, seu justus, non incussus a causa necessaria, seu ab intrinseco, sed a causa libera, seu ab extrinseco, quæ, vel potestatem non habeat metum incutiendi, vel justam rationem, seu causam non habeat eundem metum incutiendi, ille est, cui a jure Ecclesiastico adnexum est impedimentum dirimens Matrimonii; vel hic metus incussus sit ad extorquendum consensum in unam determinatam personam, vel in unam indeterminatam ex pluribus determinatis; cum per hujusmodi metum tollatur plena libertas volita in contrahentibus Matrimonium, tum a citatis Canonibus, tum a Tridentino. Et confirmatum a Congregatione Trid. Concil. in *Tridentina nullitatis Matrimonii* 14. Maii 1746. & in *Baron. nullitatis Matrimonii* 16. Martii 1754. Tom. 18. Fol. 25. 42. inquit, *Matrimonium est nullum, si initum, sit a carcere per vim & metum illatum a Curia Baronali* = quia illa potestatem non habet incutiendi metum ad effectum, ut quis contrahat Matrimonium, & si fortasse habere posset justam causam.

4. Verum si metus fuerit quidem gravis injustè incussus a causa libera, sed non directè incussus ad extorquendum consensum in Matrimonium, seu alio fine, quam ad extorquendum Matrimonium, & comminatum

malum per metum vitari nequeat moraliter a metum passio, probabilius condebant plures Theologi, ac Canonistæ, ex hoc metu procedere impedimentum dirimens, contra nonnullos alios oppositum arbitantes. At questio soluta per Resolutionem Sacræ Congreg. Trid. in *Tridentina nullitatis Matrimonii* superius citata Tom. 12. p. secunda, iniquentem; Matrimonium initum ab eo, cui falso opponebatur stuprum a Sponsa, & carcere squalido detinebatur, licet non exerceatur ejus consensus, sed ipse potius obtulerit ad evadendum carcerem, nullum declaratur. Fol. 154. & 17.

- In qua Resolutione patet, illatum metum seu malum squalidi carceris non fuisse directè infligum ad extorquendum consensum; quia nunquam a Curia fuit requisitus, sed merè oblatum a metum passio; & tamen subsequens inde Matrimonium fuit declaratum nullum; propterea nunc questioni locus non ceditur: an recensitus metus invalidet necnè Matrimonia, sed certo constat invalidare.
7. Momenta, quæ moverunt Sacram Congregationem ita definiendi, ea fuerunt, quæ referebantur a patronis primæ sententiæ; quorum præcipuum erat libertas plena, & securitas servanda in Matrimonio contrahendo; quam ad illius valorem postulant tam citata *Capita H. T.* quam Tridentinum; quæ libertas integra non superest, atque inoffensa ab hujusmodi metu, licet incusso, alio fine, quam ad extorquendum consensum; dummodo moraliter alia via comminatum malum per dictum metum vitari non possit.
8. Quamvis ex recensitis metibus prodeat impedimentum dirimens, tamen non est perpetuum, sed tamdiu durat, quousque purgetur metus, vel per spontaneam cohabitationem metum passi cum incutiente metum in formam Matrimonii, quæ adeo longa esse debet, ut firmum prebeat argumentum liberi posterioris consensus præstiti a metu passio, vel saltem a iudice stabienda; tum per voluntariam copulam nullo metu, aut errore præstitam, quæ & ipsa similiter est argumentum liberi consensus metum passi, quoties non præsumatur ex qualitate personæ, voluisse metum passum admittere fornicationem; vel tandem ex errore invincibili de nullitate Matrimonii procedere. Uno verbo res tota absolvitur: videlicet impedimentum dirimens productum a metu, non tollitur, nisi per liberum, ac spontaneum consensum postea dandum (vel privatim, si occultus fuerit metus, vel publice, idest iterum coram Parocho, & Testibus, si fuerit publicus tempore celebrati Matrimonii Tom. 3. Ref. S. C. Fol. 191. in *Reatina* 13. Julii 1725.) a metum passio illi, cum quo per vim, & metum contraxit Matrimonium, ita ex *Cap. 21. H. T. & Arg. Cap. 30. H. T.* unde hoc mente servato, non refert de hujusmodi impedimento plura dicere; satius est, ad reliqua progredi, quorum
- Sit Duodecimum:

S. X.

§. X.

Ordo.

1. **A**ntequam castitatis Votum sacris Ordinibus effect adnexum (quod inde factum est septimo labente seculo) Apostolica, vel saltem Ecclesiastica traditione servabatur, sin in omnibus Ecclesiis, saltem in plerisque, præsertim in Romana, cœlibatus ac continentia a Sacerdotibus, ac Diaconis: num vero etiam a Subdiaconis, dubia res est, ut post susceptos Ordines, si Matrimonium inire tentassent, illud irritum decerneretur; atque Ecclesiastica sententia a subintroductis uxoribus separarentur. Quorum *Tomas 4. Fol. 26.* Christiani Lupi, fidem præstat. Verum quia nunc tres Ordines, nempe Subdiaconatus, Diaconatus, ac Præbyteratus inseparabiliter nexum habent Castitatis Votum, locus non patet disserendi speciatim de impedimento Ordinis; cum satis de Voto superius dictum sit.

2. Quæ tamen de eo notatu digna sunt: Primo sunt, ordinatum invalide, non affici impedimento dirimente ad Matrimonium contrahendum; nam vel impedimentum ab Ordine, vel a Voto Ordini adnexo proveniat, quia tamen votum est accessorium Ordinis, primo, nempe Ordine, corrumpente, corrumpit & Votum; unde non ratione Ordinis exurget impedimentum, quia invalide collatus, propterea nullus; non ratione Voti, quia illud non habetur ut validum, nisi prout connexum cum valida collatione, ac susceptione Ordinis; a neutro proinde exurget hujusmodi impedimentum.

Secundo sunt, infantem ad Sacros Ordines promotum non ligari lege continentiz; propterea nullum contrahere impedimentum dirimens Matrimonium: tum quia non censetur Ecclesiam voluisse hujusmodi infantem ligare lege continentiz, ac subicere huic impedimento vi collati Ordinis, ne cum adigeret ad statum, ad quem suscipiendum, quilibet liber esse debet: tum quia in susceptione dicti Ordinis non intervenit expressa, neque implicita emissio Voti, quia habita a non habente usum rationis; si autem hic infans rationis usum inde adeptus expressè, vel tacitè ratum habuerit suam ordinationem, nempe munia Ordinum susceptorum libere exercendo, notitiam habens de lege continentiz servandæ a promotis ad dictos Ordines, tunc & ipse eadem ligabitur, & simul incurret impedimentum dirimens Matrimonium.

3. Quæstio tamen est, si impubes ratione polens valide ordinetur, num hic ita ad castitatem servandam ligetur, ut irritum futurum sit quodcumque ejus Matrimonium. Estque & eadem quæstio de ordinato per meritum.

Qui censent ligari, ita Ordinatos lege continentiz, & affici impedimento

dirimente, hac nituntur ratione, quia, inquirunt, ita ordinati possunt validdè emittere Votum castitatis; nam & impubes, & metum passus, scientiam, ac libertatem sufficientem habent ad validdè votandum; Ergo non est, cur, dicatur eos non ligari lege continentiz, & affici ab impedimento illi adnexo.

- Qui oppositum arbitrantur, dicunt, ex causa immaturi iudicii, vel metus injustè incussi Ecclesiam relaxare suas leges; proinde non ratione Ordinis suscepti eos ligari impedimento, non ratione Voti, quia, licet illud jure naturali sit validum, non est tamen ab Ecclesia ita alligatum Ordini, ut valeat dirimere subsequenta Matrimonia; nam Ecclesia illud tantum decrevit, & accepit Votum, quod omnimoda libertate votantis emissum esset; pari modo, quo non habet ut validum consecutum Matrimoniale, qui ab omnimoda libertate consentientis non procedat; cum ex rationes militent pro statu clericali, quæ pro statu conjugali. Utraque sententia probabilis, probabilior tamen secunda videtur.
4. Tercio si conjugatus, infcia, vel invita uxore ordinetur, etsi ordinatio valeat; præcedens tamen ejus Matrimonium non irritatur; quinimo uxor ad libitum potest Maritum ordinatum revocare ad solvenda debita Matrimonialia; licet ille vi emissi Voti nequeat debitum ab uxore postulare. *Arg. Cap. 3. de Conr. Conjug.*

Si autem intercefferit legitimum divortium inter ipsos, & Maritus innocens fuerit sacris initiatus, illa tenebitur emittere votum castitatis, quemadmodum & illa, quæ consenserit Maritum suum ita initiari; quod votum perpetuò servare tenebitur etiam mortuo Marito Clerico in Sacris constituto; idque in reverentiam sacrorum Ordinum. Quod Votum, licet simplex, adhuc dirimet Matrimonium ex Ecclesie dispositione *Can. 10. & seq. dist. 28. & Can. 14. dist. 32.* Nisi tamen vi, & dolo; aut metu gravi hujusmodi consensus fuerit obtentus, ne delicto alieno innocens prægravetur.

Quia Ordo sacer devovet Deo personas Ordine insignitas, easque Deo ligat, atque ideo dirimit posterus ipso quodcumque Matrimonium, similiter quia Matrimonium ligamen est, atque vinculum duarum personarum ad invicem, ita eas ligat, ut eo durante nequeant aliud validum Matrimonium inire: quod vinculum appellatur impedimentum ligaminis, de quo nunc.

Sit Decimum Tertium:

S. XI.

Ligamen.

- I. **I**gaminis itaque impedimentum non ab alio procedit, quam a valido præcedenti Matrimonio, quo eo durante, idest ambobus conjugibus viventibus aliud Matrimonium ab æternitro ipsorum valide cum alia, vel alio iungi nequeat *Cap. 1. 2. 3. Fin. H. T.* Quinimodò hujusmodi impedimentum dirimens, nedum a jure Ecclesiastico, sed a naturali, & divino descendit; juris enim naturalis est conjunctio unius viri cum una Muliere; & quia æquale jus est in utrisque supra cessa corpora in usum Matrimonii, sicut vetat jus naturale primum, Mulierem habere plures viros, ita ex hac juris æqualitate prohibetur mulierum pluralitas, seu polygamia; unde superest solum, ut licita sit, ac valida jure naturæ conjunctio unius viri cum una Fœmina: atque inde hoc patefecit jus divinum in *Gen.* inquit, *erunt duo in carne una.* Et quamvis polygamia, seu pluralitas mulierum concessa fuerit Veteribus Patriarchis ob causas tunc legitimas, iis tamen cessatis, Christus Dominus in pristinum jus naturæ revocavit Matrimonium, abrogando etiam repudiij legem; propterea post evulgatum Evangelium Matrimonium validum consistere nequit, etiam de jure naturæ, nisi inter unicum virum, & unicam Fœminam; a quo ita ligantur, ut quousque perseveret, nulla sint quæcumque Matrimonia impoſterum attentata, vel contrahentes isti Fideles sint, vel infideles. Quod si a quibusdam Pontificibus pluralitas uxorum ante Tridentinum concessa videatur, tamen nihil obstat, quin juris naturæ, ac divini sit, Matrimonium validum esse non posse, nisi inter unum, & unam, & eo durante ligatos permanere indissolubili vinculo, quo neuter eorum possit ad alia Matrimonia præcedere; nam si Pontifices vel sub dubio locuti sunt, vel tantæ rei gravitatem præ oculis tunc non habentes quædam indulserunt, quæ concedi non posse Deus ipse revelavit impoſterum, idque in Tridentina Synodo; quæ divinæ Traditionis apices inqueſens definiivit; quamcumque polygamiam simultaneam opponi juri naturali, ac divino, & Matrimonium eodem naturali, ac divino jure esse indissolubile *sess. 4. Can. 2.* ita se habente: *Si quis dixerit licere Christianis plures simul habere uxores, & hoc nulla lege divina esse prohibitum, anathema sit.* Propterea Sacra ejusdem Tridentini Congregatio in *Capien. Matrimonii 12. Decembris 1733. Tom. 6. Fol. 181. & 225.* inquit, *Matrimonium secundum, ut permittatur, debet consistere de morte prioris conjugis.* Et in *Eystedien. Matrimonii die 21. Junii 1732. Tom. 5. Fol. 336.* inquit: *Matrimonium contractum sub conditione dissolubilitatis, quatenus uxor a Catholica orthodoxam Religionem non amplecteretur, nullum fuit declaratum.* E quibus duabus Resolutionibus habetur

betur primo; Matrimonium validum constare non posse, nisi cum uno Viro, & cum una femina; secundo appositam conditionem dissolubilitatis repugnare validitati & substantiæ, Matrimonii: quibus positis aperte colligitur, quousque durat Matrimonium validum, ita ligari conjuges, ut invalide secunda Matrimonia incedant; sed de impedimento Liganinis satis sint dicta.

Essent hoc loco exponenda hæc duo impedimenta, nempe publicæ honestatis, & affinitatis; sed quia hæc evolvimus de impedimento cognationis, cujus duæ species sunt publica honestas, & affinitas; ab his proinde hic repetendis absolvimur, atque ita citius ad aliud progredimur, quod est impotentia.

Sic Decimum Quartum:

§. XII.

Impotentia.

1. **I**mpotentia prout dirimens Matrimonium non ea est, quæ universim: sinitur pro inhabilitate ad quocunque actus, sed solum pro inhabilitate coeundi, non vero generandi; cum per hanc solum jus traditum, atque acceptum in Matrimonio fraudetur suo effectu; quapropter, si quasdam circumstantias sibi adnexas habuerit impotentia hæc, dirimet Matrimonium quodcumque post ipsam celebratum, tum jure naturali, tum divino, tum Ecclesiastico, ut ex Cap. 1. & 2. H. T.
2. Circumstantiæ porro, quæ impotentia esse possunt junctæ, plures sunt; quædam, quæ involvant impedimentum perpetuum, quædam tantummodo temporale.
3. Prima circumstantia est, si impotentia tolli nequeat per media naturalia, & licita, vel nonnisi difficilime, præsertim si cum probabili periculo mortis, etsi tolli posset per miraculum, aut maleficium. Hæc circumstantia decernit, impotentiam esse perpetuam: quæ si præcesserit Matrimonium, illud omnino irritabit, ut aperte est definitum in citatibus Capitibus.
4. Secunda circumstantia est, si impotentia tolli possit per media naturalia, seu ordinaria, & licita absque periculo mortis, aut morbi gravissimi: quæ media esse possent ars Medica, spiritalia Ecclesiæ exorcismi, præces, atque hujusmodi; quæ media ideo ordinaria dicuntur, quatenus ad manus Fidelium omnium esse possunt. Hujusmodi circumstantia non efficit illam impotentiam capacem dirimendi subsequens Matrimonium, sed tantum suspendit actum, seu exercitium juris Matrimonialis, & obligat impotentem ad ea naturalia, seu ordinaria media ponenda pro ipsa expellenda. Præter adducta jura ratio ipsa hoc suadet; nam affectus hujusmodi impotentia habet in manu sua eam removendi; Ergo

(sic.)

sincere, ac serio contrahens Matrimonium cedit alteri jus in corpus proprium, quod est, sin proxime, la tem remote aptum ad actus conjugales, & est in potestate ejusdem impotentis illud efficere de remote, in proxime aptum; Ergo per hujusmodi impotentem vitiari nequit subsequens illi Matrimonium. Hæcque impotentia dicitur temporalis, unde liquet impotentiam temporalem non dirimere subsequens Matrimonium.

5. Tertia circumstantia est impotentia ad omnes, & quascumque personas diverſi ſexus, ut cum nulla earum impotens coire poſſit, quæ impotentia dicitur abſoluta, quæ ſi fuerit perpetua, ſatis eſt evidens, eandem dirimere quodlibet ſubſequens Matrimonium.
6. Quarta eſt, ſi hæc impotentia non fuerit, niſi cum una, vel altera, perſona determinata, ob nempe diſparitatem ætatis, vel corporum improprietatem, quæ impotentia dicitur reſpectiva; hæc inter quos intercedit, ſi perpetua fuerit, ſi nullo ordinario medio tolli poſſit, dirimet inter ipſos ſubſequens Matrimonium: quod ex adductis juribus conſtat, & momenta metus reſpectivæ gravis proportionem ſervata militant, etiam pro impotentia reſpectiva.
7. Quinta eſt, circumſtantia temporis: num ſcilicet impotentia ſit antecedens ad celebrationem Matrimonii, vel eidem ſuperſueniens, & conſequens. Nam ſi fuerit antecedens, & perpetua (vel abſoluta poſtea, vel reſpectiva) ſemper dirimet quodcumque Matrimonium celebrandum, ut clarum eſt ex modo diſtis, & naturali ratione ſuadet; etenim quo tempore celebratur Matrimonium, non eſt in potestate impotentis tradendi jus expeditum in corpus ſuum alteri ad actus conjugales, cum ille corpus non habeat habile ad hujusmodi actus, nec proxime, nec remote; minusque ſit in ejus potestate efficiendi illud proxime aptum, ut validitas poſtulat Matrimonii.
- Si autem impotentia ſuperſuenerit inito Matrimonio, hæc non dirimet ſibi præcedens Matrimonium; non enim tanti valet impotentia ſubſequens, ut valeat Matrimonium ſibi præcedens infringere, ſicut ex ſæpe adductis Textibus conſtat; & indiſſolubilitas Matrimonii a jure nature orta prævaleat impotentia ſuperſueniens; neque enim poſtulat Matrimonium, ut, quouſque durat, ad conjugales actus ſerventur apti conjuges, ſatis illi eſt, ſi quo tempore fuit celebratum, contrahentes fuerint habiles.
8. Sexta circumſtantia, eſt cauſa produciens impotentiam, quæ, vel poteſt eſſe naturalis, vel accidentalis: ſi fuerit naturalis, ex inaptitudine E. G. corporis, vel ex defectu partium &c. quoniam hæc plerumque tolli nequit, vel illi ſubveniri, ſi antecedens &c. dirimet Matrimonium.
- Si fuerit accidentalis, vel ab extrinſeco inducta impotentia E. G. ab intemperie humorum proveniente ex repentino morbo, a quo ſpes eſt evadendi, vel ab extrinſeco nempe maleſicio, quod ſine novo maleſicio

diſ-

diffolvi possit, hæc causa accidentalis non inducet, nisi impotentiam temporaneam, proinde non dirimentem subsequens Matrimonium; quin potius censeatur hæc causa solum inducere temporaneam suspensionem potentie, seu habilitatis ad actus conjugales; nisi inquam, & morbus fieret perpetuus, vel maleficium dissolvi non posset præterquam per novum maleficium: quo eventu inducta impotentia haberi deberet ut perpetua.

Solent Doctores occasione hujus impedimenti impotentie plures movere quæstiones, vel circa Emaufroditos, vel de conjugum cohabitatione post superventam impotentiam, vel de modo solvendi Matrimonia ex causa impotentie, quæ vel propriae sunt exterioris Fori, vel ex dictis facile solvi possunt; quodsi in iis obscurum quidquam supersit, evolutum fere omne conspicietur a Benedicto XIV. lib. 13. de Synodo Liacesana Cap. 21. proinde in hoc non licet ulterius immorari, sed ad sequens impedimentum progrediendum.

Sic Decimum Quintum:

S. XIII.

Raptus.

1. **R**aptus itaque est violenta abductio Fœminæ invitæ de loco ad locum Matrimonii contrahendi causa; Secundum antiquos Canones *causa* 36. q. 2. Matrimonium irritabat inter raptorem, & raptam, si raptam non fuisset prius raptori desponsata: *Cap. ut vero 7. & 1 in. de Raptorib.* concedebat, ut validum Matrimonium inter raptorem, & raptam, demummodo illa libere consentiret, quamvis adhuc esset in potestate raptoris. Verum Tridentinum *Sess. 24. Cap. 6. de Reformatione Matrimonii* declaravit invalidum quodcumque Matrimonium inter raptorem, & raptam, quamdiu in potestate ipsa maneat ejusdem raptoris, licet post raptum illa sponte consentiat in raptorem.
2. Hoc impedimentum licet fundetur in naturali jure, tamen merum Ecclesiasticum est, presertim quo ad eam partem, qua declaratur invalidum Matrimonium inter raptorem, & raptam, si post raptum sponte, ac libere ipsa consentiat; nam præcisò jure Ecclesiastico nihil haberet oppositum suæ validitati juris naturæ; nihilominus Tridentinum conuulere intendens libertati Matrimonii antiquos canones ampliavit simul, & correxit, decernens intercedere hujusmodi impedimentum inter raptorem, & raptam; & si hæc Prostituta, aut etiam illius Sponsa; & inde aliis penis affecit raptores, consulentes, auxilium præstantes &c. inquit: „Nihilominus raptor ipse, ac omnes illi consilium, auxilium, & favorem præbentes, sint ipso jure excommunicati, ac perpetuo infames, omniumque dignitatum incapaces, & si Clerici fuerint, de pro-
„ prio

5. ⁵⁵ prio gradu decident. Teneatur preterea raptor Mulierem raptam sive
⁵⁶ cam uxorem duxerit, sive non duxerit, decenter arbitrio Judicis do-
⁵⁷ tare. »
3. Hoc tamen impedimentum non est perpetuum, sed tamdiu solum durat, quamdiu rapta est in potestate raptoris; nam si loco tuto restituatur illa, & existens in hujusmodi loco sponte in raptores consentiat, validum erit Matrimonium, ut ex eodem Tridentino.
4. Quemadmodum etiam ex raptu non exurgit impedimentum prædictum, si raptui consenserit rapta; nam tunc violentia non illi, sed parentibus ejus inferitur, neque per hunc raptum Matrimonii libertas minuitur etenim volenti, & consentienti non fit injuria, remque ita esse definiit Sacra Congregatio Tridentini in *Ruben. Raptus, & Censurarum* 3. Martii 1714. *Tom. 9. tertia part. Fol. 92.* inquit: *Raptus puella consentientis non obstat, licet ad causam sit absolvendus Raptor ab Excommunicatione*, ex qua Resolutione colligitur: Raptum puellæ consentientis, esse certo non invalidum subsequens Matrimonium, tamen probabiliter habere adnexam excommunicationem latam à Tridentino contra raptores.
5. Num vero exurgat hoc impedimentum si rapiens fuerit Fœmina, & raptus Vir, diversa opinantur Auctores; quod probabilius apparet, est, ab hujusmodi raptu non oriri præfatum impedimentum; cum id in Tridentino non exprimat, neque ratio eadem militet pro Fœmina rapiente, quæ militat pro Viro. Legesque odiosæ, qualis est hæc impedimentorum, de casu ad casum, etsi eadem militasset ratio traduci nequeant. *L. 4. §. ff. de Legib.* Ex quo deprehendi potest, legem raptus extendi non posse ad Sponsalia, de quibus nihil statuit Tridentinum. quoad raptorem, ac raptam; unde si jure naturali sint valida, etiam inita ab ea, quæ est in potestate raptoris, quemadmodum valida sunt, cum non obligent ad Matrimonium in raptu celebrandum, sed extra; sinque ad instantiam raptæ rescindibilia, non est, cur dicantur comprehensa in Decreto Tridentini irritante quodcumque Matrimonium initum inter raptorem, & raptam, quousque illa maneat in potestate raptoris.
6. Quamvis aliqua ex parte cautum videretur, per appositionem impedimenti raptus, ne infusa Matrimonia inirentur; tamen ex eo, quod Matrimonia non sint nulla, si raptui mulier consentiat, & raptus hujusmodi faciles sint, ut abscondantur; unde superfit dubium, num hujusmodi fugientes iniverint necnè Matrimonium, vel potius in concubinato vivant, præteritum fuit operis, ut saluti Decreto statueret Ecclesia, Matrimonium quodcumque celebratum absque præsentia Parochi, ac duplicis Testis foret invalidum: qua Parochi, & Testium præsentia certior evaderet ipsa Ecclesia de statu, ac Matrimonio cujuslibet; præsertim cum ad ipsam solam Ecclesiam pertineant quæcumque causæ Matrimoniales. De hoc itaque impedimento præcipua recenserebimus.

Sic Decimum. Sextum :

§. XIV.

S. XIV.

Defectus presentia Parochi, & Testium :

1. **E**xpositioni hujus impedimenti, quod a Canonistis evolvitur sub titulo de clandestina Desponsatione, præmitti solet enumeratio eorum, quæ præcedere debent ad celebrationem Matrimonii; ne saltem improprie clandestinum dicatur: Et primo, postquam constat Parocho de animo volentium invicem Matrimonium contrahere per illorum scrutatam voluntatem secundum præscriptas leges, tum Ritualis Romani, tum Synodorum Diocesandarum, præsertim Bononiensis nempe Eminentissimi Boncompagni, & Institutionum Benedicti XIV. procedere debet Parochus ad faciendas denunciationes illius futuri Matrimonii tribus diebus. Festis continuis in Ecclesia inter Missarum solennia, ex *Lateranensi Cap. Fin. H. T. Et Trid. sess. 24. Cap. 1. de Reformatione Matrimonii*. Festorum autem nomine haberi possit ille dies, in quo ad dictam Ecclesiam frequentior Populus conveniret, vel ad Concionem audiendam, vel Processionem, vel ad solennia Titularis Ecclesię agenda, vel cujuslibet alterius Sancti, ita Tridentini legem interpretante consuetudine.
2. Si vero contrahentes fuerint diversarum Parochiarum, in utrisque Parochiis fieri debent; quod si Sponsi recenter domicilium in ea Parochia duxerint, tunc faciendę quoque sunt denunciationes in Ecclesia relicti Domicilii similiter; quod si ab una ad aliam Diocesim venerint, tunc status liberi attestaciones expediri debent ab Ordinario Diocesis, 1. quæ, ad Ordinarium Diocesis, ad quam, qui Ordinarius Diocesis, in qua morantur, in scriptis ordinem expediet ad Parochum contrahentium, vel cum clausula peragendarum denunciationum, vel cum absolusione ab ipsis.

Hoc sine præceptis sunt ejusmodi denunciationes, ut facilius detegantur impedimenta, si quę sint, ne non denunciatum Matrimonium illicite, aut invalide contrahatur, ex *ijdem Later. & Trid. Conciliis citat.*

- Praëctis denunciationibus, nulloque detestato impedimento, si differant celebrationem Matrimonii ultra duos menses, renovandę sunt; ita præcipiente Synodo Bonon. Boncompagni *lib. 2. Cap. 9. §. Ubi bimestre &c.* Quemadmodum, si omisissę absque dispensatione, & celebrato Matrimonio post illud, sed ante consummationem, supplendę sunt. *Idem Trid. loco cit.*
3. Essent recensendę causę dispensandi a prædictis denunciationibus, verum quia hæc potestas dispensandi reservata est a Tridentino solis Ordinariis, & Parochus non habet potestatem cognoscendi de impedimentis, sed solum onus deferendi ad Episcopum, quæ impedimenta delata sunt, non interest, ut eas hic recenscamus. Quod Parochi est in sibi delato impedimento, hoc unum, ut interdicat celebrationem Matrimonii

monii denunciatis Sponsis, & interim illud deferat ad Episcopum, cujus muneris erit, justitiam causæ judicare. Propterea muneri suo satisfaciet Parochus, si in denunciationibus monuerit Populum de gravi obligatione sub pœna Excommunicationis ex cit. Synodo Bonon. quam habet quilibet sibi conscia impedimenta denunciandi; a qua non absolventur, nisi grave damnum immineret denuncianti, vel timeretur grave scandalum apud alios, vel prudenter crederetur non profutura denunciatio, vel denique nota esset denuncianti obtemperata dispensatio. Cæterum et si impedimentum sit occultum, ex hoc non absolvitur a lege præcipiente denunciationem, qui illud sciret; cum prævalere debeat reverentia debita Sacramento juri naturali de non manifestando alterius crimine; præsertim cum hujusmodi manifestatio secum non ducat infamiam, quia ad prudentem Virum, nempe vel Parochum, vel Episcopum facta.

4. His præmissis impedimentum Claudefinitatis irritans Matrimonium expendimus.

Et antiqua jura, nempe *Cap. 2. H. T.* decrevisset illicita ea Matrimonia quæ sine præsentia Parochi, & Testium celebrata fuissent; tamen nunquam eadem definitiverunt invalida; novissime id fecit Tridentinum *Seff. 24. Cap. 1. de Reformatione Matrimonii*: idque ob gravissimas causas recensitas ab eodem Tridentino, quæ sunt ad tollenda gravia peccata, nempe pluralitatem simultaneam, vel Uxorum, vel Virorum, continuationem adulteriorum per eos præsertim patratorum, qui relicta uxore Claudefinite ducta cum alia palam contrahunt, atque in perpetuo adulterio cum ipsa vivunt; quapropter quia ex præsumptione periculi universalis edidit Tridentinum hoc Decretum irritans, sequitur illud non cessare, licet per accidens in uno, vel altero eventu cessent hujusmodi mala, & a conjugibus non negetur Matrimonium claudefinitè initum.

5. Cum autem Decretum hoc irritans Matrimonium ediderit Tridentinum de Reformatione, qua non proposuit servandam toti Orbi Christiano, sed iis tantum Regnis, atque Provinciis, in quibus idem Tridentinum promulgatum est; inde propterea ex tacito Ecclesiæ consensu factum est, ut in regionibus iis, in quibus non est publicatum prædictum Decretum, Matrimonia celebrata sine præsentia Parochi, & Testium, sint quidem graviter illicita, sed tamen valida; dummodo contrahentes alioquin subditi Concilii Decreto, quia incolæ Regni, aut Provinciæ, in quibus est publicatum, ad ea loca non perexerint, ubi non est publicatum, solo animo contrahendi, & sine animo ibi commorandi, quia si non essent ex dictis regionibus; unde beneficio privilegiariorum loci frui non debent, & ne quod in fraudem legis admiserint, illis variatur in utilitatem.

6. Loca porro, in quibus non est publicatum Tridentinum enumerat *Maschat lib. 4. c. 3. n. 11*, indicans etiam Decretum Benedicti XIV. 13. Maii

1741. relatum in ejus Bullariò die 4. Novembris ejusdem Anni *Tom. primo pag. 87.*

- Quoniam non unica est Virorum, atque Mulierum conditio; nam alii divites, pluraque domicilia habentes, alii pauperes, ac famulatu viventes; ut sæpius vel in anno illis contingat Dominos, ac Parochias mutare incerti sæpenumero sunt, cujus Parochiæ sint; unde prærium est, indicare, quis sit proprius cujusque Parochus ad effectum valide contrahendi Matrimonia.
7. Parochum domicilii, vel quasi domicilii cujuslibet volentis inire Matrimonium, non vero simplicis originis sanxit idem Decretum Concilii Tridentini *loco citato*, & notione Parochi voluit intelligi quemcumque habentem potestatem cumulativam cum Parocho, uti Vicarium Generalem, Episcopum, Legatum Apostolicum, Papam, Cardinales in Ecclesiis suorum Titulorum, Capitulum sede vacante, omnesque vicem gerentes Parochi, uti Vicarios perpetuos, & temporales. Quem Parochum non exegit Sacerdotem, ex quo per suam præsentiam exhibendam Matrimonio celebrando nulla Sacramenta ministret; requisivit tamen ut, si ab eo quis deputaretur ad assistendum Matrimonio, quod deputatus esset Sacerdos; quia cum in deputato deficiat qualitas Parochi; requisivit Tridentinum ut saltem haberet qualitatem Sacerdotis, quæ una cum deputatione spectabile Testimonium præberet.
 8. Parochus autem, vel suspensus fuerit, vel excommunicatus etiam non toleratus, dummodo non fuerit spoliatus Beneficio, valide assistit Matrimonio; quia adhuc est verus Parochus, & per hujusmodi assistentiam Sacramenta non ministrat, aut ullum Ordinem exercet, & nulla sit lex irritans Matrimonium celebratum coram hujusmodi Parocho. Qui equidem Parochus, licet excommunicatus non toleratus, poterit ulterius delegare alium Sacerdotem, qui sit, vel secularis, vel regularis, quemadmodum omnes Parochi efficere possunt ad assistendum Matrimoniis suorum Parochianorum.
 6. Hæc porro delegatio esse poterit, vel expressa, vel implicita; de expressa, quia hæc, quæ sit, innoteat, nihil opus est dicere. Implicita vero ea est, quæ continetur in delegatione ad universam curam animarum, ut si Parochus delegans sit per aliquos dies, nempe decem, aut duodecim moram ducturus extra Parochiam; quinimmo etiam tacita delegatio sufficit, & est, quando præsens Parochus videtur Sacerdotem assistere Matrimonio sui Parochiani, & potest facile impedire, vel contradicere, & tacet. Quod enim sit præsentem eo, qui impedire possit, si vellet, & sine ejus voluntate non subsistit, illius nomine gestum censetur. Contra vero est, si absens esset Parochus, & præsumeret quis se esse delegandum a Parocho, quæ præsumptione si Matrimonio assisteret, tunc nullum foret illud Matrimonium; quia quod esset si, & non est, nihil

hil ponit in esse; unde quia revera Parochus illum non delegavit, quamvis delegasset, si fuisset requisitus, verificatur, quo tempore assistit Matrimonio, non esse delegatum ad assistendum; propterea nullum esse Matrimonium coram illo celebratum.

Hæc dicta de delegatione, confirmata conspiciuntur a plerisque Resolutionibus Sacre Congregationis Trid. Concil. quarum prima habetur in *Taurinen. Matrimonii* 16. *Novembris* 1720. *Tom. prim. Fol. 382.* declarans, non requiri licentiam datam a Parocho Sacerdoti in scriptis esse expeditam. Inquit enim: *Matrimonium contractum de licentia Parochi coram Sacerdote, etsi hujusmodi licentia non in scriptis, sed per Testes probetur de nullitate ejus non constat.*

Secunda declarans revocationem delegationis, utpote quid odiosum, stricte interpretandam esse; proinde in *Tricariccn. Matrimonii* 17. *Junii* 1733. *Tom. 6. Fol. 107.* ait: *Matrimonium initum coram Presbytero, cui precepsbatur adempta facultas ei assistendi a Parocho concessa, declaratum fuit validum.*

Tertia declarans delegationem valere, etiamsi delegans errore capiat circa personam, in cujus gratiam Sacerdotem delegat, in *Compostellana, seu Lucen. Matrimonii* 29. *Augusti* 1744. & 19. *Septemb. ejusdem anni. Tom. 11. part. secunda Fol. 331. & 337.* inquit: *Matrimonium initum coram Sacerdote deputato a Vicario Generali, qui captus est errore nominis Sponsi, quem si deprehendisset, non concessisset prædictam deputationem, ac remissionem publicationum, validum declaratur, renovato tamen consensu ad cautelam.*

Quarta, decernens validam delegationem implicite factam in deputatione ad universam curam animarum, in *Faventina Matrimonii* 22. *Julii* 1758. *Tom. 22. Fol. 54.* dicit enim: *Vicarius relictus a Parocho absente, licet expressa ei a Parocho data non fuerit facultas assistendi Matrimonii habet illam a lege, nempe a Tridentino Concilio. Nam deputatus dicitur ad universam curam animarum, ad differentiam Capellani, vel Vicarii Parochi presentis, cui facultas expressa a Parocho dari debet; Sacra autem Congregatio in simili Matrimonio præcepit ad cautelam renovationem consensus coram Parocho, & Testibus.*

Quinta, manifestans Vicarium Generalem posse delegare etiam contra interdictum Episcopi Parochum, vel Sacerdotem ad valide assistendum &c. in *Vissorien. Matrimonii* 1. *Aprilis* 1719. *Tom. prim. Fol. 171. 172.* ait: *Matrimonium celebratum coram Parocho, vel Sacerdote delegato a Vicario Generali, qui non sit proprius Contrahentium, & contra interdictum Episcopi, validum declaratur.*

10. Expeditis iis, quæ pertinebant ad habendam notionem Parochi, vel ejus Sacerdotis delegati, superest, ut leges investigemus, quibus deprehendi possit, ad quam Parochiam quis pertineat, quoad valide incun-

dum

dum Matrimonium; & quoniam ex Tridentino ut quis pertineat ad aliquam Parochiam ad finem valide contrahendi &c. non requiritur domicilium originis, sed solius habitationis, neque illud ita presse exigitur, quin etiam sufficiat quasi domicilium, de quibus agunt Juristæ; diversarum proinde personarum conditiones considerabimus, e quibus quod, & quale sit illorum domicilium, vel quasi, deprehendemus.

11. Prima, itaque personarum conditio sit vagorum; ii enim a patria recesserunt sine animo revertendi; quousque enim isti non elegerint locum aliquem, in quo morari statuerint, sed hinc inde perambulant ita animo indeterminati, sunt ex ea Parochia, in qua reperiuntur; ibique si contrahant Matrimonium, validè contrahunt coram Parcho illius Parciæ: qualitas vero vagi certo inesse debet in alterutro contrahentium, qua deficiente nullum declaratur Matrim. *Ref. Tom. 3. Fol. 189. in Laurentiana 13. Julii 1725.* tamen licite numquam inire poterunt Matrimonium sine expressa licentia Ordinarii loci, in quo morantur; cuius erit munus de libertate dictorum vagorum cognoscendum sed in hanc rem videatur *Neapolitana seu Tuscolana Matrimonii 3. Julii 1734. Tom. 6. dictorum Resolutorum Fol. 284.*
12. Secunda conditio est Peregrinorum; iique sunt qui e Patria discedunt animo revertendi, per quem servatum animum retinent domicilium in Patria sua; propterea illorum Parochus quo ad Matrimonia est Parochus domicilii Patriæ suæ, nisi adeo longa esset mora eorum extrinsecus suam Patriam, ut quasidomicilium habitationis contraherent in aliena Diocesi: si tamen ii in dicta aliena Diocesi contrahere velint, res deferenda est ad Episcopum loci illius, sine cujus licentia obtemperans nullus Parochus præsumat assistere: *Tridentinum Sess. 24. Cap. 7. de Ref. Matrim.*
13. Tertia est, discedentium e Patria negotiorum causa, uti nundinationis, litterarum, vel artium discendarum, vel similium; si inquam hæc negotia notabilem moram extra Patriam inducant, ut quasidomicilium contrahere videantur, proprius illorum Parochus quoad Matrimonia &c. erit illius loci, in quo notabilem moram sunt habituri, vel habuerint, & habent; tamen quoad licitè contrahendum servari debet superius citatum Tridentini statutum de Vagis, & Peregrinis.
14. Quarta est eorum, qui in Carceribus detinentur; Nam isti habent proprium habitationis domicilium aliunde; & tamen quandoque proprius illorum Parochus quoad Matrimonia ineunda evadit Parochus carceris. Hoc quidem pendet ab eo, quod carcer datus sit carcerato in poenam, non vero detineatur in carcere ad custodiam; idest completus sit processus, & lata sententia poenæ carceris, tunc enim mora in carcere est quasi domicilium ipsius carcerati; proinde Parochus illius carceris erit proprius Parochus carcerati quoad contrahendum Matrimonium hinc Sacra Tridentini Congregatio in *Reatina nullius Matrimonii 11.*

De-

Decembris 1756. Tom. 20. Fol. 119. inquit: Tarochus carceris, ubi aliquis custodia tunc causa detinetur, non pœna, sive perpetua, sive temporalis non dicitur proprius ad effectum valide coram ipso contrahendi.

15. Quinta est famulorum, qui vel ex alienis Diœcesibus, vel ex una, ad aliam Parochiam identidem migrantes cujus Parochiæ sint, vix licet comprehendere. Si ab una ad aliam Diœcesim venerint, quia tunc sine iuratis liberi attestationibus emittendis ab Ordinario Diœcesis, a qua recesserunt, deferendis ad Ordinarium Diœcesis, in qua morantur, & Matrimonium inire desiderant, nequeunt illud contrahere; ad prædictum præterea Ordinarium pertinebit definire, vel cujus Parochiæ sint, vel quem illi placuerit delegare pro assistentia horum Matrimoniorum; qui, si cognoverit dictos famulos non habere aliud domicilium, nisi apud Dominos, tunc Parochum Dominorum deputabit; si vero privatum habuerint domicilium, seu habitationem, ad quam animus semper habeant se recipiendi, quoties a famulatu Dominorum dimittantur, tunc pro illorum Parocho habebit Ordinarius Parochum dicti privati Domicilii, seu habitationis, ut docte monuit Benedictus XIV. in suis Institutionibus, seu Notificationibus præsertim *Notific. 1. Tom. 2.*

Si autem famuli, vel famulæ sint ex origine illius Diœcesis, in qua famulantur, triplex illorum domicilium spectari debet, nempe Paternum, Maternum, atque Fratrum; si enim alterutrum horum domiciliorum habeant, Parochus hujus domicilii non vero Parochus Dominorum, licet cum ipsis longa non duxerint moram, erit proprius Parochus: hoc servato ordine, ut præferatur domicilium Paternum Materno, & Maternum Fratrum, quod præsertim de Fœminis attenditur, ex quo vigeat in nostra Diœcesi consuetudo, quod Parochus Mulieris assistat Matrimonio, non autem Viri.

Si autem nullum ex his domiciliis habeant, tunc pertinebunt ad Parochum Dominorum, apud quos morantur, nisi & ipsi famuli privatum aliquod haberent ad semetipsos recipiendos, quoties a Dominis dimitterentur; quia tunc ostenderent corpore famulari Dominis, animo vero commorari in privato domicilio, & domicilium non ex corporis mora, sed ex voluntate, & affectu metiri debere. Hæc omnia innotescunt ex citatis Notificationibus Benedicti XIV.

16. Sexta est Puellarum in Hospitio spuriorum, vel Orphanorum in aliis Hospitiis, seu Conservatoriis detentarum, quæ cum alantur proventibus loci Pii, ab eoque dotentur, illum pro Patre locum suum habent, estque ille locus, seu Hospitium velut illarum domicilium Paternum; propterea Parochus dicti loci erit illarum proprius Parochus; etsi ex iis Hospitiis quandoque egressæ apud Parentes morentur in alienis Parochiis.

17. Id vero dici nequit de Puellis educatione traditis a Parentibus in Monasteria.

nialium Monasteriis ; nam istæ volentes Matrimonium inire, non pertinent ad Parochum Monasterii, sed ad Parochum domicilii, vel Paterni, vel Materni, vel Fraternali; quod si nullum habeant ex his, tunc ad Parochum Monasterii pertinebunt.

Hæc superius dicta in unum collegit Maschat lib. 4. t. 3. de *Clandestinis Desponsatione* n. 19. inquiens, ex *Decretis Congr. Concilii relatis a Benedicto XIV. Institutionum Ecclesiasticarum* 33. „ Ritè contrahere possunt Matrimonium coram Parocho loci, intra cujus Parochiæ limites degunt primo Prætor, Judex, Medicus temporalis, Professor alicujus facultatis, Discipuli, & Famuli licet exteri. . . Secundo carceribus detenti dummodo non detineantur pro custodia tantum, videlicet donec eorum causa Judicis sententia cognoscatur. Tertio Puellæ expositæ in Hospitio spuriorum detentæ. Quarto puellæ, quæ in aliis Hospitiis, seu Conventibus servantur, & eorumdem proventibus aluntur, licet per breve tempus discedant suos domesticos invisuræ. Puellæ vero, quæ data fide, & Viro jam destinatæ, per consanguineos invitæ in Monasteriis detinentur, ex generalibus Decretis Congregationis Episcoporum, & Regularium Cit. Instit. relatis extrahi debent ab iisdem Monasteriis, licet Ordinatio minime subiectis, ut contrahere possint coram Parocho, cujus ditioni Paterna Aedes adjecta judicabitur; quod si difficile sit, ad extractionem devenire, illæque in alia Parochia Domicilium non habeant, tunc Matrimonium contrahent coram Parocho, intra cujus Parochiam situm est Monasterium : Si vero proprium Domicilium habeant, coram hujusmodi Domicilii Parocho contrahent, ut probat idem Benedictus loco citato. „

18. Septima est eorum, qui in Xenodochiis grave periculum vitæ subeuntes, ut salutem animæ consulant priusquam moriantur, Matrimonium inire tenentur : num inquam coram Parocho suorum Domiciliorum, vel Parocho, in cujus ditione situm est Xenodochium, vel potius coram Capellano Xenodochii contrahere valeant, ac debeant ; longa esset disputatio : cum inter Doctores non modica sit concertatio : volentibus plurimis coram Parocho Domiciliorum, aliis coram Capellano Xenodochii, aliis denique coram Parocho loci, in quo est Xenodochium, hujusmodi ægrotos celebrare debere Matrimonium.

Verum in hanc rem docte prosequitur idem Maschat loco citato. „ Quis autem debeat assilire Matrimonio, quod aliquando incundum est ab iis, qui in Xenodochiis in gravi vitæ periculo versantur, ut animæ saluti prospiciant ; an scilicet Xenodochii Capellanus, vel Parochus, in cujus ditione illud situm est ? Magna est contentio inter Doctores ; ideoque standum erit in tali casu declarationi, seu deputationi Ordinarii, ut ibidem sentit idem Pontifex (nempe Benedictus Decimus quartus) : Verum tunc monendus erit idem Aegrotus, ne sanitati restitutus „ ad

„ ad uxorem accedat , donec paruerit iis , quæ a Sancto Officio præscri-
 „ buntur circa iuramentum ab eo præstandum de sua libera conditione ,
 „ cæterisque impedimentis , juxta Instructionem dicti Tribunalis relata-
 „ a Corado in praxi Dispensationum Lib. 7. Cap. 6. n. 23. „

19. Octava est, divitum habentium plura Domicilia, vel in diversis Diœ-
 cesibus, vel in diversis Parochiis ejusdem Diœcesis; si pro anni medie-
 tate morali in una Diœcesi habitent, & pro alia in alia Diœcesi, tunc
 servata lege Tridentini de attestationibus status liberi mittendis ab Or-
 dinario Diœcesis, in qua non morantur, quando inire volunt Matrimo-
 nium, ad Ordinarium loci, in quo sunt, & cupiunt contrahere, valide
 contrahenti coram Parocho loci, in quo tunc temporis morantur; ad
 quem ejusdem loci Ordinarius dirigit ordinem assistendi, ut consuetudo
 in jure fundata postulat, ne alius delegetur ab Ordinario, nisi ille,
 cui de jure cæteroguin competeret hujusmodi assistentia. Si autem mora
 in una Diœcesi esset adeo brevis, quæ potius transisset, quam mora di-
 ceretur, per hanc in dicta Diœcesi non contraherent Domicilium, vel
 quasi Domicilium sufficiens ad valide inendum Matrimonium, nisi ac-
 cessus illorum ad dictam Diœcesim esset conjunctus cum animo ibidem
 diu commorandi, quem licet post initum Matrimonium supervenita circum-
 stantiarum mutatione cogerentur deponere; Nam in tali hypothesi, quan-
 do initum fuit Matrimonium aderat quidquid requirebatur ad haben-
 dum verum Domicilium, vel quasi sufficiens pro validitate Matrimonii.
 Etenim non requiritur longa mora corporalis in loco, ut ibi acquira-
 tur Domicilium, sed sufficit fere momentanea mora conjuncta cum
 animo ibi diu permanendi, ut definivit Sacra Tridentini Congregatio
 in Anconitana nullitatis Matrimonii 10. Maii 1760. Tom. 24. Fol. 104.
 inquit: *Matrimonium initum coram Parocho loci, ad quem eodem die cele-*
brationis se contulit animo ibi contrahendi Domicilium, validum declaratur; quod
 idem dici debet de mutatione Domicilii de una ad aliam Parochiam
 ejusdem Diœcesis; hoc solo discrimine interpolito, quod tunc cessat dis-
 positio Tridentini circa attestationes status liberi; quoniam migrantes
 de una ad aliam Parochiam, non exeunt extra ditionem eorum Ordi-
 narii.

Ut plurimum contingere tamen solet, quod ii divites de Civitate ad Rus
 recreationis gratia se transferant, ibique etiam fere anni medietatem
 traducant, vel ultra; per quam longam moram viderentur ibi contra-
 here Domicilium, vel quasi &c. sufficiens ad valide Matrimonia inenda.
 Sed inquit Maschat „ ex aliis Decretis Congregationis Concilii I. s. 13.
 „ Benedicti XIV. relatis Parochus loci, ubi quis degit rusticationis, re-
 „ creationis, vel negotiorum causa, seu ad quem quis se transferi solo
 „ animo contrahendi Matrimonium, non autem contrahendi Domicilium,
 „ non est proprius quoad ipsum Matrimonium. „

20. Requiritur propterea hic animus acquirendi, & figendi Domicilium pro valido ineundo Matrimonio in iis, qui sponte de uno, ad alium locum migrant; si vero inviti traducuntur de uno ad alium locum, & iuste id fiat, tunc, licet non habeant animum commorandi in loco, ad quem traducti sunt, quoties mora fuerit notabilis, vel saltem prævisa ut talis, quæ sufficiens ad inducendum ceteroquin quasi Domicilium, Parochus loci illius erit proprius illorum Parochus pro valide ineundo Matrimonio, id conitat ex citata Resolutione Regia 11. Decembris 1756. de Carcer. 10.

Quis, & qualis Parochus, sive deputatus Sacerdos esse debeat ad valide assistendum Matrimonio, dicta demonstrant; quæ autem, & qualis ejus assistentia seu præsentia, & Testium esse debeat, nunc dicitur.

21. Et quoniam Matrimonium celebrari solet, ac debet cum omnibus solemnitatibus a Tridentino præscriptis, quæ, si servantur, ostendunt præsentiam Parochi, vel Sacerdotis deputati esse debere non mere physicam, quam & dormientes exhibere possunt, sed vere moralem, scilicet cum advertentia ad id, quod gerunt contrahentes, & voluntate ejusdem Parochi Benedictionem, & alia solemnia complendis; sed quia non omnes præscriptas solemnitates voluit Tridentinum pertinere ad valorem Matrimonii, quin validum decreverit esse illud Matrimonium quod initum sine Parochi, vel Sacerdotis cum privata, tum solemnibus Benedictione; quinimodo & illud, cui vi, & dolo, captus Parochus assistit: ut sæpius declaravit sacra ejusdem Tridentini Congregatio; nonnullas propterea hic adducens ejusdem Congregationis Tridentini Resolutiones dehincientes, quæ & qualis præsentia Parochi, & Testium sufficiat pro valido ineundo Matrimonio.

Sitque prima Neapolitan. Matrimonii 24. Maii 1738. Tom. 8. part. secunda Fol. 87. & 92. inquit: *Matrimonium susinetur, etiam si Parochus non intellexerit verba Sponsæ, dummodo de ejus consensu ex aliis signis constet.*

Secunda Neapolitana Matrimonii 6. Maii 1741. Tom. 10. part. prima Fol. 19. *Matrimonium coram Parocho, & Testibus, verba consensus non audientibus, sed ex nutibus, aliisque antecedentibus, ac consequentibus consensum præsumentibus validum declaratur.*

Tertia, Casanen. Matrimonii 23. Septembris 1741. eodem Tomo part. secunda Fol. 17. *Matrimonium coram Parocho audiente unius consensus, non alterius, cûs clandestine, idest sine præmissis denuntiationibus expressum, est validum.*

Quarta, Nicen. Matrimonii 13. Februarii 1751. & 19. Junii dicti anni, Tom. 15. Fol. 9. 10. 11. 87. ait: *Matrimonium initum coram Parocho Sacerdotum agente, qui a contrahentibus protestatus est, se non audivisse, nisi hæc verba = Benediteci, ecco quæ i Testimonj = validum declarat.*

Quin-

Quinta, Cartaginen. Matrimonii 13. Martii 1753. & 22. Septembris diſti anni: *Tom. 17. Fol. 28. 99. Matrimonium initum coram Parocho non cognoscente contrahentes, vel quia palio obvoluto, vel noctis, ac loci obſcuritate, vel aliter, ſed ex conſequentibus deprehendente, ſicque & Teſtibus &c. validum declaratur.*

22. E quibus Reſolutionibus deprehenditur præſentiam Paroſhi, & Teſtium eam ſolam requiri, qua prudenter affirmare poſſint tum Paroſhus, tum ipſi Teſtes celebratum fuiſſe Matrimonium; propterea non requiri, ut vel expreſſe audierint omnia verba conſenſus, vel contrahentes noverint; dummodo antecedentia, & conſequentia talia fuerint, e quibus prudenter deſumi poſſit Matrimonium eſſe celebratum; ex quo etiam deprehenditur, ſufficere ad validitatem Matrimonii præſentiam Paroſhi etiam inviti, & reſultantis: ut Ceſenaten. Matrimonii 3. Octobris 1716. *Tom. 9. part. tertia Fol. 105. Reſol. Matrimonium initum coram Parocho ex induſtria fugiente, atque affectante non audire conſenſum contrahentium, quem poſtea revera non audit, declaratur validum.*

23. Ex hæc de præſentia Paroſhi, vel Sacerdotis delegati; Verum quia hæc poſtulat ad valorem Matrimonii, ex Tridentini Decreto in iis tantum locis, in quibus publicatum eſt idem Tridentinum, neque ubique terrarum ſit publicatum, ſive eodem conſentiente, non acceptatum, quo ad quædam capita Reformationis; hinc liquet Matrimonium celebratum in iis locis, in quibus non eſt publicatum, ſine præſentia Paroſhi validum eſſe, propterea Ipren. Viſitationis Sacrorum Liminum 17. Auguſti 1737. *Tom. 8. part. prima Fol. 126. Reſol. Matrimonium Catholicum hæreticis, ubi non eſt publicatum Tridentinum, abſque præſentia Paroſhi eſt validum.*

Quinimo in locis etiam, ubi publicatum eſt Tridentinum, fieri poſteſt, ut validum ſit Matrimonium celebratum ſine præſentia Paroſhi, ut Coloniæ. 17. Januarii 1724. *Tom. 4. Fol. 153. Reſol. Matrimonia inita ſine Parocho in loco, ubi nec Epicoſus, nec Paroſhus adſit, ſunt valida, dummodo tamen adhibiti fuerint duo, vel tres Teſtes.*

Vel etſi fuerit Paroſhus, & Epicoſus, ſed tamen moraliter non pateat ad eodem acceſſus, adhuc ſine præſentia Paroſhi, vel Ordinarii celebratum Matrimonium valet, ut citata ſuperius Ipren. Viſitationis Sacrorum Liminum 17. Auguſti 1737. *Tom. 8. part. prima Fol. 127. Ubi, inquit, autem fuit publicatum (nempe Tridentinum) ſi ibi non ſit Paroſhus, vel ad eum acceſſus haberi moraliter nequeat, ſine ejus præſentia adhuc eſt validum. Secus ſi vel ſit, vel ad eum ſcilicet habeamus acceſſus.*

Quæ ergo, & qualis debeat eſſe præſentia Paroſhi pro validitate Matrimonii, & quando, vel quo loco ſit validum ſine præſentia Paroſhi celebratum, jam diximus.

24. Verum quia contingere poſteſt, ut volentes contrahere aſtu ſint di-

versarum Parochiarum, Vir nempe ex una Parochia, Mulier ex alia; cum definitum non habeatur ex Tridentino, num esse debeat Parochus assistens, qui est viri potius, quam Mulieris, vel contra, dubium emerfit: num alteruter, vel solum Parochus unus, scilicet, vel Viri, vel Mulieris determinandus ab Ordinariis locorum, ille sit, cujus presentia necessaria sit ad valorem Matrimonii. Quod dubium delatum Sacre Congregationi Concilii fertur, eam declarasse Parochum vel sponsum, vel Sponsam sufficere pro validitate Matrimonii absque ulla requisita Ordinarii determinatione. Ita referente Maschat *Lib. 4. tit. 3. de Cland. Despons. n. 19.* quod expressius habetur in Spoletana Juris assistendi Matrimonii 18. Julii 1733. *Tom. 6. Ref. Sac. Cong. Trid. Fol. 111.* in qua Resolutione disputabatur, num pertineret ad Parochum Ecclesie Matricis, vel ad Parochum Ecclesie Filialis, in qua morabatur unus contrahentium, assistentia necessaria pro validitate Matrimonii contrahendi, & in ea fuit resolutum: esse Matrimonia inveniunda coram Parocho alterutrinus (nempe ex contrahentibus) non vero Ecclesia Matricis.

Constat itaque Parochum, sive Viri, sive Mulieris valide assistere Matrimoniis suorum Parochianorum, vel Viri sint, vel Mulieres: licet alteruter tantum, vel Vir, vel Fœmina contrahens fuerit suus Parochianus.

Quam assistentiam præstare poterit Parochus nedum in sua Parochia, sed etiam in aliena, quinimo etiam in aliena Diœcesi; quia pro hujusmodi assistentiam nullius jurisdictionem violat, cum hæc jurisdictionis actus non sit; propterea etiam delegatus a Parocho id poterit, ut inquit Maschat *Lib. 4. tit. 3. de Cland. Despons. n. 17.* „ Sacerdos a proprio Parocho ad hoc delegatus potest assistere Matrimonio, nedum intra delegantis Parochiam, sed etiam extra propriam Diœcesim: & multo magis delegatus ab Episcopo „ ut probat Fagnan. *hoc cod. Tit. Cap. Quod nobis n. 33. & sequent.* Non possit autem assistere cum conviciis solemnitatibus, nec Sponsos benedicere sine consensu Parochi loci (subintellige Benedictione solemnī, quæ est in Missali, non vero ea, quæ privata est, & consistit in eis verbis, *Ego conjungo vos &c.*) intra cujus Parochiam contraheretur Matrimonium: cum tunc exerceret jurisdictionem in alieno Territorio. Reinfessuel *hoc titulo*, id. m. repetit Maschat *citato loco num. 22.*

25. Verum quamvis valide Parochus Viri, vel mulieris assistat, in ple-risque tamen Diœcesibus licite non assistet, nisi ille Parochus, qui vel ex Decreto Ordinariorum statutus, vel legitima consuetudine receptus sit; quæ consuetudo in nostra Diœcesi est, ut assistat Matrimonii Pa-rochus Mulierum, non Virorum.

26. Cum autem ad validitatem Matrimonii cum presentia Parochi simultanee etiam requiratur presentia duorum, vel trium Testium ex citato Tridentino, quæ eorum presentia non mere physica, sed vere mora-lis

lis esse debet, ut requisiti de gesto certum Testimonium ferre valeant; quinam propterea, & ejus conditionis esse debeant, investigabimus. Naturali jure Mas, sive Fœmina, dummodo rationis compos, Testis esse potest cujusquam gesti, si ad illud adverterit. Cui obesse non potest conditio infamiz, minoritatis, vel alterius conditionis; cum non aliud spectet jus naturale, quam usum rationis, atque advertentiam, nullo habito discrimine inter Marem, & Fœminam, vel ætatem, conditionem, sanam, sive infamiam in eo, qui Testis assumitur cujuslibet gesti. Tridentinum autem præcipiens præsentiam duorum, vel trium Testium in celebratione Matrimonii, non recessit a jure naturali quidquam ultra expetens in Testibus, nisi quod in iisdem postulat jus naturale; Ergo pro validitate Matrimonii sufficiunt ij Testes, & cum solis iis conditionibus, qui, & cum quibus conditionibus sufficiunt jure naturæ in quolibet morali gesto: quod confirmatum habetur §. *quoad Testes in una Ferravien. Matrimonii proposita 12. Decembris 1761. & Resoluta 16. Januarii 1762.*

27. Essent recensendæ pœnæ Parochis, vel aliis Sacerdotibus, sive delegatis, sive non delegatis voluntariam præsentiam præstantibus Matrimonio, cui non sunt præmissæ denuntiationes, neque de iis ulla obtenta sit dispensatio, quæ, cum sint arbitrariz Episcopo, non est pretium, ut numerentur; quæ tamen a jure statutz sunt, si sermō sit de Parocho, quadam sunt arbitrariz ipsi Episcopo, quædam non: uti suspensio Trienalis ab Officio *Cap. final. Parag. fin. H. T.* hæc tamen est ferendæ, non latæ sententiæ, ex quo habeatur in textu: *Suspendatur.*

Similiter ultra nullitatem Matrimonii arbitrariz sunt pœnæ infligendæ Parocho, vel Sacerdoti de ejus licentia assistenti Matrimonio, cui desunt duo, vel tres Testes *Trid. Sess. 24. Cap. primo de Reformatione Matr. ii.* Sacerdotibus vero, sive Sæcularibus, sive Regularibus præsumendis assistere Matrimonii, ac Sponfos Benedicere sine licentia Parochi alterutrius ex Sponfis decernitur a Tridentino citato loco suspensio ipso jure durans tamdiu, quamdiu ab Ordinario Parochi Sponzorū abolutionem obtinuerint.

Pœnæ vero Contrahentibus debite absque præmissis denuntiationibus, ac solitis solemnitatibus a Canonico jure expresse non indicantur, sed arbitrio Episcoporum relinquitur pro rei gravitate, gravem quoque pœnitentiam dictis Contrahentibus imponendi. Quemadmodum & Testibus, quinimo in suis Constitutionibus posset quilibet Episcopus contra hujusmodi Contrahentes, & Testes ferre Excommunicationem latæ sententiæ, ut *Cap. 69. num. 2. Synodi Diœcesanæ docuit Benedictus XIV.* qui quamvis fuerit immediatus successor Eminentiſſimi Jacobi Boncompagni in Episcopatu Bononiensi, non tamen in suis Notificationibus, aut dicto Opere de Synodo Diœcesana, etsi locus dicendi esset, unquam

meminit *Ædicti* antecessoris sui lati anno 1700. Excommunicationem latæ sententiæ infligentis contra hujusmodi Contrahentes, & Testes; ex quo liquet, eam dissiuetudine abrogatam esse, & quidem merito; nam tales circumstantiæ dari possunt, in quibus ita Contrahentes non peccent; unde pro iis Excommunicatio non subsisteret; propterea universim ea infligi non potest; sed tantum in iis peculiaribus circumstantiis, in quibus contrahentes peccant; quæ ab Episcopo cognoscendæ antequam Excommunicationem infligat; atque in hoc sensu intelligenda sunt, quæ dixit *Benedictus XIV.* posse nempe Episcopum in casibus peculiaribus ferre Excommunicationem, non vero universim sub Excommunicatione latæ sententiæ interdiceret hujusmodi Matrimonia, quæ sine denunciationibus, ac solemnitatibus inita, aut ineunda.

Hæc videbantur dicenda de impedimentis dirimentibus Matrimonium.

Quæ cum peculiaribus circumstantiis personarum quandoque Fidelibus sine onerosa, quod Ecclesia percipiens, atque animo fovens suas leges conformes efficere Evangelicæ legi, cujus onus leve est, & jugum suave, iusta proinde poscente causa supra eorum nonnullis dispensare consuevit; hinc



CAPUT QUINTUM.

DE DISPENSATIONIBUS MATRIMONIALIBUS.

Cum dispensatio ab impedimentis sit eorundem ablatio quoad eam Personam, cui dispensatio conceditur: rei que per quas causas nascitur, per easdem destruitur, vel destrui possit: & non una sit causa producentis impedimenta Matrimonii; nam quædam a jure naturali, quædam a jure positivo Divino, quædam denique ab Ecclesiastico jure, vel etiam legitima inducta consuetudine, velut lege Ecclesiastica suscepta, pro diversitate causarum ad easdem pertinere videntur Dispensatio impedimentorum; ut impedimenta juris naturæ ab ipsa natura, sive illius Auctore essent dispensanda; quæ juris Divini a Deo, quæ demum juris Ecclesiastici, sive Ecclesiasticæ consuetudinis ab Ecclesia dispensarentur.

Verum quia natura non patitur mutationem, & adeo sapienti consilio statuta est, ut ejus peculiares eventus omnes ab illius Auctore prævisi fuerint, immutabilibus quoque legibus tuiti constituta; ut, si quæ impedimenta ex eis procedant, sint prius indispensabilia.

Quemadmodum essent impedimenta juris divini positivi, nisi moveretur Deus summa ejus miseratione erga naturam hominis lapsum majori nunc indigentem illius clementia, qua relaxentur ea Divina jura, quæ naturam humanam ad perfectiorem statum evcherent; ad quem statum nunc Originali culpa maculata distributive ascendere nequit; atque inde factum est, ut urgente necessitate, seu causa, potestatem concesserit Deus Ecclesiæ suæ dispensandi in quibusdam impedimentis, quæ constituerat.

In impedimentis vero juris Ecclesiastici, quoniam ab Ecclesia constituta, illa quoque possunt per eandem auferri. At quia vices Auctoris naturæ, ac Dei gerit in Terris ipsa Ecclesia, tunc non propria, sed ejusdem Dei auctoritate justis vigentibus causis, & naturalia, & Divina impedimenta circa peculiarem Personam relaxare potest; propterea dispensatio ab impedimentis, cujusvis sint conditionis, ab alio expectari nequit, quam ab Ecclesia.

Ecclesiæ autem nomine non hic sumitur Congregatio Fidelium &c. sed summus Pontifex prout illius caput visibile, totius Christiani Orbis Legislator, ac Princeps, & reliqui Ecclesiæ Pastores, nempe Episcopi, vel Episcopalem Jurisdictionem habentes; qui tamen; quia potestatem Legislativam coercitam habent ad suas Dioceses, quarum sunt non lupremi, sed subordinati Principes: singillatim non constituunt Ecclesiam, quæ statuere possit impedimenta, atque ab iis dispensare, quæ sunt natura-

ruralis, ac divini juris; quinimò & Ecclesiastici; nisi delegati, quia non gaudent æquali jure cum summo Pontifice, sed servatur inter ipsos debita jurisdictionis proportio, quam procedentes, suis locis indicabimus.

§. I.

Dispensationum descriptio, & qualitas, quas habere debent.

Prestat tamen dispensationis definitionem in exordio præmittere.

1. Est inquam dispensatio legis relaxatio ob justam causam publica auctoritate facta pro aliquo casu, vel Persona particulari, manente interim alioquin obligatione. Vel est exemptio alienius, vel aliquorum a jure communi, ex rationabili causa ab eo qui jus habet dispensandi. Est Theologorum, ac Canonistarum hæc definitio, quæ legi potest in Corrado Trax. *Dispens. lib. primo Cap. primo. num. 3.*
2. Quælibet autem Dispensatio, ut valeat, tribus hisce qualitatibus præditam esse oportet. Prima est, ut Dispensans potestatem habeat dispensandi. Secunda est, ut causa sit dispensandi. Tercia est, ut dispensationem petens, rite, ac sincere certiore faciat dispensantem delegatam causam, quæ vera sit, nihilque reticeat, quo manifestato, non elargiretur dispensatio; defectu hujus tertiz qualitaris dispensatio nulla est; & dicitur vel inbreptitia, quando nempe reticetur verum, vel dicitur obreptitia, quando scilicet exprimitur falsum: Mascbat *De Rescriptis lib. 1. Tit. 3. §. 2. num. 5. Part. prima.*

§. I I.

Ab impedimentis mere impediensibus, quæ sint Juris Ecclesiastici, summus Pontifex pro Universo Orbe, & Episcopi pro suis Diæcesibus; quæ autem sunt Juris vel naturæ, vel Divini, solus Romanus Pontifex dispensare valet.

Sed ad dispensationes ab Impedimentis progrediamur.

1. Cum itaque impedimenta, ut diximus, alia sint impediencia tantummodo, & alia simul dirimentia; Quæ mere impediencia sunt dispensari omnia possunt a Romano Pontifice pro universo Orbe Christiano; non tamen omnia per eandem potestatem; cum ex iis nonnulla sint, quæ a jure mere Ecclesiastico procedant, uti est Ecclesiæ Vetitum, & Tempus feriatum, & alia sint ex jure naturali, & Divino, uti sunt Sponsalia, & simplex Votum Castitatis, vel ingrediendæ Religionis &c. Quæ sunt juris mere Ecclesiastici, dispensantur a Romano Pontifice per aucto-

Autoritatem summo Principi Ecclesie convenientem, quæ auctoritas cum proportionaliter spectetur in quolibet Episcopo quoad suam Diocesim; in eadem propterea poterit Episcopus suos subditos a prædictis Impedimentis dispensare. *1x Cap. 2. de eo qui cognovit &c.*

2. Quæ autem sunt juris naturæ, vel divini, quia iis juribus est inferior Pontifex, directè non poterit ab eorum impedimentis dispensare subditi; cum nequeat derogare juri quæsito alteri per Sponsalia, vel Deo per votum; proinde nonnisi indirectè id faciet, nempe vel irritando consensum datum in Sponsalibus, vel in Voto; ex quo nequeant subditi contra voluntatem supremi Principis in quidquam consentire; hinc per irritationem hujusmodi consensus mutatur materia, ut de licita transferatur in illicitam, & hinc indirectè ex iis impedimenta producta tolluntur; idque faciet Romanus Pontifex per auctoritatem sibi collatam a Deo, tum ut Auctore naturæ, cum etiam a Christo Domino, ut summo sed invisibili Ecclesie Capite *ut in extrag. 5. de remissione inter communes*. Quod tamen præstare non poterit Episcopus, qui suorum subditorum voluntatem non possidet, quemadmodum possidet summus Pontifex, ut supremus totius Ecclesie Princeps; cui & Episcopi ipsi subijciuntur; propterea ab impedimento Sponsalium, vel simplicis Voti castitatis nequibit Episcopus dispensare: hæc liquet *ex Cap. 4. de Concessione prebendarum, & Can. 4. Inferior. Dist. 21. Clement. 2. de Elect. in 6.*

S. I I I.

Ab impedimentis vero dirimentibus solus Romanus Pontifex dispensare potest, vel delegatus ab ipso.

1. **Q**uia verò soli Romano Pontifici servata est potestas constituendi præter statuta a naturali, ac divino jure alia impedimenta Matrimonium dirimentia, ex eo evincitur, ab iisdem solum Romanum Pontificem posse dispensare, neminemque alium ab iis valide dispensare posse, non habita, vel expressa, vel tacita ejusdem Romani Pontificis delegatione; quia ipse cum sit supremus legislator nullo Ecclesiastico jure detinetur, reliqui vero Papæ inferiores detinentur omnes; inde sicut potest Ecclesiasticam legem constituere, ita illam potest abrogare, vel eidem derogare; quod in dispensatione ab Impedimentis dirimentibus sequitur. Et quamvis eadem dispensandi facultas, in impedimentis dirimentibus, quoties illa fuerint occulta, per nonnullos Doctores tribuatur Episcopis, tamen ex Benedicto Decimo quarto De Synodo Diœcesana *Lib. 7. Cap. 31.* docemur primo: „ Si serio sit de Impedimento, quod irritum reddit Matrimonium jam publicè contractum, „ auctoritatem habere Episcopos illud relaxandi, concurrentibus tamen lex „ circumstantiis, quarum Prima sit, ut Matrimonium jam fuerit contra- „ ctum.

2. Etum in faciem Ecclesiæ, omnibusque adhibitis solemnitatibus. Secunda est, ut contractum fuerit bona fide ex juris, aut facti ignorantia. Tertia, ut sit consummatum. Quarta, ut Impedimentum sit occultum. Quinta, ut non possit facile adiri prima Sedes, seu Dispenratio a Papâ obtineri ob conjugum paupertatem, rusticitatem, locorum distantiam, aliasque similes causas. Sexta, denique, ut non possit separatio fieri sine scandalo. = Quæ dispensatio ab Episcopis obtenta non proderit Dispensatis, nisi pro foro interno; cum major non sit Episcoporum potestas, quam ea, quæ est in majori Pœnitentiario Papæ, qui nonnisi pro foro interno dispensare potest in similibus rerum eventibus. 3.
2. Docemur secundo, quod agentes Doctores de Impedimento dirimente occulto, quod obstat Matrimonio nondum contracto, sed proxime contrahendo, & tales urgeant circumstantiæ, ut nec summus Pontifex consuli, nec Matrimonii contractus, ad quem omnia sunt disposita, differri possit sine scandalo, & paratorum ad nuptias infamia, his inquam concurrentibus causis, si alius non suppetat modus præcavendi hæc mala, eorum plurimi tribuunt Episcopo facultatem dispensandi supra hujusmodi impedimento; quam facultatem præsumunt illi concessam a summo Pontifice, ex quo eam professio requisitus non denegasset. Nonnulli tamen, ut Fagnanus eandem denegat Episcopo, & præcedentium Doctorum opinionem acriter reprehendit asserens, moraliter impossibile esse omnes eas circumstantias concurrere, in quibus nequeat Matrimonium retardari absque scandalo; cum plurimi præsto sint modi indicati a Perez de Matrimonio Dis. 44. sess. 6. n. 12. protrahendi tempus Nuptiis absque ulla suspitione criminis, & infamiæ eorum, qui jam erant ad eas celebrandas accincti.
3. Verum cum utraque sententia sit probabilis, si Matrimonium inter viros hujusmodi impedimento occulto dirimente præcedenter ab Episcopo relaxato bona fide, & cum ipsa sit celebratum, quoties in ea perseverent contrahentes, ex sensu Sacræ Congregationis Concilii, eosdem esse relinquendos in bona fide, in *Mexicana Visitationis Artorum Liminum* 31. Martii 1708. Tom. 9. tertiæ partis fol. 42. Quinimmo post initum Matrimonium bona fide, si venerint in noticiam potuisse Episcopum solum probabiliter dispensare; quoniam agitur de valore Matrimonii jam contracti, non contrahendi, pro ejus valore semper standum est, ut similiter definitur sapissime, & etiam in citata Mexicanâ eadem Sacra Tridentini Congregatio.
4. Si postea agatur de Matrimonio adhuc ineundo, nunquam licitum erit ad ejusdem celebrationem devenire, cum simili obtenta Dispensatione ab Episcopo; ex quo non liceat in Sacramentis &c. sequi opinionem probabilem, relicta tutiori, ne periculo nullitatis irreverenter eadem exponantur.

Num

Num autem tunc, cum enunciata Dispensatione valide Matrimonium contrahatur, (ut procedente ab extraordinaria potestate, quam ex præsumpta summi Pontificis voluntate in aliquo eventu urgentissimæ videlicet necessitatis, & impedimenti occulti, competere Episcopis asserunt prænuntiati Doctores), certo definiri non potest; quemadmodum nec definivit sanctæ Memorix Benedictus XIV. adducto loco inquires: „ Nullum in præsens de ea, (nempe opinione eorum Doctorem) ferimus
 „ iudicium; sed tantum differimus de ordinaria potestate dispensandi in,
 „ quibusdam impedimentis dirimentibus publicis. „

5. Quam Questionem statim solvit adducens Sacras Urbis Congregationes Concilii vide licet, ac supremæ Inquisitionis, non semel proseribentes tamquam falsam, & ienierariam propositionem asserentem Episcopo jus dispensandi super Impedimento dirimente publico, quod obstat Matrimonio contrahendo, etiam si gravis urgeat, illud contrahendi necessitas. Deinde *num.* 4. addit. „ Verum licuti graviter errant, qui potestatem,
 „ de qua agitur, Episcopis adjudicant, unice fratri illo axiomate (quod
 „ est, *quando non suppetat modus occurrendi malis, quæ sequeretur &c.*
 „ præsumendum est summum Pontificem delegare Episcopo potestatem dispensan-
 „ di) cuius falsitatem plurima Concilia Provincialia, Ritualia Ecclesia-
 „ rum, Auctoresque omnes agnoscere fatetur Natalis Alexander in alle-
 „ gata Regula s. i. ita periculum est, ne se, alioque decipiant, qui eam
 „ a consuetudine mutantur. „ Tandem prolequitur offendens, consuetu-
 „ dinem talem, si extaret, legitimam non esse; & si quæ in quibusdam
 „ Ecclesiis, quando non fuerit immemorabilis, & successive per usum
 „ producta, haberi non posse pro legitima, vel non haberetur expressum
 „ ab Apostolica Sede Privilegium, a nullo ex impedimentis dirimentibus
 „ publicis posse Episcopos in suis Diocælibus dispensare.

Propterea in negotio impedimentorum dirimentium Matrimonii, non aliam potestatem habet Episcopus quam, ut inquit in *Beneventana Matrimonii* 28. Aprilis 1759. sacra Tridentini Congregatio Tom. 23. fol. 40. Si Matrimonio opponatur impedimentum, quod, Episcopus procedat ad proclamata, & conscribat Processum formalem usque ad sententiam exclusivè, & transmittat ad Sacram Congregationem.

6. Quando ergo agitur de Matrimonio vel contracto, vel contrahendo, cui inde opponitur impedimentum, post formatum Processum se abstinere debet a ferenda sententia Episcopus; cum hoc iudicium reservatum sit supremo Tribunali, vel Romani Pontificis, vel Sacræ Congregationis Concilii ex ejus Pontificis ore, & cum ipsius præsentia loquentis; ex quo illa habeat facultatem scribendi nomine Papæ, ut testatur Fagnanus.
7. Si vero agatur de Dispensatione concedenda supra Impedimentis dirimentibus pro Matrimonio ineundo, & publica sint, nunquam poterit Episcopus eam elargiri, ut satis docuit Benedictus XIV. supra citatus.

2. Si

8. Si Impedimenta fuerint occulta, & detecta post initum Matrimonium, concurrentibus scilicet sex illis circumstantiis superius indicatis probabiliter, ut diximus, nonnulli censent, extraordinaria potestate implicite concessa a summo Pontifice, posse Episcopos supra iis impedimentis dispensare.
9. Tamen cavendum est, ne casus urgentissimæ necessitatis fingatur, qui revera non sit, atque ita onerentur conscientiæ tum Dispensantis, tum Dispensatorum.
10. Reliquum ergo est, ut pro certo habeatur, solum Romanum Pontificem potestate ordinaria posse dispensare supra Impedimentis dirimentibus Matrimonium; quando ea sunt juris merè Ecclesiastici; quando vero sunt juris naturalis, aut Divini, quamvis non omnia, saltem aliqua dispensare potest potestate sibi delegata a Deo, non quidem directè: naturalem, aut Divinam legem relaxando: sed indirectè, idest murando materiam, ex qua Impedimenta prodibant veluti Divinæ voluntatis constitutus interpret, declarando in peculiari circumstantia aliqua voluntatem Dei, velut auctoris naturæ, vel ut suum Jus Divinum constituentis non obligare.

S. I V.

Duo Tribunalia constituta a summo Pontifice pro Dispensationibus elargiendis, scilicet Dataria, & Penitentiaria, quorum uni commisit dispensationes ab impedimentis publicis, & alteri ab occultis, præsertim si illorum manifestatio fieri nequeat sine Oratorum infamia. Hinc leges a Iulia Innocentiana statuta Tribunali Penitentiariæ expendantur, ac modus servandus impetrandi ab ipsa dispensationes.

1. **C**ujus potestatis, vel ordinariæ, vel divinitus sibi delegatæ usum partialem, ac respectivum commisit Officialibus duorum Tribunalium, nempe Datarie, & Sacre Penitentiariæ, quibusdam legibus, ac limitationibus statutis pro quolibet ex prædictis Tribunalibus; ut illorum alterum supra quibusdam Impedimentis dispenseret, alterum supra quibusdam aliis, nonnullis tamen gravissimis sibi reservatis.
- Datarie commisit potestatem dispensandi supra Impedimentis publicis; ad quod Tribunal non dirigitur supplicatio, sed ad summum Pontificem; in qua supplicatione exprimendus est Orator suo nomine, ac cognomine, Civitate, ac Diœcesi, cujus est. Exponendum similiter Impedimentum omnibus circumstantiis indutum, & causa, tum motiva, tum finalis porrectæ supplicationis, quæ omnia vera sint, ne obreptitia, vel subreptitia fiat, seu evadat dispensatio; sed quia dispensationes a Dataria solent medio Ordinarii Loci obtineri; quæ in iis petendis servari debent, diligenti cura ab iisdem Ordinariis custodiuntur; propterea non est hic opus, ut eadem expendamus.

Quod

Quod opportunum est in Dispensationibus a Dataria obtentis, ut notetur, est Decretum Sanctissimi nostri Benedicti XIV. in *Causa Lisbonen. nullitatis Matrimonii* 13. Septembris 1755. *Tom. 19. Resolus. sacra Congregationis Tridentini Fol. 151.* in quo habetur: „ Primo, ut Matrimonium sit validum inter conjunctos tertio, & quarto gradu ex utroque latere „

„ non sufficere Dispensationem super uno tantum latere. „
 „ Secundo. Matrimonium esse validum, sed illicitum sub obrenta Dispensatione quarti gradus reticito tertio, si contrahentes fuerint in tertio, & quarto gradu consanguinitatis conjuncti; nisi etiam super tertio obtineatur declaratoriz ad formam Constitutionis Sancti Pii V., „ qui protestatus est, has nunquam expediturum in primo gradu consanguinitatis, & primo affinitatis, in quibus nolle dispensare testatur. „
 „ 1. Pœnitentiariæ vero commisit Dispensationes concedendas supra quibusdam impedimentis dirimentibus, quæ tamen sint occultæ: quæ, & qualia sint a Bulla Innocentii XII., quæ est duodecima in suo Bullario deprehenduntur.

Et primo tribuit summus Pontifex potestatem dispensandi summo Pœnitentiarum supra Impedimentis impedientibus, nempe Voti simplicis castitatis &c., & Sponsalium, quoribus hæc duo Impedimenta sint occultæ. Hoc tamen monito, quod Dispensatio a Voto simplicis Castitatis non est, nisi ad illud unicum Matrimonium, pro quo obrenta est; Nam si eo soluto Matrimonio vel: iterum dispensatus novum Matrimonium contrahere, nova ægebit Dispensatione; quemadmodum si intra illud primum Matrimonium præter usum licitum Matrimonii, vel cum aliâ, vel etiam cum sua uxore contra castitatem peccaverit, peccabit quoque contra Votum, a quo non est dispensatus, nisi ad actus licitos Matrimonii.

Reliqua duo Impedimenta impedientia, quia semper publica, non pertinent ad Tribunal Sacræ Pœnitentiariæ; cum in Bulla legatur tantum, quod „ In Matrimoniis contrahendis possit idem major Pœnitentarius „ in foro conscientiæ tantum super impedimentis occultis, quæ Matrimonium non dirimunt, dispensare, vel dispensari mandare. „
 „ 3. Cum autem sit sermo de impedimentis dirimentibus, denegatur summo Pœnitentiarum potestas dispensandi ab infrascriptis, in inquirent eadem Bulla. „ At a Dispensationibus super quocumque impedimento ex quovis gradu, sive consanguinitatis, sive affinitatis ex copula licita, sive ex cognatione spiritali proveniente, etiam in foro conscientiæ tantum, „ tamen Impedimentum sit occultum, & periculum scandalorum imminet, „ in iisdem Matrimoniis contrahendis abstinere. „

Quando ergo agitur de Matrimonio contrahendo, licet recensita Impedimenta sint occultæ, & periculum scandalorum vigeat; quia tamen nulla sequitur infamia in poscentibus dispensationem, ideo negata est po-

testas summo Pœnitentiario supra iisdem dispensandi, ut ex citato Paragrapho Bullæ.

4. Per quem tamen non est ablata Potestas summo Pœnitentiario dispensandi supra Impedimento publicæ honestatis ortæ ex Sponsalibus validis, sed occultis; Nam sicut existente iustæ causa potest ab iisdem dispensare, ut ex primo Paragrapho Bullæ, ita debet posse dispensare supra Impedimento ab iis producto; licet nulla sequeretur infamia petentibus, si ad Datariam confugerent; cum posset tamen sequi grave aliquod malum, quod esset, si innotesceret parti, cum qua inita sunt Sponsalia, huiusmodi recursus ad Datariam: ex quo ea pars posset assumere litem, ac causam contra eum, qui dispensari cuperet, tum a vinculo Sponsalium, tum ab Impedimento ab iis producto, qua supplicatione Datarie porrecta de occultis Sponsalibus fierent publica; & ita cerrum argumentum præberetur parti torquendi in Iudicium eum, qui iustè a Sponsalibus resilire posset; Ne inquam hæc mala sequantur, relicta est summo Pœnitentiario potestas dispensandi ab Impedimento publicæ honestatis producto a Sponsalibus validis, sed occultis.
5. Prosequitur Bulla recensens limitationes potestatis summi Pœnitentarii, & inquit. „ In Matrimonii verò contractis a Dispensatione, seu Matrimonii Revalidatione in gradibus primo, & secundo, seu secundo tantum consanguinitatis, vel affinitatis ex copula licita, etiam in occultis pariter abstineat, præter quam, si in huiusmodi secundo gradu tantum Impedimentum saltem per Decennium duraverit occultum, & Oratores simul publice contraxerint, & convixerint, & uti conjuges legitimi reputati fuerint. „
- Si inquam Matrimonium cum his Impedimentis fuerit contractum, pro illius révalidatione non poterit summus Pœnitentiarius dispensare, nisi supra secundo gradu consanguinitatis, & affinitatis, quoties per Decennium tale Impedimentum duraverit occultum, & Oratores &c. ut in prædicto Paragrapho.
6. Verum quia potest contingere, ut Dispensatio obtenta a Dataria super Impedimentis publicis nulla sit, vel quia obreptitia, vel quia subreptitia; & hoc, vel ob non manifestatam copulam incestuosam inter consanguineos, quæ præcesserit supplicationi dispensationis, vel si in supplicatione fuerit manifestata, fuit tamen reticita prava intentio, quam habuerunt incestuosi, per eam nempe reddendi faciliorem Dispensationis consecutionem; vel tandem quia in supplicatione exposuerint incestuosam copulam, quam non habuerunt, animo semper facilius impetrandi Dispensationem. Quia inquam per harum circumstantiarum taciturnitatem, vel expressam falsam existentiam earundem, redditur nulla Dispensatio a Dataria obtenta; hinc si huiusmodi circumstantiæ fuerint publicæ, nempe innotuerit copula a consanguineis invicem habita, &

hinc

hæc non fuerit expressa in supplicatione pro Revalidatione Dispensationis, nova Dispensatio, a Dataria petenda est; si vero fuerit occulta prædicta copula, nec timor sit, quod publicetur, tunc a Pœnitentiaria obtineri poterit Dispensatio. Similiter si prava intentio in dicta copula perpetranda evaserit publica, etiam pro hac contingentia ad Datariam reverti oportet pro impetranda Revalidatione; si vero perseveraverit occulta, erit in Potestate summi Pœnitentiarum invalidam Dispensationem a Dataria obtentam revalidare. Si tandem expressa fuerit copula incestuosa in supplicatione, quæ commissa non fuerit, quoniam nulla sequitur infamia Oratoribus, si apud Datariam sincere fateantur, eam non commisisse, quam falsò in supplicatione exposuerunt se perpetrasse, pro revalidatione obtentæ Dispensationis a Dataria, iterum ad eandem tenentur reverti. Ex quo deprehenditur, Dispensationem supra quibusvis Impedimentis dirimentibus, vel publicis, vel occultis reservatam esse Datariæ, quoties eorundem Impedimentorum expositio non inferat vel infamiam, vel periculum gravis damni Oratoribus; propterea inquit Bulla. „ In tertio autem, & quarto gradibus publicis revalidare Matrimonia nulliter contracta ex causa subreptionis, vel obreptionis occultæ Literarum Apostolicarum, præterquam si falsitas consistat in narratione præcedentis copulæ, quæ tamen antea non intercesserat. „ Quæ potestas summo Pœnitentiario concessa revalidandi post celebrata Matrimonia Dispensationes a Dataria obtentas, & nullas ob occultas subreptiones, vel obreptiones, licet videatur ad solum tertium, vel quartum gradum correpta, tamen ad omnes se extendit, etiam pro Matrimoniis contrahendis ex sequenti Paragrapho ejusdem Bullæ, qui est. „ Quod si Oratores, qui obtinuerint a nostra Dataria dispensationem super gradu prohibito, tam in primo, & secundo, quam in secundo tantum, ac etiam in tertio, & quarto, tacita copulæ inter eos secuta, quam sine honoris detrimento detegere non valent, & ratione hujusmodi taciturnitatis petant Dispensationem pro Matrimonio contrahendo, seu revalidatione Matrimonii contracti, possit idem major Pœnitentiarius, si copulæ sit adhuc secreta, in foro conscientie tantum concedere; facta, quando agitur de primo, & secundo, vel secundo tantum gradu, compositione quadraginta ducatorum &c. „ Et prosequitur paulo post disponens pro iis, qui nequeunt solvere statutam summam. „ Possit idem major Pœnitentiarius desuper dispensare cum miserabilibus personis explicite affirmantibus, se uti tales, & sub illa expressa qualitate, & forma miserabilium, dispensationes a Dataria obtinuisse. „ Pauperes autem, ac miserabiles Personæ quoad hunc effectum censentur, quæ liberibus suis victum diurnum sibi ipsis comparare tenentur, neque tanti possideant, quod valeat saltem pro tertia anni parte eos alere.

7. Quod porro pertinet ad Impedimentum cognationis spiritualis est, quod illud ex superius statutis in Bulla tolli non potest a summo Pœnitentiarario antequam Matrimonium celebretur, cum nihil in ea dispositum sit circa ejus Dispensationem post Matrimonium celebratum; licet suboriat dubium, = an in summo Pœnitentiarario sit potestas ab eo dispensandi post contractum Matrimonium =, tamen & taciturnitas Bullæ, quæ expresse illud non aufert a potestate summi Pœnitentarii, & Oraculum vi-
væ vocis ejusdem Innocentii XII., quo post Bullam denuo concessit Pœnitentiariæ quæcumque ad eam pertinentia ante Bullam, exceptis expresse reservatis in eadem Bulla, inter quæ expresse reservata non erat, neque est impedimentum cognationis spiritualis in Matrimoniis contractis; hæc innoscunt ex Notificatione quinta quarti Voluminis Benedicti XIV., propterea negari non potest hujusmodi potestas summo Pœnitentiarario, cum ante Bullam prorsus eandem possederit.
8. Quamvis, ut diximus, nequeat summus Pœnitentarius supra Impedimento affinitatis dispensare, vel hæc ortum habeat a copula licita, vel illicita, quoties sit publicum, si fuerit tamen occultum, & a sola illicita copula productum, tam in Matrimoniis contractis, quam in contrahendis poterit summus Pœnitentarius ab eo dispensationem elargiri, inquit citata Bulla. „ Super Impedimento occulto affinitatis ex copula illicita, seu actu Fornicario proveniente, quotiescumque adsit rationabilis causa, licet periculum revelationis, seu scandalorum non immincat, vel non adest, in Matrimoniis tam contractis, quam contrahendis in foro conscientie tantum „ subintellige dispensare valeat.
- Neque dubitare licet, de qua illicita copula loquatur Bulla, num de simplici tantum Fornicaria, num incestuosa, num adulterina. Nam sub expressione copulæ illicitæ omnes recensitæ continentur, præsertim cum alternativam adjecerit Bulla, scilicet, seu ex actu Fornicatio, per quam adjectionem ostendit, nomine illicitæ copulæ intellexisse quæcumque speciem ejusdem illicitæ copulæ.
9. Est tandem in summo Pœnitentiarario ex eadem citata Bulla potestas dispensandi ab impedimento criminis: si illud fuerit occultum, ita prosequente eadem Bulla. „ Super Impedimento occulto criminis adulterii, si fuerit cum fide data dumtaxat Netro machinante commissum, possit tam in contrahendis, quam contractis Matrimoniis dispensare: Si vero crimen hujusmodi fuisset utroque, vel altero machinante, patratum, possit dispensationem concedere: raro tamen, & quando necessitas postulaverit ratione alicujus gravis imminens periculi; quod ex prudentia majoris Pœnitentarii, re præsertim discussa, in Congregatione, vel signatura arbitrandum erit. „
- Hæc erant monenda pro Tribunali Pœnitentiariæ, quod nonnisi in Impedimentis occultis, & pro foro conscientie tantum dispensare potest; ad quod

quod frequentius confugere tenentur Parochi, & Confessarii, Parochianorum, ac Pœnitentium gratia.

10. Effent hoc loco exhibenda exemplaria supplicationum, vel Datariz, vel Pœnitentiariæ porrigendarum. Verum quia dispensationum executio, si a Dataria ex proveniant, committi solet Ordinario Oratorum, seu ejus Vicario, vel Officiali, in cujus Cancellaria, vel extant hujusmodi exemplaria, vel facile a peritis Officialibus illius confici possunt, non refert, ut exemplaria supplicationum porrigendarum Datariz hic demus; cum prudentius agant Oratores medio eorum Ordinario dispensationem petendo, quam aliunde sibi ipsis eam procurandos cum ea executioni mandari non soleat, nisi per proprium eorumdem Ordinarium.
11. Pretium est potius, ut exhibeamus genericam formulam supplicationis porrigendæ Pœnitentiariæ, quæque in ea exprimi debeant, ut validam consequatur Dispensationem; cum hæc committi soleat, vel Parochis, vel Confessariis Oratorum.

Plures describuntur formulæ harum supplicationum, tum a Canonistis, tam a Moralibus Theologis: a Pichler *Lib. 4. Tit. 16. de Dispensione Impedimentorum* Parag. 3. num. 28. & sequent. usque ad Parag. 4.

A Maschat *lib. 4. Tract. de Dispensationibus Matrimonialibus* §. 3. & 4. A Sporer *Theolog. Sacramental. de Matrim.*, & similiter a Lacroix eodem loco.

Ex inquam formulæ, quoniam plures, & diversæ, & legi, & proportionatæ casui, pro quo supplicatio faciendâ sit, eligi poterunt.

12. Quod tamen in iis cudiendis, seu exarandis, curari, ac caveri debet, est: primo nomina Oratorum non esse exprimenda, sed per literam. NN. indicandi sunt Oratores, deinde exponendum impedimentum cum omnibus suis circumstantiis, postea causa movens Oratores ad petendam Dispensationem, quæque iusta, ac sufficiens sit ad dispensandum.

Tandem notetur in supplicatione, vel Civitas, vel Diœcesis, ad quam dispensatio dirigenda est a Pœnitentiaria, & simul nomen, ac cognomen Parochi, vel Confessarii, cui committenda sit dispensatio.

Ideo non sunt exprimenda nomina propria Oratorum; quia hujusmodi Dispensatio pertinet ad forum Pœnitentiale, atque ut plurimum sequeretur Oratorum infamia, si propriis nominibus indicarentur.

- Ideo similiter debet exprimi Civitatis, seu Diœcesis nomen, & etiam nomen Parochi, vel Confessarii, cui committitur Dispensatio; quia Litteræ Dispensationum, vel Datariz, vel Pœnitentiariæ non sunt, nisi commissio, seu deputatio alicui facta ad dispensandum; non vero Testimonium peractæ Dispensationis, ita innotente Sacra Tridentini Congregatione in *Montis Falisci nullitatis Matrimonii* 28. Augusti 1751. Tom. 15. Fol. 122. Matrimonium, inquit, initum bona fide, inter consanguineos quarto gradu nullum declaratur, & Dispensatio Datariz obtenta non est nisi mandatum dis-

dispensandi, quemadmodum etiam ea Pœnitentiaria, quibus obtentis, & non executis integrum est resilire. Unde, ut beneficium dispensationis consequi valeant Oratores, necessario innotescere debet sacræ Pœnitentiariæ nomen Personæ, & ejus Civitas, vel Diœcesis, cui committere possit facultatem dispensandi.

13. Quia verò Dispensationis Litteras, seu Brevia dirigere solet sacræ Pœnitentiariæ sub altero ex recensendis titulis = scilicet vel discreto Viro Confessori, Magistro in Theologia, vel Decretorum Doctore ex approbatis ab Ordinario. Vel tandem discreto Viro Confessario ex approbatis ab Ordinario; quovis tamen modo fiat, ad validam eandem Litterarum executionem requiritur in Dispensante delegato qualitas, seu titulus eidem tributus in facie expeditarum Litterarum; nempe si fuerint directæ discreto Viro Confessori Magistro in sacra Theologia, vel Decretorum Doctore = quod in publica Universitate Doctoralem Lauream sit consecutus, vel in Theologia, vel in Jure Canonico; cum satis non sit, cum docuisse, vel docere in Claustris, vel Theologiam, vel Jus Canonicum, aut Magisterii gradum in Monasterio possidere: ut num. 32. cit. *Notif. Bened. XIV.* excipiuntur tamen Jesuitæ, qui privilegio Gregorii XIII. sunt capaces exequendi hujusmodi Litteras, licet gradu Doctorali careant, dummodo sint approbati ad Confessiones ab Ordinario dispensandorum, & ex eorum Generali sint destinati ad aperiendas dictas Litteras; quod privilegium ratione communicationis privilegiorum cum Societate Jesu aliis Religionibus, ac Religiosis non communicatur. Solis enim Minoribus Observantibus ab Innocentio XI. concessum est simile privilegium pro eorum Lectoribus jubilatis.

Si autem directæ fuerint discreto Viro Confessario ex approbatis ab Ordinario, in eo prorsus requiritur, ut tempore executionis Litterarum perseveret dispensans in prædicta vera, atque expressa approbatione; nam dici non potest actu approbatus, cui cessavit, licet proxime data approbatio: ut ex cit. §. seu num. 32. *scilicet liquet.*

14. Obtenitis itaque Litteris Dispensationum, si a Dataria venerint, Ordinariis locorum tradendæ sunt; ab iisque aperiendæ, atque exequendæ; quibus executis, si fuerint pro Matrimonio ineundo, illud in posterum celebrandum est coram Parocho, & Testibus, servatisque aliis a Tridentino præscriptis formis, ac solemnitatibus.

Si pro Matrimonio nulliter contracto resciciendo, ac revalidando, etsi occulta fuerint impedimenta, in quibus est dispensatum, similiter coram Parocho, & Testibus renovandus est Matrimonialis consensus. Ita præ aliis disponente Sacra Tridentini Congregat. in Reatina 13. Julii 1715. Tom. 3. Fol. 192. sub secundo dubio. = *An consensus a Contrahentibus sit renovandus coram Parocho, & Testibus in casu &c.*

Ad secundum

AFFIRMATIVE.

15. Cum

15. Cum porro a sacra Pœnitentiaria fuerint expeditæ; ex nec tradi debent, nisi habenti notas, ac characteres in facie Litterarum descriptos, neque a quoquam alio, quam ab eo aperiendæ: quæ tamen quavis ex causa, si apertæ ab alio fuerint, non inde evanescunt; sed ita apertæ tradi possunt, ac debent habenti prædictas notas, ut eas exequatur, ac simul dispense.

Hic tamen Executor primitus causam scrutabitur, & quidem a solo Pœnitente, obtenturum Litterarum, quam nisi veritati nitentem invenerit, ad dispensandum non procedet; quemadmodum etiam scrutabitur quæcumque exposita in ipsedemet Litteris: num & ipsa vera sint; quæ si veritate careant, vel etiam una ex circumstantiis expositis nutet, a dispensando cessabit; nisi id, seu omnia noverit ex præcedentibus Confessionibus Pœnitentis.

Comperita deinde precum veritate omnimoda, ante Dispensationem audiet prius Sacramentalem Confessionem Pœnitentis dispensandi, illique Pœnitentias in Brevi expositas, aliasque arbitrarias quidem, sed a nimio rigore, ac laxitate remotas imponat; postea ad dispensandum supra Impedimento procedat. Utetur autem consueta formula a Pichlerio, atque Maschar descripta superius citatis, quam sub fine hujus expositionis de Dispensationibus, & nos describemus.

16. Verum quia in prædictis Litteris, quædam observandæ cautiones apponuntur, de istis dicemus.

Prima est, ut Impedimentum, a quo est dispensandus Pœnitens Orator, sit vel omnino occultum, vel simpliciter occultum.

Si postuletur a Pœnitentiaria, quod sit omnino occultum, profecto requiruntur, quod nulli alii innotescat, præterquam Pœnitenti Oratori, ac Confessario; & quia a Sacra Pœnitentiaria expeti non solet, quod Impedimentum sit omnino occultum, nisi cum fuerit Impedimentum Criminalis, inquit Prospero Fagnano *Cap. Vestra de cohabitatione Cleric., & Mulier. num. 120.* „ Illud Impedimentum esse omnino occultum, quod uterque Oratorum in morte dicti Mariti machinatus sit, & plane ignoretur, quod ejus mors inde secuta sit, & nulla ratione probari possit. „ Debet ergo impedimentum, ut sit omnino occultum, tale esse, quod nulla ratione probari possit, ad hoc, ut apposita hæc clausula verificetur.

Si autem a Pœnitentiaria queratur, ut impedimentum sit simpliciter occultum; quod hac dictione ipsa solet exprimere, scilicet, *dummodo impedimentum præsum occultum sit*; tunc hæc clausula verificabitur, etsi quatuor, vel quinque Personis innotescat; ut docet idem Fagnanus *loco citato*, inquit *num. 43.* „ dicitur Impedimentum, vel Crimen occultum, licet aliquibus sit notum, puta quatuor, vel quinque, & hanc opinionem derivat Sacra Pœnitentiaria: „ tamen dispensans cavere debet

debet a dispensando, si prudenter suspicari possit delictum, seu impedimentum de occulto posse evadere in proximo publicum.

Ob hanc clausulam plures moventur Quæstiones, prima est: num dici possit occultum illud impedimentum, quod publice contractum fuit in loco commissi delicti, sed occultum in loco, ubi Oratores morantur.

17. Dimissa hujus quæstionis solutione, quod praxim respicit est, Exequentem Litteras Pœnitentiariæ observare debere, num in supplicatione expressum fuerit illud delictum ut alibi publicum, seu publicè commissum, & in qua Oratores morantur Ditione occultum; si ita fuerit expressum, procedet ad Dispensationem delegatus Confessarius; si vero hoc fuerit commissum, se continebit a Dispensatione, sed novas Litteras cum hujusmodi expressione obtinendas suadebit Pœnitenti, seu Pœnitentibus Oratoribus.

Secunda est, Si delictum fuerit materialiter publicum, sed formaliter occultum, idest nulli ex iis, quibus notum est crimen, innotescat impedimentum adjectum illi crimini, num cum sola, ea formali occultatione dici possit satis occultum, ut valeat de eo Dispensatio. Cui quæstioni respondet Giribaldus de Sacram. Matrimonii Cap. 18. §. 4. num: 22 citatus a Benedicto XIV. in dicta Vigesima Notificatione num. 42. inquit. „ Executorem posse absolutionem, seu Dispensationem concedere, si delictum, seu Impedimentum sit occultum formaliter, quamvis sit materialiter publicum, quia sufficienter verificantur Verba in Dispensatione posita: *Dummodo Impedimentum sit occultum.* „

Verum hæc responsio non placuit prædicto summo Pontifici; quinimmo fatetur, se Navarri oppositam sententiam amplecti, inquit *Tract. de pœnis Ecclesiasticis part. prima Cap. 21. §. advertendum secundo*: „ Aliqui audent ulterius, & dicunt. Etiam si sit publicum ut delictum, si tamen sit occultum in ratione pœnæ annexæ a jure, posse dispensari, vel absolvi ab illa tamquam in occultis. Tamen contrarium tenendum est, quia hæc est juris ignorantia, quæ non excusat ad hunc effectum: & hoc observat sacra Pœnitentiaria. „

Tertia est: Si impedimentum, seu delictum fuerit quidem retro publicum, sed lapsu temporis evaserit nunc occultum; Atque ita in eo esse nunc qualitatem occultit sufficientem pro executione Dispensationis? Hanc solvit Marcus Paulus Leo *Tarte secunda Formularum, dispensationum Matrimonialium pag. 133.* „ Notandum, ait, quarto, & ultimo, non implicare, quod aliquid a sui origine, & principio fuerit publicum, & tractu temporis fiat occultum; Tempus enim omnia devorat: & quæ non delet ab hominum memoria diuurnitas temporis? Hoc autem genus occultorum, etiam pluries meo tempore signatura Officii Sacre Pœnitentiariæ admisit; sed non eodem modo in omnibus casibus; in Dispensationibus Matrimonialibus per decennium, in irregularitatibus per viginti, & triginta annorum spatium. „ Si

Si ergo a publico ad occultum transierit impedimentum, atque per decennium perseveraverit occultum, satis id erit, ut pro occulto habeatur ad effectum super eo dispensandi; neque est quidquam oppositum prohibens, præterquam, si ad Forum contentiosum delictum pariens impedimentum fuisset deductum, & reus non fuisset absolutus ex capite Innocentiz, sed tantum dimissus cum onere se præsentandi; Nam tunc periculum esset, quod in proximo de occulto evaderet publicum illud delictum; & propterea sola ignorantia juris de Impedimento superesset, quæ non sufficeret ad relinquendum occultum impedimentum ea ratione, qua est dispensabile a Sacra Pœnitentiaria.

18. Et hinc liquet, quare Dispenſatio Pœnitentiariæ non valeat, nisi pro Foro interno: inquit eadem citata Innocentii Bulla: „ Ita quod huiusmodi absolutio, & dispensatio in Foro Judiciario nullatenus suffragetur, aliudque non obſtet, præſentibus laceratis, quas sub pœna excommunicationis latæ ſententiæ lacerare tenearis, itaut nullum earum exemplar extet, neque eas Latori restituas, Quod si restitueris, nihil ei præſentes litteræ ſuffragentur. „

Ideo enim in hoc Paragrapho juſſit Bulla sub pœna excommunicationis latæ ſententiæ lacerationem Litterarum; ut apertè manifeſtaret ſuam Dispensationem non valere, nisi pro Foro conſcientiæ; propterea, ut inquit Navarrus citatus: „ ſi contingeret aliquando etiam poſt contractum in vim Dispensationis Matrimonium, ut impedimentum ex occulto fieret publicum, poſſet Ordinarius loci eos ſeparare a Thoro &c. Verum tamen eſt, quod in Foro conſcientiæ, ſeu in Foro animæ iſti eſſent veri conjuges, quia vere fuerunt legitime diſpenſati in vim Litterarum Sacræ Pœnitentiariæ quoad Forum conſcientiæ; & ſic, ſi tempore ſeparationis, remoto ſcandalo, debitum conjugale ſibi ad invicem redderent, nullum peccatum committerent; quia per ſecretam Dispensationem Sacræ Pœnitentiariæ vere eſſet ſublatus Impedimentum tunc occultum. „

In quo rerum eventu monent plurimi, atque idem Benediſtus XIV. quod dictus Loci Ordinarius, ſi ſecreto moneretur de obtenta, atque executâ Dispensatione Pœnitentiariæ a Confeſſario diſpenſante, teneretur quieſcere a conſeſſione Proceſſus, atque a ſtatuenda, ac præſcribenda ſeparatione prædictorum conjugum: inquit Filucio citato in præhænciata Notificatione. „ Non puto tamen prohiberi, quominus fieri poſſit aliqua fides a Confeſſario de abſolutione, vel Dispensatione impenſa, pro conſolatione Pœnitentis, vel pro Teſtimonio apud Epiſcopum obtentæ juſtificationis. „

Cui fidei ita debet deferre Epiſcopus, ut ceſſet a formatione Proceſſus: ita huic quaſito a Clericato conſeſſo, nempe, poterit ne Confeſſarius eundem Judicem admonere de Dispensatione ſupra largita ad hoc, ut

desistat a formatione Processus? Respondentibus eodem Filicio, & Tamburino, *AFFIRMATIVE*,

„ dummodo Confessarius secreto moneat Episcopum, Parochum, & Judicem; qui omnes acquiescere debent hujusmodi notitiæ, ac certificationi; „ atque ita præcepisse sæpius summum Pœnitentiarium Episcopis localibus docet citatus Benedictus XIV.

19. Non refert, ut exponatur alia cautio, quæ est = *aliudque non obstat*, quæ ideo apponitur a Pœnitentia, ut ostendat ab illo tantum impedimento committere Dispensationem, quod fuit in supplici libello expositum, non vero a quolibet alio, si adesset.

20. Quemadmodum pretium non est, ut immoremur in ea clausula exponenda, videlicet = *presentibus laceratis*; Nam hæc clausula in iis tantum Dispensationibus habetur, cum agitur de Matrimonio nulliter contracto revalidando absque præsentia Parochi, & Testium; tunc enim lacerandæ sunt Dispensatoriz Litteræ; quia tunc nullum Testimonium exhibere possunt validitatis Matrimonii noviter restaurati: cum ne dubium quidem de ejus validitate suboriri potuerit apud Ecclesiam, in cujus faciem primitus celebratum fuerat.

21. Quando vero Litteræ Dispensatoriz non supponunt Matrimonium celebratum præcedenter in faciem Ecclesiæ, sed tantummodo publicam opinionem de eo celebrato; uti esset pro degentibus in concubinato, sed speciem habentibus verorum conjugum; tunc illæ non habent clausulam *presentibus laceratis*; quinimò illæ caute custodiendæ sunt a deputato Executore, ut valeat rationem reddere de suo gesto, si causa fuerit hujusmodi rationem reddendi.

22. Executis itaque Dispensationum Pœnitentiariæ Litteris, Matrimonium præcedens nulliter celebratum non statim convalescit, sed ulterius requiritur novus utriusque conjugis consensus, quandoque exhibendus coram Parocho, & Testibus, a quibus juramentum silentii præstari, atque expeti debet = nempe quando in faciem Ecclesiæ non fuit præcedenter celebratum, sed dispensati communiter habiti sunt, ut veri conjuges = quandoque sine præsentia Parochi, & Testium: scilicet quando Matrimonium jam fuerat celebratum ante Dispensationem, sed nulliter, propter impedimentum occultum, de quo postea est dispensatum; cum enim tunc Ecclesia habeat certum Testimonium de celebrato eo Matrimonio, & impedimentum dirimens illi, nempe Ecclesiæ, sit occultum; ideo non postulat, ut coram Parocho, & Testibus renovent dispensati consensus suos, sed illi sufficit, si privatim inter ipsos nullo adhibito, vel Parocho, vel Teste eundem consensum renovent; pro quo peculiari eventu Tridentini legem de præsentia Parochi, & Testium ad validitatem Matrimonii requisita relaxat; ut patet ex ultima cautione citatæ Innocentianæ Bullæ, quæ est: *Demum dummodo impedimentum*

pra-

præfactum occultum sit, & separatio inter Latorem, & dictam Mulierem, fieri non possit absque scandalo, aliudque non obest, cum eodem Latore, ut dicta Muliere de nullitate prioris consensu certiorata, sed ita cautè, ut Latore delictum nunquam detegatur, Matrimonium cum eadem Muliere, & uterque inter se de novo secreto ad evitanda scandala, præmissis non obstantibus, contrahere, & in eo postmodum remanere legitime valeat, misericorditer dispenses.

Qua Bullæ dispositione constat Matrimonium nulliter jam celebratum propter impedimentum occultum, ab eoque dispensatum, & postea restaurandum pro eo superius dicto peculiari eventu relictum esse ab Ecclesia sub dispositione solius naturalis Juris, tantummodo requirentis pro Matrimonii validitate verum atque reciprocum contrahentium consensum; qui nullo præsentè Parocho, nulloque Teste præstari potest.

33. Quare autem ab executione dispensationis non statim convalescat Matrimonium, sed ulterius requiratur, ut denuo contrahant dispensati per novum, atque expressum utriusque exhibitum consensum, certiorque fiat pars innocens de nullitate prioris dati consensus, est, quia Dispensatio sive a Dataria, sive a Sacra Pœnitentiaria obtenta, licet habeat vim tollendi impedimenta, ne imposterum obstant Matrimonio, ac dirimant idem Matrimonium celebrandum, efficiatque habiles dispensatos ad contrahendum; tamen vim non habet abrogandi effectus productos ab impediens, antequam ea per dispensationem tollerentur. Effectus autem ab impediens producti hi erant: primus ligatos impedimento decernebat inhabiles ad contrahendum: secundus obstat, ne dati consensus a vinculis impedimento, quamvis jure naturæ essent veri, ac validi consensus, ne invicem connecterentur, atque inde ne exurget validum Matrimonium; propterea cum dati ii consensus sub impedimento a prædictis effectibus semper maneat affecti, atque comprehensi, etsi imposterum tollatur impedimentum, non tamen per hujusmodi impedimenti sublationem solvuntur a prædicta affectione; Unde semper verificatur, quod tempore, quo ligati impedimento contraxerunt, erant inhabiles ad contrahendum, & quod tunc dati consensus fuerunt intercepti, ne invicem connecterentur ad Matrimonium stabiliendum; quæ interceptio tamdiu durat, quandiu durant ii effectus, qui non nisi per expressam eorundem abrogationem a solo Pontifice præstandam tolli possunt.

34. Cum ergo summus Pontifex non dederit constitutis Tribunalibus Datarie, & Pœnitentiariæ potestatem abrogandi prædictos effectus, sed tantum tollendi impedimenta, atque efficiendi habiles dispensatos ad noviter contrahendum, hinc innotebit, quare dispensati ab his Tribunalibus teneantur novum consensum Matrimoniale emitte, vel coram Parocho, & Testibus, vel privatim pro conditione, tum Impedimenti, tum Dispensatorum, tum Tribunalium, a quibus obtenta est Dispensatio.

Ex

Et similiter deprehendi potest necessitas renovationis consensus faciendæ ab utroque contrahente, quamvis ex iis unus sit innocens; ex quo illius consensus præcedenter datus maneat comprehensus, & affectus ab effectibus productis ab impedimento, quod vigeat tempore ejusdem dati consensus.

Hinc proinde conspicitur necessitas, ut hic innocens certioretur de nullitate Matrimonii jam celebrati; ne ex errore, quem habet idem innocens de valore sui præcedentis consensus, novum consensum non præbeat, sed veterem confirmet tantummodo; quæ confirmatio sub iisdem vinculis, quibus erat constitutus præcedens consensus & ipsa remaneret propterea non sufficiens ad novum constituendum Matrimonium.

35. Præcipit tamen Bulla, ut Innocens tam cautè certioretur de nullitate præcedentis Matrimonii, ut venire nequeat in notitiam Impedimenti, supra quo est Dispensatum; quod aptius fieri non posse arbitrantur nonnulli Theologi, quam si reus dispensatus dicat innocenti, se verum consensum non habuisse, quando Matrimonium cum eo, vel ea innocente contraxit; proinde ad hujusmodi Matrimonium refarciendum, sicut ipse tenetur novum præstare consensum, ira & pars innocens. Quod quidem in hac re prorsus certum est, hoc unum est, non sufficere, quod de nullitate Matrimonii sub dubio certioretur pars, sed requiritur, ut omnimode certo illi innotescat Matrimonium fuisse nullum; & similiter, quod consensus exhibendus ab eadem parte innocente certiorata non sit hypotheticus, sed absolutus, & in omnibus similis illi, qui exhibetur ab iis, qui primitus Matrimonium validum contrahunt; ex quo liquet, non sufficere consensum implicitum, qui a quibusdam fingitur in subsequente copula affectu Maritali habenda; quoniam ipsa non præmissio Matrimoniali expresso consensu esset fornicaria, cum per ipsam non Matrimonia contrahantur, sed consumuntur; idque specialius constat ex Tridentino de Reformatione; & ex antiquis Canonibus statuentibus, quod Matrimonium facit non copula, sed consensus.

Neque sufficere consensum ab innocente non certiorato de nullitate præcedentis Matrimonii præstitum in Testimonium amoris erga alterum conjugem reum, quo ipse innocens protestetur, quod, etiamsi nullum fuisset illorum celebratum Matrimonium, adhuc denno daret suum consensum; quem reverà nunc dare intendit, ac dat, illique adjungatur consensus Rei; Quia tunc non verificaretur particula Bullæ de certiorata parte circa nullitatem præcedentis Matrimonii; cujus verificatio essentialiter ad validam dispensationem postulatur a Sacra Pœnitentiaria teste Bened. XIV. & etiam quia hujusmodi consensus innocentis non esset absolutus, sed hypotheticus; cum hic innocens non certioratus de nullitate prioris Matrimonii suus esse non posset, se posse ita disponere, cum se ligatum arbitretur a præcedenti consensu; nunc posterior

rrior illius consensus nonnisi hypotheticus esse potest; ab hypothetico autem consensu nihil poni potest in esse; cum omne hypotheticum sit illud, quod esset, si, & non est; itaque præfatus consensus Innocentis non certiorati sufficere nequit ad reintegrandum, vel denuo celebrandum post obtentam Dispensationem impedimentorum a Sacra Pœnitentiaria Matrimonium.

Quemadmodum non sufficere quodlibet aliud inventum a Theologis suggestum, vel innocentem certiorandi, vel renovandi consensum; cum præter superius indicatum, nullum aliud admitti posse videatur ex citato Benediçt. XIV.

26. Quod tamen operosum est, ac difficile curatione, est, quando ex certioratione partis innocentis prudenter timeretur ejusdem innocentis partis recessus, & exinde scandala, neces, similiaque mala; in qua facti contingentia monet idem Benediçt. XIV. debere Delegatum ad dispensandum summum Pœnitentiarium iterum adire, sicut in quibuslibet aliis obstantibus litterarum executioni; atque ab eo obtinere leges, & modum, quo velit ipse Pœnitentiarius elargitam suam Dispensationem exequi:

S. V.

Dispensationes in radice, quæ sint, & quare a solo supremo Principe concedantur.

1. **S**I autem non suppetat summo Pœnitentiarario modus inducendi certiorandum ad noviter consentiendum, tunc ipse summus Pœnitentiarius a summo Pontifice impetrabit Dispensationem ab illo Impedimento absque onere renovationis consensus faciendæ post obtentam Dispensationem, tum a Reo, tum ab Innocente; quæ tamen Dispensatio nunquam dabitur a summo Pontifice, nisi in hypothesi, quod Innocens præcedenter non fuerit certioratus de nullitate antecedentis Matrimonii; cum supposita certioratione Innocentis, supponi non posset perseverantia moralis sui consensus naturaliter validi dati in præcelebrato nullo Matrimonio; hinc caute est procedendum in hoc rerum discrimine: scilicet quando prævidetur, quod pars Innocens, si certioraretur, sit recedenda: Nam tunc omittenda est certioratio, & pro nova Dispensatione, quæ dicitur Dispensatio in radice, summo Pontifici est supplicandum; cum in ipso hujusmodi sit potestas; ut præter alia novissima definivit in *Ipreu, visitationis sacrorum Liminum 17. Augusti 1737. Sacra Tridentini Congregatio Tom. 8. part. prima Fol. 125. usque ad Fol. 133. iniquens: Matrimonium invalidum ob aliquando impedimentum de Jure Ecclesiastico dirimens concurrente legitima causa potest summus Pontifex in radice contrahere.*

Etc.

Etiam hæc sola est, quæ potest restaurare Matrimonia nulliter contracta ob impedimentum juris Ecclesiastici tantum absque renovatione consensus exhibendorum ab utrisque putatis conjugibus; quia hæc sola est, quæ abrogat effectus productos ab impedimentis dirimentibus juris positivi, & restituit consensus datos a conjugibus in præcedenti nullo Matrimonio ad eorum esse naturale, quod habuerunt, quando fuerunt emissi; & sicut tunc fuerunt, validi jure naturæ, licet postea intercepti ab effectibus Impedimentorum, ne invicem necterentur ad validum constitnendum Matrimonium: nunc autem sublatis iis effectibus, atque abrogatis per hujusmodi Dispensationem, ita supersunt immunes a qualibet affectione, ut statim invicem nectantur, sicque tribuant valorem eidem Matrimonio præcedenti; quo prædictum Matrimonium caruit, quousque enuntiati consensus permanserunt obnoxii, atque comprehensi ab effectibus prædictis impedimentorum.

Sicut ergo, ut superius advertimus, hanc potestatem abrogandi effectus productos ab Impedimentis dirimentibus juris Ecclesiastici non dedit summus Pontifex ulli ex Tribunalibus statutis ad dispensandum in Impedimentis Matrimonialibus; apparet propterea pro hac Dispensatione obtinenda solum Romanum Pontificem esse exorandum.

- a. De hac Dispensationis specie meminit Benedictus XIV. in citata Notificatione Num. 39. inquit de summo Pontifice. „ Non solo può torre „ mezzo gli effetti già da esso prodotti (cioè dall' Impedimento) secondo il Testo nella Clementina unica de *immunitate Ecclesiarum*, e come giornalmente si vede nelle legittimazioni, che dà in radice Matrimonii, ma essendovi già stato nel principio un consenso naturale, potrebbe forse, se volesse, dispensare dalla rinovazione del consenso: come senza novo consenso furono revalidati alcuni Matrimonii contratti nullamente nell' Indie da certi chiamati *Tucueles*, e *Quartarones* con un Breve spedito dalla santa Memoria di Clemente XI. alli 2. Aprile 1701. „ Unde prosequitur idem Benedictus, in hujusmodi facti contingentia debere Parochum, vel Confessarium Oratoris prudenter metuentis recessum sui innocentis conjugis, si certioreretur de nullitate jam initii Matrimonii, Episcopum contulere suppresso Oratoris nomine, ne infametur, qui vel indicabit modum, quo possit induci innocens certioratus ad noviter consentiendum, vel hoc desperato, pro rei gravitate ad summum Penitentiarium diriget novam supplicationem, exposita morali impossibilitate inducendi innocentem ad noviter consentiendum, si certioreretur, & gravissima mala, non restaurato hujusmodi Matrimonio, quæ sequerentur. Qui summus Penitentiarius, licet ordinariam Potestatem non habeat dispensandi in radice, eam tamen si causa postulare sit, obtinere poterit a summo Pontifice. Hæcque via consuli poterit sacbroio huic eventui.

S. VI.

S. V I.

Formula exequendi dispensationes a Pœnitentiaria obtentas :

1. **Q**uod sub fine sermonis de Dispensationibus polliciti sumus, nunc damus, estque formula a Delegato dispensante adhibenda in Dispensationibus obtentis a Sacra Pœnitentiaria.

Postquam enim in Sacramentali Confessione audita protulerit delegatus Dispensans formulam absolutionis tum a censuris, tum a peccatis, hæc addet: „ Et insuper auctoritate Apostolica mihi specialiter delegatus dispenso tecum super impedimento (hicque exprimitur individuum impedimentum supra quo dispensatur. Deinde prosequatur) ut præfato impedimento non obstante, Matrimonium cum dicta Muliere publice, servata forma Concilii Tridentini, contrahere, consummare, ac in eo remanere licite possis, & valeas. In Nomine Patris, & Filii, & Spiritus Sancti. Amen. „

„ Insuper eadem auctoritate Apostolica prolem, quam ex Matrimonio susceperis, legitimam fore nuntio, & declaro. In Nomine Patris, & Filii, & Spiritus Sancti. Amen. „

2. Si verò Matrimonium non sit primò celebrandum, sed jam nulliter initum & inde restaurandum, tunc præmissa eadem absolutione a Censuris, & peccatis, hæc dicat: „ Et insuper auctoritate Apostolica mihi specialiter delegata dispensio tecum super impedimento (& hic de more exprimitur impedimentum) ut eo non obstante Matrimonium consummare, & in eo remanere licite possis. In Nomine Patris, & Filii, & Spiritus Sancti. Amen. „

„ Et pariter eadem auctoritate Apostolica, prolem si quam suscepisti, & susceperis legitimam fore decerno, & declaro. In Nomine Patris, & Filii, & Spiritus Sancti. Amen. „

3. His peractis Brevia, quæ laceranda sunt, lacerabit Dispensans, quæ servanda, servabit. Ita eodem Benedicto XIV. monente in prædicta Notificatione vigesima Voluminis quarti.

Et hæc de Dispensationibus Matrimonialibus, quæ respiciunt, vel Matrimonia inveniunda inter inhabiles, vel nulliter celebrata refarcienda, ac validitati donanda,



CAPUT SEXTUM.

DE VALIDI MATRIMONII EFFECTIBUS, JURIBUS,
ATQUE ONERIBUS.

POfita autem Matrimoniorum validitate, qui ex iis effectus prodeant, quæ jura, quæve onera in conjugatos derivent, promissa solventes, enumerare teneremur. Verum hæc (sparsim in dictis egimus. Et si quid dicendum superfit, hic compendiose proferemus.

§. I.

Recensentur effectus.

1. **E**T primo: Effectus ex valido Matrimonio provenientes sunt, vinculum conjugale, bonum Fidei conjugalis, bonum prolis, & bonum Sacramenti; Vinculum enim conjugale ex mutuo Maritali consensu producit, dicens relationem ad utrumque conjugem, quo in facto esse Matrimonium constituitur, seu status conjugalis, individuum viræ societatem continens, a quo bonum Fidei conjugalis descendit; hocque cum sit jus Maritale, aut mutua potestas in corpora, vi cuius tenentur conjuges mutuum amorem, atque amicitiam sibi ipsis exhibere; sit propterea, ut communiter in eadem Domo habitent, communi mensa, ac Thalamo utantur; nullique extraneo vel per Nuptias, vel per furtivas libidines commisceantur. Et ex eo tertius effectus, nempe bonum prolis, quod profecto ex bono fidei conjugalis semper habetur; nam servato mutuo amore, & reliquis inde consequentibus, necesse est, prolem nasci legitimam, ali, & educari probe, atque Christiane. Quorum bonorum faultrix est gratia Sacramentalis Matrimonii; quæ est quartus Matrimonii effectus, & tertium illius bonum, appellatum bonum Sacramenti. In Matrimonio enim celebratione præter gratiam sanctificantem, si absque peccati obice fiat, confertur jus ad auxilia pecuniaria bene, ac sancte vivendi in hoc difficili insidiarum pleno statu, ejus quoque patienter ferendi onera; quinimmo si cum obice suscipiatur, multo- rum sententia est, quod remoto obice, reviviscat.



§. II.

S. I I.

Similiter Jura, ac onera.

Secundo: Jura, ac onera a Matrimonio derivantia in conjuges, quæ cum relativa sint, ut unius jura fiant alterius onera, & e converso; hæc similiter ex recensitis Matrimonii bonis descendunt; & sunt primo Mariti potestas in Uxorem, cujus ipse est caput, non quidem dominativum, sed sociale, præsertim in familiæ gubernatione, eam habens ut sociam subordinatam, non vero ut Ancillam. Secundo patria potestas in Filios, de qua Civilistæ. Tertio jura Uxoris sunt, corrumpere radiis Mariti, participando ejus Nobilitatem, Dignitatem, Privilegia, Fori, Sessionis, Immunitatis, Domicilii &c. quæ omnia habent Civilistæ. Onera tandem conjugibus communia ad alienos descendencia sunt, alendi, probe pie, Christianeque educandi prolem, de quibus, tum Theologi, tum Legales abunde differunt.

His ergo effectibus, juribus, atque oneribus a Matrimoniorum valore productis tria bona Matrimonii gignentibus si comitetur conjugum cooperatio, legaliſque vita honestati, Justitiæ, Christianæ pietati, ac prudentiæ dedita, ex erunt personarum circumstantiæ quæ bonos ominantur Matrimoniorum eventus. Quarum defectu infauſta pollicentur Matrimonia, ut si fieri posset, quæ inita sunt Matrimonia, solvenda essent; Quapropter hic operis complementum erit de Matrimoniorum dissolutione, si quæ, & qualis sit, breviter agere.



CAPUT,

CAPUT SEPTIMUM.

DE DIVORTIIS.

Etsi Matrimonium, vel ut officium naturæ, vel ut Sacramentum, indissolubile juribus omnibus decernatur: *Trident. sess. 24.* exponente Adami propheticum effectum jus naturale manifestans, scilicet „Matrimonii perpetuum, indissolubilemque nexum primus humani generis parens, divini Spiritus instinctu pronuntiavit, cum dixit: hoc nunc os ex ossibus meis, & caro de carne mea &c., & *Math. 18.* referente „Jus Divinum positivum. = Quod Deus conjunxit Homo non separet = „similiterque Paulo *prima Cor. 7.* iniquiente = Præcipio non ego, sed Dominus Uxorem a Viro non discedere „tamen quia Matrimonium vel in diversis personarum statibus esse potest, vel in quolibet illorum diversas habere periculis; Neque ex iis appareat, quando hujusmodi adipiscatur indissolubilitatem, vel in adepta ita permaneat, quin aliqua sit potestas in datis statibus, & circumstantiis eam tollendi; vel tandem in quibus circumstantiis a nulla potestate tolli potest, sic nihilominus, vel ad tempus, vel perpetuo dissolvi in individua vitæ consuetudo ex prænunciato indissolubili vinculo Matrimoniali genita; propterea brevissime de quolibet horum statuum, atque ejusdem status periculis dicemus. Quasque ob causas permanente eodem Matrimoniali vinculo dissolvi possit individua vitæ conjugum consuetudo, vel ad tempus, vel in perpetuum, pro rei complemento investigabimus.

§. 1.

Legitimi, ac Rati Matrimonii vinculum dissolvi nequit, nisi a potestate dominante naturam, aut divinum Jus constituyente.

1. **S**i itaque Matrimonium spectetur; ut in officium naturæ institutum; quem statum nunc habet inter solos non baptizatos, seu Infideles, ex eodem naturali jure nexum perpetuum atque indissolubilem habet; non quidem antequam sit consummatum, nam tunc res adhuc integra est, cumque nullus juris traditi in corpora conjugum usus sit secutus; & quousque res integra est, neque quidquam exterius obster, contractus seu pactiones de eâ dissolvi possint, vel partium communi dissenſu, vel Principis voluntate, cui subijunt quicumque humani contractus, & contrahentium voluntates; indissolubile propterea Matrimonium; quod nondum est consummatum, evadere non potest.
2. Consummatum porro cum fuerit Matrimonium, ita fit indissolubile, ut a nulla potestate, quæ naturæ ipsi non præsit, ac dominetur, dissolvi possit; hinc, quia contrahentes non dominantur naturæ, neque quisquam sæculi

Prin-

Princeps inde poterunt illud dissolvere; Speciei enim humanæ jus factum est per Matrimonii consummationem, ut duo illa individua, quæ per legitimum Matrimonium propagationi ejusdem naturæ operam dedunt, ne ab invicem ita dissocientur, ut possint aliis adhærere eodem propagationis fine; ex quo naturæ obstat, tum simultanea poligamia, magisque virigamia simultanea, tum quia licet, pluralitas Uxorū generationi, quæ est primarius naturæ finis, non opponatur, adversatur tamen secundario, nempe educationi prolis, & reliquis Matrimonii Juribus; quæ propter sequeretur non ab similibus in eadem natura perturbatio, quæ sequitur, dum conceptus fœtus perturbatur, ne suum adipiscatur complementum, & ortum; nam ita se habet natura quoad sui propagationem ad vinctos Matrimonio consummato, sicut se habet conceptus Fœtus ad Matrem suam; sicuti autem nullo jure potest unquam Mater expellere fœtum ab utero suo; ita nequeunt juncti Matrimonio consummato illud Matrimoniale vinculum dissolvere; etenim Mater admittens libere in utero suo conceptionem fœtus, se ita donavit officio naturæ, ut fœtui jus strictum factum sit contra Matrem; ita, consummantes Matrimonium, se officio naturæ dedicant, ut ipsa natura possessionem nanciscatur supra eisdem ad hoc, ut permaneant semper vincti eodem nexu. Propterea non ipsi conjuges, non Princeps terrenus, qui supra naturam nulla gaudent potestate, sed sola ipsa natura, vel auctor ejus, nempe Deus, hunc nexum relaxare poterit.

3. Ex eo proinde noscitur, quare infideles venientes ad fidem de eorum Matrimoniali vinculo periclitentur; præsertim si ex conjugibus alter permaneat in infidelitate; sitque periculum perversionis converti eodem servato vinculo; Nam supra naturam fides dominatur; propterea bona fidei præferri debent naturæ bonis, hæcque abjicienda, si opponantur bonis Fidei, unde Deus ipse, qui auctor naturæ est, & Dominus, leges eas ejusdem naturæ relaxat, quæ cum fidei bonis componi nequeunt, quemadmodum est hæc de nexu conjugatorum inter eos, quorum alter fidelis est, alter infidelis, fidelemque pervertens, vel pervertere nitens.
4. Et hæc de Matrimonio, ut inquit Theologi, mere legitimo, & in officium naturæ instituto; si autem a statu infidelitatis ad statum Religionis Christianæ traducatur, in ea servans legitimi contractus naturam, adipiscitur etiam Sacramenti rationem, quæ illud statim afficit, atque apprehendit, ac illud reperit in ratione contractus validum; Unde Matrimonium fidelium, licet nondum consummatum, verè est Sacramentum; quod cum similiter duas habeat periodos, sicut Matrimonium infidelium, seu pure legitimum, nempe non consummatum, & consummatum, habet quoque, sed præstantioribus causis, easdem affectiones, ut scilicet quando non est consummatum, dissolvi possit, quamvis sit Sacramentum

N

non

- non quidem contrahentium arbitrio, aut Laici Principis auctoritate, a qua per elevationem ad Sacramentum sublatum est, sed a Christo Domino, ejusque in Terris Vicario; quod enim in infidelitate datum erat contrahentibus, ac Principi, nunc soli Deo Christo Sacramentorum institutori servatur: cum ipse solus Sacramentis, quæ instituit, dominetur; quapropter, quia sunt in Ecclesia, quam sanguine suo edificavit, meliora, ac perfectiora status Matrimonialis, ut *Can. 10. sess. 24. Trid.* „ Si quis dixerit, statum conjugalem anteponendum esse statui Virginitatis, vel Celibatus, & non esse melius, ac beatius manere in Virginitate, aut celibatu, quam jungi Matrimonio anathema sit: „ quorū Matrimonium nondum est consummatum, seu res integra est, concessit Deus Nuptis, si ipsis vi catur, ad meliora vota transire; hinc semper in eadem Ecclesia velut divina traditione servatum, quod Matrimonium rathum per subsequentem professionem Religiosam, etiam quoad vinculum dissolvatur: tantis monumentis hæc veritas patet, ut grave foret, ea hic recensere. Hoc uno *Can. 6. Tridentini sess. 24.* omnia complentes: „ Si quis, inquit, dixerit Matrimonium rathum, non consummatum per solemnem Religionis professionem alterius conjugum non dirimi, anathema sit. „
5. Concessit similiter suo in Terris Vicario Romano Pontifici, si iustæ adsint causæ, potestatem vinculum ejusdem rati Matrimonii dissolvendi; quod præter sanctissimorum Pontificum exempla, definitum habetur in *Hispalen. dispensationis 18. Februarii 1739.* in qua aliz referuntur *Tom. 9. part. prima Res. Sac. Cong. Trid. fol. 16.* his verbis: *Matrimonium rathum Apostolica dispensatione ex causis dissolvitur.* In nullo proinde deferendum est nonnullis Theologis, præsertim Tournely de *Sacramento Matrimonii fol. 16.* docentibus Romanum Pontificem non posse, etiam ex iustâ causa dispensare a vinculo Matrimonii rathi.
6. Et profecto cum per elevationem ad Sacramentum non consequatur Matrimonium rathum, nisi significationem unionis Christi Domini cum Anima Fideli, quæ unio per subsequentia peccata dissolvi potest; non habet propterea qua Sacramentum, ut sit indissolubile; quemadmodum non habet a natura qua legitimum, ac possit dissolvi; Hinc iustis postulantibus causis divinæ Providentiæ consilium fuit, ut haberet potestatem Romanus Pontifex, dispensandi a vinculo Matrimonii rathi, ne iugum suave divinæ Legis, ac onus leve, fieret gravius ac onerosius, cæteris paribus, ac sint Leges humanæ.
7. Quando autem est consummatum, quia tunc in ratione Sacramenti consequitur significationem unionis Christi Domini cum Ecclesia ejus Sponsa, quæ unio indissolubilis est, eodem inquam Christo Domino ad Ecclesiam = Desponsabo te mihi in sempiternum = indissolubile promissus & ipsa est quoad ejus vinculum; & quamvis potuisset Christus

Do-

Dominus tribuere potestatem summo Pontifici relaxandi etiam Matrimoniorum consummatorum vincula, tamen fide constat, non contulisse; etenim, prior causa si esset, vinculum illud dissolvendi, esset adulterium alterutrius ex conjugibus, quæ causa tamen non sufficit, eodem Tridentino citata sess. 24. Can. 7. inquit: „ Si quis dixerit, Ecclesiam errare, cum docuit, & docet, juxta Evangelicam, & Apostolicam Doctrinam, propter adulterium alterius conjugum Matrimonii vinculum non posse dissolvi: & utrumque, vel etiam innocentem, qui causam adulterio non dedit, non posse, altero conjuge vivente, aliud Matrimonium contrahere: mechanice eum, qui dimissa adultera, aliam duxerit, & eam, quæ dimisso adultero, alii nuperit: anathema sit. „

§. Itaque si Ecclesia non erret, docens adulterii causa ex divina dispensatione, quam Deus non fecit, non posse dissolvi vinculum Matrimonii consummati, apparet quoque nullam aliam ob causam dedisse Deum Ecclesie suæ potestatem solvendi quoad vinculum Matrimonia consummata. Neque id congruum videretur, nam in hujusmodi Matrimonii relaxato illorum vinculo non amplius vigeret significatio unionis perpetuæ Christi cum Ecclesia, vel, quæ arctior esset, unionis Verbi Divini cum natura humana assumpta; per quas solas significationes ab Apostolo Matrimonium dicitur magnum Sacramentum, & sequeretur violatio juris facti eidem naturæ per consummationem Matrimonii; cui licet possit derogare Deus, nisi tamen id expressum habeatur, nonnisi temere præsumeretur, quemadmodum est de juribus cuiquam tertio acquisitis.

§. I I.

Matrimonium occulte nullum a putatis conjugibus sine Ecclesie auctoritate dissolvi non debet; & quid si dubitaverint conjuges de eorum Matrimonii valore?

- ¶ Verum equidem est, posse contingere, quod videatur dissolvi quoadque vinculum Matrimonii consummati, estque, cum illud fuerit occulte nullum ob latens impedimentum, tamen publice reputatum validum; tunc enim patefacta ejus nullitate, dissolvitur, vel rectius ab Ecclesia nullum declaratur illud Matrimonium. Dixi ab Ecclesia; nam ea est, cui innoscere debet nullitas Matrimonii, ut putatis conjugibus liceat ab invicem divertere; Can. 1. secularis 33. quest. 2. & Cap. 3. hoc tit. 2. etenim, si id propria auctoritate fecissent, non manifestata Ecclesie ipsi nullitate eorum Matrimonii, posset eadem Ecclesia, ac deberet eos compellere, & quatenus opus esset, etiam per Excommunicationem, ad invicem cohabitandum, sibi que ipsi obsequia Matrimonialia præstanda. C. 13. v. quod si: De restit. spoliat. C. 5. De eo, qui cognov. C. 22. de Testibus. Ex eo, quod, validum haberet illorum Matrimonium, de cuius

- jus nullitate nisi habeat plenam probationem, non dubitat, sed semper pro ejusdem valore judicabit; idque ob causam gravissimam, quæ est Matrimonii solutio, cavenda semper, ne hæc sequatur cum magna Sacramenti irreverentia, & ne via collusionibus aperiatur.
2. Caterum si conjuges essent consciji, vel eorum alter de nullitate eorum Matrimonii, neque illam probare possent, vel posset apud Ecclesiam, in hoc urgentissimo eventu, deberent, ac deberet potius sententiam Excommunicationis subire, quam sibi ipsis invicem obsequia Matrimonialia præstare, vel conscius, nescienti exhibere, & etiam cohabitationem vitare, si illis, aut illi eadem foret incontinentiæ periculum: c. 44. de senten. Excom.
3. Si autem alter tantummodo de valore sui præcedentis Matrimonii dubitaret, quoties fuerit superveniens dubium, ex Cap. Inquisitioni de sententia Excomm: docet Innocentius Tertius, quomodo se gerere debeat hic dubitans. „ In secundo, inquit, distinguimus, utrum habeat conscientiam hujusmodi ex credulitate levi, & temeraria, an probabili, & discretæ, & quidem ad sui Pastoris consilium (conscientia levis, & temerariæ credulitatis explosa) licite potest non solum reddere, sed exigere debitum conjugale. Verum cum conscientia pulsât animum ex credulitate probabili, & discretæ, quamvis non evidenti, & manifesta, debitum quidem reddere potest, sed postulare non debet, ne in alterutro, vel contra legem Conjugii, vel contra judicium conscientię committat offensam. „
4. Si vero dubium antecesserit Matrimonii celebrationem, & fuerit prudens, nempe ob aliquod impedimentum dirimens, quod probabiliter præstitit celebrationi Matrimonii, plurimi arbitrantur, hujusmodi dubitantem comprehendere in adductâ decretali; Propterea teneri reddere debitum, illud tamen non posse petere; Ego autem quid de eo sentiam, jamdiu aperui in quadam Dissertatione, quam hoc loco ponendam censui,



S. I I I.

De eo, qui contraxit Matrimonium cum prudenti dubio de præcedente Impedimento dirimente, quo ad debiti redditionem, ac petitionem.

DISSERTATIO.

QUamvis nostris quoque temporibus præsto fuerint sapientissimi, atque eruditissimi Viri, qui res Theologicomorales summa diligentia, studioque evolverint, ramen, quia numero propemodum infinitæ, æque tot, tamisque circumstantiis indutæ sunt, ut nulla Doctorum, etsi longa fuerit ætas, laboribus, vigiliisque perpetuis ducta valuerit omnes attingere, quin earum nonnullæ supersint adhuc, vel ex integro perlustrandæ, vel saltem rationibus majorem in lucem evocandæ, quarum perfectio una est pertinenz ad Matrimonium, hæcque hujusmodi, ut quousque anceps dimitatur, Fideles peccandi discrimine sint obnoxii. Quod quantum caveri debeat, non est probus, qui sapiens ipse non percipiat. Nos inde pro imbecillitate Ingenii, ac Virium tenuitate illud amovere cupientes hanc propterea unam discutiendam suscipimus; & quidem non alia intentione, nisi, ut momenta hujus Quæstionis sapientibus humiliter subijciendo ipsi definiant, quod reliquius viderint amplectendum.

Est autem Quæstio, an, qui contraxit Matrimonium cum dubio de existentia Impedimenti dirimentis, possit petere, & reddere debitum, vel saltem teneatur reddere.

Ut facilius sternatur via solutioni, præmittimus primò, certum esse, non posse petere, aut reddere debitum contrahentes Matrimonium cum notitia certa de existentia Impedimenti dirimentis, vel notum sit Impedimentum utrique, vel uni tantum. Idque pariter certum, si alter ita ignoret, ut sit in bona Fide.

2. Præmittimus secundò, similiter certum esse, quod, si uterque contrahens de Impedimento dubitet, & contrahat, neuter potest petere, & reddere debitum.

Ad hæc præmissa addimus sententias Doctorum.

Ad primum Sporer de Peccatis conjugum num. 470. Theolog. Sacr. (hunc unum citamus, quia omnium ore loquitur, estque ad manus præ cæteris) inquit: „ Quando uterque conjux novit certo Matrimonium esse nullum, nimis clarum est, utrumque peccare mortaliter, & reddendo, & petendo debitum, quia jam evidens est, esse meram Fornicationem. „

Ad secundam partem dicti præmissi *num. 471.* „ Quando uni conjugum certo, & plane physice constat Matrimonium esse nullum, quia liquido novit adesse Impedimentum dirimens, quamvis altera pars bona Fide indubitanter Matrimonium valere putat, & debitum urgeat, nullo casu potest licite reddere debitum, & potius omnia perferenda sunt, quam debitum reddendum. „ Et *num. 472.* inquit: „ Sententia hæc vera; etsi talis compulsus ad reddendum debitum non sit physice, sed tantum moraliter certus, Matrimonium esse nullum, ut prudenter non possit dubitare oppositum esse probabile, & consequenter dubitare non poterit, quin redditio sit illicita. „

Ad secundum præmissum *num. 474.* „ Quando uterque contraxit à principio cum dubio de valore Matrimonii (saltem absque præmissa diligenti inquisitione veritatis), nimis clarum est, neutrum posse petere, nec reddere. „

3. His præmissis certum videtur, eum qui processit cum dubio facti verè probabili de Impedimento dirimente ad celebrationem Matrimonii, inde non posse licite petere, nec reddere debitum, etsi alter bona Fide cum eo contraxerit.

Ratio est, quia ex secunda parte primi præmissi, qui certò novit adesse Impedimentum dirimens, etsi ille solus sciverit, & contrahat Matrimonium, hic nec petere, nec reddere potest debitum; quia tunc foret manifesta Fornicatio; Ergo neque id poterit habens dubium superius dictum.

Antecedens constat, tum ex Innocentio Tertio *Cap. Inquisitioni de sententia Excommunicat.* ubi agitur de eo, qui post contractum Matrimonium venit in notitiam certam de Impedimento dirimente, quodque non potest coram Judice Ecclesiastico probare: inquit Innocentius Tertius: „ Inquisitioni tuæ respondentes credimus distinguendum, utrum alter conjugum pro certo sciat Impedimentum conjugii, propter quod sine mortali peccato non valeat carnale commercium exercere, quamvis illud apud Ecclesiam probare non possit: an non sciat pro certo, sed credat. In primo casu debet potius Excommunicationis sententiam humiliter sustinere, quam per carnale commercium peccatum operari mortale. Tum etiam ratione Canonica; Matrimonia enim contracta cum Impedimento dirimente, vel illud sit novum utrique contrahenti, vel uni tantum, vel etiam nulli, Matrimonia illa nulla sunt, ut Jure Canonico constat; Itaque statim hac uni ex contrahentibus innotescat Impedimentum dirimens præexistisse celebrationi Matrimonii, ei quoque innotescit nullum fuisse illud Matrimonium; proinde etiam non posse petere, ac reddere absque peccato Fornicationis.

Consequentia probatur. Nam contrahens cum dubio sit possessor malæ Fidei, quia mala, & dubia Fides æquiparatur, quoad effectum nanciscen-

ascendæ Possessionis; Mala fide contractum iniri, possessionemque incobari ab eo, qui initio dubitat, num contrahendi, possessionemve capiendi ius habeat: inquit Layman lib. 1. Tract. 1. Cap. 5. §. 3. De conscientia dubia num. 23. Ergo sicuti contrahens cum mala Fide, idest cum notitia certa de præexistentia Impedimenti dirimentis nunquam potest petere, & reddere debitum; ita, & contrahens cum dubia Fide.

Antecedens patet. Contrahens inquam cum dubio, quod non sit Juris, quia ideo illud habetur, quatenus lex non est sufficienter promulgata; propterea ipsa tunc caret virtute obligandi, sicque dubium illud non attenditur.

Dubium quod non sit speculativum, quia ad praxim nihil pertinet; possunt enim plura practice esse certa, quæ sint speculative dubia: Dubium quod vere probabile sit, idest positivis ex utraque parte nixum fundamentis; Nam aliter esset mera nescientia, quæ bonæ Fidei respondet. Contrahens inquam cum huiusmodi Dubio, caret uno ex necessariis titulis pro adipiscenda Possessione, qualis est: ut sibi suavis sit, rem, de qua contrahit, esse suam, vel de ea ita posse disponere, prout disponit; Qui autem hoc Titulo caret, & rem apprehendit, fit rei illius Possessor malæ Fidei, ut ex Jure Civili leg. 23. §. 1. D. de acquir. Rer. Dom. & Inst. H. T. bona Fide, quod & ipsum Jus Canonicum amplectitur, ac naturali æquitate roboratur; Ergo qui cum huiusmodi Dubio contrahit, fit Possessor male Fidei.

Consequentia dicti enthymematus probatur. Qui contrahit Matrimonium sub huiusmodi Dubio de Impedimento dirimente non est sibi suavis, valde posse disponere de semetipso in ordine ad illud Matrimonium, alias nullum dubium haberet; Ergo caret uno ex Titulis necessariis pro adipiscenda Possessione; Ergo contrahendo fit Possessor malæ Fidei; sicuti autem Possessor malæ Fidei non potest licitè petere, nec reddere debitum, ita contrahens cum huiusmodi dubio, non poterit licitè petere, nec reddere debitum.

Confirmatur ex secundo præmissis, quinimodò ex Doctrina omnium Theologorum relata a Sporer num. 474. Etenim, si certum sit, quod uterque contrahens, si è principio dubitaverit de valore Matrimonii, neuter possit petere, nec reddere, certum pariter esse debet, quod licet unus tantum contraxerit cum dubio de valore Matrimonii, hic non possit petere, nec reddere debitum.

Hoc demonstratur. Nam ideo certum, quod, si uterque contraxit è principio cum dubio de valore Matrimonii, neuter possit petere, & reddere, quia uterque contraxit cum dubia Fide, hæcque malæ Fidei æquiparatur, ut diximus; Nulla etenim alia Ratio præter hanc est, vel assignari potest hujus assertionis; sed hæc eadem Ratio procedit de uno tantum, qui contraxit è principio cum dubio de valore Matrimonii, ut

suprà ostensum est; Ergo si certum sit, quod, si uterque contraxerit è principio cum dubio de valore Matrimonii, neuter potest petere, nec reddere; pari æquidem modo certum erit, eum, qui licet solus contraxerit è principio cum dubio de valore Matrimonii, non posse petere, nec reddere debitum.

4. At dicent, procedit quidem, sed non adæquatè; proinde h'c non poterit petere, sed reddere tenebitur; quia in hypothesi unius contrahentis cum præfato dubio, superest alius contrahens habens certam possessionem, quia bona Fide contraxit, factisque possessor bonæ Fidei, à qua certa possessione per dubium alterius non est detrudendus; Ergo habens dubium, ne contra conscientiam agat, non potest petere debitum; tenebitur tamen possessori bonæ Fidei, idest non dubitanti de valore sui Matrimonii à principio reddere debitum, ne illum privet consecutione ejus, ad quod habendum Jus certum possidet.

Verum ostenditur, quod adæquatè procedit, & simul probatur minor. Nam, si uterque cum dubio contraxerit, ideo neuter alteri debitum reddere potest, quia unus non est certus, alteri Jus quæsitum esse de exigendo debito, nec alter de primo; propterea ex his nullus cogi potest ad certò solvendum, quod solum probabiliter debet; nec potest solvere, cum versetur in materia, cujus non est Dominus, uti est usus corporis; qui solum concedi potest modis certis, nempe unicè propter Jus, ac debitum producta à præcedenti valido Matrimonio inito; etenim si unus certus esset, alteri, licet dubitanti, quæsitum esse hujusmodi Jus (in hypothesi, quod certo Jus quæri posset etiam illi) adhuc eidem teneretur reddere debitum, ne creditum certum eluderet probabili non solutione; sed hoc idem verificatur, etsi unus tantum contrahentium cum dubio processerit ad celebrandum Matrimonium; Ergo adæquatè procedit etiam pro eo uno, qui contraxit è principio cum dubio de valore Matrimonii.

Major est certa; Nam si alia Ratio esset, ob quam unus alteri contrahentium cum dubio reddere non posset debitum, & consequenter non teneretur præter incertitudinem Juris quæsitum in exigente, quam uterque apprehendit ob dubium, quod præcessit celebrationi Matrimonii, jam hæc, vel à Jure positivo, vel à natura contractus Matrimonialis descenderet; sed nulla Ratio alia à Jure positivo, nulla à natura contractus Matrimonialis habetur; Ergo non est alia Ratio, ob quam unus alteri reddere non possit, aut debeat debitum. Non, inquam est ulla ratio à Jure positivo, quia Jus positivum nulli tribuit potestatem utendi corpore alterius extra legem Matrimoniale, ut liquet, siue divinum sit, siue humanum; nam de humano constat, non posse, de divino constare, non fecisse. Non à natura contractus Matrimonialis, quia natura cujuslibet contractus est, non tribuere ulli Jus quodpiam, quod ab altero contra-

hente non sit oblatum, & quidem eo modo, quo oblatum est. Hoc quoque est evidens, & Jure naturali, & positivo; sed contrahentes Matrimonium cum dubio de existentia Impedimenti dirimentis non offerunt sibi ipsis invicem, nec offerre possunt Jus supra eorum respectiva corpora, nisi dubium, non verò certum; cum unus non possit alteri ultra offerre, quam id, quod suus sit ipse habere, & quilibet eorum suus sit se non certò, sed dubiè tantum habere Jus disponendi de corpore suo in ordine ad tale Matrimonium; Ergo ambo dubitantes non possunt sibi invicem ipsis offerre, nisi Jus dubium circa usum suorum corporum: si autem hoc sit, eorum neuter certus esse potest, alteri Jus, vel sibi, certò esse quæsitum de exigendo debito, nec de suborta obligatione certa reddendi; Ergo non alia ratio, neque ex natura contractus Matrimonialis est, ob quam contrahentes sub dubio, non possint, nec debeant sibi ipsis invicem petere, ac reddere debitum, nisi hæc, nempe quia unus non est certus alteri Jus quæsitum esse de exigendo debito, nec alter de primo.

Minor præcedentis, syllogismi probatur solutione sequentis objectionis. Sed contra. Possessio bonæ Fidei, ex qua Jus certum oritur, non ipsa pendet ab eo, qui dat titulum ejusdem incipiendæ, sed ab eo, qui recipit, ita ut sufficiat bona opinio in recipiente, quod res sibi data fuerit dantis, quamvis dans ipse dubitaverit, vel etiam sciverit occultè, rem datam alteri non fuisse suam; sed qui contrahit bona Fide Matrimonium cum eo, qui dubium habet de valore prædicti Matrimonii, jam habet bonam opinionem, quod Jus sibi oblatum ab alio contrahente sit certum, non dubium, atque omninò sit in libera potestate dantis, detque iis modis, quibus potest, & licet; Ergo contrahens bona Fide cum hujusmodi dubitante habet quidquid requiritur pro incipiendâ, ac conservandâ possessione bonæ Fidei juris oblatis in contractu Matrimoniali; Ergo non verificatur idem de uno dubitante, quod de utroque; Ergo allata ratio non procedit adæquatè pro uno, sicut dum ambo a principio dubitant. Sed respondetur, atque ostenditur idem verificari, & adæquate procedere etiam pro uno dubitante tantum.

Major itaque syllogismi distinguitur scilicet: Possessio bonæ Fidei, ex qua Jus certum oritur, ipsa non pendet &c. in aliis contractibus, vel modis admittis a Jure, vel Gentium, vel Civili nanciscendæ Possessionis epe bonæ Fidei, omitto maj: In contractu Matrimoniali, nego majorem. Deinde concedo minorem; tandem nego, & primam, & secundam consequentiam. Dico autem in contractu Matrimoniali non sufficere bonam opinionem recipientis Jus oblatum ab altero dubitante, ut ipse recipiens fiat certus possessor illius Juris, licet bona Fide recipiat; Nam ideo in aliis contractibus, seu modis &c. sufficit bona opinio prædicta ad consequendam Possessionem certam, quia, ut inquit, Lacroix *Liv. 6. Part.* 3. de

3. de Matrimonio num. 302. ; & cum eo omnes, = *Legum præsidio jura-
tur habens bonam Fidem, ita ut Leges ipsa in bonum commune pro ea circum-
stantia transferant certum Jus super illa re in eum, qui bona Fide rem can-
dem accepit* ; At nullæ sunt Leges, quæ transferant certam possessionem
Juris Matrimonialis in acceptante bona Fide, si dubiè oblatum fuerit
ab altero contrahente, ut nimis de se patet ; etenim Jus hoc ex iis non
est, quæ potestati humanæ subjaceant ; Ergo nullæ sunt, & esse possunt
Leges transferentes prædictum Jus &c. Et revera si essent, procul dubio
favere deberent contrahenti bona Fide cum eo etiam, qui certo scit
adesse Impedimentum dirimens, ut in reliquis contractibus, ac modis
&c. faciunt ; Verum huic non favent, quinimodò certum est ex primo
præmissis, contrahentem bona Fide cum eo, qui certò novit adesse Im-
pedimentum, sibi ex sua bona Fide Jus nullum acquirere exigendi debi-
tum, neque eum, qui habuit notitiam Impedimenti posse reddere,
aut contraxisse debitum reddendi ; si itaque nullæ Leges sint transfe-
rentes hujusmodi Jus, & tota ratio Possessionis exigendi debiti in acci-
piente derivare debeat ab ipso dante, & dans non certò, sed dubiè
dederit, jam possessio exigendi in accipiente non erit certa, sed dubia ;
ad quam certam faciendam non sufficiet bona opinio recipientis, ut
supra vidimus, ex defectu præsidii Legum, & utpote in illam non va-
lens ipsa bona Fides quidquam influere ; Itaque apparet rationem, ob
quam uterque cum dubio contrahens non potest petere, nec reddere,
eandem procedere adæquate etiam pro uno tantum ab initio dubitante.
5. Verum dicent : Res nimium urget ; etenim si vera essent dicta, seque-
retur, quod ii, qui ambo contraxere bona Fide, superveniente dubio,
non possent petere, nec reddere debitum ; quod tamen fere ab omni-
bus rejicitur ut falsum ; ii namque, superveniente dubio, non essent cer-
ti sibi ipsis mutuò Jus quæsitum esse circa usum corporum ; hoc autem
esset absurdum ; Ergo hoc sequeretur. Verum ex iis hoc minime sequi
liquet, cum lata sit disparitas inter contrahentem dubitantem, & habentem
bonam Fidem, amboque contrahentes bona Fide, quibus dubium
superveniat. Nam contrahentes bona Fide sibi ipsis invicem obtulerunt
Jus in corpore, quod uterque suus erat certò se possidere, & posse de eo
ita disponere in ordine ad illud Matrimonium ; Ergo tunc sibi invicem
subministrarunt quicquid requirebatur pro incipiendâ, ac stabiliendâ
certa possessione bonæ Fidei de Jure sibi invicem ipsis oblato, atque ac-
centratò ; a qua postea Possessione certa, nimis clarum est, per dubium
subsequens detrudi non posse ; at contrahens dubia Fide cum habente
bonam Fidem, quia suus esse non potest, se tunc possidere Jus, quod
alteri bona Fide acceptanti offert, vel de eo ita disponere posse, ut disponit ;
hinc fit, ut nec sibi ullam certam Possessionem faciat Juris ab altero
oblato (de quo Possessionem non consequeretur, nisi ad mensuram, qua
alte-

alteri offert Jus suum) cui profecto non offert, nisi dubium; ita non mirum, si certa Possessio non producat, neque ex parte contrahentis cum dubio, neque ex parte contrahentis bona Fide; proinde contrahentes bona Fide ambo, etiam post dubium superveniens supersunt certi de Jure quæsito exigendi debitum, non autem qui contraxit cum dubio sperest certus de Jure quæsito, vel alteri bonæ Fidei secum contrahenti, vel sibi contra eundem; propterea appareat eos, qui contraxerunt bona Fide, post dubium superveniens posse invicem reddere, & petere debitum, vel secundum aliquos toto tempore perseverantis dubii cum onere quidem requirendi veritatem, vel secundum alios æquiores solummodo post adhibitâs diligentias debitas pro deponendo dubio, eoque nihilominus perdurante.

Confirmatur ulterius; Etenim debitum reddendi essentialiter supponit Jus petendi in eo, cui debitum est reddendum; sed Jus petendi in eo, cui debitum est reddendum, esse non potest, nisi proveniat ex præcedenti celebratione Matrimonii secuta inter eum, & habentem debitum reddendi; Ergo pariter, & debitum reddendi in eo esse non potest, nisi proveniat ex præcedenti celebratione Matrimonii secuta inter ipsum habentem debitum, & illum habentem Jus petendi.

Subsumo: sed si debitum reddendi in eo esse non possit, nisi proveniat ex præcedenti celebratione Matrimonii secuta inter debitorem, & habentem Jus petendi, jam debitum ipsum essentialiter supponit fuisse in debitore etiam Jus petendi; Ergo si debitum reddendi essentialiter supponat in altero Jus petendi, supponit quoque essentialiter in eodem debitore fuisse ac præcepisse Jus petendi.

Minor subsumpta probatur.

Debitum reddendi ex Matrimonio proveniens non aliam habet causam, quam traditionem Juris in corpus proprium factam a debitore alteri eandem acceptanti, ob quam petendi Jus consequitur, seu adipiscitur acceptans ipse; sed hæc sola Juris traditio, etsi acceptata, non sufficit ad stabilendum Jus petendi in acceptante, nisi etiam sequatur similis traditio Juris ex parte acceptantis prædicto debitori, sine quibus mutuis, atque reciprocis traditionibus, atque acceptationibus nedum non subsistere, sed nec concipi potest Matrimonium; Ergo si debitum reddendi in eo esse non possit, nisi proveniat ex præcedenti celebratione Matrimonii secuta inter debitorem, & habentem Jus petendi, jam debitum ipsum essentialiter supponit fuisse in debitore etiam Jus petendi.

Quapropter si debitum reddendi in nullo esse, aut concipi possit, in quo non præcesserit acquisitio Juris petendi, & quidem ea certitudine, ac firmitate, qua in eo est debitum reddendi, jam manifeste evincitur, eum, qui cum dubio contraxit Matrimonium, vel non posse petere, nec reddere Innocenti, quia illi Jus certum non tradidit, neque ab eo illud

illud accepit; vel posse petere, & reddere, quia Jus certum petendi ex Matrimonio acquisivit; Quod hoc secundum negant omnes.

6. Tandem absurda non modica spectantur, si qui contraxit cum dubio, non possit petere, sed teneatur reddere debitum illi, qui secum contraxit bona Fide; Quæ, ut facilius deprehendantur, duæ præmittuntur Hypotheses alterutram quarum amplecti debent patroni dictæ opinionis. Quartum prima est: Matrimonium contractum cum dubio ex parte unius tantum contrahentium esse certò validum, Jusque certum petendi utrique facere.

Altera est, Matrimonium contractum cum dubio ex parte unius tantum, etiam non certo validum, certò tamen Jus tribuere petendi illi, qui bona Fide contraxit; dubitanti vero neutiquam, sed purum debitum reddendi imponere.

Præter has non aliam fingere possunt hypothesim, quoties Jus petendi a præcedenti Matrimonio descendere oporteat; quod ita oportet, ut aliunde illud repetere, esset a fide divina proscriptum.

7. Si inquam primam amplectantur, duo sequuntur absurda. Primum est, effectum superare causam suam (causa enim Matrimonii est mutua contrahentium traditio, & acceptatio Juris in corpora) cum ex parte dubitantis sit traditio dubia Juris in corpus, hæc operari deberet certum effectum, nempe certo validum Matrimonium, quod rectæ Rationi, ac Metaphysicis principiis opponitur. Secundum est, data, sed non concessa certa validitate Matrimonii, ex qua Jus certum petendi acquiratur a bonæ Fidei contrahente, impossibile prorsus apparet, quod idem Jus non acquiratur a contrahente etiam cum dubio; cum illud non aliunde procedat, quam ex validitate Matrimonii, quæ nonnisi inter duos æqualia Jura, ac onera participantibus consistere valeat: ut æque patet tum Ratione, tum Fide; *Prima Corinth. Cap. 7. v. 5. Mulier sui corporis potestatem non habet, sed Vir. Similiter autem & Vir sui corporis potestatem non habet, sed Mulier.* Si autem contrahens cum dubio sibi acquirere debeat certum Jus petendi ob assertam Matrimonii validitatem, quæ ratione dicere valent, quod hic teneatur quidem reddere, at petere nequeat? Ergo si velint Matrimonium cum dubio unius contractum, fuisse certò validum, absurdum postea admittunt ob hanc rationem, si dubitantem obligent ad reddendum debitum, illique postea negent Jus petendi.

Si secundam, præter exposita pro prima, duo alia sequuntur absurda.

Primum est, Jus certum petendi datum contrahenti bona Fide non a Matrimonio, sed a sola bona Fide provenire: quod si esset, nedum contrahens cum dubio teneretur reddere, sed etiam contrahens cum certa scientia de Impedimento dirimente, quia eadem pro utroque contrahente esset Ratio, quod est prorsus erroneum, ut supra vidimus; tum quia bona

bona Fides in hac materia non dat certam possessionem, nisi sit mutua contrahentium, & quidem circa valorem Matrimonii; tum quia est proscripta ab Innocentio Tertio supra relato.

Secundum est, supposita obligatione reddendi, sequitur, quod dum reddit debitum ille, qui contraxit cum dubio, quia nedum patitur, quod alter exerceat Jus suum, ac pure permittit, sed verè active se habet, & quasi virtualiter petens; Nam debitum Matrimoniale importat copulam conjugalem, quæ fieri non potest sine utriusque actione: alias non esset opus conjugii; sequitur inquam, quod sub dubio reddens, activè ac formaliter concurret ad copulam probabiliter fornicariam, quod semper intrinsecè malum est.

Et en aliud absurdum.

Ex dictis itaque constat, si sola Ratio spectetur, contrahentem cum prædicto dubio non posse petere, nec reddere; etsi contenderet quis, eum debere reddere, contra ex ipsis evinci liceret, quod etiam posset petere, quod quidem non admittitur ab ullo.

8. Verum Auctores tum Morales tum Canonistæ quasi omnes, excepto Pignatello Canonista *Tom. 4. Consult. 189. n. 4.*, unoque, vel altero ex Moralistis nempe Soto in *4. sentent. Quæst. 1. Art. 3. & Lib. 4. de Justit. Quæst. 5. Art. 4.* relato ab Azorio *Institut. Moral. Lib. 2. Cap. 18. §. septimo quæritur Fol. 97. Column. 1.* Quem Sotum Azorius rejicit. Usque modo docuerunt, ac docent, contrahentem cum prædicto dubio non posse petere, teneri tamen reddere debitum. Quod assertum volunt definitum a duabus Decretalibus summorum Pontificum insertis in volumine Decretalium Gregorii IX. Rationem verò non aliam afferunt, nisi quam supra refellimus, idest Possessoris bonæ Fidei per ipsos faventem parti Innocenti, scilicet sine ullo prorsus dubio contrahenti.

An autem prædictæ Decretales id definierint, non satis videtur, si dixerint hi Auctores, unusque alteri, quasi Testamento dicendum reliquerit, sed ipsæ Decretales scrutandæ sunt juxta & verborum obviæ significationem, & temporum, ac Personarum circumstantias; exque ipsis animadvertendum, quidquam ne decernant de contrahente cum dubio facti de existentia Impedimenti dirimentis.

Prima, quam afferunt est *Cap. Dominus de secund. Nuptiis*, quam direxit Lucius Tertius universis Christianis in captivitate Saracenica positis.

Secunda est *Cap. Inquisitioni tua de sentent. Excom.* qua Innocentius Tertius Episcopo Ferrariensi respondit.

9. Si prima observetur, hæc illis ne in minimo faver; non enim respicit contrahentes cum dubio à principio de valore Matrimonii, ut oporteret, si eorum firmare deberet sententiam, sed disponit de superviventia priorum conjugum, quàm tunc concurrentibus certis causis arbitrabantur non obstat, quia possent iis prioribus adhuc vivis nova cum aliis Matrimonia inire, quæ valida forent.

Et

Et revera quod consilientes Lucium Tertium ita opinarentur, quinimodò apud ipsos communis esset sententia atque vulgaris, valere secunda connubia alterutro ex prioribus conjugibus supervivente, si debitis ex causis priora dissoluta fuissent, tum præcedentia, tum subsequencia quorundam Pontificum Decreta ostendunt, tum quædam Nationalia Concilia, ac nonnullorum SS. Patrum dicta, tum denique Juris Civilis dispositiones, quæ tunc temporis non satis videbantur abrogatæ, vel saltem ita autumabant pleræque Nationes, per expressam Ecclesiasticæ Legis definitionem.

Decreta, quæ præcesserunt sunt primo Rescriptum Papæ Deusdedit Gordiano Hispalensi Archiepiscopo Anno 614. cir: per quod probasse videtur Constantini, Arcadii, Honorii Leges permittentes Matrimoniorum ex causa dissolutionem, ac novorum cum aliis celebrationem Cap. *Pervenit ad nos Diaconus vester*, in quo ait Pontifex: = *Mulieres cum separatae fuerint pro hac illicita re* (nempe quia Viri earum suscepissent proprium Filium è Sacro Fonte) *a propriis Viris totam præcipimus recipere Dorem; Et post expletum Annum recipiant alium Virum, similiter & Vir Uxorem.* De quo Decreto Christianus Lupus Tom. 11. Fol. 11. Colum. 2.

De ejusdem olim facti specie ita responsum affirmat idem Pontifex a suis antecessoribus Julio Primo Anno 340. cir. Innocentio Primo Anno 408. cir. Celestino Primo Anno 428. cir. ut refert idem Lupus Tom. 4. Fol. 191. & 193.

Secundò Rescriptum Gregorii Secundi ad Sanctum Bonifacium Francorum Apostolorum Anno 720. cir. *Quod proposuistis*, inquit Pontifex, *quod si Mulier infirmitate correpta non valuerit Viro debitum reddere, quid ejus faciat Jugalis.* Bonum esset si sic permaneret, ut abstinencia vacaret. Sed quia hoc magnorum est, nubat magis. Non tamen subsidii opem subtrahat ab illa, quam infirmitas præpedit, & non detestabilis culpa excludit.

Tertio Rescriptum Alexandri Tercii Abbati Sancti Albani Anno 1159. Cap. *Proposuit*: de eo qui duxit in Matrimonium, quam poluit per Adulterium:

Proposuit est nobis, ait Pontifex, *quod Vir quidam uxorem habens, sibi aliam hujusmodi rei insciam copulavit, sed primæ mortua nititur discedere a secunda.* Consultationi tuæ taliter respondemus, quod nisi Mulier divorcium petat ad permutationem Viri non sunt aliquatenus separandi, in hac Decretali leguntur verba: *discedere a secunda*, quæ significant, valuisse hujusmodi Matrimonium secundæ tempore eo, quo vivebat prima; sicuti verbum divorcium importat præexistentiam validi Matrimonii, atque ex hac Decretali suspicio haberi posset, tunc temporis, vel pluralitatem Uxorum expresse ab Ecclesiâ non fuisse damnatam, quod patet oppositum, vel admitti, solutis primis, secundæ connubia valere.

Quar-

Quarto ejusdem Alexandri Tertii, qui viginti duobus Annis Clavum Ecclesiæ tenuit, Archiepiscopo Salernitano *Cap. licet præter solitum Anno cir. 1178.* per quod Pontifex roganti Archiepiscopo = an ratum Matrimonium solvatur per subsequens consummatum = respondit non solvi, & addidit: *Quamvis aliter a quibusdam Prædecessoribus Nostri sit aliquando judicatum.* Ex qua additione liquet responsa Pontificum non sibi ipsis semper fuisse constantia, sed varia circa Matrimonii indissolubilitatem.

Circa hæc tempora, nempe 1180. cir. consultus Lucius Tertius immediatus successor prædicti Alexandri a Fidelibus Saracenica Captivitate derentis de secundo Matrimonio contracto, non habita noticia mortis primi conjugis. Jis primo respondet in *Cap. Dominus* Legem universalem statuendo: *Id vobis, inquit, respondemus: ut nullus amodo ad secundas Nuptias migrare præsumat, donec ei constet, quod ab hac vita migraverit conjugis ejus.* In hac Decretali secutus est Pontifex methodum Justinianæ novellæ §. *Sed etiam captivitas casus, eamque partim amplificans, partim abrogans, in qua Justinianus primò statuit: Attamen humanius talia contemplatus donec quidem est manifestum, superesse, aut Virum, aut Uxorem, manere insoluta Matrimonia sinibus: & non veniat ad secundas Nuptias, neque Mulieres, neque Viri: nisi voluerint videri aju tem-vario hoc egisse, & penes succumbere, quam amplificavit Lucius.* Nam Justinianus in ea solum vetat secundas Nuptias iis, qui conseci sunt de vita primi Conjugis, Lucius verò nedum iis qui conseci sunt, sed etiam iis, qui certam de morte primi Conjugis non habent noticiam.

Qua legis dispositione voluit idem Pontifex evellere inoletam animi consuetudinem tunc grassantem solvendi connubia per quemcunque recessum alterius conjugum; ex quo patet tunc temporis contrahentes secunda Matrimonia, vivo adhuc primo Conjuge, non dubitasse de illorum validitate.

Sed prosequitur et Lucius: *Si verò aliquis, vel aliqua id hactenus non servavit, & de morte prioris conjugis adhuc sibi existimat dubitandum; adnotetur* - quod non dicit de valore secundi Matrimonii, sed de morte prioris conjugis, quæ dubitatio ex eo tunc oriri poterat, nempe ex præcedenti statuta Lege: *Ut nullus amodo &c.* Propterea dubitatio omnino consequens secundas Nuptias, non autem eas afficiens: de quibus nulla tunc dubitatio, solumque vergens circa observationem Legis prædictæ editæ post celebrata secunda connubia, an inquam posset ipsa, ut ex secundæ Nuptiæ solverentur; ut pariter tunc temporis opinio erat, quod solvi possent, an potius servandæ, & quibus modis.

Præcipit propterea idem Pontifex = *Ei, qui sibi nupsit, debitum non denegat postulanti; Quod a se tamen moverit nullatenus exigendum.*

Hæc porro secunda Decretalis parte ordinem prædictæ Novellæ non immutans ejusdem secundam partem prorsus abrogat: Erat enim hæc = *Si verò*
incom-

incertum sit, utrum superest, an non, quæ ad hosſes Persona devenit: tunc quinquennium expectandum eſt, ſive a Viro, ſive a Muliere, poſt quod (ſive manifeſtum de morte fiat, ſive incertum maneat) nubere licebit ſine periculo. Etenim neque poſt quinquennium permittit Pontifex cum dubio de vita prioris conjugis tranſire ad ſecundas Nuptias, & qui jam tranſierunt ante conditam præſentem Legem, quouſque dubii ſunt, per ipſam privantur Jure petendi, relicto eis debito reddendi.

Quare autem privaverit dubitantes de vita prioris conjugis Jure petendi, relicto eis debito reddendi, ſi conſideretur, quod hi Fideles non dubitabant de valore prædiſtarum Nuptiarum, ad quas bona Fide proceſſerant, ſit manifeſtum, eos non aliam ob cauſam privaviſſe, niſi quia ſollicitiores reddere cupiebat pro inveſtiganda notitia vitæ, vel mortis prioris conjugis, ut tandem conſequeretur effectum ſuum ultima hujus Decretalis diſpoſitio, quæ erat. Quod ſi poſt hoc de prioris conjugis vita conſiſterit, reliſtis adulterinis complexibus, ad priorem conjugem revertatur. Per hanc diſſolvens ſecunda connubia, tunc habita valida, & reſtituens prima ſuo valori, ſtatim ac certa notitia de vita prioris conjugis haberetur.

Et proſecto ſi hæc non fuiſſet vera cauſa privandi eum Jure petendi, relicto debito reddendi, ſed alia, nempe quia contraxit cum dubio de valore ſecundi Matrimonii ob incertam vitam proprii prioris conjugis; quare non privavit etiam alterum cum eo contrahentem, qui fortaſſe conſcius, vel erat, vel eſſe poterat de dubio circa vitam conjugis illius, cum quo contrahebat? Nam communis tunc cauſa fuiſſet: At tamen non fecit; Ergo non aliam habuit cauſam, quam ſupradictam. Et revera conſideratis verbis Legis apparet, quod Pontifex ſolum illum, vel illam privare voluit Jure petendi, quæ de proprii prioris Viri, vel Uxoris vita, adhuc ſibi exiſtimaret dubitandum, cum nihil decreverit de altero contrahente, vel hic dubitaret, vel non, de vita conjugis Perſonæ illius, cum qua contraxerat Matrimonium, ſed eidem ſimpliciter, atque abſolute reſervavit Jus petendi: Ex quo lucet, non privaviſſe Jure petendi, quia contraxiſſet cum dubio de valore Matrimonii: ut unice oporteret ad hoc, ut prædicta Decretalis definiviſſet ſententiam Adverſariorum.

10. Verum neque dicta Decretalis obtinuit, ut Chriſtianus Orbis ad unitatem hujus Artiſculi de inſolubilitate Matrimonii, ac nullitate ejuſdem, ſi primo vivente conjuge contrahatur, qui nunc eſt Fidei, revocaretur. Nam ſtatim Urbanus Tertius immediatus ſucceſſor Lucii viſus eſt opinionem diſſolubilitatis, ac validitatis ſecundarum Nuptiarum inſtitutum, vivente primo conjuge, reſtituiſſe probabilitati, qua ante Lucium ſervebatur per Cap. Cum in Apoſtolica de Sgo. ſol. & Matrim.

Inquit enim Urbanus: eo Cap. Intelleximus, quod cum inter Vilicum de N., & Uxorem ejus Matrimonii Quæſtio tractaretur: ante publicationem Teſtium

ſiſſi.

Villicus reverſus ad propria publice inter ſe, & Uxorem ſuam propoſuit ſententiam Divortii Judiciſ Eccleſia promulgatam, & ſic falſitate ſuſceſſa, quendam aliam facti neſciam ſibi copulare præſumpſit. Poſtmodum verò ſuper prioris Matrimonii Quæſtione literis impetratis delegati Judices ſententiam Divortii protulerunt. Verum quia Villicum, & Mulierem, quam ſuper-induxit, pendente Lite prioris Uxoris, invicem aſſeris conſenſiſſe: Conſultationi meæ ſaliter reſpondemus, quod, impoſita Viro Pœnitentia competenti, & infra Pœnitentie tempus carnali commercio interdiſto, poſtmodum in maritali copula poterunt remanere.

Ex hac Decretali habetur, primum Matrimonium, de quo quæſtio erat, fuiſſe validum; Nam lata fuit de eo ſententia Divortii, non verò nullitatis, quæ hujusmodi non fuiſſet, niſi ut validum haberetur præcedens Matrimonium, ſolvendum tamen etiam quoad vinculum ob cauſas tunc receptas pro diſſolvendis connubiis. Habetur etiam quod ſecundum Matrimonium contractum cum facti neſcia, & vivente prima Uxore habitum fuit ut validum, quia poſt ſententiam Divortii non fuerunt obligati ad noviter contrahendum, ſed impoſita Viro Pœnitentia, permiſſum fuit, eoſdem perſuere in Maritali copula: quod verbum *remanere* importat ſubſiſtentiam Matrimonii contracti tempore ſuperviventis primæ Uxoris; & hæc evenerunt anno 1186. cir.

Quem Urbanum ſecutus eſt Celeſtinus Tertius immediatus ejus ſucceſſor Anno 1192. cir., qui decrevit Chriſtianam Uxorem, cujus odio Vir Chriſtum negavit, ſibiſque copulavit Paganam, ipſo ſuperſtite, alteri nubere poſſe Catholico; Atque hujusmodi, & ſimili Apoſtaſia Matrimonium dirimi ſenſit, ut reſert Natalis ab Alexandro *Hiſtorie Eccleſiaſtica ſæculi 11., & 12. Tom. 7. Fol. 60. Edit. Lucen.* Decretum hoc legitur in *Cap. laudabilem, de Conſeſſione Infidelium Lib. 3. antiqua Collectio- nis 11. Decretalium ab Antonio Auguſtino editæ pag. 195.*

Tandem Innocentius Tertius Anno 1100. cir. cauſam ſcrutans ſummo libramine, ut potuit, emendavit Decreta prædeceſſorum, & præſertim. Colleſtini immediati Anteceſſoris, ut *ex Cap. Quamo, de Divortiiis*, parſque illa Capituli *Laudabilem*, Colleſtioni Juſti Gregorii IX. a Sancto Raymundo adornatæ non eſt inſerta.

Verum nonniſi a Concilio Tridentino Lis dirempta, ac in Dogma Fidei promulgatum, quod Matrimonium conſummatum ſit indiſſolubile quoad vinculum: *Can. 5. ſeſſ. 24. Si quis*, inquiunt Patres Concilii, dixerit propter Hæreſim, aut propter moleſtam cohabitacionem, aut aſſectatam abſentiam a Conjuge diſſolvi poſſe Matrimonii vinculum anathema ſit.

Ex relatis itaque Decretis vel antecedentibus Decreto Lucii Tertii *Cap. Dominus*, vel ſubſequentibus apparet, quod tempore dicti Lucii non conſtabat Fidelibus Matrimonia ſecunda inita, vivente priore Conjuge, eſſe nulla; quinimò ex datis cauſis valida reputabantur.

O

Hoc

Hoc idem ex Nationalibus Conciliis eruitur. Primum est Vermeriense Concilium Anno 770. coactum a Bonifacio Francorum Apostolo. Cujus Cap. 5. hæc habet: *Si quis, necessitate inevitabili cogente, & in alium Ducatum, seu Provinciam fugerit, aut seniore suum, cui Fidem mentiri non poterat, secutus fuerit, & uxor ejus, cum valet, & potest, amore Tarentum, aut rerum suarum sequi eum noluerit, ipsa omni tempore, quando vir ejus, quem secuta non fuit, vivit, semper innupta remaneat. Nam ille vir ejus, qui necessitate cogente in alium locum fugit, si se abstinere non potest, aliam Uxorem cum Tænitentia potest accipere.* Plures ibi de hac re sunt ejusmodi Canones, ut testatur Lupus Tom. 4. Fol. 192. Colum. 2.

Secundum est Compendiense sub Pipino Rege Anno 800. cir. Quod confirmavit statuta in Vermeriensi; atque inter alia concessit, quod: *Si vir leprosus Mulierem habeat sanam, si vult ei donare comeatum, ut accipiat Virum, ipsa Famina, si vult, accipiat, similiter & Vir.*

Tertium est, Triburiense sub Formoso Pontifice Anno 894. cir., in quo definitur: *Si quis cum noverca &c. 32. Quasi. 7. Cap. 24.* Quo ab omni superveniente Impedimento dirimente Matrimonium solvi videtur. *Christian. Lup. supracitatus Fol. 193. Colum. 1. §. Abusus.*

Demum ex nutantia SS. Patrum fere usque ad tempora Lucii Tertii circa vinculum Matrimoniale colligitur, licuisse Fidelibus eo tempore alterutram amplecti partem, vel saltem de mala, aut dubia Fide culpam non posse, si causis extantibus primum Matrimonium solvisent, & secundum, vivente primo Coniuge, inivissent. S. Epiphanius, inquit, *Lib. 59. Cap. 4.* Cui una Uxor non sufficit, cum occasione aliqua stupri, Adulterii, aut alterius Flagitii cum ea Divortium fecerit, is, si alteram Uxorem duxerit, aut alteri Viro Mulier nupserit, sacrarum Litterarum Auctoritas ab omni culpa illos absolvit, neque ab Ecclesia, aut aeterna Vita rejicit, sed propter imbecillitatem tollerandos existimat.

Ambrosiaster in prima ad Corinthios inquit: *Viro licet Uxorem ducere, si dimiserit Uxorem peccantem.*

S. Augustinus postquam in Libris de adulterinis Conjugiis docuerat, non posse nova connubia inire cum, qui Uxorem dimisit propter Adulterium, in Libro de Fide, & Operibus Cap. 19., inquit: *Quisquis Uxorem in Adulterio deprehensam dimiserit, & aliam duxerit, non videtur equandus eis, qui excepta causa Adulterii dimittunt, & ducunt: & in ipsis divinis Sententiis ita obscurum est, utrum iste, cui quidem sine dubio Adulteram licet dimittere, Adulter tamen habeatur si aliam duxerit, ut quantum existimo, venialiter ibi quisque fallatur.*

S. Timotheus Patriarcha Alexandrinus interrogatus: *Si alicujus Uxor spiritu corripitur, ut ferreos etiam compedes, & manicas gesset, Vir autem dicat, non possum continere, & vellet aliam accipere, debeat ne aliam accipere, an non?* Et respondit: *Non invenio quid de ea respondeam.*

S. Ful-

5. Fulbertus Episcopus Carnutensis indulgebat secundas Nuptias remanenti in sæculo; ac de isto suo more scripsit ad Robertum Archiepiscopum Rothomagensem: *Si hac de causa*, inquit, *Meum consilium vultis*, *quid ego facio*, *idem vos facere suadeo &c.*
6. quoque Anselmus depravatum Hiberniæ morem deplorans scripsit ad Mariardachum ejusdem Hiberniæ Regem: *Dicitur*, ait, *Quod in regno vestro Viri ita liberè, & publicè Uxores suas Uxoribus aliorum communiunt*, sicut quilibet equum equo, aut quamlibet aliam rem re alia ab illo commutat, & pro libitu, ac sine ratione relinquit. Hic certè proximus fuit Lucio Tertio, quicumque ex iis pluribus Anselmis fuerit; cum omnes Anno fere 1000. floruerint, & hic scripserit Regi illi, cujus subditi postea a Saracenis fuerunt capti, de quibus Lucius edidit Decretalem. Quapropter conjicitur, tunc temporis viguisse Opinionem, saltem popularem, in ea regione, Matrimonium etiam consummatum dissolubile esse quoad vinculum, & validum fore secundum celebratum, vivente primo Conjuge.
11. Essent hoc loco adnecndæ Leges Civiles, sed præter Justiniani Novellas, quas non sine Doctissimorum Episcoporum assensu, & assensu, ut affirmat Lupus, condidit, ac promulgavit Justinianus, quasque amplexa est Ecclesia tum Orientalis, tum Occidentalis, quemadmodum testatur Natalis ab Alexandro *Hist. Eccl. secul. 6. Cap. 7. Fol. 478. De Orientali*, inquit, *nullum est dubium, de Occidentali id constat ex S. Gregorio Magno*, aliosque refert Pontifices; præter inquam istas, non alias asseremus.
- Hæc** autem duz sunt. Prima Autenticorum Collatione quarta de Nuptiis T. 1. sed etiam captivitatis Casus, Fol. mibi 32. Quam supra citavimus: Secunda est Collatione octava T. 13. *Prædictis itaque causis*, Fol. 88., quibus necesse potest Historia plurium Regnorum, & Regum præsertim Francorum varia habens exempla dissolutorum Matrimoniorum, etsi consummatorum, atque, vivente altero ex Conjugibus, novorum initorum, quam refert S. Gregorius Episcopis Turonensis.
- Et** quoniam, ut habet Fredegarius *Lib. 3. Cap. 94. Franci non ex solo Adulterio*, sed ex aliis etiam causis repudiabant: ipsorum Regibus Gothorum in Hispania Reges despondere volebant suas Filias, nisi datis de citra Adulterium non repudiando Sacramentis.
12. Hæc, quæ concessimus, sive Pontificum Decreta, sive Nationalia Concilia, sive quorundam Sanctorum Patrum sententia, vel denique Civiles Leges, Historiasque profanas, non alio fine, ac animo adduximus, nisi, ut ostenderemus Decretalem Dominus non supposuisse, nec potuisse supponere eos, qui jam secunda contraxerant Matrimonia, accessisse ad ea, ineunda dubios de ipsorum valore; Quod tacitè est, ut palam fiat, non posse in probationem oppositæ sententiæ ullatenus adduci. Cæterum Catholicè profitemur, divino Jure insolubilia esse Matrimoniorum consum-

matorum vincula; ut aperte definivit Tridentinum supra relatum. Quomadinodum etiam profiteamur, non defuisse statim temporibus & Pontifices, & Concilia, & Patres viriliter agentes pro stabiliendo hoc Dogmate; quod nonnisi plenè, ac firmiter consecuti sunt tandem Tridentini Patres.

¶3. Dicit tamen aliquis. Si indissolubilitas Matrimonii consummati Fidei sit Articulus, quomodo per tot sæcula tanta de eo obscuritas, tamvariarum Opiniones, & inde tot saltem materialia Peccata?

Huic satisfacit Paulus IV. rogatus dispensare in conjugio rato Francisci Monmorantis, & Joannæ Halluynæ Picennæ per interlocutionem, quam habuit de hac re ad Cardinales: O Fratres, inquit, & Filii mei, ego sane vos congregare volui, ut ex vobis id cognoscam, quod exigui non est momenti, ac ponderis... Ne quæso vos teneant decessorum meorum facta & exempla, quæ catenus signi volo, quatenus scriptura Auctoritas, & Theologorum rationes vos ad illud agendum adducant... Non dubito, quod ego, & decessores mei errare aliquando potuerimus non solum in hoc, sed etiam in pluribus aliis rerum generibus, & tamen condamnandi plane non sumus. Nam Deus suam ita regit Ecclesiam, ut illi ad certum tempus abscondat multa, quæ tum inde patet. Quod Christus ipse satis innuit, cum Beato Petro dicebat: quod ego facio, tu nescis modo. scies autem postea; Et in alio loco agebat: adhuc multa habeo vobis dicere, sed non potestis portare modo. Cum autem venerit spiritus veritatis, docebit vos omnem veritatem. Quis igitur scit modo, nunc, quæ reliquis circa indissolubile Matrimonii vinculum ante fuerant incognita, per nos Deus apertam in lucem nunc prodi velit? Quamobrem Fratres, & Filii mei omni studio incumbite in illud auxilium, quod a vobis hac in causa expetto. Nec rationem habet ullam exempli, quod hic, vel ille Deceptor meus vobis reliquerit: ut jam ad omnem perspiciat, an Decessores vestri id satis intellexerint, quod de indissolubili vinculo Matrimonii disquirimus.

Hanc tanto Pontifice dignam interlocutionem refert Joannes Haya Doctor Parisinus Testis auritus, & oculatus, ut habet Christianus Lupus Tom. 11. Fol. 12. a qua docemur primo: Quæ Fidei sunt, non statim omnia innotuisse ab exordio Ecclesiæ, sed paulatim, ac tempore procedente aperiri Fidelibus. Secundo non omnia Pontificum, vel Conciliorum Decreta causam Fidei semper definire, etsi circa illam versentur; eo vel quia non sint servatæ Leges loquendi ex Cathedra, si de Pontifice sermo sit; vel Concilia non sint coacta eo fine, ut definiatur illa causa; nullaque tunc temporis cognita sit, id postulare Ecclesiæ utilitas; vel tandem Concilia non sint OEcumenica. Tertio evenire potuisse, ut revera evenit, quod fuerit habitum aliquid primis Ecclesiæ Temporibus, quibus inter paucos ipsa continebatur, ut Fidei Articulus, quod medio tempore in puram abierit opinionem probabilem, deinde postremis tem-

poribus, reversum sit, aut revertatur ad Fidei Dogma. Exemplum sit quod Augustinus de Peccatorum meritis, & remissionibus *Cap. 9.* docuit ad Fidem pertinere: scilicet Parvulis per Baptisma infundi gratiam, ac virtutes, quod Innocentius Tertius scribens ad Michelem Arelatensem Archiepiscopum posterioribus sæculis appellavit solum probabile: inquit enim: *Illud, quod opposcentes inducunt, Fidem, aut Charitatem, aliasque virtutes Parvulis, utpote non consentientibus, non infundi, a plerisque non conceditur absolute; cum propter hoc inter Doctores Theologos Quæstio referatur; aliis asserentibus per virtutem Baptismi Parvulis quidem culpam remitti, sed gratiam non conferri: nonnullis dicentibus, dimitti Peccatum, & virtutes infundi, habentibus illas quoad habitum, non quoad usum, donec perveniant ad ætatem adultam.*

Deinde Clemens Quintus laudans verba Innocentii in primo Capitulo ad Titulum de summa Trinitate, & Fide Catholica: inquit: *Opinionem secundam, quæ dicit, tam Parvulis, quam Adultis conferri in Baptismo informantem Gratiam, & virtutes, tanquam probabiliorem, & dictis Sanctorum, & Doctorum modernorum Theologia magis consonam, & concordem, sacro approbante Concilio, duximus eligendam.*

Sacra demum Tridentina Synodus avitam S. Augustini, & totius tunc Ecclesiæ sententiam reposuit in Fidei Canonem, & denuò fecit esse Fidei Articulum. Hæc sunt verba Christiani Lupi *Tom. 11. Fol. 4.*

Hoc ipsum contigisse huic Fidei Articulo de indissolubili Matrimonii consummati vinculo Ecclesiastica Monimenta docent; ejusque causam edixit S. Augustinus *Lib. de Fide, & Operibus Cap. 9.* *Quoniam malorum Christianorum mores, qui fuerunt antea, etiam pessimi, habuisse non videntur hoc malum, ut alienas Uxores ducerent Viri, aut alienis Viris fœmina nuberent; inde fortassis apud quasdam Ecclesias negligentia ista surrepsit, ut in Cathecismis competentium nec quaererentur, nec repererentur hæc vitia; atque inde factum est, ut inciperent, & defendi.... Talem quippè in quibusdam negligentiam, in aliis imperitiam, in aliis ignorantiam probabiliter Dominus somni nomine significasse intelligitur, ubi ait, cum dormirent Homines, venit Inimicus, & superfeminavit zizania.*

¶ 4. Verum de prima Decretali, nempe *Cap. Dominus* hæcenus dicta sint; nimis enim apertum, non eam loqui, aut disponere de iis, qui cum dubia Fide de valore ad Matrimonium ineundum accesserunt; superest alia nempe *Cap. Inquisitioni tuæ de sententia Excommunicationis* observanda, an & ipsa faveat Patronis adversæ Opinionis, ut ipsi contendunt. Præter dicta de *Cap. Dominus*, quæ omnia conveniunt etiam huic Capiti *Inquisitioni*, ob eandem temporis, ac Personarum circumstantias. Si verba ejusdem Capituli, ac finis spectentur, constabit ex eo, nihil deduci posse in eorum favorem.

Verba enim Capituli sunt: *Inquisitioni tuæ*, inquit Innocentius Tertius Epif-

copo Ferrariensi Anno 1200. cit. Respondentes, credimus distinguendum, utrum alter conjugum pro certo sciat Impedimentum conjugii, propter quod sine mortali peccato non valeat carnale commercium exercere, quamvis illud apud Ecclesiam probare non possit: an non sciat pro certo, sed credat. In primo casu debet potius Excommunicationis sententiam humiliter sustinere, quam per carnale commercium peccatum operari mortale. In secundo distinguimus, utrum habeat conscientiam hujusmodi ex credulitate levi, & temeraria, an probabili, & discreta, & quidem ad sui Pastoris consilium. (conscientia levis, & temeraria credulitatis explosa) licite potest non solum reddere, sed exigere debitum conjugale. Verum cum conscientia pulsatur animum ex credulitate probabili, & discreta, quamvis non evidenti, & manifesta, debitum quidem reddere potest, sed postulare non debet; ne in alterutro, vel contra Legem conjugii, vel contra Judicium conscientiae committat offensam.

In hac itaque Decretali nihil apparet dispositum pro iis, qui cum dubio de valore Matrimonii accesserunt ad illud contrahendum, ut insipienti patet; Nam tota ejus dispositio procedit de illis, qui post Matrimonium contractum certo deprehenderunt Impedimentum, vel de eo probabilem & discretam habuerunt credulitatem, vel levem, & temerariam. Neque ullatenus Questionem movet Pontifex: praecesserit ne ad Matrimonium contractum hujusmodi scientia, vel dubium? ut causa postulasset, si revera praecessisset, ad hoc ut de iis, sicut de aliis disposuisset. Etenim pro eo, qui certo scivisset Impedimentum dirimens, non satis fuisset Pontifici statuere, quod debeat potius Excommunicationis sententiam humiliter sustinere, quam &c., nisi etiam eundem Canonicis poenitis subiecisset; quod idem dici posset, & deberet de contrahente cum positivo probabili dubio; quia uterque ausu temerario exposuisset vel nullitati, vel probabili periculo nullitatis Sacramentum Matrimonii. Et revera si attendatur consuetudo illorum temporum, quae erat, ut Impedimenta quoque supervenientia valido Matrimonio, illud etiam quoad vinculum dissolverent, ut ex Decreto Deodati, atque aliorum Pontificum supra relatorum constat: quae postea nostris temporibus temperata est, ut solum impedimenta superinducta privent jure petendi illud, qui culpabiliter eadem Impedimenta posuit, relicto integerrimo jure petendi parti innocenti, & servato valore Matrimonii, optime haec prima pars Decretalis exponitur, si dicatur, illam procedere de eo, qui valide contraxit, deinde superinduxit Impedimentum dirimens, id est solvens Matrimonium suum, quod postea probare non possit apud Ecclesiam, quod, inquam, tunc debeat potius hic humiliter sustinere Excommunicationis sententiam, quam per carnale commercium peccatum operari mortale. Et quoniam Impedimenta, quae probari non possunt apud Ecclesiam, esse nequeunt, nisi Juris Ecclesiastici, supra quibus Pontifex dispensare

po-

potest, ideo præcipit Innocentius, ut potius humiliter sustineat &c. ante obrentam dispensationem, qua obrenta iterum contrahat, quam non obrenta dispensatione pareat mandatis Ecclesiæ, sique peccet mortaliter; nam si res aliter esset, perpetuo Anathemati subiceretur Innocens cum summa Bonorum ejus spiritualium jactura; quod vellet Ecclesia, præsumi non potest. Diximus perpetuo Anathemati Innocentem subjici; nam ideo excommunicaretur, quia a re illicita se abstinere, & ob hoc semper contumax appareret, utpotè non valens ostendere Impedimentum, seu secutam dissolutionem sui Matrimonii; proinde hic permaneret in statu perpetuo Anathematis.

15. Si autem secundam Decretalis partem intueamur, qua statuitur, quod habens probabilem, & discretam credulitatem de Impedimento possit quidem reddere debitum, sed postulare non debeat, in ea advertimus primò Pontificem huic non negare potestatem postulandi, sed solum illi prohibere postulationem; Quemadmodum ex aliis causis factum esse ab aliis Pontificibus ipso Jure Canonico recognoscimus. Et quidem non ob aliam causam prohibuit Pontifex postulationem, nisi, ut eum sollicitaret ad inquirendam veritatem, & simul ad dubium deponendum; Etenim si ei permisisset, quod concessit habenti levem, ac temerariam credulitatem, nempe licite petere, & reddere, jam hic non curasset ulterius veritatem investigare, vel saltem conscientiam tranquillam per dubii depositionem sibi comparare.

16. Adverrimus secundo, Pontificem non ibi loqui de valida petitione, ac redditione debiti, sed tantummodò de licita; Quæ ideo talis pro habente levem credulitatem, quia nulla positiva Lege prohibita; pro dubitante autem graviter ipse Pontifex hac Decretali facit illicitam postulationem, & relinquit licitam redditionem, ut ostendat, quod Impedimentum Juris positivi Ecclesiastici, quoties permanet dubium in facto, suspenditur, nec parit effectum suum; eum hoc sit in potestate Ecclesiæ, utpotè minns contentum sub majori, nempe sub potestate ponendi, ac tollendi eadem Impedimenta. Quod si postea manifestum fiat, vel retrahatur ad momentum præcedens celebrationi Matrimonii, illudque irritat, cujus exemplum ex opposito habetur in dispensationibus Matrimoniorum in radice, de quibus videatur Resolutio Sacræ Congregationis Tridentini in Pragen. Matrimonii 18. Septembris 1713. Tom. 2. Thesauri earundem Edit. Ven. Fol. 369. Vel Impedimentum ex dubio factum certum postea auctoritate Ecclesiæ dissolvit Matrimonium præcedens, ut tempore Innocentii opinio erat, quam supra notavimus.

Si itaque suspensum maneat Impedimentum dubium, jam illi prævalet Matrimonium certum, ex quo utrique contrahenti Jus certum fit petendi, ac reddendi: quod si interdicator dubitanti usus Juris sui, relinquatur tamen Innocenti; propterea, ut hic consequeretur Jus suum, relinquit Pontifex dubitanti licitam redditionem.

17. Advertimus tertio, Pontificem reddere rationem, quare dubitans de Impedimento teneatur reddere, at postulare non debeat, quæ est *ne in alterutro, vel contra Legem conjugii, vel contra Judicium conscientie committat offerfam*. Nam non reddendo hic dubitans violat Legem conjugii per Innocentium; Ergo Innocentius certò supponit validum conjugium, a quo solo Lex illa venit. Conjugium autem non potest esse certò validum pro nno contrahentium, quin etiam sit pro alio; quia valor ejus in relativo consistit. Itaque hac ratione excludit Pontifex a dispositione suæ Decretalis conjugium dubium; proinde etiam eum, qui illud contraxit cum dubio; Ergo ex hac Decretali nihil habetur, quod faveat adversæ sententiæ.

Postulando autem cum hujusmodi credulitate probabili, acque discretè operatur contra regulam internam morum, quæ est, ut nunquam cum dubio liceat operari, sed deposito dubio, saltem per dictamen reflexum a quolibet constituto in necessitate agendi faciendum, si de utraque ex oppositis dubitet, ut omnium est Theologorum Doctrina. Quapropter apparet, Pontificem loqui de dubio non objectivè sumpto; nam tunc operans nedum contra conscientiam propriam committeret omnem, sed etiam contra illam Legem, vel virtutem, quæ suaderet partem oppositam, sed de dubio mere subjectivo, quod non aliud præstat, quam suspensionem Judicii practici in operante, hæcque suspensio, ut expellatur, norma interna humanarum actionum præcipit; cui non obtemperat operans cum dubio subjectivo; proinde peccat quidem contra conscientiam, quatenus non paret Legi internæ morum; at minimè peccat contra Legem, seu virtutem, cujus objectum est pars opposita illi, quam est prosecutus agens cum dubio: idque patet, quia dubium non ab objecto est excitatum.

De hoc itaque mero dubio subjectivo loquitur Pontifex; nam præcipit, ut inquit Glossa, quod illud omninò dimittat conjux ad consiliū sui Pastoris; Quod si postea post consiliū Pastoris adhuc conscientia pulsaverit animum ejus, Pontifex, & Legi certæ conjugali, & tranquillitati conscientiæ illius conjugis consulere intendens, hoc præbet temperamentum, ut debitum hic reddat postulanti, sed postulare non debeat. Quare inspecta hac Decretali ejusque fine una cum circumstantiis temporum, ac Personarum manifesto liquet, eam non procedere, aut disponere quidquam de iis, qui cum dubio facti verè probabili de præexistentia Impedimenti dirimentis Matrimonia contraxerunt; sed de iis, quibus supervenit, vel scientia, vel dubium de eodem Impedimento, quosque supposuit bona Fide contraxisse.

Quod ulterius argui potest. Ex ratione communi utrique allegatæ Decretali; Etenim, cum Fornicatio sit intrinsecè mala, nedum ipsa, sed ejus tum formalis, tum materialis periculum ita caveri oportet, ut nulli possit

positiva Lege induci possit necessitas, vel concedi facultas, se exponendi huiusmodi periculo, quia semper sit intrinsicè malum; sed posito, quod contrahens cum dubio de valore Matrimonii teneatur postea reddere debitum, hic se exponit certo periculo Fornicationis formalis ex parte sui, & periculo Fornicationis materialis ex parte alterius bona Fide petentis; ad quam tamen ipse non solum materialiter, sed formaliter etiam concurret; Ergo prædictæ Decretales si procederent de eo, qui cum dubio de Impedimento dirimente contraxit Matrimonium, illique imponerent necessitatem, ac concederent facultatem superius dictam, jam. permitterent, quinimò præciperent aliquid intrinsicè malum, quod obest valori cuiusvis Legis, sive humanæ, sive divinæ. Ne ergo hæc absurda admittantur fateri necesse est, eas Decretales nihil disposuisse de eo, qui cum præfato dubio contraxit Matrimonium.

Quapropter vel rationem, vel Auctoritatem, vel utramque adeamus, doceamur, eum, qui contraxit cum dubio facti, vere positivo, ac probabili de præexistente Impedimento dirimente, eo durante, non posse ullatenus nec petere, nec reddere debitum parti non dubitanti.



18. **Q**uodnam porro in hoc rerum discrimine erit consilium hujus dubitantis? quinimmò illius etiam, qui certo novit suum Matrimonium esse nullum, sed probare id non potest apud Ecclesiam? non aliud erit, quam quod præbet Maschat *Lib. 4. Tit. 19. De Divortijs num. 2. sub fine*. Scilicet primo, quod conscius nullitatis Matrimonii, & simul impedimenti nullitatem producentis, quoties ex dispensabilibus sit illud impedimentum, ejus dispensationem a summo Pontifice perat; quam profecto etiam tenetur petere, ne per Ecclesiam cum putativo conjugē perpetuo manere cogatur incontinentiæ periculo semper obnoxius; neve proles, si quæ sulcepta, illegitima relinquatur.

Secundo, quod ille, qui accessit cum dubio prudenti de præexistente impedimenti dirimentis ad suum initum Matrimonium, in eoque dubio post contractum perseverans, tenetur petere dispensationem ab hujusmodi impedimento ad cautelam, ut sæpius docuit Sacra Tridentini Congregatio.

Ex his proinde neutro licet divertere a suo conjugē, non primo, quia obstat Ecclesia, quousque non docta, habens pro valido illius Matrimonium: non secundo, quia præter dicta de conscio nullitatis &c. obstat probabilis valor sui Matrimonii; contra quem non licet certo procedere, ne pena certa delicto probabili infligatur. In his tamen causis servanda est Constitutio Benedicti XIV. *Dei miseratione* 3. Novembris 1741.

19. Quæ igitur sint ea Matrimonia, quorum vinculum dissolvi possit potestate humana, quæ potestate divina summo Pontifici delegata, quæ tandem sint, quorum vinculum sit prorsus indissolubile, tum humana, tum etiam divina delegata potestate, & soli divinæ absolutæ potestati reservatum, jam diximus; propterea de Matrimonii Divortio quoad vinculum non plura; supersunt brevi calamo dicenda de Divortio quo ad thorum, atque habitationem.

§. I V.

Divortium quod ad Thorum, & habitationem duplex, scilicet liberum & coactivum: causa præcipua coactivi recensentur.

Hujusmodi autem Divortium duplex distinguimur, voluntarium unum, coactivum alterum; de primo agunt Canonistæ *Lib. 3. Tit. de Convers. conjugatorum. De secundo lib. 4. Tit. 19. de Divortijs*.

1. De voluntario nihil dignum est, et dicatur cum in conjugum potestate sit ab invicem divertendi, sive quoad Thorum, sive quoad habitationem, accedente tamen utriusque prorsus libero consensu, præsertim ob colendam castitatem, ac perfectiorem Christianæ Religionis viam
gra-

gradiendam, & hoc vel ad tempus, vel si nullum incontinentiæ periculum subeat, etiam in perpetuum, obtenta tamen ab Ecclesia, idell suo Episcopo venia divertendi quoad habitationem, ac separatos perpetuo permanendis; quoniam, nisi constaret eidem Ecclesiæ de libera utriusque conjugis voluntate in hujusmodi diversione, eos teneretur cogere ipsa Ecclesia ad secum ipsos cohabitandum etiam per censuras; ne Matrimonii jura, quæ intacta ut servantur, curare debet, læderentur.

2. De coactivo porro Divortio, si illud fieri contingat Prælati auctoritate, plura habent Canonistæ *Hoc Titulo*. Si autem causæ adsint præsertim, quoad Thorum, ut alteruter ex conjugibus ab altero invito divertat privata potestate, de hoc speciatim Theologi; hinc ejusdem faciendi causas recensent, vel temporales, vel perpetuæ.
3. Causæ autem faciendi Divortium temporaneum hæc numerantur, scilicet periculum animæ, periculum corporis, & sevitia, aut furor alterutrius ex conjugibus. Periculum enim animæ habetur si alter inducat conjugem in peccatum, E. G. in latrocinia, veneficia, sodoniam &c. vel proximum sit periculum, ut indicatur, nam tunc innocens tenetur, tum naturæ, tum divino jure divertere a noxio conjugē juxta illud, *Lucæ Cap. 14. Qui non odit Patrem, & Matrem &c.* neve se exponat periculo proximo peccandi; cum illud moram non patiatur; proinde si in eo voluntarie permaneret, semper peccaret: hinc innocenti conjugī facta est potestas privatim divertendi a noxio conjugē per argumentum *Cap. 5. Idolatria 28. quæst. 1.*
4. Periculum autem corporis habetur, quando ex cohabitatione conjugis sani cum conjugē corpore infecto, atque morbofo prudenter timeri potest contractio morbi a sano conjugē: uti esset in lepra, vel lue venerea, aliisque similibus morbis facile communicabilibus; quod periculum, quia similiter non patitur moram, causa iusta est divertendi privatim, non expectata judicis sententia; quemadmodum etiam est respectu foeminae periculum probabile mortis in partu, quod jure faceret eidem foeminae divertendi a Thoro Mariti; ex quo Matrimonium non inducat vinculum lædens jus naturale de vitæ conservatione; quod idem dicatur de eo, qui habet conjugem latrocinia exercentem, de quibus licet non participet, quia tamen, si manifestentur, timere potest, ne in supplicio nocenti debito involvatur, poterit & hic a noxio privatim, etiam quoad habitationem divertere; neque tenebitur causam diversionis manifestare, ne contra Maritum, vel Uxorem in iis, quæ sunt extra Matrimonii jura, Testimonium ferat, quod Canonico, ac Civili jure esset proscriptum.
5. Sevitia tandem, aut furor alterutrius conjugis in eo tantum eventu præbet alteri privatim a sevo, aut furioso divertendi, quo prudenter timeretur, vel mors infligenda, vel grave malum, seu gravis pericussio

ad

ad quam cavendam non satis consuleretur interposita temporis mora necessaria pro obtinenda judicis sententia; proinde ea non expectata poterit a sevo, atque furioso conjugē alter privatim divertere.

Non autem illi poterit, quando sevitia, ac furor hujusmodi prudentem timorem secum non habeat, sed tunc expectare tenebitur judicis sententiam, antequam ab eodem sevo, ac furioso conjugē recedat. *Arg. c. 1. §. 13. De restit. spoliationum*; quia tunc cessat causa juris naturalis: nempe conservatio proprii individui, quæ, dum viget, prævenit quamcunque hominis sententiam.

Cum itaque recentis causæ privatim divertendi a proprio conjugē natura sua perpetuæ non sint, cessantibus iis, individua vitæ ac thalami conjugum consuetudo refarcienda est a conjugē divertente, & quidem sub gravi ante quamcunque sententiam ad hoc compellentem; nam cessata causa Divortii privati, & ipsum cessare debet tale Divortium, quod non alia ratione subsistit, quam ea, quæ ejus causa subsistit; quod idem non est in Divortio per Judicis sententiam facto, quia tunc etiam cessata causa, perseverat; habet enim suam subsistentiam, nempe a causa, sed etiam a Judicis sententia; propterea cessante causa non cessat, sed juris subsistentiam retinet.

6. Si vero per accidens evadant perpetuæ, Divortium ob eas privata auctoritate factum perpetuo perseverare non poterit absque Judicis sententia; cum in tali hypothesi, mora temporis intercedat absque ullo mali periculo conjugi divertenti adeundi Judicem, atque justitiam causæ apud ipsum probandi, obtinendique sententiam publici Divortii; jusque habeat Ecclesia, ut certioretur de justitia causæ, quam habet divertens ab alterutro conjugē, eamque efficiendi publicam ad tollenda scandala & Matrimonii jura tuenda, & ne via fraudibus aperiatur.

7. Causæ porro instituendi Divortium perpetuum, quoniam hoc fieri nequit, nisi auctoritate Ecclesiæ, Judicisque sententia, ex recentibus Theologis, & a Canonistis. Inter quas cum præcipua sit Adulterium, sive carnale, sive spirituale, idest hæresis: quod in eo spectari debet forum animæ respiciens, Est primo, Adulterium carnale esse oportere non tantum materiale, sed etiam formale, completum in sua specie, voluntarium ac liberum, non injusto gravi metu patratum, non consentiente vel expresse, vel tacite altero conjugē; ad quæ omnia respicere debet intentans judicium Divortii, ne injustam excitet alteri conjugi litem, ac causam, indebitasque illi inferat molestias. Secundo Adulterium spirituale, idest hæresis, si fuerit conjuncta cum periculo perversionis, statim conjux innocens ob prædictum periculum recedere debet ab Adultero spirituali; si autem fuerit hæresis sine tali periculo, per judicis sententiam obtineri debet Divortium, ut diximus, & liquet ex Cap. 6. H. T. Cap. Fin. de Hæreticis in sexto: quo obtento resar-

sarciri nequit societas maritalis, nisi constet Ecclesie de emendatione; propterea, & illud ex juris dispositione evadit perpetuum. *Cap. Fin. De Convers. Coniug.*

Quæ plura habentur de Divortiiis, legi possunt in Pichler, in Maschat *lib. 4. eodem Titulo*. In Moralibus Theologis omnibus, quos longum foret adducere. Quæ autem de iis, vel de universo Matrimonii Sacramento dixi ipse, licet modica sint, & gravi emendatione digna, ea tamen omnia divino Ecclesie Sponso cujusvis Fidelium connubii sanctificatori umillime devoteo, ac offero, ut nevis, erroribusque purgata dimittens, divina ejus benedictione prosequatur, qua finem eum consequantur, quo dicta sunt, laudem nempe, atque extollentiam sui Sanctissimi Nominis, ac sponsæ ejus Ecclesie exaltationem.

FINIS.



INDEX

INDEX

RERUM NOTABILIMUM.

A

Absentia diuturna unius dat actionem alteri ad rescindenda Sponsalia. pag. [13](#)

Acceptatio promissionis in Sponsalibus, nisi obtineat repromissionem, non obligat. [16](#)

Accidentalium error in contractu Matrimoniali non obest. [116](#)

dummodo ea non sumantur tamquam substantialia. [117](#)

Adoptio quid, & quotuplex sit. [139](#)
perfecta dirimit Matrimonium. [ibi](#)

imperfecta quare non dirimat. [ibi](#)

lineæ cognationis legalis ex adoptione procedentes. [140](#)

activa conceditur tantum Masculis. [141](#)

fundatur in Patria potestate adoptantis, ex qua oritur impedimentum. [140](#)

quod tollitur per emancipationem, & non induciur inter illegitimos adoptantis, & illegitimos adoptati. [141](#)

neque inter Masculum, & Feminam adoptatos ejuldem adoptantis, vel inter horum respectively Filios. [ibi](#)

neque inter Matrem, Aviam, & Sororem adoptati, & adoptantem, vel contra. [ibi](#)

Adulterium cum uxoricidio, vel viricidio perpetrato ex animo du-

cendi adulterum complicem, supposita in utrisque scientia alterutrum esse ligatum; inducit impedimentum dirimens Matrimonii. pag. [142](#)

secus si adulterans, & non uxoricida ignoret coadulterum uxoricidam esse ligatum. [ibi](#)

cum promissione futuri Matrimonii est similiter dirimens, si ex utraque parte sit materiale simul, & formale. [ibi](#)

vel sequatur, vel præcedat promissionem, dummodo sub eodem Matrimonio. [143](#)

& promissio sit vera, non retractata, aut remissa ante Adulterium, sed reciproce facta, & acceptata. [ibi](#)

Affinitas quid, & inter quas personas criatur. [128](#)

quot ejus species, & ex iis, cui adnexum sit impedimentum dirimens. [139](#)

ad quartum gradum nunc produciur dirimens Matrimonium contrahendum, si ex copula licita. [ibi](#)

quod non efficit ex jure naturali. [130](#)

ex illicita tantummodo ad secundum. [ibi](#)

non parit affinitatem. [131](#)
legalis in sola linea recta est dirimens impedimentum perpetuum.

[141](#)
Amentes incapaces ad contrahenda Sponsalia, qui. [12](#) **Affi-**

Assistentia præstanda a Parocho, &
Testibus pro validitate Matrimo-
nii. Vide *Parochi assistentia*.
Attentatio novi Matrimonii quando
sit impedimentum dirimens. pag.
[143](#)

C

Carceribus detenti ad quam *Paro-*
chiam pertineant pro eorum Ma-
trimonio celebrando. [160](#)
Causæ actionem dantes ad rescinden-
da Sponsalia. 13
ad interdicendum alicui Matri-
monium. 111
Censura Ecclesiastica, vel Excommu-
nicatio præexistens in uno ex con-
trahentibus num sufficiat ad pro-
hibendum illi Matrimonium. 112
Clandestinum Matrimonium olim
illicitum, nunc invalidum. 157
non tamen ubique invalidum,
sed ubi Tridentinum est publica-
tum. ibi.
Concupiscentia augeat voluntarium. 2
Conditiones quæ afficiunt Spon-
salia. [18](#)
de præterito, aut præsentī non
suspendunt obligationem Spon-
salium. ibi.
sed quæ de futuro. 19
quæ de impossibili, innotescen-
te earum impossibilitate appo-
nenti, efficiunt promissiones fictas.
ibi.
ignorata tamen, obligant usque
dum ipsa manifestetur. 20
si fuerit absoluta, & patens, ha-
bentur pro non appositis, si res-
pectiva, & ipse sit, ut tollatur,
conditiones ea affectæ suspendunt
obligationem Sponsalium. 21

si autem conditio fuerit in po-
testate apponentis scilicet eam ef-
ficere de impossibili possibilem,
pro non adjecta habetur. pag. 21
quæ de contingenti futuro sus-
pendunt Sponsalia. ibi.

quæ de turpi, sive ab intrinse-
co, sive ab extrinseco vitiant Spon-
salia. 22

honestæ vero, & in futurum.
purificandæ suspendunt Sponsalia,
qua posita purificatione, Spon-
salia transeunt in absoluta. ibi.

quid de conditione, requirendi
consensum Parentum, seu obti-
nendi. 23

quid de conditione obtinendi
dispensationem ab aliquo præxi-
stente impedimento. 24

& an officiat validitati Spon-
salium. 25

Conditiones apponibiles consensui
Matrimoniali. 21

earum in multiplices species di-
visio. ibi. & seq.

quid operentur conditiones im-
proprie. 24

quid proprie tales. ibi. & seq.

quid turpes. 25

quid honestæ. 26 & seq.

distinguuntur a modis, & quo-
modo. 27

Conditio, prout impedimentum di-
rimens, est qualitas servitutis,
aut mancipii unius contrahentis
ignorata ab altero. 118

si vero ab altero cognita, non
est dirimens impedimentum pro
Matrimonio ineundo. ibi.

post initum, si liber deprehen-
dat statum servitutis alterius, &
consentiat in eundem, convalida-
tur Matrimonium. ibi. nã

nisi effectus sit publicus status servitutis, quia tunc convalidatio fieri debet coram Parocho, & Testibus. pag. 118

sicuti post defectum a libero statum servitutis sui conjugis, ab eo divertere nequit, nisi per auctoritatem Ecclesie. ibi.

Cognatio carnalis quæ, & quomplex, & quando sit impedimentum dirimens. 122

Cognatio spiritualis. Vide *Spiritualis*.

Cognatio Legalis. Vide *Legalis*.

Congregatio S. Conc. Trid. loquitur nomine Papæ, ejusque Declarationes obligant in utroque Foro, & quoad omnes. 6

Conjugatus promotus ad Ordines, inscia, vel invita uxore tenetur redde-
re, sed non potest conjugale debitu petere. 150

Ordinatus vero post divortium legitimum, ipseque divortii causam non dederit, nec tenebitur, nec poterit uxoris debitum solve-
re; Ipsa vero, vel ad Votum castitatis, vel Religiosam Professionem emitte-
re cogetur. ibi.

ad quod ipsa similiter cogetur, si absque vi, dolo, aut metu consenserit in Mariti Ordinationem. ibi.

quod Votum servare tenebitur etiam post Ordinati mariti mortem. ibi.

Coniunguntur quid sit. 122

tres habet lineas, rectam unam, laterales duas. ibi.

earum gradus, quomodo numerentur. ibi.

ad quem usque gradum linea

recta adnexum habeat dirimens Impedimentum. pag. 123

quo jure habeat in primo gradu. 124

an jure naturæ habeat etiam in secundo gradu. 125

ad quem gradum se producat impedimentum dirimens in lineis laterilibus, & quo jure. 126

Consensus mutus conjugum est causa efficiens Matrimonii. 75

eius proprietates quæ. 76

nempe verus, atque internus. ibi. & seq.

quam habeat perseverantiam, quidque operetur. 80

præstitus a Mandatario. 82

a contrahentibus vinclis impedimento dirimente. ibi.

quid si impedimentum sit ex

jure naturæ. 83

quid si ex jure Ecclesiastico. 84

Consensus fictus sacrilegii, & inju-
stitiæ peccato laborat. 12 85

inducit obligationem removen-
di fictionem. 13 86

& reparandi damna. ibi. 14 86

an renovans consensum, qui

fictus consensus, obtinere debeat re-
novationem ejusdem ab innocen-
te. 87

manifestari debet per verba, aut

signa. 88

formule ejus manifestationis ad-
missæ a S. Cong. Conc. Trid. ibi.

non sufficit præstitus pro Filiis

præsentibus & tacentibus. 89

bene vero a Procuratore, si in

mandato sint nomina Procuratoris,
mandantis, & Personæ cum qua

contrahitur Matrimonium. 90

debet esse liber. ibi.

cx-

extortus per metum injustè in-
cussum officit valori Matrimonii.
pag. 90

debet esse mutuus, & simulta-
neus. 91

renovandus post obtentam dis-
pensationem a Pœnitentiaria su-
pra impedimento dirimente quod
præcessit celebrato Matrimonio,
& quomodo. 185

Consuetudo potest inducere impedi-
menta, tum impedientia, tum di-
rimentia, & ex iis quædam abro-
gare non potest. 114

Crimen, prout dirimens impedi-
mentum quid sit. 141.

in Infidelibus non producit im-
pedimentum. 144

in Fidelibus ignorantibus illi
adnexum esse impedimentum, ve-
re producit. ibi.

Cultus disparitas, quæ sit connexa
cum impedimento dirimente. 145

conjug infidelis, si Baptizetur,
ab infideli recedere nequit, nisi
relictus in Infidelitate conjug in-
terpellatur, & decernatur solum
Matrimonium per Baptisma. ibi.

inter Hæreticos, aut Apostatas
ordinarie efficit illicita, non vero
nulla eorum Matrimonia. 145

Cum quibus Catholicis contrahere
nequit licite, nisi impetrata li-
centia a Sede Apostolica. 146

D

Datariz Tribunal habet potestatem
dispensandi in impedimentis pu-
blicis. 174

quæ de huiusmodi dispensatio-
nibus notatu digna. 175

Debitum Matrimoniale conscii de-

præcedente impedimento dirimen-
te nequeunt reddere, aut petere.
pag. 197

idque etiam, si uni tantum in-
notescat, & alter sit in bona fide.
ibi.

quod procedit quoque pro du-
bitantibus, vel ex iis alterutro.

198

dummodo dubium sit practi-
cum, & positivum, & præcesserit
Matrimonii celebrationem, nec
faveat alterutrius bona fides. 200
quæ in Matrimoniali contractu
non sufficit ad firmandum jus e-
xigendi debitum. 201

secus de iis, qui bona fide con-
traxerunt, & postmodum dubita-
re ceperunt de præxistente impe-
dimento dirimente. 202

Defectus qui manifestari debeant
a contrahentibus Sponsalia. 43

Defectus præsentiz Parochi, & Te-
stium est impedimentum dirimens
Matrimonium, & quare. 155 &
156. Vide *Clandestinum*.

Denunciations futuri Matrimonii,
quando, & quibus in locis facien-
dæ. 156

renovandæ, si ab his ultra duos
Menses Matrimonii celebratio dif-
feratur. ibi.

quando ab his præmittendis dis-
pensari possit ab Ordinario, &
quibus ex causis. 157

ex culpa non præmissæ, quibus
pœnis subijciant Parochum, & Te-
stes assistentes Matrimonio. 167

Dispensationes ab impedimentis,
quæ, & quales. 169 170

quæ eas impertiat in impedi-
mentis mere impedientibus. ibi.

P

in

in impedimentis dirimentibus eas concedit solus Pontifex, vel ab eo delegatus. pag. [171](#)

an eas possit tribuere Episcopus in impedimentis dirimentibus occultis, urgente necessitate, & moram non dante accedendi ad summum Pontificem. [172](#)

quibus Tribunalibus elargitur sit facultas eas concedendi. [174](#)

Dataria eas tribuit præsertim pro impedimentis publicis. ibi.

Pœnitentiaria pro occultis, & conscientiarum forum tantummodo respicientibus. [175](#) Vide *Occultum impedimentum*.

ab impedimentibus dispensare potest supra Voto simplicis castitatis, & Sponsalibus occultis. ibi.

a dirimentibus, non omnibus, sed quibuldam tantum. ibi., & [176](#), & seq. pro quibus Vide *Pœnitentiaria*.

dispensationes hujus Tribunalis licet dentur pro foro interno, quandoque valere possunt pro foro externo. [183](#)

Dispensatio in radice quid. [187](#)

non conceditur nisi a summo Pontifice, causa gravissima urgente. [188](#)

Dissolutio Sponsalium, quando ipso jure habeatur. 50

quæ sint causæ dantes actionem rescindendi Sponsalia. 51

an iis positis Sponsi, vel alter eorum resiliere possit a Sponsalibus, nulla interposita Judicis interpellatione. 60

Matrimonii consummati quæcumque accedente potestate humana fieri nequit. Vide *Vinculum Matrimonii*, *Divortium*.

Divites plura habentes domicilia, vel in diversis Parochiis, vel Diocæsis, quodnam ex his eligere debeant pro suis Matrimoniiis valide celebrandis. pag. [161](#)

quid si ruri recreationis gratia morentur. ibi.

Divitiæ supervenientes uni ex Sponsis, an illi dent actionem resiliendi a Sponsalibus. [59](#)

Divortium olim quoad vinculum. [191](#) Vide *Vinculum Matrimonii*.

quoad Thorum & habitationem quodplex. 200 [18](#)

voluntarium debet manifestari Ecclesiæ. 219

factum ob animæ, vel corporis periculum, vel ob sævitiam, his cessantibus, cessat & ipsum Divortium. 220

perpetuum fieri nequit, nisi accedente Ecclesiæ auctoritate. ibi.

Dolus, sicut in reliquis contractibus, ita in Sponsalibus dat actionem ea rescindendi. 53

Dubia Fides malæ Fidei equiparatur. [199](#)

Dubius de impedimento dirimente, & contrahens non potest a conjuge divertere, sed tenetur petere dispensationem. 218

E

Ecclesiæ vetitum quando sit impedimentum impediens, & quando dirimens Matrimonium. 111

Ecclesia Romana, seu Pontifex pro toto Orbe Christiano statuere potest impedimenta dirimentia. 114

Effectus Sponsaliorum, qui. [43](#)

Effectus Matrimonii, qui. [190](#)

Epis-

Episcopus non confirmatus confirmans cognationem contrahit cum confirmato, ejusque Parentibus. pag. 136

Error dirimens Sponsalia qui, & qualis. 10

Error dirimens Matrimonium circa quæ versari debeat. 115
qui esse debet antecedens, vel concomitans. 116

F

Famuli habentes Domicilium Paternum &c. in aliena Parochia, & morantes in Parochia Dominorum, ad quod ex iis pertineant pro eorum Matrimonio celebrando. 161

Fictio quid, & quotuplex in promissionibus sponsalitiis, & vel aliis contractibus. 10 & seq.

non habens animum promittendi, & se obligandi, non tenetur procedere ad Matrimonium. 12

peccat tamen graviter peccato mendacii, & injustitiæ. ibi. & 85

& tenetur sub gravi removere fictionem, vel rescire damna parti læsæ. 13 86

Forma Sacramenti Matrimonii. 66 & seq.

Formulæ manifestativæ consensus. 88

Formulæ exequendi dispensationes Sacræ Penitentiariæ. 189

Fornicatio unius ex Sponsis, intermedio tempore Sponsalium commissæ, num sit contra justitiam. 44

& quando inferat obligationem rescindendi damna innocentis. 46

sive carnalis, sive spiritualis dat actionem ad rescindenda Sponsalia. 55

etiam si Sponsa fuerit vi oppressa, aut rapta. pag. 55
num delicta compensentur, si ambo fuerint fornicati. 56

G

Gradus linear rectæ consanguinitatis, quomodo numerentur. 123

quibus adnexum sit impedimentum dirimens. 124

linear lateralis æqualis, quomodo numerentur. 123

similiter linear lateralis inæqualis. 124

quos gradus harum linearum afficiat impedimentum dirimens. 126

Gradus affinitatis quomodo numerentur. 128

& in quo affinitatis genere, sit impedimentum dirimens. ibi.

usque ad quartum gradum, si a licita copula, si vero ab illicita intra secundum gradum se continet impedimentum dirimens. 131

H

Hæretici num incapaces contrahendi Sponsalia. 33

& si capaces, num illicite contrahant. 34

I

Ignorantia Mysteriorum Fidei, donec pellatur, justa est causa repellendi ad tempus contrahentes a celebratione Matrimonii. 112

P 2

Ignor-

Ignorantia juris, vel facti de cognatione spiritali contracta cum Matre propriæ prolis Baptizate, num liberet ab impedimento dirimente. pag. [132](#)

& ignorantia quod crimini adnexum sit impedimentum, ab eodem criminofos faciat immunes. [144](#)

Impedimenta Matrimonii, quæ removeri poffunt a Sponsis, ab iisdem ex Iustitia removenda sunt. [46](#)

Impedimentum publicæ honestatis, non excedit primum gradum inter confanguineos unius Sponsi, & alium Sponsum. [42](#) Vide *Publica honestas*.

quæ non oritur, nisi ex Sponsalibus validis, & absolutis. ibi. quod impedimentum non tollitur ex dissolutione Sponsalium. [49](#)

Impedimentorum dirimentium numerus quibusdam vericulis expressus. [114](#)

Impotentia, si tolli nequeat per media naturalia, & licita, est impedimentum dirimens. [152](#)

secus, si per eadem media tolli possit, præsertim absque periculo mortis, aut morbi gravissimi. ibi.

absoluta afficit omnes. [153](#) respectiva aliquas tantum personarum. ibi.

antecedens Matrimonio illud dirimit, non autem eidem Matrimonio subsequens. ibi.

quæ naturalis, & perpetua, quæ accidentalis, ac temporanea; & ex iis, quæ dirimat, & quæ non dirimat. [154](#)

Impuberes, num capaces ineundi

Sponsalia, vel Matrimonium. pag.

[36](#)

horum Matrimonia transeunt in Sponsalia de futuro, & pariunt publicam honestatem. [10](#)

Inita a Parentibus pro iisdem tacentibus, num valida. [38](#) [39](#)

Pubertatem adepti, num cogi possint ad Matrimonium. [40](#)

cui data sit facultas resiliendi a Sponsalibus, si pubes, cum Impubere contraxerit. [41](#)

Incapaces qui sint, ineundi Sponsalia jure naturæ, qui jure civili, qui Canonico. [32](#) [33](#)

Infantes quæ ætate sint capaces ineundi Sponsalia, vel jure naturæ, vel Canonico. [35](#)

num peccent inducentes eos ad ineunda Sponsalia ante etatem a jure Canonico statutam. [35](#)

num Ordinaci ligentur impedimento Ordinis, & continentiam servare debeant. [150](#)

Infideles incapaces ineundi Matrimonia cum Fidelibus. [145](#)

ex iis uno Baptizato interpellandus est alter ante legitimi Matrimonii dissolutionem. ibi.

Ingressus in Religionem unius ex Sponsis dat remnenti in sæculo actionem rescindendi Sponsalia. [54](#)

Interdictum Ecclesiæ quando impediat, & quando dirimat Matrimonium. [113](#)

Internuncius sufficit ad contrahenda Sponsalia. [43](#)

Jura Matrimonii, quæ. [191](#) Vide *Debitum conjugale*.

Jus patendi debitum amittunt Baptizantes propriæ Uxoris prolem extra necessitatem. [131](#) Jus

Jus positivum decernit nulla Sponsalia per metum injuste incussum inita, secus jus naturale. pag. 2 & seq.

L

Legalis cognatio. 139, & seq. Vide *Adoptio*.

Ligamen dirimens Matrimonium, quid, & quale. 151

Poligamia Virorum primario jure naturæ prohibita. ibi.

Uxorum quare concessa veteribus Patriarchis. ibi.

in lege Evangelica proscripta. ibi.

nutantia Pontificum ante Tridentinum de ejus licitudine. ibi.

Linæ Consanguinitatis, & Affinitatis &c. 122 Vide *Cognatio*.

Litteræ dispensationum Sacre Penitentiariæ quando lacerandæ, & quando custodiendæ. 183 184

M

Materia Sacramenti Matrimonii quæ. 66 & seq.

Mancipium. 113 Vide *Conditio*.

Matrimonio ligati incapaces ad contrahenda cum aliis Sponsalia, & novum Matrimonium. 122 151

Matrimonii definitio, & nominis derivatio. 64

Matrimonium est verum novæ legis Sacramentum. 65

Ratum inducit impedimentum publicæ honestatis usque ad quartum gradum. 138

etiam nullum, dummodo non ex defectu consensus. ibi.

attemptatum vivo primo conjuge

cum alia Persona similiter inducit idem impedimentum usque ad quartum gradum. pag. 142

Metus officiens Sponsalibus. 2

qui gravis, & cadens in constantem virum. ibi.

qui respectively gravis, & qui levis. 4

gravis injuste incussum ad extorquendum consensum etiam in indeterminatam Personam vitiat Matrimonium. 147

immo licet non directè incussum ad extorquendum consensum. 118

Modi apponibiles Sponsalibus. 25

in quo differant a conditione. ibi.

In dubio modus est potius presumendus, quam conditio. 26

Modi non suspendunt Sponsalia. ibi. si turpes, vel impossibiles, habentur tamquam non adjecti. ibi.

Morganaticum Matrimonium, quid sit. 100

Mutatio notabilis in altero ex Sponsis superveniens dat actionem rescindendi Sponsalia. 58

quid si fuerit divitiarum, aut Paupertatis. 59

N

Negotiatores, & vagi, ad quam Parochiam pertineant pro eorum Matrimonio celebrando. 160

O

Objectum Sponsalium quale. 27

Oculum impedimentum ex simplici castitatis Voto, aut Sponsalibus

P 3

tollit

tolli potest per dispensationem a
Poenitentiaria. pag. 175
quemadmodum ex secundo con-
sanguinitatis, aut affinitatis gra-
du, si per decennium fuerit occul-
tum. 76

similiter ex Crimine. 178
quid *simpliciter oculi*, & o-
mnimode oculi expressio referat.

182

Occultum uno loco, & publicum-
alio. ibi.

Occultum nunc, sed retro publicum.
ibi.

Occultum formaliter, sed publicum
materialiter. ibi.

si impedimentum dispensatum
a Poenitentiaria, ex occulto fiat
publicum, vel ante, vel post Ma-
trimonii celebrationem. 183

Onera Matrimonii, & Jura. 191

Oscula, impudicique tactus unus ex
Sponsis cum tertio an dent actio-
nem innocenti reiliendi a Spon-
salibus. 57

P

Parentum dissensus in Sponsalibus
ducentibus ad Matrimonium illi-
citur, & si prævius, eorum valori
officit. 23

Parentes rationabiliter dissentientes
Filiorum Sponsalibus eadem irri-
tare possunt. 24

Parochi prætentia, quæ ad Matri-
monii valorem necessaria. 156
vel habentis cumulativam cum
ipso. 158

vel ab eodem delegati. 159

Parochus quid, si suspensus, aut
Excommunicatus, non verò Be-
neficio privatus. 158

qui vagorum, Peregrinorum,
Negotiatorum, carceratorum &c.
pag. 164

num Parochus Viri, vel Mu-
lieris. 166

Patrini in Baptismo, & Confirma-
tione contrahunt cognationem
spiritualem cum Baptizato, con-
firmato, & Parentibus. 132 136
unus, & una adnuntantur in

Baptismate. 133

unus tantum in Confirmatione,
& ejus sexus, quo est confirma-
tus. 135

Personæ habiles ad Sponsalia. 31

32 33

habiles, & inhabiles ad Matri-
monium. 73

Poenitentiarie Tribunal nequit dis-
pensare ab impedimento cogna-
tionis spiritualis ante Matrimonii
celebrationem, bene vero post.
178 sed Vide *Tribunal Poenitentia-
rie*, & *Dispensatio*.

Princeps Paganus potest statuere im-
pedimenta dirimentia Matrimo-
nium pro subditis non Baptizatis.

164

Procurator habens solum mandatum
verbale sufficit ad incunda spon-
salia. 42

potest mandatis nomine con-
trahere Matrimonium, si in man-
dato &c. 90

Promissio est ad alterum, & obli-
gat pro rei, aut animi promit-
tentis gravitate. 1 15

futuri Matrimonii cum adulte-
rio est dirimens impedimentum.
142 & seq. Vide *Crimen*.

ficta non obligat. 12 14 15
licet in ejus vim extorta fue-
rit copula. ibi. obli-

obligat tamen ad removendam fictionem, vel ad damna. pag. 16
in sponsalibus, & Matrimonio debet esse libera, & mutua. ibi.
ab uno acceptata tantum superest pactum obligans promittentem. 17
conditionata. Vide *Conditiones*.
Propositum non parit obligationem. 2

Proxenetæ. Vide *Trochælor*.

Publica honestas, quæ, & ex quibus oriatur. 137
in quibus gradibus sit dirimens Matrimonium. 138
Puellæ degentes in Conservatoriis, ad quam Parochiam pertineant pro earum Matrimonio celebrando. 162
degentes in Monasteriis educandæ. ibi.

R

Raptus dirimens Matrimonium. 154
durat, quoties Rapta sit in potestate raptoris. 155
num dirimat, si Fœmina raperit Virum. ibi.
Repromissio necessaria in Sponsalibus, & Matrimonio. 16 & seq.

S

Servitutis status ignoratus ab altero ex contrahentibus est impedimentum dirimens. 118 Vide *Conditio*.
Signa, quæ manifestant Sponsalia. 27
Si dubia, quomodo coadjuventur probationes de *celebratis* Sponsalibus. ibi.

Spiritualis cognatio quæ, & quando dirimat Matrimonium. pag. 131

quando, & quomodo contrahatur, & a quibus. ibi. 132 133

Sponsalium Ethimologia, & definitio. 1

Pariunt gravem obligationem procedendi ad Matrimonium. 2

44
debent esse voluntaria, & libera. 45

valida, & absoluta inducunt publicam honestatem non dirimentem, nisi intra primum gradum. 43

per metum injuste incussum. iniuncta non sunt via ad Matrimonium, nec pariunt publicæ honestatis impedimentum. 7

si conditionata, non nisi post adimpletam conditionem. 14

Sponsalia Impuberum. Vide *Impubes*.

quando ipso jure dissolvantur, & quando mutuo contrahentium consensu. 50 & seq.

quæ causæ dent actionem rescindendi Sponsalia. 53

promissio de incunctis Sponsalibus non est Sponsalitia, nec parit publicam honestatem. 110

iniuncta cum uno sunt impedimentum impediens, ne contrahantur cum altero. 112

Substantialia, quorum error dirimit Matrimonium, quæ. 115

Sumuntur secundum eorum esse morale, ut veniant etiam qualitates accidentales, si assumptæ a contrahente per modum substantiæ

117

Suf-

Suspicio rationalis latentis impedimenti dat causam interdicensi ad tempus Matrimonium celebrandum. pag. 112

T

Taciturnitas Filiorum officit valori Sponsalium a Parentibus initorum.

10

similiter valori Matrimonii. 89

Sponsorum tempore convento non curantium Matrimonii celebrationem. 47

Tactus impudici. 57 Vide *Oscula*.

Tempus Feriatum unum ex impedimentis impedientibus. 111

Testium, & Parochi praesentia necessaria validitati Matrimonii.

157

Poenae iis debita, si Matrimonio praesentiam praestent, cui non praecesserint denunciationes. 167

num sufficiant, si Foeminae. ibi.

& qui requirantur, & sufficiant ubi non est acceptatum Tridentinum. 165

Timor gravium discordiarum justa est causa interdicensi Matrimonium. 112

V

Vagi, & Peregrini ad quam Parochiam pertineant pro valore eorum Matrimonii. 160

Vetustum Ecclesiae. Vide *Ecclesiae vetustum*.

Vinculum Matrimonii consummati jure Divino indissolubile. 193 209

Vis dirimens Matrimonium quae. 146
sumitur etiam pro metu. pag.

147 Vide *Metus*.

Votum simplex est rei promissio, non traditio. 121

Votum simplex castitatis, vel ingrediendae Religionis, vel suscipiendi Sacros Ordines dat actionem rescindendi Sponsalia non voventi. 54

impedit Matrimonium contrahendum. 106

emissum post Sponsalia quid operetur. ibi. & seq.

Votum solemne castitatis Matrimonium dirimit. 119

& quidem jure Divino. 120

Votum adnexum Ordini Sacro num sit simplex, vel solemne. 121

quare adnexum Ordini Sacro.

ibi.

Votum emissum a Jesuitis post Novitiatum ex Indulto Apostolico dirimit Matrimonium quousque manent in Religione. 122

Uxoridium, vel Viricidium utroque conspirante dirimit inter conspirantes Matrimonium. 142

cum adulterio etiam sine conspiratione est dirimens. ibi.

X

Xenodochium non efficit Peregrinos ejus Parochiae, cujus illud est, pro valide incundo Matrimonio, bene vero Nosocomium graviter in eo egrotantes. 162

LAUS DEO.

ERRATA

ERRATA

CORRIGE;

pag. 6	lin. 34	cumulatissime	cumulatissime
12	31	reprimittenti	repromittenti
13	38	promittente	promittentem
17	12	hereditari	hereditari
19	39	dispositionis	dispositioni
25	39	effic	efficit
36	37	in habiles	inhabiles
50	19	permissioni	promissioni
66	24	nunc huiusque	nuncusque
69	32	in quam	inquam
77	18	di uere	diluere
82	23	quo ad	quoad
92	6	viteretur	vitaretur
93	21	mei. si nascuntur,	mei, si nascuntur;
94	8	sint involutæ	sunt involutæ
	ultima	percutur	operentur
110	8	indirecte	indirecte
114	3	reprehenses	repræsentet
125	8	Doctorem	Doctorem
151	37	a catholica	A catholica
167	8	assumitur	assumitur
176	21	præter quam	præterquam
198	37	statim hac	statimac
205	25	Apostolorum	Apostolum
219	40	ju	jus
	41	sevo	sevo

Vidit D. Michael Angelus Griffini Clericus Regularis S. Pauli, & in Ecclesia Metropolitana Bononiae Penitentiarius pro Eminentiſſimo, & Reverendiſſimo Domino Domino VINCENTIO Cardinali MALVETIO Archiepiſcopo Bononiae, & S. R. I. Principe.

Die 25. Julii 1772.

Videat, & referat pro S. Officio.

A. R. D. Carolus Maria Offredi Cleric. Regul. Teatinus in Univerſitate Bononiensi Tub. Theologiae Profeſſor, ac S. Officii Reviſor.

F. Petrus Paulus Salvatori Inquiſitor Generalis S. Officii Bononiae.

Die 1. Septembris 1772.

Nihil contra Fidem, nihil contra bonos mores continet Liber, cui titulus = De Sancto Matrimonii Sacramento precipua Divini &c. Auctore D. Dominico Lanzerini in Eboronienſi Archigymnaſio Publico Profeſſore, quemque mandante Reverendiſſimo Patre Inquiſitore Generali attente perlegi. Ita &c.

D. Carolus Maria Offredi C. R. S. Theol. Public. Profeſſor, & S. Officii Reviſor Ord.

Die 5. Septembris 1772.

Attenta ſupraſcripta atteſtatione

Imprimatur.

F. P. P. Salvatori Inquiſitor Generalis S. O. Bononiae.

KONSERVIERT DURCH
ÖSTERREICHISCHE FLORENZHILFE
WIEN 1967

